


龜巢藁序

毗陵謝先生昔避地吳淞之上余造自燕至吳  
予友涿郡劉子南氏嘗道先生姓名學行之懿  
予願見而未暇焉後十年識先生之仲子林于  
崑山則先生已歸隱于毘陵矣又十年婁東袁  
子英氏以先生年八十邀余賦為先生壽繼又  
告曰先生之門人王著集先生之詩鐫諸梓徵  
余文叙卷端予辭以未識先生又未嘗閱先生  
之詩集何敢率爾從命且

何能贊





一辭于其間哉予言又豈足為先生軒輊哉然  
子南既稱先生于前子英復頌先生于後况嘗  
與先生之子林連床累日觀其從容詩禮秀拔  
儒林則先生之言行可知已傳曰不知其人視  
其友不知其父視其子又奚必識先生之面誦  
先生之詩哉嘗聞先生之為人耿介尚節義與  
世寡合其為詩也非有闕于風化者不為非有  
得于性情之正者不能也惜先生不少試其才  
于時肥遯終身為先生有辨惑四卷行于世皆

發先儒所未發云時洪武其于後學豈小補哉  
予姑述所聞者如此先生名應芳字子蘭號龜  
巢云時洪武十二年歲己未七月既望前浙江  
儒學副提舉豐城始豐山人余詮叙



龜巢藁序

文章與時高下昔人有是言也有能處憂患顛沛之中不為外物之所搖奪形于言解無感迫憤懣之病有異于昔人之言者惟君子為能之吾于子蘭先生之文見之矣先生蚤有俊譽嘗為李晉仲俞用中諸公所知生平重然諾勇于敢為細繹經史作為文章咸有根柢與人論辨置、不少休在鄉里時請復鄒忠公墓寓吳中又請作頌元公廟世俗怵手異端而說先生因



取經傳之言作辨惑編以警之其襟度磊落識見雅正寔為士林所推重洪武十年冬先生之子林以郡府所舉至京師先生以書諭熊曰蘭有舊作學子王著欲板刻之乃為類叙以從其請子其序之庶不為醬豢矣曩先生避兵時雖漂搖逆旅中所至人欽其德望延致恐後巢室松江之傍講授之餘以詩酒自娛熊托交十五年一時倡和若楊維禎廉夫倪瓚元鎮顧瑛仲英俯仰之間淪茲泉壤先生年踰八十歸隱

橫山寔為後進之所景慕其所著述有不期于傳而自傳者矣吾友中書舍人閩人張至道評先生之詩雅正純潔法度整嚴可與傳與厲相伯仲識者以為名言熊竊觀先生養之厚氣之充言行卓々如此蓋喜聞而樂道之者因以冠之篇端先生姓謝氏自號龜巢老人故名其集為龜巢文藁云范陽盧熊序



龜巢藁目錄

卷之一賦

弔豫讓賦

斥鴳賦

禦寒賦

肺石賦

酒賦

卷之二詩

元昆陵謝應芳子蘭父著

復賦

承露盤賦

閒居賦

四靈賦

國家圖書館, NATIONAL CENTRAL LIBRARY, TAIWAN, R.O.C.



奉陪登金牛臺

和蘇竹逸秋日懷鄉

呈趙徵士

江碧山分韻

自賀

遊觀樓次韻

栽桑

九日對雨

養鶴

送李知事赴邵武

送凌萬里歸海陵

郡學夜坐

送兄遊補陀四首

寄錢塘教諭金君捷

哭王伯祥二絕

惠山泉和翟玄韻

耕隱

送任僧歸靈隱

寄金陵陳雲心

送陳漢卿赴江陰

慈親年八十四首

聞陳子山廷試第一

題胡婦殺虎圖

鮮于瑞卿還碧亭

輓朱逸齋三首

送秦彥明二首

送趙方叔入京

贈術士楊南溪

立秋

和孫伯昭佛社

贈丹陽諸葛鍊師

題蔣仲益野趣亭

代簡蔣成玉三首

送牛季和赴旌德

慈烏

次韻贈余御史

國家圖書館, NATIONAL CENTRAL LIBRARY, TAIWAN, R.O.C.



陪遊仁惠觀二首

邀高則誠郊居小集

趙君模過訪

同友應試阻風

送溧陽王元仁

丹陽道中早行

謝全僉憲惠布

除夕和諸葛用中韻

寄陳修撰

諸葛用中邀賞牡丹

次韻羅居仁閒居

楊氏橘隱軒

義鵠

陳伯大等見過

傷田家二首

菊泉詩

嘉定雜詩

崑山

寄郝仲儀二首

過太倉

簡崔徵君

和王文振遣興

送陳縣尹之東流

哭全僉事

羣鼠

寄惠山鑿長老

答友人問訊

元日試筆

送程以文入京

和張君益南園新居

王元德索詩

答凌萬里見寄

送辛明善之縉雲

題桃源圖

壽張子毅

避雨

國家圖書館, NATIONAL CENTRAL LIBRARY, TAIWAN, R.O.C.



送崔仲德歸錢塘 送盛本初之全椒

題辛至善永思亭 次韻陳知遠言懷

題成趣軒 李御史過訪

題畫鷹 曹城廟

懷江浙高掾史 河魴

過道鄉先生墓 簡吳門葛可久

寄謝俞府判 瑠花行

謝王長史 賀高太尉

次韻陳心遠久雨 謝復鄒忠公墓田十首

三月歸田舍五首

記夢 併序

客來 答馬仲達

得家兄信 初度有感

別詹魯賢 送劉千戶歸營

訪高孟立 題陳時舉宅畫壁

答孫伯昭 哀陶堯佐

馬掾史見招 西湖曲

舟中懷馬掾史 舟中懷辛至善

望官軍 示長子木

國家圖書館, NATIONAL CENTRAL LIBRARY, TAIWAN, R.O.C.



嚴將軍馬戰歌

別姻家尹居士

贈花御史

過無錫口號

謝楊鉄崖先生

代簡蘇景瞻二絕

卷之三詩

養竹成大林

樹頭鴉鷗鳴

寄俞用中

痛墓樹見伐

五噫歌

憶兄

三五七言

歲莫獨歸

西膠山雪晴

歲旦徐達卿席上作

元夕寓田舍有感

贈錢夢弼

寄陳天倪等

陳大翁過訪

寒食聞鄉信口占

訪孟伯堅不遇

刺促行

題春林雨意圖

懷周履道

狗寨謠

壽玉山人

贈別顧玉山

留別顧玉山

贈道傳上人

送蔡伯昇避澱山

陳湖夜泊

訪因自明

懷玉山隱居



懷袁子英

懷諸葛用中

詠黃甘

贈錙元臣何士安

賦別錢夢弼

謾興十一首

顧國衙席上

宿壽上人山房

訪貴上人

聯句  
和各

送梅州判之崑

端午瑞光寺作

對雨書懷

次韻贈管伯齡

甫里先生

次韻袁子英

江上女

送顧玉山遊

和金粟塚燕集詩

書畫舫留別

來龜軒

口占贈袁子英

簡袁子英

送照元明

陪高太守讀易有感

人日懷管伯齡等

答劉景儀

寄顧玉山

和玉山初夏言懷

寄悅堂長老二首

踏車歌

和陶菊庄二首

贈梅判官

觀浴佛有感

和玉山重構釣月軒

夏夜作

陪遊姜公墩



送愚隱上人二首 兼簡磧沙諸公六首

寄趙君綽 送扇贈趙執中

寄天章上人 簡西白長老

贈費克明知州 簡湯君說

送愚隱主萬壽寺 題林泉雅趣圖

寄屈時中諸友 逢鄉僧昱東明

寄梅子玉 奉寄楊鉄崖先生

題悅堂城南小隱 題淵明采菊圖

送別顧玉山 寄愚隱長老

寄居中長老 和玉山排悶

和焦任道 寄趙彥深

寄杜玉泉昆弟 碧雲山房分韻

雨夜懷朱澤民 和鄒弘道遊磧沙寺

寄路以道 送居南山還嘉禾

題月下泛舟圖 謝路以道

賀梅同知遷秩 和卜思賢韻

寄呈謝杭州 飲金粟塚賦詩

贈章彥復 偕愚隱過玉山草堂

國家圖書館, NATIONAL CENTRAL LIBRARY, TAIWAN R.O.C.



簡西白長老

玉山席上分韻

輓呂輔之

寄郭義仲

和玉山留別

代簡牛彥伊

題瘦馬圖

寄張彥復

寄開天啓長老

贈趙善良

贈華子強父子

答盛彥英

答惠上人

答崔彥麟

自述

過吳江三高祠

寄僕知州

答徐伯樞

中秋壽朱明道

和侯良齋秋懷四首

六柳庄

朱原道席上

為吳中衡題畫

答班仲英

題春江獨釣圖

過王御史墓

簡金君玉

聞杜玉泉卧疾

次韻沈啓之宴飲

贈慶別駕

送人妾為妮

次韻路義道見訪

鄭啓南縣丞出郭

上元夜賦雪

訪路義道二首

贈楊君濟縣丞



寄蕭舜卿

達至善小酌分韻

雪舟詩

和沈啓之早春言懷

簡錢仁山

和徐伯樞排悶

答徐伯樞

贈星術王達夫

和郟州判三首

雨中寄友

卷之四詩

簡楊縣丞董役

贈劉旭齋過婁江

慰玉田悼側室

送玉田徙碧山

寄劉景儀

寄悅堂長老

次韻杜子才

自述簡諸故人

答戴麟隱

寄丁彥誠

贈沈彥肅

旭齋歌次鉄笛韻

題鄒明壽草堂

答楊獻可

寄因本初講主

寄謝楚芳

代簡崔宗明二首

壽徐主簿

贈申仲義

次韻沈啓之立春

贈僧

陪周明府過顧將禪

次韻簡徐伯昂

簡徐伯昂



寄徑山長老

壽慶治中

寄題碧雲禪老山居四絕又和律詩一首

寄沈德齋

贈醫士單子達

講大雲講主

寄朱道源昆季

偕俞仲寬過僧舍

勁節亭詩

懷徐伯樞諸友

偕俞仲寬遊普光寺

會林才元普光寺

送和彥良

贈張孟文

贈木蘭亭上人

患疽自嘆

次韵徐伯樞見寄

贈薛宗師

早春訪蔡君立

題許君善諸函

訪趙鵬南

安素軒

西溪小隱

題清江泛月圖

雪山圖

和普講主

和趙鵬南春詞四首

遊南山和伯昂韵

寒食有感五絕

遷居

代簡頤玉山

哭杜玉泉二首

述懷四首

悼杜玉溪

答徐伯樞見寄二首

國家圖書館, NATIONAL CENTRAL LIBRARY, TAIWAN, R.O.



邀管伯齡許君善鄧宜之端午小集

邀月田上人  
次韵答許君善

即事  
代簡大雲講主

和朱公路  
壽張寔甫

贈勝無能上人  
寓真覺菴賦十首

題水仙花  
簡蔡君立

與諸友論詩  
答明南重九之約

贈筆生王伯純  
瀋城風雨近重陽晉

兩年九日情景二首  
贈劉旭齋併序

賀張伯仁  
方池詩

和許君善郊居十首  
淮夷篇

十月過吳門  
過無錫書所見

歸故里  
寄朋南執中二趙君

和施天朋二章  
寄愚隱剛中二禪老

寄侄僧二首  
和馬公振二首

次韵答馬公振  
和周明府

田家謠  
輓趙貞白

寄謝趙朋南諸友  
簡熊元修



贈吳逸菴

寄張伯祥

石頭箭歌

次韻席講主

宿詢無言山房

答許君善

寄悅堂長老三首

次韻答許徵士

過無錫梅村口占

中秋三首

題竹石圖

聽秋軒詩

賦別韓仲禮

和許君善中秋吟

賀希長老還山

和紀叔維中秋

題江村讀書圖

寄傅恢上人

和公振江上早行

和衛澄遠雪詩

和楚蘭江應制作

寄顏長老

過王德修草堂

次王德修韻

和吳斯民感懷

劍井

獨孤公檜

惠山泉

陽羨茶

歲朝示二三子

寄悅堂長老二首

懷許君善三首

寄趙朋南二首

寄趙執中二首

寄吳中衡

芙蓉城仙人歌

國家圖書館, NATIONAL CENTRAL LIBRARY, TAIWAN, R.O.C.



寄黃宗禮

懷徽太古

冬至和陳縣丞

逸菴詩四首

送李彥明歸高郵

寄題錢仲毅煮茗軒

賀王松溪

送松溪歸華亭

雨宿縣學齋舍

宜興謠併序

椎結舞

除虎窟

枯桑

霹靂斧

坎井蛙

生子以尹名

鞍馬勞

送丞漢德徙居臨濠

贈董明府

寄錢夢弼

送虞長史歸閩

野人居短歌三章

過馬公振南江草堂

卷之五詩

贈邵濟民

慈烏曲

焦桐曲

芝秀軒

歲晚言懷八首

和陳貳令遊善權洞

鄉飲酒

謝董明府惠炭

雨中懷秦主簿

懷儲教授



次韵言懷八首

送秦宜仲之京

送主上人

次韵袁仲微見寄二首

借韵寄蔣以忠

借韵寄劉小齋

謝許克敬惠炭

病愈謝董明府

常郡泮宮詩

武邑新學詩

雜詩四首

二月二日漫興

送安上人

禱雨三首

寄俞伯鎮

壽董明府

答性天之長老

病中即事二首

謝周彦美諸友

示子

懷中吳中行

寄熊元修

寄趙朋南

寄盧公武

送殷孝伯之咸陽

護國寺對雨

和林韵

送性天之上人

徙居橫山口號罾

答袁子英

上臺官

輓謝天民二首

題白雲親舍圖

和鄧縣丞出郊二首

送長史仲野

贈眼醫張嘉甫

國家圖書館, NATIONAL CENTRAL LIBRARY, TAIWAN, R.O.C.



贈周寔翁

兒子木釋屯種歸

吳中行惠方竹杖

即事二首

六言二首

次韻陳仲庠見寄

答陳谷禪老四首

送孫太守奔喪

送源無竭回金山

復愁

慰陳漢廣

重遊虎丘寺

過吳門

答姜天定二首

送任叔正歸上海

送董經歷奔喪

宿丁堰贈王主簿

夏五過鄒墓口占

代簡張希尹

雨中懷任義甫

蚶盃

次韻管伯齡見寄三首

贈刊字闕士淵

寄盧公武舍人

送同知遷太守

送史宗儒省親

寄金華尹經歷

送田副使父憂歸

送張常州入覲

送啓東王御史赴京

送陶孝思赴召

張知府送祖考墓碑

和賈教授還鄉

寄賈教授相期

道鄉祠堂詩

題雪山圖

國家圖書館, NATIONAL CENTRAL LIBRARY, TAIWAN, R.O.C.



同友人祭鄒墓

送通判知蘇州

寄張熙載問疾

和賈教授詠懷

重九次韻

又和寄秦宜中

贈辛林甫

卷之六詩

雪巢

次韻答許西溪

次韻自述

送婁主簿赴京

寄張以誠二首

雪舟棹歌併序

送王主簿赴京

雪岩

寄希物先楚蘭江

過烈塘祖墓

懷趙執中三首

寄熊元修

晚香亭

題傍梅書舍

答毛雲莊

輓鄭玄禮二首

延陵野老歌

寄呂敬諭覓惠山泉

寄袁子英

謝余提學摘藁序

輓吳母

代輓吳母

寄蘇偉正

次賈教授莫春言懷

錢孝女詩

和鄭教諭登樓



答陳推官

和陳推官過余公祠

輓殷孝伯

哭盧知州二首

送浦良之安陸府

寄徐伯樞

聞客語喜紀盛事

題夜潮圖

謝郭府判

呈府官刊思賢錄

題畊漁軒

生日口號二首

送聰上人

送僧歸四明省母

送鄭教諭之京

寄行中和尚

次陳推官元旦作

招鄉中親友

寄管伯齡

簡張伯仁兄弟

簡伯仁里中親友

簡趙朋南

懷次子林

服霞道人歌

貽劉永真

雲收詩

王叔明雲峯圖

秋林讀書圖

題村田樂園

喜雨和次子

寄鄭教諭

寄謝楊純夫

寄袁子英

贈衡隱居

題漁人板罾圖

溪居垂釣圖

國家圖書館, NATIONAL CENTRAL LIBRARY, TAIWAN, R.O.C.



答管伯齡

聽雨蓬

醉琴

海萍

輓王氏祖母

酬陸子文見贈

答集講主二首

風波詞

謝李無逸

自輓二首

輓張溝南三首

答張子才見寄

感年

天有眼

天有耳

寄野居處士

和任義甫三首

九日志喜

題松溪釣魚圖

問訊林大菴至真公

簡銘祖心

題觀松圖

玉峯舊隱圖

輓王仲昭

贈醫師張有成

贈呂克明

寄明學袁先生

自和感年

逸菴詩

清澹子詩

題聰聞極水仙

題松菴圖

送任義甫之京

賀辛彬甫

悼昇東谷和尚

亾室初度



書目前二事

次韵錢彥學七首

題天葩雲液軒

壽任義甫

次韵彭知縣

懷中衡心友吳

代簡張子才

寄王有恒

卷之七詩

龜山祠

簡曹谷賓

簡袁庠仲陳

簡江陽鄭敬諭

簡劉小齋

紀周節婦五首

大林菴佛廬落成

答袁仲徵

悼熊元修

答袁庠仲二首陳

又和袁仲徵陳庠仲去冬所寄之作

答袁仲徵見寄

四皓圖

瓜隱為邵濟民

簡袁畊學先生

壽萬拙齋十首

久陰雨

贈時義甫

貽呂雋

輓徐仲清

夏五即事

寄王尚綱諸友

簡華景彰

寄辛彬甫

和毛伯尚雪中登塔



壽諸葛節婦

獨孤公檜併序

寄聰上人

題棲居晴空圖

贈應孟恭碧桃

雨中口占二絕

謝甥孫女惠鞋

贈盧長嬰

寄南宗僧綱

寄一舟禪師

寄西傳法師

懷詹伯遠

寄岳陳齊二首

寄源竹淵

寄周石泉

中秋前小詩十首

咬菜根處

輓管伯齡二首

輓陳存心先生

鶴鶉圖

題清微觀併序

懷袁畊學諸故人

寄清真觀道士

寄延福菴主

寄僧長老

寄勝上人

寄僧善性空

送郁友文之京

答瓢齋先生二首

贈綱贊公二首

過徐士廉別墅

寄楊彥澤

送秦文仲歸上海

寄東堂長老三首

橫山白龍祠

簡沈時敏二首



憂旱吟

又自述同示

雲林書舍

贈南宗和尚

謝唐允明

弔竺淵源公

蕘瓦歌

寄習訥二講主

寄性空山主

示家子及孫

祭禰忌日

賀潤天澤

荳腐詩併序

答袁畊學先生

寄南京僧綱二首

松竹梅三詠

寄辛彬甫

寄呂克明二首

次韵自述二首

短歌行

寄朱季明

輓王達善母

和王有恒野步二首

糟丘作

和王有恒

端午

寄劉小齋

感懷

冬至前寫懷二首

題讀易齋

塗謠

和王有恒見贈

攬翠竹

苔溪獨釣圖

窮快活

代簡張履道三首



寄宜興教諭

追念疇昔

送性存真公

寄南京僧綱

哭畊學先生

感物三首

秋興七首

周可大新充糧長

初度言懷併序

二周詩併序

示二子併序

賀西傳和尚

賀辛彬甫

次韵徐伯樞

併寄題膠山幽居

送丁敬止

代簡陳子章

和鄒士文

水獺檀帽

林塘幽

謝府教授縣訓導

再謝

詠懷

寄樵海教授

寄集詢二講主

寄陳明遠兄弟

懷辛至善

素醜酬

答臧尚迪二首

又答毛伯尚二首

憶昔行

揚文靖公祠堂詩

送垣戍蜀屯所

即事簡臧毛二友

寄呈崑學訓導三首

屯田歌

國家圖書館, NATIONAL CENTRAL LIBRARY, TAIWAN, R.O.C.



道旁語

椿萱堂

老蚕

代簡高彥述

和遊大林菴韻

卷之八詩

寄徐伯樞

懷俞伯鎮

送楊景子

新堂

上李太守

負暄

懷詹蘿屋

送秦教諭歸老

寄孫秀民

示孫塏

次韻謝長史

初度作

謝郡侯見贈

自和寄黔陽

橫山歌

留別

復答陳德廣

哀詩

重午日小酌

寄袁仲徵

卧雲歌

得塏口信

簡陳子章

癸亥夏五

和陳德廣自壽詩

答華以愚

東西家

寄陳庠仲

代簡費延年

國家圖書館, NATIONAL CENTRAL LIBRARY, TAIWAN, R.O.C.

和鄭朝宗

雨晴懷毛伯尚

哀詩

讀大誥作卷歌二首

贈陳棲雲

贈周彥美

簡王尚綱

贈詹伯遠

示孫塏四首

初冬感懷

杜撰古樂府三章

樵海歌

寄源別流

對月口占

釋任義甫

贈蔣居士

贈袁居士

正月既望口占

水田歌

喜逐昇佛像

題打球圖

留別薦福寺長老

哀沈德麟母

詣烈塘祖墳

答江陰鄭敬諭

遊仙詞

輓萬拙齋

飄風追昔

寫節婦

寄清真觀

代簡吳中衡

寄題詹伯遠蘿屋

雪中遣興

贈張鍊師

悼大林菴日公

輓無錫王



感事二首

邀舒文允小酌

題秦仲暘雨竹

送徐士方

觀音柳

羅漢松

答鄭玄齡

宿僧房澹泊齋

懷郡城諸友

賀太平寺講主

感興

端午日懷古

西塘詩

端午後雨阻二絕

八面獸二首

追悼諸葛用中

寄鄭秉文二首

寄陳彰遠兄弟

寄辛至善

寄周石泉

三笑圖

風雲雷雨畫四首

野雲歌

買臣讀書圖

紅梅詩併序

次韵酬源竺淵等

獨狐公檜併序

題牽牛圖

題鷺鷥便面

出門

題僧房澹泊軒

題江山漁樂圖

答王有恒

戲作索布

贈天寧寶滄海

悼周彥美二首

國家圖書館, NATIONAL CENTRAL LIBRARY, TAIWAN, R.O.C.

卷之九詩

上錄囚官

婁曲書堂

烈婦歌併序

寄倪元鎮

題淵明采菊圖

遊姜公墩

和蘇杭懷古六首

和馬公振遣興

簡顧仲瑛

丘氏節孝詩

祭顧仲瑛

解嘲

過太平寺塔

題杜拾遺像

遣悶

雲文閣

古鼎歌併序

戲綠堂併序

過季子祠

祭劉龍洲墓

送慶德謙之京

簡顏長老

玉山高處

小至

寄鮑仲孚

除夕

次韻楊提學

西野草堂

書露筋廟碑後

冬至即事

憶次子林

送楊純夫

雪蓬

過顯慶寺



書潞城樵舍壁 署

簡劉德祥

題佩韋齋

贈黃仲器

悼許君善

贈王仲昭父子

輓吳逸菴

慈竹軒

簡湯曹二賢良

過橫山龍祠

皇恩蠲租 併序

與次子林

送沈居士

賀袁一泉陳大方

賀聰聞極正心印

贈無學長老

府官重修多稼亭

周節婦詩呈府縣官

再贈衡志道 併序

寄陳糧長

送曹德昇

謝縣助葬

謝新鄭縣官

述懷

人日二首

寄南澗海莘二講主

寄張仲安諸友

玉溪義士

輓唐君舉

過無錫口號

題漁樵共話圖

贈錢伯祥

題扇

題子昂竹石圖

安道人歌

遠綠亭

國家圖書館, NATIONAL CENTRAL LIBRARY, TAIWAN, R.O.C.

宿崑山延福菴

題崑縣主簿先茔圖

題竹枝雀圖

題玉峯書舍圖

題畫魚圖

題畫竹

題雪竹圖

延福山中客况二絕

一般春

寄鄱陽縣唐生

和舒文允

頌人物具并

輓曹子毅三首

胡敬之歲餽新橘

紅梅

歲旦言情二首

寄盧長嬰

卷之十詩

贈馬吉卿

山人家

對雪口占

費知府重修學宮

代招路徵君

贈水西長老

雪中懷玉泉諸友

元日早起

和遊道場何山詩

寄楊鉄崖

次鉄崖過李墓

寄西溪梅公

寄贈費伯謙

簡趙執中

楊鉄崖所題畫像

題清流堂

國家圖書館, NATIONAL CENTRAL LIBRARY, TAIWAN, R.O.C.



懷道傳上人

懷滄海上人

又自述

和徐伯樞

贈徐仲剛兄弟

贈慶德謙

還珠詞三首併序

代簡錢夢弼

絕句

夏五雜詩四首

和徐仲剛歸田

寄甯伯讓

寄銜雲法師

和沈啓之詠梅

弔願將軍墓併序

寄徐頤齋

九日

送陳希玄

題梅竹水仙圖

代簡倪雲林

贈馮縣丞二首

題墨竹

贈盧知州二首

可笑

寄願仲瑛二首

麥秋歌

和贈夏師魯

寄袁仲長

送徐伯樞兄弟

送費伯謙

鉛上人席上

遣愁二首

和送慶德謙

留別愚長老蘇先生

答徐伯樞

輓雍逸處士

國家圖書館, NATIONAL CENTRAL LIBRARY, TAIWAN, R.O.C.

寄謝雙陽沈仲庸 答朱明道等九首

併自述 簡朱志道昆仲

詠具區耕叟 臆月

懷野舟開長老 訪王孟翼

送曹廣文 雨中懷徐草堂

和清明郊行六絕 壽徐伯樞

贈曾天民 崔掾史省母

和詠物二首 寄陳子章

賀陳子經 附問元明師

感物二首 和感事二首

答因了菴 哀普講主六首

寄孫彥民 題水仙山磐梅花圖

元日漫興 簡曹仲鉉

送贈題日本 張伯祥惠詩口占

賀陳思忠 水村歌二首

答許君善 答焦任道

贈朱公路 謝任道惠畫

答馬公振三首 寄野舟長老

國家圖書館, NATIONAL CENTRAL LIBRARY, TAIWAN, R.O.C.



橘隱軒

卷之十一 詞

驀山溪

滿庭芳

自和

蘇武漫

一剪梅

風入松

金縷衣

沁園春

沁水曲

又和

滿江紅

風入松

沁園春

西江月

風入松

南鄉子

水調歌韻

水調歌韻

滿庭芳

沁園春

南樓令

滿庭芳

菩薩蠻

西江月

摸魚子

憶王孫

和前韻

點絳脣 五首

水調歌頭

八聲甘州

又和

水調歌頭

國家圖書館, NATIONAL CENTRAL LIBRARY, TAIWAN, R.O.C.

水調歌頭

沁園春

點絳脣

風入松

點絳脣

八聲甘州

滿庭芳三闋

水龍吟

賀勝朝

滿江紅

沁園春

鵲橋仙

一剪梅

又

又

江城子

卷之十二書

上奉使宣撫書

與王氏諸子書

論吳人不當祀范蠡書

代與李中丞書

上敬諭論土地夫人

又上盛敬諭書

于周侍御作頤元公祠堂碑書

上王總管正風俗書

賀丁判州到任書

與陳翰林子山書

上周叅政正風俗書

與劉旭齋書

與殷孝章書



上何太守書

呈府侯書

與孫彥民書

慰願國衡喪父書

與陳彥直書

與許鈞善書

與袁子英書

與京口俞伯鎮書

答熊元修書

與僧任德藏主書

與蘇性可書

與吳趙二心友書

答許鈞善書

答管伯齡書

與盧公武書

與陶孝思書

上樊大尹書

答袁子英書

與賈教授書

與鄒鈞顯書

與唐伯遠書

與李石泉書

答袁子英書

答惠子及送泉書

與曹師禹書

與雪心長老書

答集講主書

與林放諭書

與熊元修書

與吳中衡書

與馬公振諸友書

答謝袁子英書

與姜天定書

與袁耕學書

與俞彥智書

與海萍講主書

國家圖書館, NATIONAL CENTRAL LIBRARY, TAIWAN, R.O.C.

與余通政書

與張子才書

與陳彥直書

與王季高書

與曹德聲書

又

與袁耕學書

與高彥述書

與辛彬甫書

與任義甫書

與孫彥銘書

回黔陽簿長孫書

與陳德廣書

答呂克明求序書

與張子才書

與吳中衡書

賀府教授到任書

卷之十三 疏

三教堂修造疏

元山主造退居疏

梁寶寺修造疏

謝雨佛事疏

謝恩誦法華經疏

謝法華經疏

謝聖恩蠲租疏

結社畫淨土疏

海印菴起山門疏

請誌寶師掩壙疏

待雲菴雕觀音疏

請蔣居士造諫壁橋

請蔣月堂建橋疏

置供佛花板疏

天惠寺請愚隱疏

請亮西山住寺疏



天惠寺請西山疏	送愚隱住萬壽寺疏
送毅剛中住寺疏	新創水雲菴疏
賀悅堂住徑山疏	東隱菴化齋糧疏
募化畫十王像疏	西歸菴化齋糧疏
千墩寺造木橋疏	薦父水陸道場疏
水陸道場榜	廣濟菴化修造疏
蛟龍菴塑觀音疏	忠清菴修造疏
萬峯菴修造疏	化城菴鑄銅鐘疏
佛會祈禳疏	化衣鉢疏

法華經會疏	西歸菴化修造疏
散花文	募燈油疏
修梁武懺疏	二聖菴浴佛疏
滄洲菴修造疏	化城菴募緣疏
翻葺大悲殿疏	齋僧簿叙引
釋氏舉棺文	活套起棺文
剃僧頭致語	募造藥師琉璃燈疏
薦父醮詞	妻亾終七設醮疏
早壇詞	午壇詞

國家圖書館, NATIONAL CENTRAL LIBRARY, TAIWAN, R.O.C.

晚壇詞

幽醮建壇詞

早朝詞

午朝詞

晚朝詞

請詞

薦父幽醮建壇詞

薦父請詞

醮星請詞

幽醮薦父請詞

道士化法衣疏

請曹月湖舉棺疏

請鄧混然起棺疏

仁惠觀請周彥忠疏

代請孫伯昭疏

蓋菴疏

請源公住持山疏

方外文疏

請仁伯靜住寺疏

持諸山疏

送大雲講主權住福壽院疏

永安菴尼請禪老興正宗住持疏

真武經堂置田疏

置草堂疏

方外交疏

招魂致語

醮諸友買石題獨孤公檜四字疏

干親友重拊草堂疏

大林菴佛像裝金法事疏

白龍祠修造疏

重造東山港木橋疏



重建太平橋疏	賀哲既明為講主疏
重建忠祐觀疏	普度齋壇榜
千人贈行疏	募親舊築隱居疏
道家受生會疏	黃鶴菴居疏
辨惑編鐫板疏	重建井亭疏
葬木主追薦疏	賀行敏中住寺疏
忠祐廟修造疏	諸山請偕長老疏
三山湖建橋疏	重建排墓橋疏
遠塵居疏	修造慈化菴疏

賀蘭楚芳住寺疏	塔寺疏
設冥道場疏	作佛事薦陳都事疏
賀徽太古住寺疏	賀聰聞極住寺疏
薦止女疏	天寧寺修造疏
除服薦止疏	重建後餘橋疏
興國寺修造疏	送聰聞極住萬壽寺
請中道立住寺疏	安奉德藏主靈位疏
法華道場保安疏	延福菴修造疏
請性天之住山疏	延陵精舍疏

國家圖書館, NATIONAL CENTRAL LIBRARY, TAIWAN, R.O.C.



呈長洲縣請修顧元公祠堂文  
崑山學講堂上梁文

募置十七史疏  
募刊思賢錄疏

刊龜巢摘藁代王尚綱

卷之十四序

送黃仲賢同知吳江州序

贈卜者陸仲明詩序

婁曲堂詩集序  
杏林春詩卷序

送琇上人序  
送慈晉卿序

送秦彥明序  
送趙縣尹序

贈刊字張生序  
送崔仲德序

送小湖徐巡檢序  
送醫士顧彥文序贈

送楊善章序  
送彭主簿調吳縣序

贈醫士吳中行序  
送費知府秩滿詩序

送梅知州序  
書畫舫燕集序

梅隱山房詩集序  
送理上人歸天台序

代送丁州判序  
送陳允貞序

代送蘇縣尹序  
送鄧宜之還鄉序



多稼亭燕集詩序	贈醫士張恒齋序
代送尹主簿序	送陳尚言歸會稽序
贈寫生玉泉子序	送祖心上人省親序
贈錢隱居序	送太古禪師序
送孫郡侯秩滿序	送金希賢上京序
送葉以恭赴京序	送陳長史秩滿序
送劉文可序	送孫太守奔喪序
續毘陵志序	贈儒醫徐士芳序
贈關士淵詩序	送王主簿還江陰序

國家圖書館, NATIONAL CENTRAL LIBRARY, TAIWAN, R.O.C.

送周叔文序	送適知縣父還鄉序
贈滄洲生詩序	送趙縣丞奔母喪序
贈黃有文序	贈醫士高彥述序
贈王彥德詩序	松菴圖詩序
贈義士池德澄序	送唐用彰序
二十四孝讚序	贈王仲文序
卷之十五記	
瑞竹軒記	龜巢記
龜巢後記	雲半間記

歸耕軒記

野人居記

竹梧書房

蘿屋記

斗室記

白雪亭記

重建雲居菴記

書屋記

持敬齋記

東郭草堂記

雪洲記

映雪齋記

菊軒記

思齋記

養正齋記

歸耕記

逸菴記

恬澹齋記

芸室記

栖雲軒記

瓜田記

卷之十六 啓

訟墳地上縣宰啓

求作辨惑編序啓

求序思賢錄啓

答陳天倪薦師啓

代上廉訪僉事啓

重建清微觀記

聽雪軒記

習靜軒記

上于尚書啓

贊見李晉仲啓

贊見張用中啓

謝監察御史啓

謝梅判州啓

國家圖書館, NATIONAL CENTRAL LIBRARY, TAIWAN, R.O.C.



賀陶教授啓

代謝沈太守啓

上沈太守啓

上梅知州陸同知啓

代上浙江丞相啓

賀石縣尹啓

陳言誣枉事啓

上徐孟二公量田啓

上王知府啓

謝孫大雅惠詩文啓

謝張雲門啓

告索尹氏寄書啓

擬謝常州府官啓

上請祭願將軍啓

干序懷古錄啓

代上饒叅政啓

上張太尉啓

賀蔡教授到任啓

卷之十七啓

代通吳伯善啓

代訴神文

陳言五事啓

賀與知府到任啓

蕭答張納聘啓

答請期啓

賀闕信卿生日

張回鄒定姻啓

答賀陳彥謙啓

娶婦拜祖先致語

合卷致語

拜舅姑致語

趙與蕭請期啓

趙與蕭聘啓

蕭答陶納幣啓

王答鮮于定婚啓

國家圖書館, NATIONAL CENTRAL LIBRARY, TAIWAN, R.O.C.



張與巢求贅親啓 王與巢定婚啓

王與符定婚啓 請期啓

王聘巢啓 請巢氏父母送醵音

請符氏父母音 蕭聘張啓

任娶請親翁啓 張答鄒請上客啓

答賀置妾劄子 賀置壽器劄子

王文甫疾愈設席招諸親友啓十七首

賀符君彥劄子 王與金定姻啓

新親賀冬至劄子 賀七夕劄子二首

賀端午劄子 問名道日劄子

納采道日劄子 袁與陸三幅啓

鄒與陸聘啓 賀冬至劄子

朱答李贅姻劄子 社舉聘章

請張子安昆仲啓 親家賀冬至劄子

新婚整容致語 新婦整容致語

新親請上客致語 請期劄子

請男上客 請女上客

李回徐再婚聘啓 答請期劄子



答納幣三幅啓

納幣啓

賀娶弟婦劄子

納婿請上客

請親眷送婿

又

祖為孫請親家狀

祖母請親家母狀

萬答蔣問名啓

請新親家翁狀

請新親家母狀

謝免糧表

中宮箋

東宮箋

賀聖節表

千秋節賀表

冬至表

中宮箋

東宮箋

正旦表

中宮箋

東宮箋

卷之十八題跋說雜體

題陳松居所書昌黎詩後

題太乙真人圖

題子昂竹石

題觀奕圖

題山谷墨跡

跋許氏臺萊集

跋韓蘇魏公百韵詩後

跋脫時敬叅政手書

書安撫陳公跋先君小像自贊後

跋張氏家譜圖  
跋呂仲珪孝思卷

跋凌克禮父子孝感詩文後

跋陳公思愛菴疏  
跋岳氏族譜

跋經訓啓蒙  
張孝子傳

錢孝女傳  
諸葛節婦傳

長白山居圖說  
月泉說

無知生說  
子京字說

存耕說  
景中字說

德宏字說  
寶山字說

學古字說  
聽其自然說

無名異  
蛇蚓

盟鷗文  
招隱論

東吳野語  
癘鬼辨

重建縣學事寔  
辨訛

釋異  
請除淫祠文

國家圖書館, NATIONAL CENTRAL LIBRARY, TAIWAN, R.O.C.



甕天解

讀易齋

學書

卷之十九 行狀 銘 贊 歲

故伯母行狀

故處士存心先生陳公行狀

管伯齡妻壙誌

管伯齡墓誌

吳處士妻墓誌銘

猫捕雀圖評

獬犬文

書耕習軒後

王佛子行狀

義士吳先生墓誌銘

墓誌銘

昧孫墓磚銘

張處士墓誌銘

永思軒銘

竹素軒銘

愛日堂銘

永思堂銘

張伯仁畫像贊

月泉道人小像贊

拙逸歲

坦率齋歲

方寸鉄銘

方竹杖銘

願學齋銘

白賁軒銘

存耕銘

錙景儀畫像贊

曹節婦贊

師歲

拙齋歲

卷之二十祭文

祭姚吉甫文	代祭兄文
代祭子文	代祭叔父文
代祭伯文	代祭間真人文
代祭光祖庭文	祭沈仁齋文
代祭父文	代祭表嫂文
代祭弟婦文	代祭趙師呂文
代祭王文甫文	代祭顧元公文
立碑祭元公文	代祭姨夫文

國家圖書館, NATIONAL CENTRAL LIBRARY, TAIWAN, R.O.C.

代祭母文	代祭外姑文
代祭外舅文	代祭錢仲居文
代祭父文	祭先墓文
代祭黃景先文	祭大雲講主文
祭柴處士文	代祭父文
祭蕭處士文	代祭錢昂卿文
又代祭昂卿文	武進學起講堂祝文
諸生祭陶兄文	移先聖祝文
祭胡秀才文	祭朱黃二友文



祭悅堂長老文

夫祭妻文

兩祖祝文

考妣祝文

外舅姑祝文

三兄祝文

姊及姊夫祝文

代祭母舅文

代祭妻祖文

祭朱仲起文

代祭妻祖文

祭鄒忠公墓文

代祭親母文

代祭母文

代祭陳母文

又代祭陳母文

祭萬氏子文

祭沈氏女文

又代祭沈女文

代祭外祖文

代祭姑夫文

祭徐達卿文

代祭王母文

祭張伯仁文

生日祀考妣祝文

冬至祀外舅姑文

祭唐親家母文

代祭表伯母文

祭王君壽文

祭妻文

祭張溝南文

姪婦祭姨母文

代祭親家母文

代木森冬至祭母文

祝亾子文

代祭母舅文

國家圖書館, NATIONAL CENTRAL LIBRARY, TAIWAN, R.O.C.

祭賀彥銘文

代祭妹文

祭妻兄文

除服祭母文

遷祖考神主祝文

寒食祭曾祖墓祝文

祭祖禰墓祝文

墓祭母弟祝文

墓祭先兄祝文

娶孫婦祭祖祝文

祭徐仲清文

遷葬二兄祝文

祭曹子壽文

祭唐仲傑文

祭劉親家文

生日祀先祝文

代祭徐子思文

立先賢祠祭文

曾祖墓清明祝文

新河口祖墓祝文

先考忌日祝文

代祀先文

初進酒

再進酒饌

三進酒饌

進饌頭

送靈致語

代祭曹子毅文

代祭父文

代祭向子潤文

代祭金親家文

代祭湯母文

祭重甥女周氏文

代祭黃仲器文

謝莊墓祭祝文

烈塘墓祭祝文

國家圖書館, NATIONAL CENTRAL LIBRARY, TAIWAN, R.O.C.



橫山墓祭祝文  
代祭邵媿夫文

新河口墓祭祝文  
謝莊墓築塙祝文

寒食祭妻墓祝文  
寒食祭子墓祝文

代祭胡隱君文  
哀張彥寔詞

哀壽上人詞  
哀鶴詞

龜巢彙目錄終



國家圖書館, NATIONAL CENTRAL LIBRARY, TAIWAN, R.O.C



龜巢藁卷之一



弔豫讓賦併序


予讀史遷刺客傳閔豫讓亦廁於荆軻之列也故作賦以弔之



賦類



嗟忠臣與義士兮何正氣之烈：匪死生而抑志兮豈存亡以改節仰豫子之炳：兮復故主之所讎感知已以滅身兮雖九死其何尤欲潛名以匿姓兮乃絕踪而滅迹爰漆身而吞炭兮雖家人而不識前詐刑以塗厠兮後伏橋而塞





衣雖七首之不利兮惟趙孟之不忘彼友不諒厥志兮哀其生之自苦曰汝才而臣之兮必近幸而釋汝計何逞而不行兮欲何求而不遂胡戕形以毀質兮乃前跋而後屨伊賢哲之確志兮固始終而不渝旣指生以為誓兮肯中道而改途身雖朽而無恙兮義不可以暫離聲雖喑而不顧兮行不可以少虧信所為之孔艱兮忘所謀之不長將愧人臣之不忠兮違恤予身之見傷苟委質而求殺兮乃吾心之已貳仇不足

以報趙兮德不信于酬志念智氏之知己兮延國士而遇予反忽君以事讎兮殆犬豕之弗如嗟夫子之言行兮與日月而爭光邈千載之遼遠兮紛郁其遺芳何太史之不可考信兮列彼名于刺客夫豈碌碌之燕荆兮豈屈屈之軼聶士有沽譽而作善兮有邀利而行義苟有為而為之兮雖似真而寔偽彼知瑤之既殲兮及智宗之既夷夫子之身無所托兮夫子之心為可知乃抗節而効死兮豈攘名而蹈利彼太史



之載筆兮胡不彰而反蓋自古孰不有死兮貴  
委命之得所諒夫子非匹夫之勇兮宜君子之  
所與雖笑貌之不可得兮氣凜凜其猶生撫遺  
史而歌吊兮表夫子之忠貞亂曰松柏之剛有  
時折兮金石之堅有時裂兮惟忠惟義効斯竭  
兮匪顧匪慮終吾節兮烈烈豫子勇且決兮獲  
正而斃復何說兮不有君子疇發越兮千古萬  
古祇刺客兮

復賦

陰陽消長之理無往不返蓋一闔而一闢者也  
夫幹流推旋無端無始此天道之所以立也當  
其玉衡建子金鐘調律而微陽之脉已驗葭灰  
於緹室也夫剥窮上而反下則其象已具于食  
碩果之不食而七日之始旋蓋其幾動于日至  
之日也吾嘗觀雷在地中之象而得其說夫雷  
陽也地陰也壯陰閉於九野而潛陽昭于窮泉  
則造化之至理生而不息者也且萬物既死  
于坤而萌芽于復蓋懼春生之不蕃故以養以



藏之甚密也然必自掩身而齋戒禁嗜慾于聲  
色于以待陰陽之初定存萬感于一寂也况乎  
無 無咎而利有攸往寔幸聖人幸君子之道  
長于是乎陽扶而陰抑者也然則復其見天地  
之心微至誠者亦孰得而識也且天地理之復  
固有其常而人心之復亦不可逆故夫惡極必  
善亂極必寧柔極必剛晦極必明蓋以天生斯  
人靈于萬物者也若夫迷而未遠乃能適返則  
若醉而得醒夢之得覺譬如夜氣之清不受乎

旦晝之措也信能獲其萌于隱微之際則朝乾  
夕惕以全君子修身之大節也凜乎其頻復之  
厲裕乎其休復之吉也卓乎其獨復之勇厚乎  
其敦復之實也赧乎其迷復之凶必自強而不  
自孽者也夫惟顏子其殆庶矣因從事于克復  
而得善則服膺而弗失者也蓋其明以察矣剛  
以致決故優、乎入聖人之室也彼聖此愚均  
是人耳增予心之慙也君子則齊其心而不敢  
放則善端綿、而不絕也然則欲遏人欲而反



天理亦唯謹獨之念而幾微之不忍也

斥鷃賦

維二氣之妙凝播庶類于羣生嗟斥鷃之至微亦稟氣而載形其薄質之輕儗無華采之煥明味不登于鼎俎羽不用于旌旌既無虞于罟網又何慮于弋矰于是庭除之際藩籬之下匪乘而遊繫匹而處決然而躍踴然而起物莫能害樂得其匪匪芾菑繫匪薄榛莽苟可投迹鼓翼斯舉匪陋麻菽匪美稷黍苟可充食俯沫斯取

夫其委命而足順理而安欲無所縱樂無所盤不用賄而致焚不藏珍以取患不飾身以賈禍不懷音而見殘靜若守而有待動若倦而知還雖形微而處僻任此生之自然彼其魯雞之闕胡鷹之勢介距在身條鏃在體鸚鵡能言而入籠孔雀飾外而受制或產絕垠或生遐裔傷伉儷之相違哀母子之偕逝縱倏存而倖免亦貌慘而心悴豈非形質之環材質之備為世所用為人所貴諒處身之不智終有累于斯世且夫



滄溟之鵬益瓮之雞均一天地復奚累為萬品  
一屈要與之齊維茲斥鷃亦適其宜何輕何重  
何高何卑小夫之辨又焉能知大人達觀夫復  
奚疑色

承露盤賦

粵古漢武乾龍御天身都富貴心慕神仙動出  
塵之遐想訪妙道之真傳覬長生而又視與松  
喬而相後先也爾乃氣類翕從精神感召秘方  
畢進至人胥造授異術論延年之至寶匪玉其

脫之玄機  
三字

芝匪瑤其草采乾坤之精爽庶可臻于壽考于  
是烹蜀道之美銅襍麗水之良金既噓寔而煽  
雷亦穴陽而治陰築柏梁之崇臺卓天表而嶽  
峯諒弥高而弥峻非可計于文尋觀其屹若雲  
峯壯如砥柱表嶺鰲以立極縣釀龍而行雨窈  
造化之工巧有鬼神之呵護爾乃抗以仙掌冒  
以金盤詫飈輪之閃、驚圍規之桓、騁怪誕  
于羣姓馳雄偉于千官至人進曰竒功既成吾  
事已濟願舉玉趾臨幸其地于是天子乃漱正



陽含朝霞屏萬幾之思慮絕九重之紛華迨夫  
夜澹氣冲雲銷日皓澍靈滂于重霄降鮮英于  
清灑法：如飴霏：如膏不賴乎金丹之鍊不  
屑乎玄霜之搗蓋自然之嘉瑞真可以後天而  
不老遂乃屑蜚瑤和溥珠靈脰飲麓穢降神漿  
未擬醴泉焉如却五味以謝六塵又奚啻石髓  
之醍醐也既而形超埃壘體若羽翼超火不焦  
沉淵不濡浩兮如禦寇之御風翔兮如蒙莊之  
化蝶蓋夙昔之願以遂而求仙之能事畢矣嗟

乎吾觀漢武惑于方士既受誣于文成復見欺  
于五利信荒唐之邪說殆無異于嬴政之世彼  
其內嗜聲色外窮甲兵任貪夫而贖貨用酷吏  
而淫刑恣盤遊而無度極土木之經營朝苦心  
而焦思夕疲神而憊精縱飛仙之有藥復何可  
以長生觀其建元初政赫々明々罷黜百氏表  
章六經彌綸治道羅網羣英信一代之英主能  
持盈而守成使其慎厥始終進乎誠明不玩于  
物不恣于情泊乎其無為澹乎其太清則不必



餐玉瀝擢金英處方壺登蓬瀛自可以保真而  
養靜享無疆之遐齡是故至聖無欲存順沒寧  
使漢武效唐虞之治胡不刻斯盤于九字之湯  
銘

禦寒賦

有北鄰客訪于南隣主人曰四序相催暑往寒  
來天時既變人事亦改風霜高潔冰雪皚敢  
問諸子將何以禦之哉主人對曰吾用吾計卿  
用卿策請子先陳吾為子說客曰雉接傑閣深

閨邃房綺窓不啓畫閣初粧紅爐獸炭煦若陽  
春此予所居之處也主人曰予也桑樞竹牖且  
塞且堊穴地作爐火惟煨燼客曰九醞之設八  
珍之列炙鴉騰雁炮羔膾鱉聚物天美咄嗟而  
獲此吾所食之味也主人曰予也蹲鴟可煨桑  
落可傾一壘之雲復有茗烹客曰狐貉之裘綺  
紈之服補以文繡飾以金碧舍舊服新隨意所  
適此吾衣服之費也主人曰予也帛以為襦卉  
以為袴且縫且紐復著以絮客曰重屏既列邃



慎且張鎮帷以屏展 在床錦衾綉褥爛其有  
光粉白黛綠笑言芬芳此吾寢息之安也主人  
曰予也布衾如雪紙帳如雲縞綦茹蘆耶樂吾  
貧客哂然而笑曰予居養之異服御非常禦此  
隆冬猶未足當若子之謂其亦踈矣主人曰噫  
是何言之謬也盈天地間林、而生富者則濁  
窶者斯清分定之故孰敢云爭子亦為我而不  
得我欲效子而不能胥樂其有何踈之稱且吾  
居之而安不計乎室廬之華陋服之而煖不較

乎裳衣之麗細嗜之而能不察乎飲食之粗糲  
寢之而寧不論乎衾裯之鮮敝凡可卒歲何庸  
侈麗矧予所謂天和者而子固不足與于此子  
其行焉無汙吾耳客于是茫然自失默然無語  
汗面芒背懷慙而去

閒居賦

夫何予性之耿介兮與時俗之寡諧築室居于  
幽僻兮離喧囂與氛埃繫前修之可慕兮矧古  
道之可追何皇、而無所止兮乃慮往而營來



羗行止之有時兮信用舍之有過視富貴如浮  
雲兮豈馳名而驚利朝吾游于道圃兮夕吾憇  
于藝圃思衡門之栖遲兮慕考槃之窮處依灌  
木以結宇兮引清泉以為池樹脩竹之娟兮滋  
幽蘭之猗兮與禽魚而相處兮同欣兮而忘机  
既撫松而長嘯兮復臨流而詠詩列左圖而右  
史兮置前琴而後碁春吾蚤以為衣兮秋吾獲  
以忘飢雖遯世而不吾知兮唯昭質其無虧信  
寫鵠不可以矜弋兮豈麒麟之可羈分宜雞鶩

仁兮曾不廢于困窮民有長以司平兮或摧衡  
之失中繫窮民之有愬兮阻天關之九重非設  
法以偕其進兮嗟皇兮其曷從爰置石于王都  
兮其色肺肝之與同使民立乎其上兮得吐露  
其情衷心繫兮乎三日兮斯可見其哀恫士師  
從而聽其決兮私一毫之靡容信尺蠖之久曲  
兮睹大明之當空脫辛苦于顛厓兮躋春臺之  
融兮乃歸罪于其長兮激凜兮之清風以春生  
秋殺之道並行兮誰膏澤之敢壅瞻茲石之在



他山弓亦惟王之可攻孰徵求于岩穴弓乃佐  
治而有功曰厚重而不可轉弓疑自天而來降  
薄京之狼石弓聚當世之梟雄圖歿都之華石  
弓徒媚主于深宮笑佛廬之盤陀石弓坐枯禪  
以談空彼支磯之神怪弓適欺世之盲聾是皆  
不足以儆倫弓徒雕琢而磨礱惟嘉石之可配  
弓並見錄于周公惟皇元之有道弓過成周之  
治隆麟趾之信厚弓由上令而下恭畫衣冠  
而不犯弓將比屋之可封無一夫之不獲弓雖

之殮弓任駕馬之交馳延漁樵以論交弓美田  
廬以自適既不怨而不尤弓又何喪而何得嗟  
萬鍾之厚祿弓暨駟馬之軒車徒睽爭而交攫  
弓紛總、弓烏如亦孰知信之可立弓孰知義  
之可服利其方以為圓弓操其直以為曲彼恬  
然以為榮弓此赧然以為辱諒薰蕕而不相入  
弓寧抱予之真獨寧予豈獨好異弓欲索居而  
離羣厭流俗之靡、弓誠不能和光而同塵景  
顏氏之屢空弓乃樂天而知命仰仲憲之蓬桑



兮曰唯貧而非病彼前哲之懋行兮羗與道而  
同符何愚人之汨：兮愴乎其若囚拘羞潘岳  
之諛佞兮拜車塵于途側何亦賦此閒居兮乃  
論士之巧拙雖千載之遠：兮慨有憾于予累  
苟非拔俗而高蹈兮亦何予之能同亂曰時與  
我兮相遠審夫命兮何疑憂人之憂兮羗者有  
時樂吾之樂兮知者其誰

肺石賦

昔聖人之御世兮貴上下之情通羗一視以同

肺石其異庸皞：乎不知帝力之何有兮民於  
變于時雍

四靈賦 浙江鄉試

聖王御極至治維新修文偃武道德詠仁被教  
教于四表畢梯航而來臣發陽春之厚澤布大  
造之洪恩何隱不顯何憂不欣何疾不瘳何屈  
不信士鄉道而游藝賈去偽而鬻真工務業于  
堅朴農務力于耕耘極中和之至德致嘉祥之  
玄珍維龜維龍維鳳維麟應時畢至以彰聖神



乃詠厥事以耀于黎民夫麟之為物其形不類  
匪麋匪鹿匪虎匪兕迺肉其角乃圓其趾不羣  
居而旅處不陷穿而濯吾音既中于鐘律行復  
合于規矩生草不踐微虫不履原其德性吁嗟  
仁矣朝陽之鳳稟質中行九苞表瑞六德儲祥  
晨遊紫霧夕飲玄霜發文采之繁、動和鳴之  
鏘、臨寥廓而高峙凌雲霄而遠翔俾烟霏之  
閱色與日月而騰光覽德輝而來下羗出處之  
有常介族之長元龜寔光十朋之重五色之全

下夷平而法地上規隆而象天或萬年而升木  
或千祀而束苓順陰陽以呼吸重藏景曜于重  
泉斷凶咎以滋感明吉凶于未然信穹壤之奇  
物能鈎深而造玄懿矣神龍有威有稜鉅細脩  
短伸屈降升千變萬化杳不可憑張鱗鬣之參  
差挺頭角之崢嶸既雲行而雨施復嘘風而吸  
霆或躍于淵或遊在崗擬物狀以有體忽神化  
而無形聞之斯懾覩之斯驚蓋曠代而罕值寔  
有國之嘉禎予嘗稽之傳記考之六經四物孔



異有彰厥名若夫義皇之世唐虞之廷如禹之  
代姬昌之京或以成太昊之紀官或以聽簫韶  
之九成或以負洛書之太範或以闕應睢之化  
行惟隨時而隱見故王者以為祥休之徵矧茲  
昭代聖相承與勳華而比德眇漢唐之所稱  
海嶽之精藪澤之英何祥不產何異不呈宜羽  
毛與鱗介摠符合于文明謇予沐浴盛化歌詠  
太平躬雖處于蓬室心獨向于皇扃覩茲竒瑞  
欲默不能敬綴詞以成賦仍名之曰四靈

酒賦

有客有客一醉一醒邂逅相遇歎我柴荆醉則  
高其曠逸醒則矜其典型劇談雄辯舌搖風霆  
於是醒者睨醉客而視之曰若不聞乎禹忠旨  
酒夏德其昌紂為糟丘殷祚滅亡何物狂藥毒  
人肝腸甘之者必酗中之者必傷化祥慈為凶  
險變沉靜為滛荒語言龐雜氣勢鴟張或罵將  
軍之坐或登節度之堂床或吐丞相之茵或牽  
美人之裳或翹足沐猴之舞或俛首羣豕之場



微酒之故胡然而狂甚而獲親之養不顧七尺  
之軀亦忘腐脅而斃遺臭無疆酒之害人也如  
此若何不痛絕而謹為之防乎醉者曰是何言  
哉是何言哉吾聞上古窪樽三代壘爵苟聖賢  
之不飲何杯棬之有作書稱麴蘖禮酌鄉飲之  
儀獻酬交錯若近代之飲者皆磊磊而落晉  
之八達非酒何以逃亂世之誅唐之八仙非酒  
何以脫微官之縛酒之于人其德不薄變怒為  
喜轉憂為樂釋憤氣之怨爭發鈍口之談謹故


故暢飲吾之師不飲客之惡獨醒之原懷沙寂  
寞啜茶之全血染鋒鏑然則酒何負于人哉爾  
獨未知其趣而遽薄之也詞未既余乃從而釋  
之曰止二子之說各倚一偏請折其衷子其  
聽旃往古來今酒不可無祭祀賓客日用之需  
但用之者豐不可縱儉不可拘縱失之酒拘失  
之愚乃人所鄙酒為酒之罪酒以成禮威儀  
秩如酒以合歡怡愉夫如是又安得喪于  
而德害于而軀亡于而國敗于而家乎二客于



是蹶然而起負墻而立請誦惟酒無量不及亂  
之語庶無過與不及

一  
及

龜巢藁卷之一終



國家圖書館, NATIONAL CENTRAL LIBRARY, TAIWAN, R.O.C.



龜巢藁卷之二

奉陪陳伯大先輩及趙師呂張伯啓朱月江

清夫兄弟登金牛臺

九韻

六龍城西呂城東  
奔牛古堰卧兩龍  
誰築高臺水中沚  
野有蔓草牛無踪  
河邊青苔生白骨  
刀鎗箭瘢猶未滅  
問知八十二年前  
戰死當時皆義卒  
鉄馬遁去劉將軍  
大家牽羊走燕雲  
三百山河獻明主  
北駝南象今紛紛  
登臨且喜得佳客  
鞠育青：巴堪摘浮雲  
世事勿復論一醉西



風真上策

和蘇竹逸秋日還鄉

夢繞淞江太湖上，舊家鄰里古漁磯。  
長腰秬米家：熟巨口鱸魚個，肥為客已驚。  
絲滿鬢還鄉何待錦為衣，筆床茶灶蓬窗下。  
來往風帆數日飛。

呈趙徵士

吳姬手執金巨羅，春風笑面生紅渦。  
主人留客長夜飲，客拜主人辭酒多。  
主人沉醉客亦醉，客

散扶歸主人睡，殘杯冷炙厨頭傾。  
鄰家兒有啼飢聲。

江碧山千戶，席上以我愛夏日長分韵得

夏字故書六韵

堯階舞干羽聲，溢夷夏清風細柳營。  
長日有餘暇，兵厨移竹林觴詠集。  
陶謝酒傾虎頭杯，盤割牛心炙。  
佳哉醉鄉境，漸入如啖蔗。  
客去復相期，明朝還命駕教。

自冬而春舉家病疫，予幸獨無恙，既而疾



止詩以自賀併記里俗之陋云 十五韵  
昨歲夏秋旱四國人顛連餓死非不悲病疫尤  
可憐甚者枕相籍遺骸飽烏鳶安知朔月餘厲  
氣猶鬱然余家百餘指連屋魚貫眠願我如一  
木支此敗屋顛上堂問湯藥下厨供粥飢鄉鄰  
不我過恐為疫鬼纏俚俗無足怪妖巫肆訛傳  
所賴學之力賦命知自天立言斥淫祀秉志金  
石聖慈親令健飯甥男仍滿前吾妻及女嬈問  
寢相後先嗟扎黃楊木脫此厄閏年東風播陽

和草木仍春妍

鄧道士雪中遺梅花一枝詩一首酒二樽

見惠館人王文父飲余邀觀樓次韵答  
詩仍要鄧晚集

欲作梅花賦才疎愧廣平一枝春到手酒香詩  
更新開樽對雪飲將詩遣童去亟請過蕭壘石  
鼎與聯句

栽桑

春雨墻陰手自鉏賸栽桑樹遶吾廬歸來笑與



山溪妻說來歲春蚕食有餘

九日對雨懷倪雲林

白雨何其急青山不可登兀然無客到閑坐似  
禪僧盈菊數千蕊村醪四五升猶勝陶靖節冷  
眼望王弘

養鶴七韻

西鄰主人翁養鶴如養客傳童供雀料稍慢童  
受責試問雀何好羽毛喜潔白又能舞翩躚長  
鳴振金石客有雀骨清粹然含素德窮居以詩

鳴冷面常菜色賦命雀不如可為長太息

送李知事赴邵武

常學

金壇李質字竹操延祐中以詩徑及第前訓導

舟車千里遠甌越萬山連舊俗民多獷孤城地  
極偏朝廷用儒術幕府贊承宣更喜詩三百東  
南可盛傳

送凌萬里挈家歸海陵

鄰居三十載奈此別離何客路秋光薄歸舟月  
色多雲山連海岱吳楚隔江波珍重千金璞良



工更琢磨

郡學西齋夜坐懷親友

客心清似水學舍冷如冰苔榻三秋雨芸編夜  
半燈病多憂老母會少憶良朋麋鹿山林性悠  
然愧未能

送兄遊補陀山四首

蓮花已結東林社藜杖復尋南海遊千百憶身  
黃面老化城今豈在瀛洲  
飛鳶帖水連天行李蕭蕭客上舡津吏不須

勞詰問道人來禮白衣仙

烟霧昏冥晝不開颶風吹浪雪成堆獻珠龍女  
應相笑何處扁舟載月來

堂上慈親老惜兒遠遊尋佛笑兒痴倚門望汝  
歸來日三月關珊四月時

寄錢塘教諭金君捷

紫鳳啣書下九天司徒今日復興賢欲知別後  
成何事和得陶詩百許篇

哭王伯祥二絕



今朝相別夢初萌一夕那知隔死生  
蹶自永年顏自夭大鈞于物信無情  
傷哉郎罷客西湖匍匐歸來玉樹枯  
風雨高堂春寂寞忍聞長夜泣諸孤

惠山泉和翟玄先生韵

青山屈曲九龍蟠一泓清泉噴雪寒  
陵谷變遷知幾度石池洋溢不曾乾  
幽亭過客分雲液古寺閑僧煮月團  
莫向貴游誇絕品恐煩迨逸入長安

耕隱為蕭徵士作

蘭陵溪上梅

黍教子讀書深閉門時人笑渠生理拙  
渠亦笑人多覆轍春來烏犍一犁雨歲晚黃精三尺雪  
有時獨自舞短蓑飯牛別作耕田歌長安車馬自塵土  
奈爾濯足滄浪何君不見蘇秦為無田負郭平生不識耕  
田樂奴顏婢膝謂諸侯黃金載多禍隨作君今有田兼有書  
夜深燈火朝犁鉏只恐一朝富貴逼人去猿雀笑人留  
住



送任僧德無言歸靈隱二十韻

鴻鵠之志飛冲天鯤鯨入海方悠然汝生不受  
 塵網牽作佛要在靈運前先入壁經汝舍旃棄  
 家乃著牛車鞭架裘斜擔雲半肩東西南北十  
 五年爾來叅得靈隱禪神鯉躍出西山顛歸來  
 瓦瓶携冷泉侑以白雲歌數篇我昔西湖艤酒  
 舡曾聞老猿啼翠烟新秋雨洗山消、石頭路  
 滑難攀緣汝今言歸磨汝磚山中之人應汝憐  
 道經孤山脚下梅花邊敢煩為我問訊林逋仙

寄金陵陳雲心先生

先生浙後復歸家于金陵  
 以能詩善琴終知臺門然屢薦不起學  
 者多從之游遠蒙惠書故以詩代簡

先生閉戶自婆婆御史乘驄每見過白下詩傳  
 名不朽紫霞琴譜訂無訛樓居卧看三山遠學  
 子來從兩浙多一別十年還念我遠厓書尺問  
 如何

送陳漢卿赴江陰州知事十三韻

玉雪風神秀雲霄志氣雄騫騰從早歲交結盡  
 明公鶚薦無虛日鵬搏遠順風修名今樹立令



德磨礪清露金莖表黃流玉瓚中詞章追太史  
雕琢謝良工綸被恩重縛無裳秩漸隆雒州勞  
贊畫善政惠疲瘠幕府文書簡江城草木空風  
濤秋浩蕩烟雨晝溟濛退食揮塵吏忘机對海  
翁仕優吟更好境會意向窮離索遙憐我殷勤  
爲擊蒙愈

慈親年八十四首

慈親年八十言笑滿懷春衣食兒躬耕烝嘗婦  
采蘋開殊可喜長健不妨貧眉壽曾孫酒黃

花節物新

其二

慈新年八十早歲歷兵戈老此太平世晏然安  
樂窩門前流水活隴上白雲多兒輩生涯好東  
臯雨一袁

其三

慈親年八十一子帶經鋤負賤無鐘鼎辛勤有  
屋廬小園千個竹老圃四時蔬鄰舍閑來往請  
孫御板輿



其四

慈親年八十頭鬢雪紛然安得長生術終為不老仙平生甘澹泊中歲絕腥羶淨拂燒香几持經綉佛前

聞友人陳子山廷試第一喜而有作用寄乃弟子方

紫衣使者日邊來為道元方作大魁金闕早朝鳴佩入瑤林日晏戴花回九天恩澤沾多士一點文星近上台愧我無成驚且喜漁莎獨速舞

溪隈

犇牛巡檢胡石潤卿示予胡婦殺虎圖其事乃前至元七年濱洲軍士劉平之戍棗陽與妻胡俱在道上為虎所得胡逐虎殺之潤卿持畫索書詩因題其後

猛虎誰不畏良人吾所天眼看性命落虎口妾身雖死何足憐嗟哉劉郎妻力不猛于虎怒氣一奮發執虎如執鼠想當攘臂急逐時太山可拔城可隳呼兒取刀兒後隨刀入母手虎腹披



當時若使遭虎噬虎口甘心作同穴嗟哉劉郎  
妻今古誰足擬馮媛當熊為君立 娥殺蛟隨  
父死嗚呼裙釵之下有君子宜爾芳名著青史

鮮于瑞卿還碧亭

鮮于公子平泉莊有亭翼然水中央天光雲影  
白日靜菱葉荷花清露香柳下繫舡魚可釣坐  
中留客酒盈觴門前漁浦接洮湫白鳥飛去烟  
蒼茫

朱逸齋先生輓詞三首

前朝士習雕虫巧先生詞章風格老功名到手  
陵谷變雲霧竟作商山皓駢花儷菜墜秋風獨  
抱遺經自探討嗚呼一歌兮懷我師平生辨香  
今為誰

堦庭桂子初芬芳盲颺怪雨俄摧傷中郎賴有  
女傳業安然得老溫柔鄉平生綴輯富篇章才  
名不與身俱亡嗚呼再歌兮雲石裂斷腸猿叫  
黃山月

憶年十五愛學經先生眷之雙眼青每隨杖履



訪朋舊耳聞目擊皆儀刑而今先輩摠淪沒黃  
鐘大呂吾誰聽於乎三歌兮涕淚零招魂不來  
秋杳冥

送秦彥明二首

美人木蘭舟風春挂帆去舟輕疾如飛可喜亦  
可惧浙江多風波越山暗烟樹孤月照蓬窓今  
夜宿何處

其二

老驥千里材藍車九折坂行復行伯樂遇

何晚人懷帝閹丹霄路遠云一笑膏吾車疇  
能推挽為

送趙方叔入京

去京華八月初聖皇清暑返鸞輿五門雨洗  
紅塵淨九關涼生碧柳疎慈母衣裳縫密綫丈  
夫門戶出高車翰林若見陳修撰為道野夫曾  
寄書

贈術士楊南溪

有客有客揚南溪天文之學師重黎又讀郭璞



青囊書、今不用如筌蹄十年河海聲藉、觀  
水觀山隻眼碧一官雖冷氣如春那識人間有  
金壁相逢林下秋雨乾高梧葉落天風寒杯酒  
殷勤盡清興作詩醉寫烏絲闌

立秋

苦熱念秋至立秋意欣、一雨忽破塊千山淨  
無塵新月挂高樹涼風洒衣巾重來囊中書懷  
我堂上親丈夫苟未遇妻孥耕且耘胡為苦離  
別低頭長傍人

和孫伯昭佛社二十韻

祭法垂明訓邦家祀有功愚氓何悖禮佞佛乃  
成風婦女僧流雜香花佛社隆三身誇 怛干  
眼慕圓通金像瞻如在珍羞供極豐九衢迎象  
駕百綵製天宮窈窕閨房秀聯翩市井童莊嚴  
森侍衛游行遶西東行道駢緇素飛塵隘軟紅  
寶幢雲母扇銀燭竹晶籠鏡鉞佷倫後架菜粉  
黛中亂倫言可醜妄意福來崇廢業兼旬久揮  
金與土同盤游律有禁長吏聽如聾闔郡喧邪



說同袍見直躬新詩來滿紙高論廢羣蒙白雪  
無人和皇天鑒厥衷不為因果惑真是丈夫雄  
感激徒三嘆棲遲奈兩窮抗言推佛骨所願學  
韓公

贈丹陽歸真觀諸葛鍊師

鶴溪之水鳴瀧、九曲龍蟠護仙宅東南一望  
天宇寬綠野平蕪接洮壻前老樹三十圍門  
列脩篁數千戟綠陰庭戶濕空翠五月天風吹  
中爲堊夫何緣飲丹井遇客尋真羽衣客焦仙

莎衣煮白石呂翁榴皮題素壁物換人非數古  
年予復幽探訪陳迹黃冠老師卧龍種知雉守  
雌室虛白誥：弟子皆速省中有詩豪更琴解  
哦詩鼓琴師亦喜一唱為之三嘆息嗟予汨沒  
塵土中到此悠然憂百釋采芝終日不盈襜曳  
屣長歌晚山碧

寄題蔣仲益野趣亭十二韻

陶潛歸故園日涉乃成趣迷途雖不遠已恨出  
門悞眷茲亭中人不識功名路幽居瞰洮壻詩



盟結漚鷺秔稔湖上田花竹家後圃山色開四  
圖波光照窓戶寒燈課兒孫春耕了農務杖履  
三十年曾無一塵汚人生天地間溘如草頭露  
軒冕渠自柴刀鋸吾無惧熙熙太平世千載寔  
難遇野趣知自娛難以語童孺

代簡蔣成玉三首

往年同掣釣鰲鉤空載錢塘月滿舟從此相思  
不相憶見槐花又老數番秋  
東風傾蓋采芹亭一笑相看兩眼青老我無成

今學稼荷鉏依舊帶遺經

春來一月苦陰雨少頃雨晴邀客嬉金牛城西  
芳草路水邊楊柳青離

送牛季和赴旌德教諭十韻

積雨喜新霽六合無纖埃江頭楊柳風送客征  
帆開把杯問青天、網信恢、之人飽徑術吐  
辭繁瑤瑰不居白玉堂合著黃金臺培風展雲  
翮胡為尚低徊往矣教岩邑莞然育羣材峩  
敬亭山相看亦佳哉薺麥茂雪霜蛟龍候風雷



秋風木瓜熟好題書後來

慈烏十韻

倚窻看慈烏生雛念雛飢黃口未能啄雌雄交  
哺之羽毛日以長飛之展雙翼父母乃巢居羣  
雛為求食得食能幾何入口不下咽去時聲啞  
啞歸來羽翻大烏能爾慈小烏能爾孝他時  
子為宜亦如爾報萬物人為靈不孝誠何心  
我今作此詩警世還自箴

余子元御史枉駕敝廬以詩貽次韻奉贈

竒哉古秦鏡奸邪見肝胆當年獻天子重瞳目  
親覽迺來匣中藏寒月光湛王臺重拂拭清  
輝元不減

陪全公遊仁惠觀途中酌酒賦詩予和首  
吳山相送越山迎二十年前驄馬行今日經從  
重遊處詩情秋色喜雙清  
山中羽人山下迎要問看山吟復行松陰呼酒  
聽禽語一笑如見黃河清

籃輿

邀高則誠郊居小集



別多無奈苦相憶，賴有尺書時往來。逢人為說  
烏寶傳，此客合貯黃金臺。北風塵土歲云莫，南  
湖水多冰欲開。扁舟短棹出西郭，元日相期看  
野梅。

同遊趙君模過訪

荒城歲晚冰雪繁，幽人校書深閉門。書中樂與  
聖賢對，門外寂無車馬喧。年光冉冉老將至，心  
事悠悠誰與論。肯為梅花過寒谷，定邀高子共  
清樽。

偕丹陽諸葛用中金壇王元微同應鄉試  
阻風無錫和用中韻

舡窻晝暝鉤簾坐，陽谷雷鳴送雨來。佳友喜如  
雙鳳集，清樽且對九龍開。槐花滿眼催行色，桂  
子吹香入酒杯。黃帽怕教牽纜去，請看風浪雪  
成堆。

送鄧混然韻送溧陽王元仁兼簡乃父時  
可先生兄元德次

客裡匆匆送客歸，江空歲晚雪晴時。父兄相見



頻傳語書劍重來好寄詩世事兩年多反覆人  
情十日九馳驅麗橋東畔王猷宅杖履幽尋未  
有期

丹陽道中早行過呂城寫示諸葛用中十

三韻

寒雞丑前鳴雨急風更惡吾欲造吾車僕夫殊  
不樂坐待風雨休早出丹陽郭行二三里風  
雨復交作造化小兒劇變態不可度雨濕衣欲  
水風吹面如削前途迷遠近古埃暗摸索懷哉

故人居不遠可依托奈此道路難尺進咫復却  
之人書萬卷芸香浸書閣閉門了無事卧聽簷  
花落吾年幾倍之賦命乃爾薄詩成往呈定  
發一大喙

全僉憲自黃州以西洋布遣騎見惠作詩

謝之

十月北風方怒號故人西布似裨袍遠勞使者  
傳書信笑看家人落剪刀留得海圖飛鳳鳥絕  
勝山罽集鵝毛歲寒冰雪空山裡千里相思報



木桃

除夕和諸葛用中韵

畫道王門可曳裾青山吾自愛吾廬新年且醉  
屠蘇酒舊業重修種樹書堂上弄雖慈母喜塔  
前繫馬故人踈東風一樹梅花雪折得南枝報  
鯉魚

寄陳修撰

五始師麟筆羣公繫馬遷欲明前代事不失後  
人傳紫禁烟花繞丹青日月懸詩成天一笑高

步更聯翩

諸葛用中邀賞牡丹痛飲終日且留僕與

陳鍊師宿成趣軒各賦詩十二韵

金谷春風暖名花宿雨霑錦

覆幄華屋畫

垂簾公子開瓊宴仙人駕玉蟾妙年皆可畏老  
態不我嫌柳雪沾衣袂花枝壓帽簷舞裙雲丹  
冉哥板玉織、鸞鳳鳴絲竹羔豚出釜鷲初筵  
猶秩、終日竟厭、客少情偏洽杯深意轉忻  
猖狂容阮籍繆談怒陶潛大笑南柯蟻深慚竹



上鮎題詩紀行樂整折謝勞謙

次韵羅居仁閑居遣興

春近清明日花開金斗城閉門忘寵辱染翰作  
真行芳州自生意青山不世情何由過幽壑携  
酒聽松聲

楊氏橘隱軒十二韵

十年走京洛衣冠混泥塗脫身車馬塵竟作山  
澤臞開軒面流水坐對橘一枝客來必留連手  
談以爲娛手談亦何好聊適歲月徂南風綠陰

涼長日幽鳥呼寂然此樹下身如蝟甲枯干橘  
比戶侯斯亦非吾徒况彼終南山捷徑爭奔趨  
驅車過吾里豈不愧木奴

江浙平章屢、公家養二鴿其雄斃於狸

奴人以他雄配之遂聞死作義鴿詩韵

翩、兩飛奴其羽白如雪鳥獸忽相殘雄死雌  
蹶躄絕食累數日悲鳴聲不歇蒼頭配他偶捍  
鬪項流血、流氣猶憤血盡氣力絕嗟爾非鴿  
鴛失偶不再結嗟爾非雌鳩匹性殊有別于人



擬共姜之死同一轍夫何宮闈內往、少負烈  
夏姬更九夫河間不可說聊為義鴿行永激婦  
女節

陳伯大先輩偕邾仲義陳容空張子毅見  
過酒過以茶瓜留客遲分韻得茶字

白鶴溪清水見沙溪頭茅屋堦人家柴門淨掃  
迎來客薄酒遲留當啜茶林响西風桐隕葉雨  
晴南晦稻吹花北窻爨個青、竹題遍新詩日  
未斜

傷田家二首

踏：溪上車疑、田中苗踏車非不勤水盡苗  
枯焦人力不勝天奈爾秋陽驕  
初春脫寒衣典米事東作歲早穀不收且無衣  
可著飢寒 何之前途半濟堅

又

堯田九年水湯田七年乾保民苟無術羣黎摠  
凋殘我農今疇依州縣父母官父母不我憐何  
按語辛酸神農作耒耜后稷教稼穡安知後之



人耕稼多乏食乏食未足憂山中有黃犢奈何  
點鄉夫州城要修築平明荷鋤去雷鳴忍飢腹

菊泉詩為孫嘉賦七韻

循彼南山言采其菊爰有寒泉在彼空谷挹彼  
注茲有芬其馥既澄爾心亦澄爾日所謂伊人  
溫其如玉宜爾眉壽荷天百祿賜之南陽為爾  
湯沐

嘉定雜詩

黍熟湖田花鳴飛雨香秋浦筍魚肥野翁織屨

街頭買日暮裹鹽沽酒歸

趁潮艇子若游龍潮落橫塘日下春負郭人家  
星散住水邊多種木芙蓉

崑山

時舟泊移  
居太倉

孤峯雲疊、舊邑草蕭、覓石敲薪火拏舟趁  
早潮沙田紅稻熟溪網白魚跳寂寞悲秋客蓬  
寒酒一瓢

寄邾仲義二首

我思垂虹橋滄波綠楊津萼、揀花宅瞰此江



之濱荷衣佩秋蘭野飯羨紫萼一牧橋上別花  
發三千春相思復相思為爾歌停雲  
我思釣雪灘烟波數千頃幽人讀書罷乘風放  
孤艇沙頭弄明月水底見天影鱸魚秋自肥楓  
葉霜自冷釣鉤未連鰲聊此駐清景

過太倉

揚柳溪邊繫客槎桃花雨後柳吹花東風地角  
環滄海日夜潮聲走白沙市舶物多橫道路江  
瑤價重壓魚蝦天妃廟下沈玄璧漕運開洋鼓

亂搗

簡崔徵君姚參政門人

牧菴夫子久絕筆巾笥藏書手澤存白首逝將  
淚報國青雲多是舊同門去年雪裡西郊別何  
日花前北海樽芳州萋萋春又晚杜鵑聲裡憶  
王孫

和王文振遣興

齋居幽事頗關心晉帖時、自手臨徐穉不來  
常挂榻鍾期相遇始彈琴東風市紅塵暗長



日軒寔碧草深聖代明堂方有作豈容材棟老  
雲林

送陳縣尹之東流

東流父老候飛鳧莫遣前驅叱避途好問去年  
天子詔邑中差稅受息無

哭全僉事

早歲乘驄馬當時負重名四川豺虎縛一跡鬼  
神驚解組歸江漢還家訪友生安知成永訣杯  
酒呂蒙城

羣鼠

羣鼠穿我墉畫出不我避蒼頭往執之赤手反  
遭噬呼號驚四隣狸奴盡呼至羣狸視如盲鼠  
輩從此逝老我氣力衰長呼夜無寐

寄惠山鑿長老

太湖之陽九龍峯金田蟄爾僧中龍山頭雲出  
野漠石眼泉落穀淙呵冰古硯寫墨竹掃  
雪臨軒看碧松別來兩度歲華晚祇見梅花信  
一封



答友人問訊

官河春水綠粼粼，重結銜茅近水濱。  
滕下斑衣三稚子，堂前白髮一慈親。  
閉門無事足為樂，挿架有書何患貧。  
林田更喜連年熟，釀得香醪味更醇。

元日試筆

護草堂前竹數竿，歸來喜見捻平安。  
春風暖入屠蘇酒，朝日光生苜蓿盤。  
萬國臣隣同受朔，一年時序又更端。  
買臣未衣還家錦，庸豎從教白

眼看

送新安程以文先生入京

春雪初消揚柳黃，揚雄奏賦入明光。  
鶯啼禁苑煙花暖，人著宮袍雨露香。  
聖代百年周禮樂，儒林諸老漢文章。  
政須直作揮掾筆，風月平分白玉堂。

和京口張君益南園新居

鐵城如甕藏華屋，金柳垂絲鎮畫橋。  
賀厦燕來尋舊主，灌園人立候春潮。  
戲題花月詩皆好，醉



覽江山酒易消天意也應留遠客雨師連日瀉  
天瓢

王元德別去數年重會呂城諸葛氏家寫  
蘭見贈且索詩送行時予辨惑編成或  
忌而謗之者因併及之

與君一別幾十霜喜君學與才俱長向來作詩  
方刻苦而今格律殊高古向來祇為竹傳神而  
今復為蘭寫真巖崖疊石<sub>足</sub>幽致古木寒藤有意  
生意胸中清氣吐筆端有韻無韻俱可觀相逢

莫恨無知者縑素盈箱乞傳寫絕勝編書斥異  
端老我穿屋牛衣寒十年歲月磨硯鉄贏得羣  
雁爭吠雪願君為作指南車獨行周道當何如  
答凌萬里見寄

移家一別十年多予髮蒼子若何老去情懷  
偏念舊向來消息頗傳訛遙憐杜甫因詩瘦欲  
為揚雄載酒過稍待長江羣盜息洞簫吹我醉  
時歌

送辛明善之縉雲監稅兼高則誠錄事



縉雲山下水盤，一舸夷猶七十灘。如此壯遊  
良不忠，何妨遠別去。之官風生白苧，征衫薄雨  
過黃梅客路。乾傳語郡中高錄事，小編求序冠  
篇端。

題桃源圖

昔年曾讀桃源記，會得陶潛言外意。柴桑避世  
如避秦，恨不山溪絕。其事借人為喻，說桃源漁  
郎之遊，皆寓言。不然溪上山如故，胡乃舟回迷  
經路。若今此景真在山，此翁必入窮躋攀。編詩

不用書甲子，姓名無復留。人間只今唐虞太平  
世，花柳村、足佳致。不須重展畫圖看，四海桃  
源復何異。

張子毅生日招飲以詩壽之

溪山大澤生龍蛇，文采風流出故家。桑負郭  
田三頃，灯火乃翁書五車。南風初結石榴子，細  
雨微挹菖蒲花生徒。女樂為君壽，老夫也得醉  
流霞。

避雨



繫馬瘦亭東郵亭似窄籠長河飛白雪高樹洒  
清風州界終相接鄉音便不同野人來問字錯  
認是楊雄

歲、九龍峯寒泉落冰雪美人此傾蓋為我滌  
煩熱世途自荆榛肝胆無楚越凭高一長嘯清  
風滿林

送崔仲德歸錢塘

家住湧金門瀕湖五畝園梅邊童養窄松下客  
呼猿頭白心猶壯官卑德自尊徵車未來日詩

禮教諸孫

送盛本初教諭之全椒

淮海維揚才俊多先鞭奈爾妙年何瑤花春酒  
三年別淦水秋風一葦過聖代只今興禮樂人  
家 處有絃歌安書寄與南來雁時有新詩到  
薜蘿

辛至善永思亭八韻

而家本西域而翁葬桐鄉二人猶永思哀、况  
諸郎春雨暗宿草秋風悲白楊別來春復秋于



焉奉烝嘗思誠見容色宛在羨與墻一念不少  
休東流水湯、到海水猶已此心未渠央詒謀  
子若孫百世室有家

次韻陳知遠秋日言懷

奔牛古堰頭築室俯滄洲愛客常沽酒耽書不  
下樓青山啣落日白露濕高秋最喜多兄弟雙  
親百不憂

諸葛用中成趣軒九韻

幽、小園池結屋三四楹若人青雲器乃有立

堅情涉園以成趣尚友陶淵明池水魚潑、花  
枝鳥嚶、太極圖外意芳牀堦前生吾趣吾自  
知對客無以名欲識琴中趣且聆絃上報欲識  
酒中趣百壺與君傾啖蔗勿遽棄佳境將來迎

李御史過訪

霜飛白簡照南臺早歲君門射策來獨立敢言  
天下事封頻到御前開駢、馳過茅宇恋、  
梯袍念樑材慚愧山林麋鹿性偃然方樂卧蒼  
苔馬



題畫鷹

蒼鷹獨立清秋樹  
劍翮風生欲飛去  
林間燕雀動成羣  
海上鵝亦無數  
鵝燕雀爭殺喧擊  
之不擊無足言  
快煩為我殺  
釣鵠勿使空人之  
曠城

曹娥廟

死孝魚龍窟  
垂名簡冊香  
江流隨姓氏  
鄉土奉烝嘗  
黃絹碑辭古  
青山木長世  
人間梟獍子  
何面過祀堂

伏日奉懷江浙高掾史次早友人黃仲德  
入杭以詩代簡

伏日常年苦炎熱  
今年伏日風雨涼  
官曹早出丞相府  
賓客高會湖山堂  
垂楊繫馬綠陰靜  
畫舸採蓮紅粉香  
應有新詩紀行樂  
武林風物增輝光

河魴十一韻

世言河魴魚大  
美有大毒  
彼美吾不知  
彼毒聞已熟  
其子小如芥  
食之脹如菽  
腹腴膏血多  
目



脾頭項縮烹調苟失飪禍至不轉瞬或言直一  
死輕命重口腹邇來里間杯羹數家哭譬諸  
安與史敢用甘顛覆溺愛多不明奚止一水族  
作此河鮪詩逢人敢忠告

過道鄉先生墓有感十六韻

忠公天下士夙學能慎獨平生寸心赤耿、照  
黃屋元符引裾諫痛甚賈生哭上言正中官下  
言斥當軸直道時不容除名竄荒服建中及崇  
寧寵辱手番覆炎蒸嶺南地文章散清馥晚歲

歸故山林莊竟埋玉向來望佳城鬱、暗松竹  
今為禾黍區春雨耕穀穀翁仲知何歸雲仍因  
無告嗟予咄畢生斯文賴私淑願言理侵疆重  
植上木愚公將移山自謂計已熟精衛填東  
海可奈力不足傷心復傷心殘碑卧荒麓

簡吳門葛可久九韻

東南古吳會河江浸坤軸閭門萬人海驪珠鯤  
魚目嗟爾瑚珠光彩照壑谷挺、八尺軀便  
便五經腹復用岐黃書教子時共讀座有焦尾



桐樽餘荔枝綠我室雖甚遠扁舟往來熟此別  
獨經年羨墻見鴻鵠珍重應時須抵鵲母以玉  
時分省募文武士聞可  
以歆應命故有未句

寄謝京口俞府判先生辨惑編九韻

憶昨携槁梧往學太古音清風一揮手為我滿  
蓬心言歸卧空谷神飛繞帷林寄來明月珠價  
重獲南金豈不懷報章慙愧秋蛩吟人生少會  
遇歲月何駸尋晨瞻蒜山高夕覽江水深江山  
渺予懷塵世盈我襟行當駕黃雀收此閭風岑

瓊花行送盛克明教授歸維揚

揚州好花非不多奈爾絕品無準何水沉香骨  
素玉蓋琉璃滑葉青瑤柯東風二月花時節二  
十四橋香浸月小山叢桂避芳塵東閣官梅褪  
殘雪向來名士多品題拈香御史今亦知何日  
移春獻天子不負此花天下知

王長史代祀天妃回偶留常州為予作辨

惑編序驛亭飲別以詩謝之

長史名餘  
字叔善



使者祈靈海上回蛟螭遠避漕舟開入朝將進  
賢臣頌當路皆知館閣材傾蓋道邊欣避逅  
車林下久徘徊綠毫題我蒲編去鳶鳳回翔燕  
雀猜

奉同千尚書賀高太尉承恩詩

紫鳳啣書下日邊一樽金幣禮高年天恩已見  
來三錫月俸猶供食萬錢畝野千橋間几杖長  
洲茂苑美山川舊家池館花如錦簫鼓春風送  
酒舡

次韻陳心遠久雨七韻

秋風捲蕩茅我屋漏已久春來復多雨水馬墻  
下走人皆憂巨浸吾謂晴可守獨憂東海上連  
年聚羣醜官軍涉鯨彼鼠輩未梟首西疇作沮  
洳聞我扶犁手何以解此憂山竈瀉春酒

喜復鄒忠公墓田賦絕句十首謝兩郡侯

新松重植古人墳五馬同來兩使君歸我侵疆  
三十畝山靈慙愧謝移文  
白頭翁媪倚林莊笑指荒丘舊石羊誰料百年



荆棘裡又看金紫奠椒漿  
奕奕祠堂春雨生青山紅塔照  
蒼楹檐前燕雀聲何喜冠蓋如  
雲為落成  
去年風雨桑麻今雨楸梧一望  
賒寄語無情  
梟獍子壠上啣土有慈烏  
傾囊不惜購殘碑為愛前朝幼  
婦祠賴有賢侯  
知古竟從教俗士笑書痴  
府公遺愛沾幽壤吏部文章勒  
翠珉寒食清明  
人洒飯落花飛絮烏啼春

里翁猶記前朝五馬年  
上塚來白鳥能言  
高柱立黃楊合抱細花開  
青山無數麒麟塚人到林莊下  
馬過為問路傍楊柳樹  
向來興廢事如何  
景鄒亭在稼亭東  
斷礎猶存竹芥中  
羣圃何時重搆築  
羨墻長見道鄉翁  
千古一杯忠義土  
青山門戶碧溪陰  
溪流冷浸中宵月  
照見先生未死心

三月歸田舍作五首



十年為客不窺園數日還家獨閉門  
兒女牽衣拂塵土親朋折簡問寒暄  
江南花柳青春好淮上風煙白晝昏  
聞道賊渠今磔死雨窓歡喜倒芳樽

余生甘分老漁樵竹徑柴扉掩寂寥  
舍後薄田堪種秫門前流水喜通潮  
人遭歲歉殮榆粥天假春晴養麥苗  
蚤起憑高望西北楚氛猶似未全消  
天開鉄網放鯨鯢甲馬歸營罷鼓鼙  
四海蒼生

皆鼓舞三苗何物竟昏迷愁聞近日軍需急  
幸得新年米價低春雨壠頭耕未得桑林布穀為誰啼  
鴉鳴鵲噪挽無靈庸儒諛言更莫聽萬國山河春蕩  
一時烟霧晝冥、官軍自足追窮寇縣吏猶勞募壯丁  
何日買刀仍買犢花村雞犬共安寧

飛芻輓粟未能休嗟我鄉隣日夜憂何事羣兇恣猖獗  
半年請將擁豨貅桃花過雨紅顏老杜



字傷春血淚流堪笑腐儒無可用下帷依舊說  
春秋

記夢併序

至正十二年六月初八日夜夢於先人舊居  
之後堂看故兄所遺春帖有讀書傳家等  
語因念先人嘗言曾大父以儒名家從父  
領鄉薦為校官我兄尤好學而文今其孫  
無有似者次兄二子皆廢學吾三子亦未  
成立以此感泣既覺而涕泗交頤心甚怵

惕因作詩以示兒

苦熱夜難寐坐久方偃息夢歸巷南宅竹樹皆  
歷：伯兄手題詩猶存後堂壁余時因感傷先  
世本縫腋書報今寂寥寶樹化荆棘立觀楷書  
字哭泣淚沾臆覺來憶詩話白月光滿室重念  
世澤微門哀自疇昔我方垂髫時伯父死于溺  
音容兩茫然了若不相識但聞能孝友風姿頗  
清逸四十五六年遺文搃狼藉題壁尚何有此  
夢生此夕余生雖無成多賴讀書力揩廁鏡上



塵積累机上錦嗣續幸不泯所願能自植木也  
年十六林亦及二七阿森今九齡父母俱愛惜  
不為樵牧童又不學稼穡螢寒與雪案寸晷宜  
自惜讀書承世業此語誠藥石汝曹能勉是  
亦尊汝伯旁觀勿相笑說夢等兒劇

客來

草孔頻移轉覺寬酒杯雖舉不成歡客來為說  
紅巾苦寒下榴花亦怕看

進士馬仲達為常州路錄事司達魯花赤

監築城以詩見示余次韻答

風櫚抱膝聽鳴蜩頗覺鄉村有叫囂四海百年  
歸一者兩階何日格三苗斗城新築關門早鉄  
騎南征去路遙年少參軍金榜客可無竒策上  
丹青

至正壬辰十月廿二日於妻兄任氏家避  
亂得家兄信感嘆而作

避地橫山下離家十日餘鵠原常在望魚素忽  
傳書猛虎走城郭蝮蛇生里閭欲歸未得搔



首獨躊躇

初度有感 年五十一月初六日時  
寓任氏

我生何不辰 垂白遭亂離 鄉城滿眼咫尺不  
得歸 百年今已半 喘息能幾時 桑蓬負初心 夢  
義有餘悲 慙愧朱買臣 富貴能自期 男兒無所  
成 百齡亦何為 對酒不復飲 把劍空欬歎

寇退別詹魯賢 十六韻

君家天台下 我家馮湖邊 針芥一相投 膠漆四  
五年 倉皇避羣盜 妻子同一艱 中途苦離散 經

各憂煎 相見若再生 相依益相憐 橫山樹歷  
歷 東洲水濺濺 山水非不佳 旌旗日紛然 兩家  
妻與子 一月夜不眠 明發竄荆棘 衣被裹索饋  
莫歸客 欄下耳語青燈前 葵心傾太陽 杞國憂  
崩天 逝將哭秦庭 乞師掃烽烟 臨期賦遁去 此  
志從鬱然 坐閱明年春 東風草芊芊 慘別牛城  
下 相願猶夔蛇 重結生死交 永矢金石堅

送京口劉千戶歸營 十二韻

桓二千夫長胸有萬甲 兵生長太平 世終日醉



六經一朝著兜鍪羅馬出瓮城擒賊不知數報  
國丹心傾台司方論功憲節偕按行部曲嚴武  
威瘡痍撫罷配寶刀洗荆溪鉄馬歸柳營鶯花  
已春莫草樹猶血腥一雨殊足喜四野布穀鳴  
吳兒賣戈劍買牛事春畊願瞻天地間埃氛未  
全清何曾盡掃除丈夫功業成

過金陵明道書院訪友人高孟之山長適

遇秩滿且有側室洗兒之喜作詩賀之

六韵  
立

客來鳳臺下適見生鳳雛斑、五色羽啐、百  
尺梧家客席上珍愛君掌中珠度曲紫玉簫瀉  
酒黃金壺起舞為君壽試啼呼阿奴梅花亦解  
事含笑文庭隅

過陳時舉宅畫壁十一韵

雙松歲寒姿拳石太古色我昔山中遊 此松  
下石松花雪霏、松葉風瑟、安知此清景相  
對復今日擎空兩髯龍乃在一書屋主人罷鳴  
琴晏坐室生白客來苦炎熱傍樹欲推幘不聞



天籟鳴但見空翠滴頰衿 如洗林壑幽興適  
經月數相過明朝有行役黃埃赤日中令人轉  
相憶

孫伯昭與陳天倪用簡齋涼一思到骨四  
壁事多違為韻賦詩見寄余和答之

薄田西河上種穀多種秫秋來喜甘雨 頭釀  
真一我思山中人不見如參商蒲萄好留客毋  
用博西京秋水漲百川無人洗乾坤堪笑閭閻  
下空懷報主思東齋可談書西齋堪寄傲山中

儘寬閒俗客自不到 淒淒草吐霜耿耿天上月  
遙憐兩淮地千里照白骨吾生西復東徒以口  
腹累懷哉安樂翁不出時有四明月足可喜好  
句無用覓寒蛩為誰悲唧唧鳴四壁殷勤語兒  
曹要識一丁字明年世清寧依然重文事主人  
錦甌能飲客金巨羅遙憐古岩桂香似廣寒多  
持身服苦淡適口忘甘腴青雲丈夫志白首慎  
毋違

哀陶堯佐 併序十三韻



至正壬辰冬紅巾陷常州駱州民政京口不  
從者殺之我邑人陶君堯佐不幸為賊所  
得且欲并馱其諸父昆弟以行君厚賂之  
以一身代眾人之急從至丹陽聞宮軍鼓  
噪聲即倒戈刺賊渠墮馬因被害時吾里  
有識君者既而語其事於予：以君嘗讀  
書知順逆故誠信而悲之閱二年方欲問  
諸水濱筆之野史以暴白其難明之志其  
族人有為之後者葵君衣冠予述前所聞

作詩哀之

嗟爾練湖水不洗斯人汙冤血化為碧春雨生  
苔蕪皇天有老眼斯人亦何辜生當太平日三  
世家業儒本無縛雞力苦被虎豺驅孰知能賣  
勇倒戈誅賊渠鉄石一寸心蓋粉七尺軀而家  
既能全而憤亦以舒但恨薰與猶混然骨同枯  
華表雀不返竹林啼鳳鴝衣冠藏古丘魂魄遊  
清都擊賊作癘鬼當與張君徒天意不可問愁  
雲晝糊糝



兵後到杭馬掾史置酒見招且示以所與  
石處道丘長卿西湖倡和之什次韻首  
西湖山色冷如灰前度劉郎今又來紅粉畫舫  
今寂寞斷橋流水日縈回一堤寒柳風烟老兩  
鬢飛蓬歲月催賴有故人能慰謝綠樽重對晚  
山開

西湖曲

西湖春水綠于酒西湖女兒嬌似柳依稀二月  
三月春攀折千人萬人手我有一索青銅錢明

朝也買下湖舡試歌斷脣孤兒曲湖上豈無人  
會傳

自錢塘回舟中懷馬掾史

省前山色翠欲滴幕下官曹清且閑公退每傾  
鸚鵡盞客來頻燕鷓鴣班坐看急雨沾花席應  
念扁舟出柳灣白髮鄭虔毡未暖還家方苦路  
間閑

舟中懷辛至善

春草綠如許之人猶未歸江東雲度水馬土雨



沾衣王事馳驅久家鄉信息希多情舊時燕還  
繞畫梁飛

望官軍

揚子江邊羣盜來奔牛呂城飛劫灰客懷每日  
鬱不樂笑口幾時能復開東郭流離人似蟻西  
村格鬪鼓如雷官軍望斷無消息獨立斜陽首  
重回

示長子木二十韻

淮澤聚羣盜池魚恐遭殃喜今避地去溪上一

葦杭汝妻扶汝母小婢携橐囊卅角汝兩弟隨  
行色蒼黃僕夫偕汝留家居謹周防屋後林有  
竹林後園有桑祖宗百年墳高樹蔭金堂汝為  
吾家嗣承家奉烝嘗興廢固有時生理無怠荒  
但無滄望憂可待時世康鄰或侵凌勿與較  
短長韓信跨下辱自度勢莫當婁公面上唾不  
拭庸何傷彼惡汝勿為口亦勿播揚天定能勝  
人善惡報乃彰松柏耐歲寒葵藿傾夕陽此身  
可糞粉此志勿改常汝幼頗醇謹亦嘗聞義方



稍暇曾讀書慎勿弄杯觴行看太平日斯文復  
輝光

嚴將軍戰馬歌併序

至正乙未春常多盜省府調兵捕之浙東宣  
慰司元帥嚴公來總軍未幾無錫平移軍  
武進一日掘來富莊賊巢軍中失二馬明  
日賊乘之抗官兵烈塘上二馬聞金鼓來  
奔賊控勒不能止隨墮地馬立踈殺之  
官兵大捷故予烈塘之民感神其事俾余

作歌以美之

往聞齊軍夜路迷老馬前導人追隨又聞的盧  
躍檀溪漢業復立西南隅古來良驥稱有德未  
有驍騰能殺賊將軍兩馬馱賊來雲霧四起生  
風雷紅綃帕首尔何物霜蹄一路成飛灰軍前  
認主鳴且舞驚倒羆熊與豺虎羣兇胆落不敢  
追官軍凱旋掙大鼓馬兮馬兮誠有功須知感  
物由元戎將軍接 武惠功煌煌史冊書勲庸  
尔馬名亦垂無窮



別姻家尹居士孫氏世居金檀尹干橋其

亂學家具及古今書八百餘帙復回故

烽火西來病眼紅歸帆忙挂霍溪風蛟龍劍伏

豐城下蚪蚪書藏魯壁中邠老自憐能世守阮

生誰信又途窮一盃此夕知何夕兒女挑燈笑

語同

贈花御史常侍文尹晉陵

水雲襟懷鉄面威鄉井重過思依、州官跼蹐

迎駝馬父老懽忻識綵衣閩越地偏滄海接江

淮屋遠縞霜衣飛舊遊還念城東客白首持竿

坐釣磯

過無錫口號至正十五年十二月十五日

余因感憤而作

丞相樓船大鼓鉄騎前驅猛于虎紛、鼠輩

敢橫行與我官軍戰河澣落日未落懸林梢一

天殺氣風騷、官軍縱火鼠入窟太湖水濶陽

山高相君賢似唐裴度豈無將軍如李愬堯叟



戴雪搗賊巢一夕湖舡竟飛渡我有一寸鉄願  
 作將軍箭將軍三箭定陽山湖水依然淨如練  
 揚鉄崖先生既為應芳序思賢錄又以應  
 芳上書丞相不報作長詩贈行是用感  
 激賦此留別兼謝

錢塘江上久為客先範門前三上書喜得問奇  
 楊子宅何慚題柱馬卿車風塵鴻洞人皆恐水  
 雪崢嶸歲又除覓得驪珠三百顆橫山歸卧舊  
 田廬

代簡蘇景瞻先生二絕

西門渡頭春水生故人  
 不來舟自橫聞道移家  
 近湖住手栽桑拓綠陰  
 成布穀聲中春雨生  
 溪頭倚杖看春畊  
 干戈滿地人相食  
 宜爾龐公不入城

龜巢藁卷之二終





龜巢藁卷之三



養竹成大林

詩

養竹成大林頻年竹生孫美竹非不多惡竹亦  
已繁羣奴為洗之往哉聆我言美者慎勿傷惡  
者必去根勿虞爾斧缺勿憚爾力煩宿莽蕩無  
餘清風仍滿園

樹頭鴉鳴

樹頭鴉鳴農人起芸苗問之爾何忙良田秀  
驕、去年耘較遲草蔓人力寡稂莠非不除卒





以害吾稼吾聞農人語猛省天下事養虎常害人玩寇亦如此

移家金檀尹干橋奉寄俞用中先生

辟地金壇縣懷人鉄甕城戰塵今滿眼憂國豈忘情北固山無恙中濡水最清卜居何處好為我主鷗盟

大父卒宋末葬烈塘之東墓松合抱者數百株一旦為鄉豪伐去郡縣弗能禁愬之分省亦莫敢誰何應芳痛憤于家形于夢寐

至正十六年二月廿六日也

當年掃松寒食朝紙錢挂之松樹腰今年無樹堪挂紙冢頭挿竹風蕭、孤兒抱怨吞聲哭躑躅歸來卧茅屋夜深忽夢蒼髯翁手足裹創頭髮禿告言淮寒荆楚間羣兇殺人連數年名門世胄皆赤族梗楠豫章何足憐吾方欲問天下事雞鳴夢破心如醉髯翁恐是十八公天耶人耶誰降凶

五噫歌



大明何為而翳兮噫大凶胡為而裂兮噫觸邪  
之薦角胡折兮噫祥麟在郊足亦則兮噫天乎  
遺黎豈至是而底滅兮噫

憶兄

平生愛緇侶逃難亦與俱骨月不相顧安危竟  
何如銅馬從南來殺人血成渠一炬灰萬室九  
原槌含珠懷哉鵲鴿原何時蓬華廬橫山絕高  
處獨立眇愁予

三五七言

角蛇啼翼虎飛百年鳳雛環五色 雖飢盲風  
怪雨已連月青天白日寧無時

歲莫獨歸

浩：北風吹戰塵還鄉無復見鄉人四郊荒草  
斜陽外一樹寒梅野水濱偶有新詩題甲子忽  
驚初度過庚寅僧廬夜宿明朝別默念義蒿淚  
滿巾

西膠山雪詩

寫呈無錫尹遂蒙羅  
吳家渡築城之役州

一夜深二尺強石人墮指冰蚕僵猶喜金烏兩



趙凍不折天明飛出海上之扶桑晨起膠山下  
風景看渾是畫連山萬頃玉為田隔水救家銀  
作舍田中築城團義兵日高未飯飢腸鳴黃泥  
地硬如鉄白柄短鉏鏗有聲不辭受寒飢但恐  
虧工程將軍踏雪來點兵萬夫鵠立顛且驚馬  
前壯士五 棒 頭性命鴻毛輕予生悔不習  
兵法雪夜擒吳書蔡掇客攔抱膝漫悲哥奈爾  
義兵寒苦何

丁亥歲旦徐達卿席上作

主人飲客椒花酒笑語春風口角生  
久雨忽晴人共喜又聞周鄭盟

元夕寓田舍有感

憶得去年王正月錢塘風雪正頻繁  
馬周獨酌新豐市韓愈三書光範門  
喪亂不需新雨露飢寒今憶舊田園  
瑛山西畔孤村裡借屋篝燈過上元

夢贈錢夢弼

連雲第宅瑛山西喬木森與屋齊  
萬國熊羆方



血戰一林鳶鳳自幽栖東風池館春如畫長日  
笙歌醉似泥吐酒錦茵客野客新年十日九招  
攜森

丹陽陳天倪及其剛中犇牛陳心遠等諸

羽士避兵洞庭山寄此代簡弟

洞庭林屋聚羣仙問訊曾逢賣摘舡湖上白魚  
多滿尺山中朱果不論錢仙家犬吠雲連屋澤  
國龍吟月滿天辟穀有方煩寄我吾將多與世  
人傳

陳大翁過堠山客舍情話連日追悼母氏

使應芳情見予詞翁名師可字伯大  
宋常州通判之子

外家親戚惟翁在相見猶能話阿婆三夜客窓  
同寂寞兩年兵火各流離可憐今雨窮途客誰  
識前朝郡倅兒前世青檀零落盡行囊留得數  
篇詩

寒食前聞鄉信口占

鄰舍驚呼避蝮蛇老妻嗔怒唾烏鴉誰知昨夜  
三更雨又送春風一度花寒食清明人上塚夕



陽芳草客思家愁來復遠青山去何處壚亭酒  
可賒

訪孟伯堅周履道不遇

班馬文章駕並馳雲龍追逐去何之門前流水  
垂楊柳屋上青山叫子規三月又遲修禊日一  
觴還憶太平時可憐潦倒無家客滿目風塵兩  
鬢絲

刺促行次履道韻

刺促何刺促江上秋風破茅屋誰憐杜少陵長

歌之哀甚于哭故山可望不可歸彌樓臺高春  
草綠浮雲滓日竟誰洗烈火連天勢難撲三農  
不復把犁鉏風雨荷戈城上宿於乎人生有子  
作征夫不如返林哺間烏

題春林雨意圖

前山後山雲氣濃欲雨不雨天無風記得去年  
初夏裡此時舡過滿湖東

懷周履道六韻

平生多朋遊窮途見交態每歌林杜詩重念伐



木 孰謂新相知情如舊親愛手書辱殷勤投  
餐慰行邁老我無為執德心未艾秋風自搖落  
松栢歲寒在

狗寨謠

往聞淮西軍食人狗亦有寨屯如軍是時江南  
幸無事尚謂傳者言非真安知吾鄉今亦爾地  
方百里皆荆榛三村兩村大成羣見人如見東  
郭兔跳跟大噉猛于虎坡陀高踞殺猪、路旁  
青草堆白骨天外飛鳶御銜筋征夫早去胆欲

落冤鬼夜哭情難伸可憐性命葬饑腹往、多  
是逐鄉民向來喪家狗絕食遺骸或與狐狸分  
乘時為暴至若此、事千古同悲辛寢皮食肉  
不可得張牙弄爪何由馴虞廷九官分厥職益  
必掌火山澤焚犬乎犬乎胡不草心爾全爾身  
主爾主鄰爾鄰搖尾乞食仍相親母使犬若之  
名天下聞

壽玉山人十六韻

黃梅雨歇南風清綠槐如雲陰蒨庭胡髯雪凍



白眼明長日細字箋龍經有時忽着道士服騎  
鶴三天奏符籙天上神仙知姓名人間富貴羞  
馳逐翁年已耄何嬰鏢姮娥應授長生藥我來  
避地方卜鄰翁與談天甚為樂酒邊却笑礪溪  
翁吾年與同心不同鷹揚未若釣魚好周家自  
有羣羆熊平生毛穎與親炙老去麴生尤莫逆  
白鷗之盟君勿渝門外紅塵一千尺

八月十六日顛沛中見顧玉山蒙置酒嘉  
樹軒相與劇談痛飲惟如平生且有來

夕草堂之約既醉而別賦此以贈

來往東吳三十年吳人多示好詩篇片堂下  
知醜蔑一笑樽前壽魯連嘉樹連雲秋不老桂  
花如雪月仍圓烽烟已隔重湖水且為交惟理  
素絃

留別顧玉山將往杭州卜居二十韻

垂白遭多難蒼黃走四方吳人今入貢越寇復  
侵疆百戰山河破三邊草木荒軍容皆赫赫徒  
御亦揚揚舉士思投筆農人習臂搶誰令紀綱



壞未改琵琶張卓爾文章伯平生錦繡腸琴書  
曾不廢軒冕迥相忘愛客坐常滿耽詩夜亦忙  
登龍嗟潦倒鳳鳥亦翱翔說項口不輟留髡興  
甚長百篇詩倡和屢舞酒淋浪老驥羞陰伏飢  
鷹欲遠揚憂天如杞國辟地下錢塘丞相聞新  
詔除官平舊章覆蕉曾有夢腐草或先光蕭颯  
雙蓬鬢漂搖一蒂杭第慚金自躍何以玉能藏  
海底珊瑚赤松根琥珀香明朝重回首嘉樹鬱  
蒼

贈道傳上人

偶識廬山遠山莊借屋居  
撥雲分臘酒踏雪送寒疏  
門俯溪光迥窻含野色虛  
相過而不厭燈火案頭書

送蔡伯昇辟兵澱山依故人

典衣沽酒磧沙頭送客携  
家訪舊遊虎窟携來  
桃竹杖鷗波蕩去木蘭舟  
黃楊偶厄今年閏老  
菊重逢九日秋覓得桃源  
堪辟世結鄰當與老  
菟裘



陳湖夜泊

平湖清水清如鏡，照見潘郎兩鬢斑。  
帶箭飛來何處雁，一報哀怨入雲間。

訪澱山因自明習無學二禪老

西風蒲帆天正假，扁舟過湖快如馬。  
欲尋漁父問桃源，因訪高僧遇蘭若。  
南 北秀兩魁竒翠竹，黃花拈瀟洒。  
相逢握手問流落，試為從頭畧傾寫。  
生居揚子大江濱，老我返陵力田者。  
羣兇西來火三月，四境更無第一把。  
鄉鄰死戰血漂

杵，妻子生擒肉為鮓。隨波幸若魚漏網，失窟驚如魄在野。  
山中碧松堪療飢，池上白蓮宜結社。笑語同行有髮僧，數見不辭禪板竹。你打

懷玉山隱居并簡其子國衡

錦翮鷓鴣維海上，回無端鷗鷺失驚猜。  
青山靜對機心息，好客相過笑口開。  
魚躍冰池堪入饌，蛆浮臘瓮足持盃。  
官軍赴敵忙如蟻，奈爾重門掩綠苔。

懷袁子英



疇昔尋君竹浦西，芭蕉月上姓名題。別來歲晚  
相留，愈行到窮途。孰指迷，兩鬢風霜秋颯。一  
蓬烟雨晝淒，遙憐冠蓋高陽里，長伴山翁醉  
似泥。

懷諸葛用中

每憶君家書畫舫，夢魂飛繞太湖邊。干戈滿地  
無休日，萍梗他鄉。又一年西北天，高烟霧隔東  
南海，濶水雲連。何當覓得蓬萊路，相與從遊，采  
藥仙。

至正丁酉冬玉山燕客芝雲堂適有時貴  
自海上來以黃甘遺之玉山乃分餉坐  
客且曰吳中以連年擾攘無之今有之  
諸君子不容無詩故有是作

青巾西來人食肉，逃難西來采黃獨。上書不伏  
光範門，忍飢寧負將軍腹。玉山燕客，滿堂香  
柑新帶永嘉霜。分金四坐照人面，勅玉三噉清  
詩腸。山中柳絮大如斗，吳姬劈來薦春酒。酣  
遙指洞庭山為問，木奴曾貢不頻年。兩浙阻戈



兵黃甘陸吉不相過此時共享此佳果胡不取  
醉花前歌漢廷傳柑還賜宴應念江南久征戰  
聖恩有詔息蠲租可奈數州人已無

贈錫元臣何士安二省郎

冬十二月一雨滂婁江水高三尺強翻、使者  
傳令急肅、官軍赴敵忙日出山頭雲氣白春  
回海上柳枝黃捷書明日報振府連壁少年增  
寵光

錢夢弼移舟過姜里後三日予往見之適

夢弼卧病董子正月賦此為別

埃山之別苦倉猝甫里相逢說亂離喜見新年  
正玉月重瞻舊日漢宮儀酒盃不惜魚金換藥  
杵何勞玉兔持借問董家雞共犬有無祥瑞似  
前時

謾興十一首

甫里水東頭垂蘿繫客舟客心清似水吟鬢白  
子鷗詞賦知無用干戈苦未休蓬窓三日雨農  
事憶西疇其一



五十不富貴嗟蛇又六年新愁添宦髮故國暗  
狼烟白帽看雲生青燈聽雨眠痴兒書懶讀翻  
笑腹便：其二

吳地方千里齊民挽荷戈人生無可奈天運竟  
如何米市黃金賤沙場白骨多故山時一望老  
眼淚懸河其三

伐木燒官炭中林霹靂飛窮猿無可擇飛鵲更  
何依野雨生稊稗山風長蕨薇兒曹能采拾猶  
足慰年飢其四

吳女何多巧吳趨作楚聲市廛方易肆朱粉復  
傾城壓酒桃花塢彈箏細柳營將軍正年少相  
顧苦為情 其五

闔閭城下柳誰種綠陰成樹繫浮江馬枝遷出  
谷鶯我朝方用武僧寺挽屯兵猶喜湖田熟街  
頭米價平 其六

田舍方東方州家安義兵瀕湖團水寨劔石甍  
山城柳暗春烟暖芹香潤雨晴荷鉏歸未得布  
穀為誰鳴 其七



盡道從軍好封侯甚不難羽書頻報捷相府即  
除官北鄙烟塵遠東風雨雪寒腐儒人共笑白  
首鹿皮冠其八

赫々千夫長搖々四櫓舡々輕如躍馬寇退欲  
歸田策笠松江上犁鉏穀雨前只愁邊報急生  
計又茫然其九

太湖三百里流血水雲腥戰鼓有時歇漁歌無  
處聽飄零孤雁白慘淡遠山青題摘音書斷令  
人憶洞庭其十

近聞京痛召使者又江東兵革何時息車書四  
海同落梅春雨後芳草夕陽中俛仰長流涕窮  
途一老翁其十一

顧國衙萬戶席上與乃翁及元樸長老數  
客把酒賦詩各成七言四句韻

客來寒食清明日每日春風醉玉山綵筆醉題  
鸚鵡賦寶香頻燕鷓鴣班簾前脩竹翠欲滴地  
上小桃紅更覓按得錦箏新製曲隔花黃鳥共  
問關



宿壽上人山房再和金西白長老韵

春來淮楚兵方息  
今夜村莊犬亦寧  
分得梅邊半窻月  
借看松下兩函經  
屋山風颺茶烟白  
江浦雲連樹葉青  
來往風流似支許  
獨慚吟髮已星星

訪積善寺貴上人適與旌德寺學無為明

月庭相集四人年皆五十有六酒邊联  
句共成一律既而又各和一首

四人二百廿四歲通前一日酒傾三百杯月庭

醉裡不知浮世狹無為吟邊但覺好懷開應芳

春雲冉、連江樹通前晴雪紛、落野梅無為

邂逅相逢離亂日月庭布帆無恙亦佳哉應芳

送梅州判之崑山

百戰歸來佐一州  
貂蟬從此出兜鍪  
山城近海金湯固  
市舶通番食貨稠  
下馬正逢梅子雨  
勸農須趁麥花秋  
薦賢不負尚書意  
治功成秩更優

四人二百廿四歲野老浮家僧渡杯共喜江湖



春水靜迢逢西北莫雲開神仙換骨元無藥宰  
相調羹自有梅昔酒正須終日醉、鄉佳處亦  
悠哉 此在送梅作之前

端午日瑞光寺西白長老方丈作

藕花池上端陽日菖歎香浮玉藥舡可喜山僧  
能好客長容野老醉逃禪連宵雨漲三江水當  
午雲開一鏡天醉倚浮屠望鄉國橫山依舊暗  
烽烟

對雨書懷

書生得句百憂忘更喜新知共一方醫士為焚  
餘藥券 指願 鄰僧借與讀書床 指壽 十年鄉國  
烟塵暗五月江村風雨涼不用弱流三萬里地  
無豺虎即仙鄉

次韵贈管伯齡

風連四海塵身世同一漚斯文幸未喪同類猶  
相求蜉蝣果何物敢作撼樹謀諸公新亭淚可  
笑學楚囚我無西園金孰問東家止嗟爾一片  
玉產此崑山州天門九重深獻納亦未由江村



茅屋雨湖田稻花秋門外車有轍窓前水長流  
時無華子魚幼安誰與儔濯足弄雲水商歌興  
悠、胸蟠五色線唾視  
針芥適相遇珠  
璧驚暗投酒盃接殷勤詩盟結綢繆千金享敝  
帚猶曰不易酬新知如故交一笑忘百憂停杯  
問蒼天干戈幾時休金風雖乍起火雲未全收  
谿橋柳陰清繫我三日舟慘執不忍別相期重  
來遊

甫里先生

有田二頃可無官况復時危行路難丹鳳徒勞  
啣詔下白鷗自放出關看春從願渚隨茶灶月  
向淞江伴釣竿舊宅不知何處是浮屠樓閣倚  
高寒

次韵袁子英過吳江兼簡琦龍問

孤城當澤國潮撼勢如浮挂杖尋僧寺長橋係  
客舟江寒楓葉落湖暝蝮蛇遊寄語龍門客詩  
盟莫負鷗

江上女和子英韵



妾生吳江上阿爺最鍾情十五嫁夫婿紅顏如  
舜英別來各天涯所共惟月明妾守江上宅夫  
戍邊頭城江上畏行露邊頭防所營一朝義當  
盡性命鴻毛輕死願化葵藿兩心同傾

送顧玉山遊東南諸山

我愛向子平婚嫁畢兒女平生掌上珠棄置若  
敝屣百事不挂眼五嶽縱遐武朝與麋鹿遊暮  
與泉石伍泉石本無情所喜絕塵土松風出林  
磴笙瑟音調古但聞幽鳥鳴猶勝俗人語咄彼

貪墨徒躋燈焰金塢遺臭千萬年其禍皆自賈  
吾知子平心夙昔慕巢許矧茲風雨秋摧蘭折  
蘅杜往哉山水窟幽期赴緇侶解纓濯滄浪蒼  
花八風舞老我病江沱臨風為延佇

和顧仲英金粟塚燕集詩

我昔過北印立馬山之隈為問壠頭樹皆云後  
人栽生前樽酒誰不有無人到此自對青山開  
屋堆黃金五侯貴難免白骨生蒼苔最憐吉士  
或狂折有如爨下蕉桐材玉山先生達觀者胸



次不着閑悲哀清秋携客墳上飲麴車載酒山  
童推大笑胥魂乘白馬深慚繇魄化黃熊墓名  
自製身自挽視身不啻輕如埃鳶翔鳳翥玉箸  
篆虎踞龍蟠金粟堆鶴羣三繞嘉樹舞龜巢並  
載豐碑來長吟復短吟此興何高哉秋風無情  
推萬物芙蓉亦老胭脂腮笑言他年翁仲共寂  
寞何如此時賓客相追陪功名絕愁根富貴脫  
禍胎百年能幾日一日能幾杯從此秉燭長夜  
飲猶恐四蛇二鼠忙相催主人爛醉客亦醉絕

倒不顧旁人嗔北望中州數千里人家盡作邱  
前灰髑髏委江郊多是賢與才忍飢自作首陽  
鬼獨醒誰念湘江纒神仙初無不死藥方士浪  
說尋蓬萊君不見無邊之海白森、無名之山  
青巍、長鯨嘔吸成風雷徐氏一去何曾回

玉山以予欲徙居淞江之東設席書畫舫  
邀袁子英陸元序恢上人用江東日暮  
雲分韻賦詩以餞予得江字用以留別  
浮家野老雙目厖振柁欲渡吳淞江東將入海



釣濤龍玉山、中別老龐西池之屋如解艘左  
圖右史堆滿窓燈花搖、落銀缸葡萄澗、傾  
玉缸四簷白雲雨流飛淙若列媧石銀河澤主  
人長歌客按腔翕然鐘鼓相擊撞酒酣捉筆如  
長杠千軍可掃昂可扛諸公大才齊楚邦騷壇  
將軍霖麾幢客來投筆乞受降乃辱贈以白璧  
獲明朝短纜與舊椿馮夷前騷鼓逢、海濱懷  
人倚石砭書筒時寄黃耳虬

來龜軒詩

為顧君  
玉山作

維歲之初兵闕邑閩我鑄其扁以辟以從今我  
來思室有爾龜我墉弗穿爾從何來委蛇委蛇  
爰曳其尾來龜之祥云何不喜我戶伊威我牖  
蟪蛄嗟我婦子亦孔之勞爾其泥途我室我家  
豈不尔思以名其廬瞻彼池水有蒲有蓮尔居  
尔游宜永其年

袁子英偕宗別傳過天慧庄因獲晤言夜  
話之餘口占以贈

短髮蕭、雪滿簪老禪方丈挂瑤琴月明每憶



許玄度歲晚同來支道林四海干戈猶在眼百  
年軒冕摠無心梅花玉立西窓下相伴哦詩到  
夜深

子英之玉山顧隱君今于同里法寺樓  
居日抄佛書至午而止餘暇則吟咏不  
輟雖親舊來訪亦不往答焉余因子英  
復去作此代簡

客來喜得平安信蕭寺樓居日掩扃湖近浪搖  
窓影白地偏苔沒履痕青羣賢方結蓮花社小

楷猶抄貝葉經歲晚扁舟過甫里好尋漁父過  
寒汀

送照元明住白馬寺

老梅飛去迹猶靈七十二峯湖上青已喜黃龍  
新說法無勞白馬遠馱經六時花雨後猊座五  
色雲開翡翠屏携取寒泉同煮茗子將歲晚過  
禪扃

冬至日陪高太守坐愚隱山房讀易有感  
一殼渾沌破二氣從此分消長固有時燮理亦



在人云何數年內濁亂暗楚氛維時當年各裕  
衣煖如春中林竹抽萌花開雪紛陰極陽復  
生長喜茲晨蒲團踞禪榻芸窓對爐薰荃蹄  
謝支許羨墻見義文嗒然我忘吾萬事何足云  
人日懷管伯嶽及杜泉玉昆仲定一山上

人

吳淞江頭春水生美人不來舟自橫一年又過  
牛羊日四海豈忘鷗鷺盟管寧白帽傲軒冕杜  
陵名家多弟兄結社香山僧更好野老何緣與

姓名

劉景儀寓崑山永懷寺除日作三十韵見

貽時予客薦嚴丈次韵答之兼贈兩山

主人

遭亂心如醉偷生鬢已華一年看又過幾度發  
長嗟淮海浮羣馬荆蛮鬪兩蛇妖氣渾不散殺  
機轉相加倦客誰相顧高僧意孔嘉燒香談般若  
若倚樹聽楞伽文風月三生石文章五色霞皆  
前時刻草坐上或拈花我下南榻君居北秀



家麓豪笑俗子歌舞擁高娃重繫纏頭錦頻敲  
拍板牙何如宗有道樂此寂無諱法喜常親炙  
塵心亦變華濟河求巨筏出宅問三車丘火西  
來盛神京北望賒憂天同祀國賦雪擬劉義西  
寺齋鐘應孤城戍鼓搗朋遊欣密迹世務那紛  
拏來、華軒鶴喧、晚樹鴉餘生知有幾學步  
恐成差救國歸心切烽烟滿眼遮衣冠無焦類  
戈戟亂如麻不識蓬萊路那逢博望槎憤秦思  
蹈海悲楚欲懷沙竊比君臣蟻誰憐喜怒蛙挑

符驚節換萍迹寄天涯君憶蘇堤柳子懷楊羨  
吟篇聊侶和醉筆半歌斜此意方相得前言  
匪敢誇尚期金百鍊永保玉無瑕

聞顧玉山芝雲堂火而所藏之書俱焚恐  
其不能為懷詩寄釋之

誰將藜燭觸羣書腹笥便、自有餘得失永須  
論塞馬平安聊復問池魚草堂留客仍投轄香  
經尋詩可曳裾別院海棠春滿眼重来燕子喜  
何如



和玉山初夏言懷二首

聞君久約東林老林下棲遲避俗塵蓮社不妨  
陶令醉並蕪誰信度即貧蘇湖渺、田皆水淮  
楚茫、草没人春去百花先自落五更風雨况  
相因  
四海風塵渾未息一時天道豈無知待看雨散  
雲收日依舊山青水綠時死欲便埋童荷鉢生  
能自挽手栽詩道今風致清如許行路相傳口  
似碑

再用韵寄悅堂長老

松雪孤標孰與倫烟霞一室靜無塵清談每日  
能留我自說平生不患貧城郭含輝山蘊玉壻  
除聽法石如人曇花不逐春紅老信與東風別  
有因  
老虎兒孫到鳳池聲名曾徹九重知雀書天上  
頌恩日猊坐山中說法時寸草不忘慈母報白  
華無愧古人詩春秋直筆黃夫子曾為東林著  
二碑



踏車歌

吳田水深三尺許，搃是去年秋。莫雨勸農使者，  
催春畊田。甲頻搗水車，鼓江村破屋能幾家。  
家婦姑俱踏車，蓬飛兩鬢赤。隻脚亦有兒女隻，  
髻了淞江太湖愁。滿眼白汗沾衣足，生斫車輪  
輓。羊角轉水波翻，龍舌卷春來十日九不  
晴。怕聞鶉鳩呼雨聲，滂沱綿裨片時久。辛苦又  
加三日程，當家豈無夫與子。打魚日糴去城市，  
城中禁米難出閤。田上忍飢還戽水，四郊未種

園田穀三邊已，運官倉粟安得木。牛為木龍運  
水疾于牛足，陸西林日落田婦歸。隄岸白烟魚  
虎飛，詩翁獨立長太息。何處青山有蕨薇。

和陶菊莊郊行二首

崑山春暖玉生烟，滬瀆潮平水接天。行到滄洲  
人寂，坐看青苻葉田。  
十年四海暗烽烟，五柳先生醉樂天。芳草夕陽  
江上路，獨憐春水滿間田。

梅子玉判官勸農過客舍口占以贈



婁江之南一萬家  
葑田水深忙踏車  
喜有春禽鳴布穀  
幸無夜雨漲桃花  
州倅勸農頻出郭  
野航牽纜小如瓜  
白鷗也自知人意  
引領相望立釣槎

觀浴佛有感

銀盤水浴紫金身  
白髮禪和拜跪頻  
周孔豈無初度日  
諸生誰為薦繁蘋

和顧玉山重構釣月軒

龍戰虎爭無了日  
他年誰是復誰非  
請公圖像

凌烟閣此老逃名釣  
月磯新雨一池荷  
葉長南風四月棟花飛  
我來喜聽滄浪曲  
欲挽遊絲繫落暉

夏夜作

五年兄弟各西東  
兄在今年七十翁  
戎馬此時猶路塞  
羈鴻何處或傷弓  
對床夜坐空階雨  
擁被秋吟破屋風  
夢裡不知身是客  
覺來愁絕泪沾胸

陪梅州判智長老石教授陳惟兄壽上人



等遊姜公墩小酌梅以杜子美興來今  
日盡君歡分韻予得日字

白雨洗炎熱清風洒瑟、梅仙約幽尋邀我杖  
藜出同遊得名緇飄然興俱逸移舟泊釣渚看  
竹過僧室行、陟高邱苔溪樹陰密崑山含玉  
潤歸然如卓筆羣峯太湖上雄勢爭翠嶺江中  
早潮回風急去帆疾梅仙最多喜播種農事畢  
青苗匝吳田芳草眠爾衆斯民久塗炭天意諒  
深恤兵餘幸豐年一飽百憂失懽然各有慶獲

榼酒盡吃安知艱虞世得此閒暇日幽情寫絲  
桐餘懷聊短述

三友高論久寂寞一鼓雷音號令嚴正法眼明  
岩下雷玄機味若水中鹽池蓮玉立天開鏡庭  
竹金鼓風捲簾大地政須沾化雨蹄涔寧許老  
龍潛

六月廿二日愚隱和上以詩留別往磧沙  
寺以寓錡錫其詩末句云一聲短笛滄



浪莫收拾絲綸下釣臺予次韵二首送  
之既而懷磧沙諸公復就韵代簡

一曲滄浪歌未了  
痛舡明月賦歸來  
俗塵自暗  
人間世不著  
織毫惹鏡臺

白髮道人無住著  
磧沙湖上去還來  
湖深六月

天風冷花雨吹香  
般若臺

右二首送愚叟長老

誌公刀尺傳家久  
舡子絲綸罷釣來  
一鏡湖光  
照樓閣坐看明月映高臺

瀕湖金刹清凉境  
冠蓋時時聽法來  
刮目試看

天下士幾人  
胸次有樓臺

右二首寄

長歌白雪無人和  
近喜碧雲禪  
老來龍女獻珠

烟水國馮夷擊鼓  
雨花臺

一牛鳴地長相憶  
賴有尺書時往來  
白馬山中

人獨遠孤雲落日在  
琴臺

右二首寄開野舟兼懷照元明

連日顛風吹海立  
幾時飛錫過湖來  
絕憐湖上

林泉好六月清風似  
五臺

寄益以道

劫灰烟銷江總宅  
斷蓬風轉海濱來  
干戈未息  
衣冠老誰築黃金聘士臺

寄江叔廉



寄趙君綽

舊家公子老儒冠詩卷梅花共歲寒湖上月明  
携客飲樓前山色枕書看十年四海風塵暗久  
早三湖水澤乾滿目天雲秋後熟敢題尺牘問  
平安

送扇贈趙執中

送子扇一搨呼兒書八分相望湖上宅只隴  
頭雲南國多秋熟西風有楚氛庭幃清枕席持  
此奉殷勤

寄天章上人兼簡陶菊庄

東林花雨衣中文采風流有若人留客看山滿  
常滿座開軒臨水迥無塵娟：烏鵲橋邊月灑  
灑葡萄甕裡春朝夕往來陶博士應拈醉筆賦  
詩頻

簡西白長老

高情每向詩中見怪事今于病裡聞舡去逆風  
牽纜去葦花飛雪暗江濱雁來南國邊聲遠鴉  
集西林野色曛笑佛架菜歸樵李秋風塵土自



紛：

贈費克明知州

崑山之石白如玉婁江之水湮不緇試持山水  
比州牧厥德清白同于斯吳懷賴公父母慈遭  
時艱危蒙撫綏盡令賣刀買牛犢不失與國充  
耘耔訟庭無人辨雀角園扉空鎖生蛛絲獨憐  
沃土重租賦瘡痕不忍加鞭笞早暉羸馬戴星  
出晚踏明月歸來遲紛：公務日不暇炯：此  
心天弗欺每延多士談禮樂頓覺喜色浮鬢眉

菁莪方育泮林雨岐麥當茂水霜時未擬文翁  
能化蜀已過魯山無紫芝蜚名藉：動藩府將  
徹九重天子知

夏五聞吳門湯君說以書見寄既而茫然  
九月末因馬吉卿來甫里詢知君說仍  
居間詩以代簡

不見故人逾六載曾聞書札寄多時浮沉江上  
知何許淪落天涯有所思老驥未應甘伏櫪驚  
鳥可是別無枝欲過竹 尋來絮每望山陰憶



戴逵策、秋風桐葉盡淒、寒雨菊花遲幽懷  
每日如中酒世事頻年似奕碁一笑相逢未  
得邊塵眼滿鬢如絲

送愚隱長老主萬壽寺

戎馬廢六籍三乘亦多魔中流屹砥柱猶能障  
頽波吾師雪卧久王公礼為模說法繼禪月珠  
林雨曼陀弘開甘露門諸根並漸摩一鼓氣復  
作天龍衛烟蘿秋空雲霧開佛日光輝多

題林泉雅趣圖贈杜玉泉

泉翁愛山如愛客到處好山皆莫送脚根不浣  
京洛塵面紋長帶烟霞色奚童抱琴翁曳履長  
日山中看山水萬松清籟響如絃滿地白雪吹  
不起桂風蘿月秋復春野花幽鳥情相親巢由  
相去數千年黃綺以來能幾人山顛水涯風物  
美都在我翁詩卷裡莊周夢蝶、夢周覽是圖  
者同天游

寄屈時中諸友

白蠡塘南烟水村伊人辟世若桃源家、雞黍



留賓客夜、熊丸敬子孫慈竹叢深冬笋出野  
梅根暖早花繁扁舟一夕乘清興我亦來敲月  
下門

逢鄉僧昱東明

他鄉逢着故鄉人叙舊情如骨肉親猶喜吾兄  
存兩子俱從釋氏究三身煩君為寄平安信道  
我今居寂寞濱何日浮杯來甫里寒汀燈火話  
酸辛

梅子玉董版築于杭城別去日以區思

懷作此以寄

錢塘江上石頭城鍾磬如雲杵雨聲兩袖西風  
騎馬立五更殘月聽雞鳴銀餅攜酒平章喜金  
鼓還州父老迎力盡東南非一日政須遺愛撫  
孤軀

奉寄楊鉄崖先生

光範門前三上書先生曾為發長吁西橋楊柳  
藏書屋鉄笛梅花落酒壺偶遇故人論北海相  
思一夜夢西湖由來海內誇長句問寄浮家野



老無

寄題悅堂長老城南小隱絕句五首

為愛城南水竹幽高人結屋近滄洲南園十畝  
蹲鴟熟足擬人間萬戶侯

門前流水與江通屋上青山與西同文武衣冠  
來聽法紺園長繫五花驄

象龍入水動成竹燕雀隨人亦自忙白髮老禪  
揮玉塵袈裟猶帶御爐香

屋頭新植青松樹池上重栽白藕花元亮孤舟

靈運屐不妨來與共烟霞

客來多是一宿覺我亦幸有三生緣扁舟過門  
清夜裡烏几燒香繡佛前

題淵明采菊圖

一官棄如屣三徑今來歸言采東籬菊如彼西  
山薇秫田未熟壺無酒白衣携來恰重九今年  
不識是何年且為黃開笑口非無小窻膝可容  
花前一筴樽已空衰顏得酒借春色霜染樹頭  
秋葉紅先生之貧先生之心人莫識大厦難將



一木支逃入醉鄉聊自遣

玉山邀至同里法喜寺飲別是夕酒醒夢  
回宿雨初霽月明可喜即景賦詩兼寫  
送別之意

風吹雨脚斷月到天心明孤宦有清夢荒雞非  
惡聲南浦明朝別西湖幾日程杵歌人正苦莫  
上石頭城

寄愚隱長老

別後逢人說北山吳門第一古禪關江湖餅錫

多依倚文武衣冠悉注還鉄騎解鞍祇樹下金  
魚酒雨花間最憐文室雙童子捧茗燒香不  
暫開

寄虎丘居中長老

初春舡過百花洲不謁閭丘謁虎丘古徑入門  
蒼蘚合新城繞樹翠山嵐遊方每學行僧腳聽  
法當隨石點頭更覓西菴脩裡寒泉一酌薦竹  
前修

和玉山排悶



寒窓誦君詩字、黃絹婦嗟君遭屯 蛇虎嚇  
前後毅然能忍性不矯亦不揉黃金本何物一  
任化烏有胸中耿、在依舊冲牛斗大兒萬戶  
侯金印已懸肘小兒未強仕詩禮方授受兩娥  
遽奔月星橋吠天狗更憐鳳臺女先亦辭父母  
君能悟空幻視世等塵垢哦詩作遊戲一日凡  
幾首開樽飲詞客錦綉從醉嘔愛賢眼常青垂  
老髮仍黝逆境雖滿前百戰喜不負懂、彼貪  
夫富貴爭進取力強可拔山勢熱可炙手羨新

皆楊雄託孤誰杵臼龍為堅白論衍事雌黃口  
何如玉山人不失素所守愚也比方臯識馬忘  
北牡傾蓋即相知論文誠耐久歲寒松柏心先  
零愧蒲柳鄉來九折坂此日一杯酒豪吟鬼神  
泣醉筆蛟蛇走萬事付忘言太山同培塿

焦任道欲過壽上人山庄并與僕相見前  
期以詩相貽傳和之邀僕同賦

舊說君家有墨庄新詩今見墨雲香閑來林下  
尋緇侶當為 頭喚索即邊境日來西寇近滄



江歲晏北風涼先生素識融公嬾莫怪而今不  
下床

再和韵寄趙彥深

平原公子午橋庄草木當年雨露香桂樹不嫌  
招隱士桃花應喜識漁郎錦茵醉酒冬宵煖水  
檻垂綸夏月涼我亦欲招橫玉去為君三弄據  
胡床

次韵寄杜玉泉昆仲

授書不逢黃石公采藥不遇龐眉翁杜陵名家

好賓客、裾來曳梅花風德哉若人氣冲融  
然釋我心征冲張燈為展風月宴坐客搃開冰  
雪容火螢熒煌吐星斗金鰲鼻扇移方蓬高年  
垂及絳縣老合歡要策青州功唾壺玉缺擊如  
意臂鞢珠脫携訶童航船浪翻翠袖湿笑絕如  
舉驪山峰紫雲一曲歌未了陽鳥飛出扶桑東  
明朝仲氏復迎客百花潭邊收釣筒長魚斫膾  
白于雪葡萄新釀青如空高堂生擁肉屏煖寒  
士無復鳴秋蛩溪山相映色俱喜頃篋迭奏情



無窮老夫生長近吳下所恨白首方遊從頻年  
生我塗炭苦此日置身仙子宮已令沉酒恣為  
樂尚論古人容折衷賦歸既無田種秫獨醒敢  
誇衣集蓉啣杯樂聖非易得良辰美景真難逢  
論文不以車笠異忘形且喜襟期同咄彼貪夫  
逐名利何異糞壤蟻螂虫蚩爭觸戰更堪笑要  
于蝸角稱蠶叢邊隅風塵莽浩天門烟霧深  
重世云酒為知己飲可不罄尔琉璃鍾扁舟  
往還渡吳淞泗橋且喜春潮通興來徑去造竹

所碧湾樹下維孤蓬祇慚詩債償未了毛穎為  
我長句此詩聊紀前日事此韵乃和前年冬  
分柑細君與說項眉茶坐對如梁鴻

碧雲山房分韵得簷字

古寺雲林靜春宵風雨無阿師如惠遠有酒醑  
陶潛海味分苔脯園蔬摘並尖金蕉傳四座銀  
竹瀉層檐辨談情相洽醺酣意轉欣燭長紅未  
盡餅罄綠頻添小令皆毛舉新題各口占酒懷  
雖曠蕩詩律自清嚴浪雪翻茶鼎香烟繞竹簾



偶論蝸國戰因笑楚人鉗老去甘藏拙閑來得  
養恬青松知此意相對一掀髯

雨夜懷朱澤民

天風雨夜漫、獨為先生發永歎杜甫救稼  
茅屋破鄭虔三絕坐寒墮鶯花紫禁回頭夢烟  
樹青山抱膝看最憶舊遊諸閣老別來零落漢  
衣冠

和邵弘道諸公遊磧沙寺

錢塘形勝接蘇湖風物于今入戰圖獨爾磧沙

仍似舊諸公杯酒不相孤遠山雲歛千峯出幽  
樹春來百鳥呼白髮老僧盤膝坐笑看車馬陟  
危途

次韻寄路以道

笑將簪紱棄如泥出郭移家住水西芳草喜人  
車轍少遠山齊我屋簷低門前古樹慈烏集梁  
上新巢燕飛更喜東橋僧舍好桃花多似武  
陵溪

送居南山還嘉禾



蘇東坡詩集卷之三  
楊李亭前水接天楊侯曾此洗龍泉道傍已伐  
將軍樹湖上今題書畫舫滄海揚塵知幾度黃  
楊厄閭又今年因君與說戈干苦相送臨岐一  
愴然

題李白月下泛舟圖

青蠅觸起脫靴時飛燕嗔人鳳亦疑杯酒佯狂  
江海上此心惟有月明知

七月二日過益上人問疾因過路以道山  
人家飲酒樂甚詩以謝之

新秋去謁病維摩因與山人醉薜蘿頭戴鴉冠  
堪入畫手鳴魚鼓更能歌竹邊亭子清風細壁  
上詩篇好客多從此往來溪路熟扁舟乘興數  
相過

和梅同知遷秩二首

我愛朱絲絃其音淡如平為人滌邪穢妙理通  
神明良工繫錦瑟選練亦已精移柱喜更張白  
雲風冷

我愛青銅鏡烟如秋月圓為人別媼妍毫髮俱



了然纖塵不受汙光輝人共憐政須重拂拭玉  
臺更高懸

窈窕誰家女和卜思賢韻

窈窕誰家女依稀慕橘樹向來適良人門戶比  
房杜今年遭疾難飄零太行露風雨道傍花不  
失春態度珠簾十二樓燕子忍辭去合歡會有  
時無勞嘆遲莫

次韻寄呈謝杭州

金湯險據鳳凰山日月遙瞻虎豹關每見題詩

懷故舊也知為政有餘閑慈幃一飯雙魚美衙  
鼓三挝五馬還細說平章親更喜黃金橫帶綠  
衣班

中秋日玉山顧仲瑛邀翟明府仿陸良貴  
仁秦文仲約等十人飲金粟上酒酣賦  
詩各成一首

憶昔避戎馬放櫂來北山相逢適中秋展席解  
愁顏安知復今夕喜讌集羣賢烽烟雖未息眼  
底喜不見華月出松杪靈飈散天香 稱死便



埋荷鍾童在傍酒酣各哦詩其樂勝鐘鼓掛頭  
老令威為作八風舞人生不飲酒杯盃空置前  
寥：數千載孰與劉伶賢

贈章彥復省掾

相約覽秋色松江來小舟留人十日雨洗耳百  
花洲祖逖鞭方著張良箸欲籌吾廬吾自愛霜  
菊晚香幽

偕愚隱長老重過五山草堂次文中韻

中秋醉眠金粟堆重陽又捧菊花杯欲從南郭

隱几卧為約北山禪老來松下低頭拜竒石竹  
邊隨意坐蒼苔林風澗月足佳趣安知世有黃  
金臺

簡嘉興天寧寺西白長老

五月中旬喜報書客來兼得問何如天花亂雨  
架裝地祗樹重栽瓦礫墟風月三生情分在烟  
波百里信音疎高秋且喜吳田熟說法開堂響  
木魚

玉山席上分韻得對字



勞生紛如蟻出沒茲大塊達人獨超然逍遙物  
之外秋高天氣清喜此良燕會蹇予顛頓客亦  
忝文詩輩黃花有佳色青山若賓對飲者醉如  
泥不飲亦慶快卓彼浮屠師入俗無罣碍笑指  
空中雲非觸亦非背絕倒草堂翁東壁珊瑚碎  
輓華亭呂輔之諱良佐號橫溪居士  
屢却徵車不赴官黃金多用恤飢寒銘槐西墅  
雲林屋釣竹前溪雪浪灘王烈能平鄉里訟龐  
公獨遺子孫安只今海內文章伯多憶賓筵禮

數寬

寄郭義仲

霜骨稜々七尺軀昂然獨鶴睨羣雛門前問字  
人携酒船上求詩客送珠山色隔溪雲縹緲梅  
花繞屋雪模糊別來歲晚遙相憶愁絕荒郊夜  
月孤

題玉山移舟月夜過客舍忽聞側室之訃  
即留別一首而去別後韻和以訂重来  
之約



畫舫月下過江村客舍荒涼笑語溫忽報綠珠  
飛墮地輕如玉斗碎鴻門蘭臺久絕行雲夢蒿  
里聊傾酌月樽携客東橋重問竹柴門當為掃  
苔痕

代簡牛彥伊

客來為報平安信知在長洲茂苑間借榻眠雲  
僧舍靜舉盃邀月客寒無家且喜身長健玩  
世何妨髮已班三度梅花曾寄否思君長倚馬  
鞍山

題王景逸所藏瘦馬圖

將軍百戰自封侯老病誰憐玉腕騮皮肉瘦來  
渾見骨精神減盡只垂頭長鳴落日青山下獨  
立西風白草秋猶勝駱駝三萬匹隨都戰士死  
炎州

寄張彥復

蘭省歸日未斜閉門塵靜似山家教兒楷字騰  
書藁遺客生絹寫墨花太伯祠前人走馬姑蘇  
城上樹棲鴉知君觸處多懷古忍聽吳趨唱未



小娃

和馬吉卿韻寄開天啓長老

西望天峯百餘里高僧何日共遊居談禪丈室  
揮松塵長扁聽木魚萬壑秋聲飢虎嘯一  
池雲氣老龍噓更尋香徑靈岩下與子聊乘下  
澤車

贈趙善良

清江濯足坐中洲自喜身如不繫舟槐國功名  
前日夢玉京孤負少年遊每憶田父同雞黍已

學山人製鹿裘醉後劇談今古事面如頰玉流  
如流語

贈華子強父子

晚涼池館藕花洲卽罷呼兒放綵舟老膝尚容  
文度坐佳賓多與阿戎遊長腰米飯猶珍饌五  
色菜衣勝綺裘莫笑東家人評語由来涇渭不  
同流

答盛彥英

愛君楓落吳江句有客相期放剡舟滿眼難虫



從得失忘形鵬鷗共遨遊秋來江上鱸堪鮓歲  
晚山中路可羨如此幽居良不惡比隣况復有  
詩流

答惠上人

鍊得身形癯如鶴江湖杯渡捷于舟湖邊舊宅  
遣歸隱吳下諸山今卧遊學道已知磚作鏡上  
詩更悟冶為裘曹劉沈謝何淪落風月平分支  
道流

答崔彥齡麟

老夫衰懶慙無學年少才華羨李舟好覓靈槎  
天上去莫攀仙桂月中遊踞床我欲來吹笛換  
酒君當為解裘早喜今年秋至早涼生六月火  
西流

自述

少年學士俱瀛洲老大浮家惟 舟每憐古調  
少人聽幸得新知如舊遊四海風塵挑竹杖十  
年霜雪木棉裘迎來飲太湖水最喜白鷗非俗  
流同



過吳江三高祠

三高祠前秋水波客來弔古悲且歌季膺魯望  
系梓敬蠡也蘧豆理則那生為越人身向越百  
計吞吳、乃滅直憂烏喙將無情兔死狗烹肝  
腦裂飄然携家湖海遊捧心人與同扁舟越人  
誇功鑄金像于吳孰曰非仇讎行裝重寶久弥  
厚清高之風絕何有奉嘗堪笑木腸兒忍覩荒  
臺麋鹿走江楓蕭、楓葉寒扣舷折我青琅玕  
靈胥怒挾海潮起殷若雷鳴過雪灘

寄僕知州兼簡茶教授

使君心似婁江水霜落秋高復清田野但知  
畊獲喜閭閻不識叫囂聲背山館舍雲連屋通  
海漕渠潮入城公退應尋茶文學投壺置酒適  
閒情

病中夢徐伯樞戴時中見過既而伯樞惠  
詩次韵答之

病來呼酒當神接又得牽絲作釣鉤堪笑生為  
窮谷叟何妨死作醉鄉侯四壁西風茅屋冷一



簾疎雨桂花秋山童淨掃門前路數日頻迎李  
郭舟

中秋日觀朱道明白壽之詩次韵言懷并  
紀燕集

兵戈驅迫十餘年此夕珠歌翠舞間出瓮葡萄  
盃灑、盤鈴傀儡錦班、達人不惜千金費浮  
世能逢幾日閑月裡嫦娥應笑我也將華髮對  
嬌鬟

追和侯良齋秋懷四首

寸絲欲補衮龍衣月歲蹉跎素願違身老江湖  
心未已夢遊京洛覺還非蕭、木落青山瘦浩  
浩西風白雁稀慚愧太湖清似鏡照人雙鬢短  
垂絲

出入都無騎從隨杖藜于我頗相宜詩成每得  
江山助酒病還將麴蘖醫杜甫眼前茅屋在陶  
潛心事菊花知朝來兩袖西風泪遙為鄉人洒  
世事無涯心有涯逍遙誰得似南華龜巢近傍



三江水鷗侶分半席沙稚子學書收柿葉老妻  
添絮採蘆花客來且共藜床坐莫說金張許史  
家生平

垂蘿曲磴轉攀緣挑酒筇枝不挂錢白石路傍  
如虎踞青松澗底作龍眠一盃且咏重陽日二  
頃何須負郭田風景不殊陵谷異丹心雪髮兩  
堪憐

六柳庄為沈太守作

彭澤五株柳清風千載餘願予心乃心修名難

與俱所以樹六柳于焉結吾廬門前有流水樹  
下堪釣魚我柳已成陰豈不懷歸兮人生一趨  
舍世事紛萬殊善學柳下惠風雨慎攸居繼跡  
子陶子亦曰姑徐、誰其知此心南山默如愚

九月八日朱原道席上作

主人預燕重陽客我老重逢癸卯年醉把黃花  
簪席帽笑攜紅袖棹觥庭洞山色軒窓外震  
澤波光几席間不用登臨勞騎從恍如蓬島羣  
醉羣仙



為吳中行題四

老樹骨立偃蹇秋山氣勢崔嵬開却一江風月  
扁舟釣罷歸來

次韵答班仲英

客僧留客古禪宮湯茗爐爇對菊叢佛法不隨  
塵世變鄉心猶與故人同一林紅樹含疎雨半  
壁青天截斷虹早晚相乘東海上扁舟相贈落  
潮風尋

題春江獨釣圖

江碧山青雨過時輕烟漠漠樹離離白頭呂望  
鷹揚去獨釣滄洲是阿誰

過崑山王御史墓

宗御史王稟字彥先登  
和進士第紹興初上  
疏論十弊切中時病後告老居崑山逸  
野堂所著有春秋集傳等書行于世墓  
在州南久廢之餘賴知州僕公復之  
友人殷孝章以其事索書故有是作

先生逸野堂何在仰止崑山有所思麟史立言  
三傳外薦冠遺直中興時一坏難朽孤忠骨十  
獎猶存蹇諤辭過客下車前仲立共看重樹墓  
前碑



簡金君玉

峩峩洞庭山宛在水中央山風西北來微帶橘  
柚香吾友山中居一別今十霜題橘宜有書鴻  
雁日南來翔老懷多感慨烟火生肺腸作詩報  
君知湖山迥相望

聞杜玉泉卧疾以詩代簡

聞君卧讀床頭易世事更新恐未知一國山林  
包錦繡五湖烟水照旌旗天寒日暮人相憶冬  
至陽生歲又移江柳鵝黃春艸綠幽尋當不負

前期

次韻沈啓之宴飲

栢酒春三日梅花信有風赴君雞黍約醉我鹿  
皮翁凍雪山頭白晴雲海上紅天高不可問吾  
道未應窮

贈慶別駕

台州別駕不之官烟水孤村共歲寒偶有濁醪  
留晚酌旋挑生菜簇春盤三年鄰里通家好四  
海兵戈行路難且喜門前金色柳東風堪作函



圖看

送人妾為妮

燕子樓中別綺疏  
象王宮裡學真如  
秋波獨蓮花  
春筍頻翻貝葉書  
十二雲峯無復夢  
三千沙界本來虛  
散花天女長圍繞  
觀色觀空樂有餘

路義道見訪示詩言懷予次韻一首

書畫舫來城郭外  
客憲春在雨雲中  
一違談笑經年久  
又得壺觴此日同  
江水照人清似鏡  
山

頭戴雪白如翁新詩屬和題青竹九杖相隨許阿戎

次鄭啓南縣丞出郊

出郭問農事  
哦詩思不羣  
犁鉏江上雨  
黍麥隴頭雲  
馴雉行相逐  
雄鳩語更聞  
野翁相勞苦  
飛蓋倚晴曛

上元夜賦雪

此夕何夕風作威  
急雪打我白板扉  
大如鵠鶴小鷗鷺  
乘風作陣橫空飛  
老夫起坐驚且喜  
寔



隙壁罅皆珠璣鄰家兒女時未寢看與燈月爭  
光輝夜深人靜燈燭滅密掩姮娥爛銀闌恍如  
太極未分時混沌之天無日月須臾忽聽蒼竹  
折驚動老夫方寸鉄直憂壓倒湖上山連我龜  
巢化魚鼈老龜縮頸牛衣中夜長如歲心中  
鄰家雞磬三催曉發燭龍飛出扶桑東口啣火  
珠光躓紅萬國一照春融、客懷愁與雪俱釋  
青山依舊撐虛空

吳門訪路義道和古詩二首

客來上元夜筠軒照晴雪負流霞敲冰煮  
團月誦君詩數篇忘我衣百結一笑看梅花餘  
事不復說

其二

新年到城市憂思喜一雪復覩漢宮儀仍書王  
正月蘇州古名郡刺史得元結老我愚溪翁無  
勞捕蛇說

贈君濟縣丞

我思崑山鉏白雲高軒訪我麋鹿羣我今長洲



釣明月君復過此寂寞濱感君相知式相好與  
君談花開懷抱坐分半席白鷗沙滿日青山淨  
如掃社公雨晴春風作惡村北村南杏花落觀  
農來往杏花村雞犬不驚田舍樂君歸哦松坐  
松陰我舟更入菰蒲深釣鉤無餌勿語人但說  
烟波無處尋

寄蕭舜卿兼簡虎丘寧居中長老時蕭年

八十三矣

愛爾鄰居虎丘寺劍池巖石好林泉一門父子

頭如雪十載兵戈命在天故國青山還歷歷春  
風芳草有芊芊生公會有招賢意我亦來收種  
白蓮

達至善自錢塘過訪會徐伯樞昆仲諸友

小酌以少陵春日鶯啼脩竹裡分韻得

日字

兼旬苦陰雨堦蘚青入室良朋遠方來一笑百  
憂失澗別十載餘艱虞難盡述喜聞戎馬間猶  
得用儒術間闕脫虎口壯志曾不屈歸來西湖



上飲水獨食蜜吳中舊親知生存百無一龜巢  
酒盈樽聊以永今日兩兒聆語言諸孫亦繞膝  
殷勤問生理為我長太息干戈紛滿眼世事暗  
如漆願言慎所之于焉保貞吉

雪舟詩為王照磨作

雪中傲吏乘孤舟千載復見王子猷吾知君欲  
記高興君聽我言當點頭男兒胸中有甲兵筆  
底涵水三峽正須擊楫誓中流雪外蓬婆爭  
蹴踏長驅夜入懸瓠城行麾鶩鴨渾軍聲生擒

逆豎取金印江梅却尋鷗鷺盟混

和沈啓之早春書懷

水光山色塵無淨滿眼東風景物新  
蘭泉續眠芳草地木蘭舡繫綠楊津  
莫嫌頭上鬢鬆雪且盡杯中瀲灩春  
鶴自乘軒鳥自好滄洲鷗鷺與情親

簡錢仁山

一榻青苔對雪五湖春水流  
欲遣長須覓酒先拈秃筆題詩



二月七日和徐伯樞排悶一首

人生百年能幾何有酒快酌金巨  
已有鬢蓬點蒼雪莫待赤田變白波  
東風花外鶻聲喜落日城頭烏尾訛  
君詩到手客在坐擊節聽我玲瓏歌

伯樞以啓之韻作詩見贈復答一首

蕭齋狐坐席疑塵喜得君詩字  
新四海交遊期管鮑一家兄弟比  
椿津多情燕子重來日絕色桃不  
春愧我少年書劍在白頭無復報花

君親

贈星術王遠夫

虞廷命官非不多曆象必先羲暨和  
羲和年去數千載名與列宿俱  
嗟哉先生本學羲和氏聊爾談星  
隱吳市二十八宿緯五經上係天時  
人下事先生為人推吉凶一天星斗  
羅心胸河圖洛書造化窟妙理貫徹  
精靈通齋居垂簾坐終日金鳴野蘭  
烟縷碧客車載酒來問情先生舌端  
飛霹靂每將忠孝語臣子不惜忠言  
逆人耳



天降灾祥本在人：能轉移天亦喜君不宋君  
三善言熒惑退三舍天人果相孚大咎亦可謝  
又不見韓退之命在斗牛生在箕遭譏受謗能  
自知怡然高咏三星詩吾儕此理或未析請從  
先生考星曆

和邵彦清州判莫春寓僧舍三首

治最功成解印歸春風綠髮未應稀如何拄笏  
禪床下閑看孤雲倦鳥飛  
沈水香銷午篆烟僧房口借石床眠多羅樹上

頻伽語絕勝天津聽杜鵑

篋藏湘帙沁雲香手闌金經掩竹房門外不知  
春早晚綠陰滿地日初長

雨中寄友


春風冷淒：烟雨畫溟：相望隔重湖幽事頗  
閑情賴有小吳牋可以寫心聲心聲寫難盡况  
無雁南征出門泥沒膝恨不生羽翎隔窻兩黃  
鳥花間語嚶頽然枕書卧一榻莓苔青



龜巢彙卷之三

五

龜巢彙卷之三終



國家圖書館, NATIONAL CENTRAL LIBRARY, TAIWAN, R.O.C



龜巢藁卷之四

詩

楊縣丞董役開白茅河晝夜辛勤以詩代

簡

畚鍤如雲穿白渠客來喜得問何如行庖只飲  
婁江水俸米頻供擔石儲人起四夷燒蠟燭飛  
霜兩袖生藍輿殷勤左轄銀瓶酒為報功成有  
薦書

劉旭齋過婁江客舍作詩贈之





方欲題詩寄草堂遠勞移擢到滄浪十年同飲  
三江水一笑相看兩鬢霜田野無人鷓鴣種麥漕  
渠通海蟹輸芒馮君莫語悲秋事且復持盃送  
夕陽

王田喪側室作詩悼之子亦次韵以慰其

哀

目斷琴臺日暮雲相如無復見文君最憐機上  
迴文巧更憶燈前教子勤蒲篋熊丸香尚在綺  
窓鳶鏡影初分江村一月黃梅雨誰為衣篝煎

寶薰

五叢涇送王田徙碧山與龜巢鄰居

傾蓋雨兩月同一客天方君今挈家去宅我龜  
巢傍為聞碧山好宛在雲水鄉朝紳多寄寓羣  
髦富文章將尋鷗鷺盟與我同六藏老婦堪夜  
績東壁餘光客至亦可留覓酒過短墻巷無分  
車馬塵屋有汗竹香籬金與床笏笑視俱亡羊  
惟存廣文壇讀書坐藜床閉門樂吾樂蔬食猶  
膏梁清風北窓下懷哉古義皇



寄錫景儀先生

杏花春雨晴時別蒲柳秋風又颯然笳鼓新城  
嚴警邏溪山幽館喜安便校書還照青藜火煮  
茗應斟錫谷泉近遇故交聞有信遠勞垂問念  
無羶龜巢仍寓黃天蕩畫竈今連白水田自分  
犁鉏聊卒歲可堪兵革更飢年家居食指一百  
廿斗米緡錢八九千瑣：旅懷言莫盡知君憐  
我似夔蛇

寄顏悅堂長老及嵩山州學諸士友薦嚴

永懷二方丈

雙徑歸來舊竹邊林風礪月兩依然崑山特立  
烟塵外婁水東流渤澥連坐有故人應念我客  
無此老共逃禪南能北秀煩傳語秋晚相遇飲  
菊泉

杜子才掾史携詩見訪次韵一首

白首無機心江鷗最憐我復有新相知時來與  
閒坐一涼初過雨七月正流火先鞭君已着短  
鍾我方荷壯君早騰騫老我常轍軻鄰居幸如



此數日何不可茅茨湖上居  
菱芡水中果後會  
期碧山合歡呼白墮更邀詩  
酒侶共載書函舸  
中秋月如畫西溪振歸柁

玉山顧隱君自嘉興答詩詢僕近况且云  
經禪老亦望一見故復用韵自述簡諸  
故人

數椽茅屋一筇枝萬事無心獨愛詩  
債隔年償未了帶圍連月恐頻移  
吳田積雨生禾耳笠澤西風斲柳絲  
眼底故知俱契濶抱琴何處覓

鍾期

次韵答戴麟隱見贈

我生無他長耽書竟成癡鬚眉比白雪  
肝胆如鉄石所賴識前言頃步不妄適  
向來走風塵朝不能慮夕行囊既羞溢  
家累且繁劇隨身一破硯百指全仰食  
驅馳今九載未始一日閒豈不懷故園  
松菊怡我顏長蛇及封豕出沒咫尺間  
逢人問親戚野坐荆屨班不見雁足書  
徒眎刀頭環遙憐金斗城如望玉門關  
憶昔重九時鄉



鄰雞黍約黃花香可愛白酒味不薄東家復西  
家相邀摠難却負郭有二頃平居得三樂朋遊  
結詩社時、共吟嘯溪澗采蘋繁春秋奉祀禴  
幾迴乘天風欲跨揚州鶴那知一顛沛江湖竟  
漂泊移家碧山下家具少車幸均適相逢同  
念去國睽聚如水上萍散若風中花或琴敬河  
汾或玄授侯芭交情比漆子弟亦通家詩筒  
頻註來瞬息經兩稔壯君多志氣將衣買臣錦  
我志忘功名但就吕公沈三江五湖水共喜魚

不滄莛觴了佳節藜床甘且寢秋日方遲、秋  
霜俄凜、好客多釀酒願作東林沈

寄丁彥誠

旌旗滿眼各西東不見桃源我轉蓬兵後即知  
還舊宅客來曾辱寄詩筒石田種秫梁溪曲茶  
灶分泉錫谷中最喜西窓山色好青霞不染俗  
塵紅

贈沈彥肅典史兼簡王景德

空山寒雲白如雪歲晚高軒過岩穴三生石上



蘇東坡集卷之四  
拂蒼苔一笑梅邊有明月床頭釀得松花酒思  
與故人傾瓦缶煩君為問王猷子剡舟肯棹同  
來否

旭齋歌次鉄笛先生韵

旭先生行年七十餘耽書樂且孺白駒過隙莫  
可留欲把長繩繫烏兔囊無一錢任羞盟腹有  
羣經飽撐拄論交貴在見肝胆不學時人口相  
煦有時醉吟詩其巧猶九注快若爬背癢十爪  
倩仙姬昔賢只讀地上編便遇君王借前箸先

生豈無策可用草廬未有人三顧青山白雲古  
圖畫床筆茶灶今具居吳十年食破硯：田幸  
喜無租稅秋風籬落霜葉隕枯蔓蕭條繫寒瓠  
西伯何當獵渭濱載取匪熊後車去家

次韵題鄒明壽草堂併簡劉旭齋

賓主東南美溪山繞屋廬經鉏百戰後版築十  
年餘木落西風急寒鳴夜雨踈恍：二三子燈  
火案頭書

答楊猷可見贈



憶爾梁鴻山下宅園池不減李文饒一朝猛雨  
鶯花去十載東風燕麥搖客裡相逢聊慰藉樽  
前一笑共歌謠君歸不負青山約好似誰南早  
見招

寄因本初講主

愛爾吳江水西寺門前流水碧 苔松花布地  
金無教蕉葉 經紙萬 誦席每留詩客坐浴  
堂曾為國王開別來雨洗秋容淨涼入袈裟亦  
快哉

答謝楚芳

柳城一別十五年別時玄髮今皤然無聲詩與  
有聲畫彼此贏得虛名傳君家有子為特出且  
喜讀書兼讀律絕勝吾兒但筆研三徑蓬蒿塵  
病室老天宿如龜六藏思君見之羨與墻移家  
同飲太湖水尚期東壁分餘光

代簡崔宗明掾史二首

孤坐馳遐想羨墻見若人官墻今西省家世舊  
朱綸南國梅花早北堂萱草春慈顏應有喜過



客挽儒紳

其二

落葉擁柴扉吾兒日暮歸手持毛義檄身著老  
萊衣客路風塵久青雲故舊稀何當報一飯不  
遺此心違

壽徐主簿

昔君濯：如春柳鞍馬日隨丞相後翩然提劍  
掃蛮烟欲取黃金印如斗一鞭徑渡浙河東：  
南滿眼旌旗紅手援赤子出塗炭慈溪草木生

華風長嘯歸旌行復止濯髮松江太湖水鱸魚  
蓴菜非不佳挽憶山家舊桃李君今草堂宅東  
郊有田可畊山可樵堂上慈親足甘旨相知與  
結素麻交金門玉堂紫薇省無復回頭看西餅  
但愛鶯津秋水清雪色蘆花一千頃豪吟往  
似謫仙但不持盃醉花前杯中之物時有禁煮  
茶多費惠山泉龜巢老翁不浪出遠來為君作  
生日草堂此日題此詩風竹四簷吹膏葉

申仲義錄事自杭州來議論慷慨風節可



喜作此以贈

客來試問錢塘事，冠蓋都非舊。日人尚喜西河，  
堪種柳不知東海。欲揚塵手，題王粲登樓賦頭。  
戴陶潛漉酒巾，如此江山如此客。政須傾倒洞  
庭春。

啓之沈丈立春作次韵和之

何物淮夷久亂華，東風依舊滿天涯。春盤薦酒  
盃頻舉，醉筆題詩字半斜。無數故人俱契濶，一  
雙老眼近昏花。家貧賴有長鋏在，坐待青山長

歲芽

徐伯樞仲剛來云鄉僧

賴血寫華嚴

成好事者為之盛集，緇素送經置吳門。  
無量壽庵時有人以兜羅綿拭經，繇花  
佛手觀者異之。贈言盈軸，徐伯仲徵予  
詩不已。故隱括佛氏作此貽之。

吾聞兩足尊化身，千百億諸相即非相。非空亦  
非色，云何兜羅綿變現佛子出華嚴。海無量本  
無塵可拭，隻手挽頽波。正賴佛之力，譬如水中



月在處照澄碧若以色見之痴暗雲如漆由來  
標月指具眼當自識

莫春陪周明府過顧將軍祠下碑

黃天蕩上將軍樹、下教家人姓顧行人遙指  
若堂封往事猶論麾扇渡新祠西藻烟霧濕古  
木垂羅鬼神護長洲縣令枉高蓋短褐巢翁曳  
雙履海棠正落胭脂雪山餅為酌金盃露柱頭  
老鶴作人語道傍刷雉隨車駐吳趨一曲歌未  
了蜀魄數聲春又莫金戈鉄馬尚酣戰白羽清

風誰復觀看碑莫怪客如雲彼君子兮真可慕

端午日徐伯印過寓所以詩見示次韵首

南湖風浪惡客至喜驚連日雨不止明朝陰又  
生划舡海中歸戰鼓江上鳴端陽一杯酒忍聽  
霽零且歌

簡徐伯印

淮海十年猶亂離清江一曲自棲遲門前終送  
催租吏籬下還吟采菊詩世事紛々何日已襟  
懷潇洒少人知卜鄰欲近蘆花渚我亦扁舟理



釣絲

寄經山及以中長老

重攬凌霄絕頂秋歸來笠澤繫孤舟青山何處  
無黃犢滄海相知有白鷗六合雲開天蕩蕩百  
州風靜水悠悠試聽漁父滄浪曲江上蘆花亦  
點頭

壽慶治中

日下歸來年復年之官未上浙東人憐垂老  
身長健自喜居閒志益堅好客每呼鄰舍酒教

兒不惜買書錢試看尚父鷹揚日渭水秋風雪  
滿顛

次韵寄題碧雲禪老上海縣山居四絕

青松種來過長屋松濤六月生秋涼香凝室  
靜如水道人觸法俱相忘

住菴人似南泉老無教青山在屋頭眠鹿堦前  
金布地西風吹老桂花秋

門前問話人立雪想像吾家游與揚靈禽盡得  
響天樂老雁獨憐隨稻梁



海上諸峯絕點埃  
浦泉流水碧于苔  
何當借與梅花屋  
我亦移家歲晚來

又和律詩一首

笠澤東連海好山  
青更多遠分苔  
脯供兼寄牀  
菴詩拄錫僧方去  
携琴客又過  
送迎門不出  
奈尔懶融和

寄沈德齋

入城每問東林老  
避地今居巢海頭  
秋半即嘗菰米飯  
冬初已着木棉裘  
青衣搥藥鄰鮫室  
烏

几燒香對蜃樓  
我欲移家相近住  
釣竿煩為覓滄洲

為源長老贈醫士單子達

老我無他技  
憐君正妙年  
父書能盡讀  
醫得親傳  
舊隱荆溪上  
今居笠澤邊  
幽蘭綴古佩  
采藥洗春泉  
鶴守燒丹室  
鷗隨載酒舡  
每聞驅二豎  
近喜活枯禪  
優跡微含笑  
頻伽喜欲顛  
却還青玉案  
持去白雲篇  
高誼能如此  
明時豈舍旃  
政須醫國手  
為我救顛連  
術



普大雲誦主以紈扇畫蘭見惠作詩謝之  
時雲在吳江普渡院誦法華經學徒甚  
衆

上人遺我白團扇，上復為蘭傳神足。知清興  
迴絕俗，更覺幽馨時襲人。猊座誦經雙樹下，龜  
巢織屨五湖濱。明朝相約看山去，不怕西風揚  
遠塵。

寄朱道源昆季

太湖三萬六千頃，流血腥江海。連歲次焚舟

成赤水，壁有時飛砲。落青天，雞虫得失那能問。  
鴻雁飛鳴亦可憐，苦箇桃源堪共住也。須容我  
釣魚舡。

膾月二日偕俞寬仲過篠涇僧舍蒙舉示  
近詩次韻一首

故國溪山各遠離，倚樓長笛為誰吹。相逢上海  
三生石，共惜邊風兩鬢絲。客舍暫如桑下宿，世  
途危甚劍頭炊。明朝裹茗西菴去，更約匡衡細  
說詩。



勁節亭詩為中半雲講主賦

我本山林人此君與羣居頻年避戎馬出走荆  
棘途雙溪適相遇歲晚冰雪餘蒼顏固云老清  
氣方凜如儼然古君子節勁心仍虛紛、桃李  
花榮悴縵斯須長松髯如戟亦作秦大夫我思  
首陽山竹君兩遺孤高風激顏懦氣節與君俱  
之君不復見、君如友于此意知者誰君亭老  
浮屠綠琴為我彈碧酒為我沽萬事付一笑嗒  
然我忘吾

懷徐伯樞諸友

一昨方卧病妻子呼避兵扶持上輕舟烽火照  
夜明問兵今遠近言圍闔閭城賴有風滿帆送  
我東南征三宿坐不寐鶴鳴近華亭晚泊青龍  
江蘆葭匝地青新知適相遇留我居篠江土風  
頗淳朴地僻雞犬寧吾病日以瘳客來能送迎  
老叟心自憐或謂詩骨清比鄰兩三家情親若  
平生園蔬日持送酒壺時共傾對酒不能樂憂  
虞未忘情懷哉數君子雨打水上萍漂落各何



許吾將尋舊盟賣刀買黃犢子孫共春耕奈何

砲石猶雷鳴

偕俞仲寬遊普光寺俞作詩紀行予和首  
繞屋疎筠玉有光沿階細草翠生香林藏鹿苑  
雙溪曲路龍江十里強蕉葉繙經人自樂槐根  
做夢螳何忙白衣二老來聽法甘露醍醐得試  
嘗轉

臘月廿日會林才元于普光方丈

詞氣崢嶸吐玉虹山林興與老夫同獨憐幽草

來西礪共聽枯索叶北風四海十年兵火後雙  
溪一笑夕陽中評詩為掉樓卿舌似勝儀秦謔  
七雄

送和彥良兼朱端卿

移家喜得好林泉甫里先生古宅邊憂世頗添  
新白髮投書還坐舊青氈秋風茅屋都無恙臘  
月梅花正可憐我友古人多古意斲琴煩為續  
朱絃

贈張孟文



青龍江水清如玉青龍故家書滿屋中有郇公  
七世孫一目五行能盡讀科名未欲拾地芥燈  
火長如校天祿有時述作繼風雅三國六朝車  
並轂手揮赤血拔鯨牙琴斷玄文裂蛇腹雙溪  
近傳寒食句又出唐人一機軸相逢說項人益  
多宛見清標立霜竹我生愛詩入骨髓老去窮  
吟鬢如鵠金張許史懶折腰沈謝曹劉長在日  
江頭偶泊避風舡故山將歸采黃獨金盃不必  
贈檳榔願覓奚奴珠一斛

次韵贈木蘭亭上人

庭前手植婆羅樹下頻緇竺國書失鹿不知  
秦二世葬魚那問楚三閭園收柿葉皆新紙林  
養松花當宿儲十里雙溪春水綠浮盃持復訪  
樵漁

余患疽適兵後無醫藥可療即事口占

併寓感嘆

吮疽人在五侯家市肆都無藥可賒童子歸來  
風雪夜老夫愁絕對梅花



次韵徐伯樞見寄二首

病卧碧山久添愁白髮新一冬無雨雪四海尚  
風塵妻子移家遠親朋折簡頻梅花應笑我出  
語欲驚人

其二

客夜牛衣薄玉春鳳曆新東南蛙角地多少馬  
蹄塵鞦韆依然急壺觴莫厭頻君看塞翁馬得  
失豈由人

奉贈薛宗師及于薛二真人

論道清寧日承恩紫極天星言辭輦轂雲卧樂  
林泉虎衛燒丹室龍畊種玉田昼山間宰相行  
地活神仙清問時猶及玄談世共傳春秋今近  
百弟子動成千入室稱于薛承歡度歲年蓬萊  
方丈外磧隩澗湖邊別墅三花盛深居萬竹連  
玉桃紅綻雨瑤草碧生烟麟脯仙饌鷄盃舞供  
醉筵雲璈齊上下霞袂各褊褱福地風塵遠壺  
天日月懸目光方炯眉壽正綿老我頭垂  
白尋師志在玄飄零隨草芥佩服集蘭荃欲進



地橋屨重来笠澤舡山靈元有約石髓未應堅  
析理秋毫未研幾太極先黍珠當一照光彩徹  
天淵

早春訪蔡君立家以詩見贈次韵答之  
老夫藜杖病初起幽谷蘭花喜正開持酒對花  
留信宿題詩賦竹約重来一犁新水初春雨百  
蟄皆驚半夜雷嗟我無錢堪買犢歸畊心亦冷  
如灰

正月廿三日過許君善竹所留六日、蒙

置醴且出諸畫卷命留題焉

茅屋秋風杜陵老桃花春水許家墩連宵共剪  
西窓竹每日頻開北海樽童稚  
知揖讓鄉  
鄰見客問寒暄遲留不厭逢多雨喜得題詩萬  
竹軒

余過橫塘訪趙朋南先生值回錦溪遂留  
許徵士家雨窓因覽元夕之作次韵代  
簡

行路難行久不禁尋君欲吐別來心十年飯顆



詩容瘦一病文園渴思深鹿浦繫舡逢積雨客  
憲柱笏見遙岑誰能縮地仙人術共聽花枝快  
活吟

安素齋詩為高彥舉作

羲黃世云遠淳風浸凋零紛々慕浮華形役心  
靡寧惟爾為觀者於物澹忘情天君常恭然月  
白霜潭清美玉非不沽々之價連城向來莘野  
農耨耒即阿衡磻溪釣魚叟飛揚乃如鷹揚文  
苟無遇耕釣畢此生懷哉古之人安素斯足稱

溪西小隱詩為許君善作

馬鞍山南三十里鹿虞浦接橫塘水桃花兩岸  
小橋西蘿屋數椽脩竹裡先生頭戴烏角巾青  
鞋不踏東華塵扁舟溪上釣明月長鑿龍頭鉏  
白雲客來看竹呼鄰酒客去對山開北牖琴彈  
古調每橫膝筆寫新詩長在手自言得句如得  
官富貴却作浮雲看青山有約如不與白鷗之  
盟奚可寒箕山久矣人寂寞眼底誰能如此樂  
文章多樂鸚鵡洲衣冠俱上麒麟閣老夫幽懷



欲與論移家今近西枝村風清月白憶玄度莫  
怪杖藜來叩門

題孫彥學所藏江貫道清江泛月圖

吾聞老郭之傳許與江山水絕筆稱無雙此夜  
圖景江所作彷彿秋聲動林壑長江沉、月在  
水遠山蒼、樹如蟻如此江山夜放舟若人真  
是逍遙遊尔來一百四十載陵谷變遷圖畫在  
世無蘇李兩詩仙赤壁采石俱蕭然老夫此興  
固不少解表亦足酤清醪出門有碍行且休不

如看畫梅上頭

雪山圖

憶昔山居擁寒雪夜半讀書聲未歇長林月在  
掛猿枝幽谷風生藏虎穴十年奔走避兵塵手  
持一竿滄浪濱適因看畫長太息青山頭上亦  
如人

普講主寓普度蘭若十一月望為遊軍檢

括是夕以藁楷蒙首露坐陸氏莊埃燼  
中怡然賦詩予嘉其言無瞋恚和而美



之

道人心如：說法無定處無喜復瞋無亦無諸  
恐怖初聞戎馬來杖錫出普度羣氓棄家走子  
女多失怙或遭刀箭傷或受係累去或作吞聲  
哭或為折腰步裸跣走且僵烟塵晝如暮師時  
在中野亦值一強禦惡狀冠羣醜丹青筆難措  
脫我僧伽黎問我石頭路搜索祇園金檢括青  
州布區、身外物自謂無足護把茅聊蓋頭露  
宿吟古句干戈雖未息江山嘉如故相期看餘

春牡丹花貴富

和趙朋春詞四首

落梅風急綺疏寒簷鉄鏘如响八鳥堪笑嬌痴  
兒女子折花騎竹繞長干  
多謝提壺不住鳴杏花枝上月三更銀罌瀉盡  
葡萄綠祇為傷春醉不成  
小閣鈎簾待月時燭花頻剪夜何其惜春不  
春宵短翻憶秋宵玉漏遲  
花拂盆池入鏡光柳搖臺榭弄鶯黃晚來頗覺



東風思分付薰籠蕪煖香

遊南山和徐伯中韻

諸君南山遊豪吟氣憑凌惜無龜巢老拄杖携  
赤藤俛觀陳湖水一槃秋露澄吾兒躡吾屐樂  
與君共登生花籍苔茵樽酒空十朋垂楊細腰  
舞不費纏頭綾羨君方妙年文章有師承譬彼  
學佛者當為大乘僧滂沱夜來雨紅日喜綵升  
揚花飛渡江茫然白雲騰晨看有報西妙若曹  
不興茲山賴有傳詩名與俱稱

和臨寒食有感五絕

何處登臨散客愁千墩浦上聽漁謳清明落盡  
梨花雪能得東風幾日遊

憶得少年寒食日落花塵上馬蹄香六龍城郭  
春如畫那得旌旗帶雨揚  
烈塘墳上樹如雲一掃東風十五春不信令威  
歸不得竟移華表屬他人

一徑落花春晝靜四鄰嘉樹綠陰繁兒曹忘却  
還鄉意浪說春風似故園



白髮蕭、客未歸、淒風緊、雨禁烟、時青苔白骨  
尋常事、堪笑田文為客悲

### 遷居

逃難居頻徙、幽懷孰與論、崑山一舍地、溫浦數  
家村、老去仍為客、朝來又抱孫、雨餘春酒綠、生  
意滿東園

聞玉山顧隱君以賦役入城負疾而歸而  
山中花竹多有區、懷思寄詩代簡  
聞道龐公也、入城還家風雨近、清明催租人去

詩仍好、市藥童歸病已輕、尚喜竹林青、荀出不  
嫌花徑紫、苔生野夫得此平安信、尋訪姑遲數  
日程

### 哭杜玉泉處士二首

每憶城南杜、今為地下郎、好詩留巨帙、遺像在  
高堂、濯、孫枝秀、離、宰木長、可憐素與梓、春  
雨竟淒涼

### 其二

東郭溪山勝、南園花竹深、平生多樂事、之死遂



聞心掛我客中劍撫君床上琴迴風吹柳雪和  
泪落衣襟

四月二日林自瑤城歸寫呈遷屋詩四首  
因以述懷併記時事

鶴長鳧短世難齊滿眼風塵客路迷灶突未黔  
居未徙兒曹况在兩湖西  
六幅蒲帆帶雨開瑤城艇子過湖來老妻正倚  
門前樹雪色楊花覆綠苔  
儻得山居鑿井深客來不厭煮茶頻屋頭鶯地

顛風起狼籍桃花滿樹春

鬢絲垂領白髭：老我身如作繭蚕午夢忽驚  
飛砲响狼烟只在澱湖南

予往哭杜處士過松江問途乃知其弟玉

溪亦殂去兩月追懷夙昔作詩悼之

往歲留三宿今晨哭二難榻懸無復下琴斷為  
誰彈溪竹春雲散庭花夜月寒悲乎浮世事長  
夜雨漫

答徐伯樞見寄二首



十載風塵走朔南白頭如雪面如藍借車載具  
家頻徙應俗為文筆大慚茅屋雨添苔上壁竹  
籬烟護笋抽簪別來行路難行甚何夕挑燈與  
細談  
杜宇催歸不絕聲知君歸計正留情東膠茶焙  
春烟煖西堠花村夕照明音信尚煩黃耳寄友  
情不負白鷗盟明年築室相鄰住兒輩求田與  
力耕

邀管伯齡許君善鄧宜之端午小集

十年端午長為客一笑今朝有故人江草碧搖  
書帶淨石榴花摺舞裙舞新潮生小巷通舡路  
風拂幽軒振席塵酒襟未開壘爵恥茶鐺爛煮  
兩旗春

邀月田上人

借得溪鷗半席沙相期來吃趙州茶剎渡江剎  
有蘆堪折日落潮回即到家

次韵答許君善見貽

憶昔平居頻會友家有秫田共釀酒安知今日



對端陽無酒可澆談笑口客來置茶聊解羞強  
將車轄井中投清風綠樹北窓下時聽一報黃  
留西山雲起日將暮斯須雨暗橫塘路銀燈  
終點即生花為我許君青眼過顧我心如醉顏  
如醜憂時未寧奈老何明年此日復此會此詩  
當遣玲瓏歌

卽事

黃梅落盡雨初晴客舍青苔四壁生鉄砲打城  
殺動地老妻猶訝是雷鳴

代簡大雲講主

天竺之書五千卷吾師以之全藏轉蚤年手握  
摩尼珠飄然擲錫遊天衢歸來濯足太湖水從  
此一龕兀坐如枯枝有時忽作獅子吼狐狸野  
牛顛倒走有時閑寫山水花光之梅作清友  
近聞有約過貧家貧家掃門迎象車欲知老夫  
何物作清供溼陰小圃自種崑崙瓜

朱公路縣丞和徐伯印詩見示不為險韵  
窘束予甚喜之復和一首以寫起敬之



意

瓜廬松水西溪山勝東陵玉立開徑竹纓垂刺  
簷藤善養氣不餒靜觀心澄白雪少人和青  
山與誰登稽古蓄萬卷問奇來遠朋願余犢鼻  
布不識馬眼綾來詩清可喜玉露仙掌承想當  
締思時寂如禪定僧詩成掃巨筆墨汁飲數升  
干戈有時休雅頌當復興願同杜拾遺一代詩  
史稱

壽張實甫

我愛龐德公躬耕亂離日以安遺子孫此計真  
第一君今床金有餘傳家之計乃亦如况入頭  
東林遠公社每誦西竺室王書幽雅久矣机心  
息鷗鷺相知真莫逆獨憐丹穴一鷄雖偶爾西  
飛歸未得願言晚節金石堅河清復見昇平年  
明年此日壽觴舉三鳳聯翩即罷前

寄贈勝無能上人

雙林舊宅今蘭若百丈清規老作家燈燃佛龕  
無晝夜榻留禪衲共烟霞屋頭青霞沙羅樹池



上紅開菡萏花六月香風清似水野夫曾此坐  
鷗沙

丁未夏六月寓真覺菴數日：賦小詩以  
寫目前之景適大雲師遺雙清圖足成

十首

祇樹園林舊雨荒僧廬今喜近滄浪我來一榻  
南窓下分得溪風午夜涼  
臨溪照見兩稜、老我頭童狀若僧堪笑讀書  
心未死夜來猶對佛前燈

燭龍銜日出東溟飛到天中落火星莫怪懶慵  
門不出一林翠竹風冷：  
荷盃飲露比名酒松鹿生風無俗談日落清蟬  
吟未了雨來白蟻戰方酣  
高堂無塵清晝遲山僧持鉢未歸時白衣仙人  
坐相對淨瓶楊柳青垂、  
客來自汲煮茶泉屢足浮屠亦可憐借我石床  
箕踞坐有時閑說趙州禪  
搜糞不譏苾芻衣輕好客何妨日送迎試聽砲車



飛霹靂將軍觸熱正鏖兵  
雙林一室卷微疴列坐羣  
緇問若何不用散花  
天女輩儼然無語老維摩  
芭蕉華上遍題詩更覺吳箋寫竹枝  
過客莫嫌人寂寞鬢絲禪榻正相宜  
生愛梅花與水仙故人摹寫寄林泉  
披圖淨佛燒香几何異長齋繡佛前

普誦主過千墩偕余訪許溪西出普公曩  
歲所作水仙花求普為重記歲月俾余

題其左云

梅兄礬弟掩不見邂逅獨覩凌波仙  
雲翁指點笑相語為我傳神三十年

簡蔡君立從事

齷齪布衣老生無晉人風杖藜相訪不相見  
興盡適與王猷同出門喜清颺天氣涼蕭蕭  
重雲忽送日六合如洪窰東屯行行且止賣藥人  
家杏林裡蜚蕪意若迎我歸南薰轉旋西北起  
快哉一披襟長咏出舞雩老夫此興君必知黃



金不用鑄鍾期歸去來兮溢水西

與諸友論詩次朋南韻

每見故人詩不俗恨不移家與連屋人生有詩  
可傳世萬事無成心亦足嗟哉風雅絕遺音斷  
絃未有麟膠續三經三緇撥軸在文士疇非賴  
私淑屈原吐詞蘭蕙香能襲餘響馨惟宋玉兩  
京豪華六朝靡穀律由唐轉覆宋草堂先生獨  
冠佩進退委蛇氣容肅孔明廟栢一品題儼然  
菴竹森淇澳要之煉詩如煉丹九轉功成龍虎

伏秋高當約許玄度妙法參之老尊素

次韻答朋南重九之約

重陽無酒不須賒看菊柴桑處士家只恐瀟城  
風雨到客窓岑寂對簷花

贈筆生王伯純

時方用武我業儒王生賣筆來吾廬生成世業  
雲溪上製筆持與常人殊宣城阻兵十三載猶  
喜山中老魏在拔來秋穎帶微霜縛得銛鉏含  
五彩昔年草創供玉堂玉堂仙人雲錦裳三緜



一字不易得筆價亦與時俱昂莫怪年棄如土  
掃滌風塵必牂斧生今賣筆我賣文何異遠越  
資章甫呼兒亟用買一束為我寫成懷古錄吾  
兒作字三嘆賞八法以之隨意足我有好音生  
可知用筆將見文明時諫公諫筆佐明主老我  
耕筆箋古詩逝將重作毛穎傳為記頻年遭薄  
賤牽聯為生書姓名守業不隨陵谷爰中秋適  
逢酒禁開椰瓢酌生新潑醅酒酣仰視月中兔  
長嘯一聲歸去來

盧志道馬公振以瀉城風雨近重陽為詩  
首句各賦二絕同日見寄要全和之

瀉城風雨近重陽一望蘇臺百感傷臺下伏屍  
多濺血秋花不似舊年黃

瀉城風雨近重陽門巷蕭條草木黃茅屋破來  
天更漏誰能補石繼媧皇

瀉城風雨近重陽籬菊花開酒未嘗四海兵戈  
無了日十年書劍客他鄉

瀉城風雨近重陽猶喜觀山日力長風雨晴時



山更好也須携酒拄車傍

兩年九日情景不同口占二詩聊述梗槩  
去年重九日烽火接三州黃菊無心看青山滿  
眼愁風霜新鶴髮塵土舊貂裘為覓桃源路挈  
舟到海頭

其二

今年重九日兵破闔閭城紅粉宮娃毀黃金郿  
鄠傾老懷多感慨歸思轉縱橫賴有茱萸酒開  
軒看晚晴

旭齋先生四明隱君子也客吳數年日劉

以詩酒自娛時與予相善丁未秋年七十有六自謂不久于世為誌墓之文及賦自輓其詩曰知非終戒酒送我但吟詩且邀予以詞輓之予既為贊小像後五日乃携酒詣崑山歡飲故有是作

天生劉伶愛杯勺杯餘更以詩為樂有時痛飲  
發豪興徹夜長吟追古作胸吞雲夢氣崢嶸筆  
吐珠璣光錯落知心每恐化湯烏見面俄驚作



癯鶴為嫌八達太踈狂乃效獨醒甘寂寞高陽  
人笑老痴漢杜舉身遭束高閣我來黃菊似含  
笑喜坐對青山論酬錯舉觴一笑口復開蓋棺  
百年心不忤金龜足可換新笏玉兔無勞搗靈  
藥偃月堂前丞相死齊雲樓下降玉縛眼前事  
世等蟻夢身後虛名等螢燭何如閑策鉄拄杖  
時復醉傾金錯落吾詩便作薤露歌活輓先生  
薦清酌

張伯庸在郡城被圍數月間道而歸賦詩

賀之

雁書到手人方喜虎口脫身君已還難似上天  
行蜀道險于中夜出秦關柳營鼓角邊聲遠萊  
子衣裳喜色斑百斛葡萄酒釀熟歌童莫放酒  
盃開

方池詩為馬公振作

携我方竹杖看君方池方水宛然俯中庭照影  
月明裡清風生蘋末素練吹不起魚樂魚自知  
主人亦應爾



和許君善郊居十首

秋色滄茫日落斜  
鯉魚風起荻飛花  
先皮晚酌依稀醉  
吹笛漁童恰到家

書画瓶頭吐白虹  
談玄塵尾洒清風  
繞籬種得陶潛菊  
時復看花酒

堦前幽草比琅玕  
屋上慈烏即鳳鸞  
老我山林友麋鹿  
不知貔虎尚桓桓

流水柴門不厭貧  
古今曾見幾何人  
山中松菊陶元亮  
谷口犁鉏鄭子真

怪底深秋氣候溫  
野花成子竹生孫  
數椽樹宇清溪曲  
風雨蕭蕭書掩門

竹有幽軒水有渠  
閉門不出十年餘  
一編修得梅花譜  
又註神農本草書

朝野新聞摠闕如  
經鉏甘分老迂踈  
客來留喫雕胡飯  
旋斫溪頭出網魚

窮到無錐累始輕  
黃金何用苦留情  
姑蘇臺榭新如画  
又被西風一夜傾

不見魯山元紫芝  
干戈滿眼少陵詩  
采樵何處



青山好逢着仙人且看碁  
一雨洗兵秋可憐東吳香稻熟紅蓮許家墩下  
斜陽外無教飢鳥落晚田

淮夷篇

大邦浙河西吳郡稱第一淮夷著柘黃來作豺  
虎窟交數無善道西顧距勁敵一鷲櫻網羅同  
氣頓蕭瑟正朔仍奉漢天恩滿床笏賦粟歲倍  
蓰郿鄠金日積非無舶艤風海運不挂席包藏  
狼子心反覆莫可測臺閣兩重臣忍為梟獍食

井蛙自尊大出入復警蹕受弟寵且驕開府門  
列戟提兵幾百萬勢熱手可炙甲第連青雲門  
溷亦丹碧瑤池長夜飲天魔舞傾國幃幄皆面  
諛忠梗即麾弁摧門競豪華婪、務懷璧淮南  
舊巢穴坐視城棄擲出師理侵疆所向輒敗績  
鄰兵賈餘勇一舉數州得羣兇納降去孤城獨  
堅壁奈何圖數重樓櫓比如籟砲車拂雲漢晝  
夜飛霹靂寵第既蓋粉左右皆股栗短兵屢相  
接苗獠與戮力南濠百花洲流血水盡赤閉關



甫期月人面多菜色蔬食猶八珍骸骨爨下折  
衆叛已不知豕突猶親出前途忽投戈回騎不  
數匹一炬齊雲樓妻子隨烟滅縛虎送臺城咆  
哮氣方息嗟哉爾淮夷富貴亦已極雕墻應滅  
亡其理信弗忒

十月過吳門

無數雲梯盡未收彌骸如雪擁蘇州偽王守死  
空遺臭降將偷生忍負羞鹿走荒臺千載後烏  
啼野樹五更頭篙師也為愁無寐不待天明已

放舟

過無錫書所見一首

朝發吳門東暮宿錫山下隔墻語嗚咽云是流  
移者生來本村居白首事畊稼居城僅期月區  
區避兵馬狂奴稱老虎啞人空四野城降人出  
關方幸虎遭里胥俄促人負郭一網打監官  
駟上舡寸走不少假不知遣何之骨肉忍相舍  
語罷哭報悲涕與淚交瀉同行十數人瘦骨皆  
一把鉄索連係頸俛首若喑啞天高恐無聞尔



悲知者寡

歸故里一首

憶昔走避兵棄別鄉井去意將朝暮歸行、重  
回顧安知今一紀方踏去時路四郊皆蔓草白  
日暝如霧披榛訪閭里隔水拜先墓傷我鶴鴿  
原黃蒿走狐兔別墅破墻在郵亭乃新作鄰兒  
二三葦茅茨晝扃戶相見不相識熟視肖厥父  
坐以泣且言為我話親故什九死兵戈餘止不  
知處其詞吐未終我淚已如注對食不能食相

期歸蟻衆吾將語吾兒賣書買農具歸畊溪上  
田宜若鳥返哺吾其正丘首此心庶無負

戊申歲訪朋南執中二趙君皆連床夜話  
極談今古時朋南以草亭自號工詩有  
唐人風致不苟作也越信宿作詩眷留  
臨別復有魚米之遺執中亦和詩示余  
意皆有餘而不盡也後十日次韻二首  
其一寄題草堂兼謝所遺一以寄執中  
以述交契之厚云



圖畫蘭亭 甚陳溪山何殊草堂真晉人標致  
清談妙杜子詩篇下筆親客至合歡常盡醉我  
來留宿豈辭頻還家飽喫魚羹飯更喜瓶儲玉  
粒新  
經歲離懷得具陳酒盃深淺兩情真老夫生賴  
詩書力良友交同骨肉親楊柳錦溪春尚淺綺  
羅鏤市雨何頻別來十日牛衣卧世事如今又  
一新

和施天朋即事二章：五句

吳儂頭白雙眼昏夜逃松上烟水村老妻剪紙  
招驚魂問之不說苦徭役但言入地恨無門  
吳儂十年遭亂離飛芻輓粟精力疲哀、婦子  
皆瘡痍春來破屋兩連日疑是淚從天眼垂

戊申春浙西僧尼道流凡主寺觀者皆集  
金陵蘇州萬壽寺長老愚隱師亦在焉  
僕嘗夢寐中與談今昔且問及剛中愚  
毅公故賦此以寄二老

夢繞鍾山訪舊遊共看江水話闔浮隴西鸚鵡



金籠閃海應珊瑚鉄網收刀尺尚須成妙用跡  
孟未得賦歸休別時問我雙峩老為道身如不  
繫舟

寄侄僧德無言二首

謝村在金壇西

紅梅閣下夜連床一別經年十二霜尔父尔兄  
俱即世我孫我子未還鄉西林卓錫青山好東  
海垂綸白髮長何日與言生死事更論松菊故  
園荒

嗟我成童即棄家住菴鈍斧老金沙篋藏林下

繡經葉翦養山林供佛花浮世本來同一宿歸  
途必合駕三車白頭痴叔遥相憶燈下修書字  
半斜

馬公振以久而懷思作詩見寄于墩諸友  
朋為謀道旁之舍因和及之併發巨浸  
之嘆云適

芳草淒淒春復春桃花應笑未歸人數椽矮屋  
清溪曲一箇扁舟綠柳津且與往來成款段從  
教圖畫上麒麟老妻頗勝劉伶婦不惜春衣典



酒頻

吟罷秋風破屋歌不堪  
春雨復牽蘿無人為補  
青天漏滴眼愁看白水  
多堦下縛橋兒渡蟻門  
前換字客籠鶯可憐  
豪氣三千丈方覓堯夫  
十二窩

公振和許西溪韻併簡老夫次韻答之

世亂已如此年飢更奈何  
城池百戰後風雨一  
春多有酒客同飲耽詩  
病亦哦老懷聊自遣頭  
髮未全皤

和周明府留題趙靈寺

大澤水環金刹地小樓  
簾捲玉山烟桃花雨濯  
江邊錦榆荚風飛地上  
錢人世屢驚天柱折佛  
光還自月輪圓衲僧會  
得頻伽語也學詩人拜  
杜鵑

田家謠

花朝一雨連寒食水沒  
吳田深三尺田家壁立  
杼軸空逃凶半作溝中  
瘠農官令下星火飛勸  
農踏車農苦飢產灶之  
鼃斷烟續藜莧煮來青



葉肥商羊舞如獨脚鬼天瓢倒傾恐未已水車  
恨不化渴龍一口吸盡西疇水我謂爾農毋怨  
天堯田水溢亦九年但有人能極飢溺即令四  
海無顛連請君試聽踏車鼓蓁蓁轂中含疾苦  
天門九重路修阻此轂何由徹明主

趙貞白輓歌詞

前代衣冠族先生山澤癯淳風振薄俗高誼揭  
中吳舊債焚餘券凶年賑餓夫紅塵無足跡白  
雪滿髭 鉄硯磨來磷籬金視若無蹇子牛馬

走愛爾鳳凰雖卜宅來依倚通家學步趨玉枝  
總有汗瑤草遽成枯敬下墳前馬仍瞻屋上烏  
典刑無復見老淚落鮫珠

寄謝明南執中、行諸友兼簡楚岡滄海

二禪伯

錦溪水流無住時我思故人心如之扁舟來繫  
溪上柳六月初三新雨後常年大暑金欲流今  
年天氣涼于秋故人相見不相舍水竹軒亭榻  
俱下東家談復西家西家碧筒瀉流霞醉抽吟



卷看珠玉夜寒剪尺如椽竹明朝竟日復留連  
月在柳梢方解舡瀕溪更有好僧舍古木陰森  
正宜夏龐眉兩僧亦可人茶鐺長煮小園春但  
欲移床就泉石共聽松花生終夕

簡熊元修

憐君苦有輟脚疾愧我貧無挑藥錢此日尺書  
重問訊何時杖策與周旋湖鄉地濕黃梅雨舍  
館寒含綠艾烟猶喜東家人好事銀瓶長送酒  
如泉

奉贈吳逸菴

先生頭髮烏如漆上壽明年八十三豈有神仙  
傳秘訣尚看孫子著朝簪燒香看畫湘簾捲留  
客題詩綠酒酣堪笑野夫扶醉別出門更與阿  
戎談

寄張伯祥兼簡顧玉山

尺書曾去墮浮沉嗟我懷人意未休兩地共看  
千里月西風又換一年秋收菰餐雪猶歸國買  
犢耕雲且素侯暇日煩尋顧文學為言相送愧



鄒遊

石箭頭歌併序

丙午冬吳人自望亭驛鑿渠通漕湖深丈餘  
石箭頭長洲徐伯昂氏以所得之 見遺  
一以遺倪元鎮請各賦詩乃得

南山爛盡蒼雲根飄風勢欲傾崑崙何物老若  
作遺簇神剝鬼削秋無痕泥沙不隨戈戟折太  
陰玄精壯冰結五丁假手出重泉猶帶堯時九  
鳥血羶羊胆肝破尼子走折足猶有老於菟坐

嘯風滿谷猿臂將軍骨已枯蒼頭盧兒金僕姑  
時乎時乎奈爾若

次韵集誦主見懷

君今風北我枝南燈火餘輝借佛龕老去著書  
酬素志客來揮塵接清談遠公沽酒能相引中  
散琴鳴豈不堪且喜早秋頻雨 襟懷無復鬱  
如快

偕大雲大成二講主及學上人宿聖像寺

詢無言山房作



西晉招題屋半催江流依舊碧索迴黃楊偶厄  
今年閏青海曾浮古佛來明月一庭僧下榻清  
風四座客銜盃石闌點筆題詩處池上藕花秋  
正開

次韵答許君善

滄洲濯我足白首事經畝幸作依劉客難忘荐  
禰書病聽鶩螳闔守拙賴鳩居長日思君子新  
詩忽起予

早秋寄悅堂長老三首

雙徑人來候起居山靈想亦問何如煩師為覓  
龍潭水洗看將眼後世書

秋陽曠大雲騰未有天風洗鬱蒸珍重毗耶  
方丈室一壺寒露置清冰

我愛青山冷淡交吳淞江上寄龜巢秋來剪得  
芭蕉葉欲借楞嚴手自鈔

閏七月七日許徵士以詩見招適余有昆  
陵之行不及赴次韵答之

西風木落大江秋明月江行倚柁樓一路看山



三百里桂花時節到奔牛

過無錫梅村口占贈喻子英

梁鴻山下碧溪  
落日蒼茫客度閑  
秋日已催紅日  
老人生何似白鷗  
閒危橋跨水苔痕  
滑折戟沉沙血點  
斑奇士相逢忽相  
別相知只在片言  
間

中秋三首和易九成韻

中秋無客夜相過  
落葉衙門感慨多  
明月幾回圓似鏡  
浮生百歲去如梭  
誰家桂子香如許  
我

屋茅飛冷奈何猶勝去年連日雨  
吳兒苦織覆城蓑

海門潮上水西流  
白兔蟾蜍出海頭  
洵有報驚雨至囂  
衆口說天愁  
楚氣已覺三邊淨  
湯網終當四面收  
自惜金陵多王氣  
如今重作帝王州

玉人携手步陵波  
憶昔南樓載酒過  
樓上管絃長夜拂  
座中賓客少年多  
按歌自擊鈇如意  
呼酒滿傾金卷荷  
堪笑餘情忘未盡  
中庭舞月影



婆娑

為許君善題竹石圖

竹君骨清癯石丈貌竒古誰其為寫真中吳馬  
振之吾生兩眼多閱人此君見之情甚親尋常  
兩膝不易屈此文拜之心莫逆可憐君家萬竹  
遭斧斤石亦去作飛將軍齋居此日空對西日  
前所喜無風塵凜然清秋氣滿屋六月不知炎  
暑酷我來賦詩重品題此石冥如此竹勿為  
芻豢龍勿為金華羊徵君與爾三作友老夫亦

得時徜徉

聽秋軒詩為開元寺方厓長老作

一龕禪寂照蘭膏四壁涼生襲楮袍落木有聲  
頻到耳學人無語自吹毛雀鳴夜半露初下雁  
拂月邊風正高怪底塔鈴饒舌甚亦如九辨繼  
離騷

韓仲禮宦家子也工寫大字終日矻矻予

甚閱之賦此以別

君不見韋仲將能寫大字一文強懸空高寫雲



殿榜鬢髮頓令成霜雪君今捉筆長于帚作字  
繼常千載後非顏非柳筋骨殊大如車輪小如  
斗知君欲與韋為儔韋所苦者君知否青雲有  
路去亦好只恐君年未老先白頭願言投筆勿  
浪出菽水高堂永朝夕樂莫樂于親俱存西餅  
功名揔何益

九月四日過許君善家觀睦義溪長老與  
朱公路縣丞等倡和中秋吟君善索和  
一首

老禪吐詞金石敲中秋浩歌蟾兔驚哦松人歸  
與倡和筆力可扶天柱傾惜哉未草金鴈詔但  
說三盃通大道舉杯此夕問姮娥百歲幾回開  
口笑天風冷、洗炎熱炎熱洗空風未歇西齋  
一樹紅木犀且喜看花眼如月

喜薦嚴希長老自金陵還山作此賀之  
京洛多塵土天風為拂衣山中流水在林下白  
雲歸不說前三語誰尋第一機古藤獅子室燕  
坐寶花飛



和紀叔維中秋

清夜尋常秉燭遊，况逢明月桂花秋。  
君吟梨谷揮椽筆，我泊楓橋倚柁樓。  
白雪似添霜鬢老，青天不著片雲浮。  
老夫酣適遥相似，座有蒲郎便善謳。

題玉叔正江村讀書圖

紅葉江上村，青燈案頭書。  
長年門不出，吾道竟何如。

叔正過訪，傳恢書記寄聲作詩寄之。

余澤歸來王子猷，猷問君知與對滄洲。  
一灣流水市塵遠，兩岸人家烟樹幽。  
客至白雲分半榻，興來明月載孤舟。  
如何不到淞江上，我看蘆花雪色秋。

和馬公振江上早行

聞君拂曉渡婁江，解得江妃玉佩雙。  
旭日曛隴初挂樹，浮雲變化忽成龍。  
路旁客躡前車覆，天上人遭惡撞俛。  
仰古今成一笑，春風賴有酒能降。



和衛澄遠雪詩

洋海水寒若凌陰坐看飛雪積來深出門捲是  
瓊瑤地繞屋皆成蒼筍林為說擒吳今李愬因  
評怨筆古羊斟兎園詞客飄零盡撫我霜鬚為  
一吟

和楚蘭江禪老應制賦擁翠之作

翻經屋上烟霞客擁翠亭前雨露多道載三車  
懷報國詩成七步口懸河衲衣風拂天香染錫  
杖雲隨御輦過聖主得賢方藹、羣臣寧不賦

卷阿

寄顏長老

江西馬祖不世出城南悅翁雙徑歸芭蕉雨作  
堂下樂薜荔天生墻上衣繡經猶能作細字乘  
拂孰與談玄機別來半載幾相憶江岸小桃花  
又飛

和陳思忠過王德修草堂

曲塘楊柳似蘇堤編戶菑畬比鄭陂春日鶯花  
圖畫裡秋風雞黍故人期開樽許與傾蕉葉出



妓應教舞柘枝老我杖藜慵出入草堂遙望為  
題詩

次王德修韻

茅堂有酒時一中少陵郊居今漢東絕憐春水  
漲新綠不着市塵飛軟紅百年禮樂重制作四  
海衣冠今會同幽棲正要人不識莫厭門逕生  
蓬蒿

和吳斯民感懷

詩到龜巢兩日前柳花飛雪正紛然峴山有感

羊祜禹岩穴曾探繼馬遷老我短檠墻角棄憐  
君古硯案頭穿欲將磊塊都澆去何日移封對  
酒泉知

劍井

余家劍井邊不飲井中水要令生瑞氣藹見  
多士古甕暗莓苔蠹跡委泥滓黃河今復清豈  
獨長已矣

獨孤公檜

珍重前賢手自栽無情斧斤忍相推專車載去



蒼龍骨竟作誰家爨下灰

惠山泉

此山一別二十年此水流出山中缸人言近日  
絕可喜不見流缸但流水老夫來訪舊烟霞僧  
鐫試瀹趙州茶惜哉泉味美如故不比世味如  
蒸沙

陽茶

南山茶樹化劫灰白蛇無復銜子來頻年雨露  
養遺枿先春粟粒含珠胎待看茶焙春烟起竊

籠封春貢天子誰能遺我小團月烟火肺肝令  
一洗

歲朝示二三子十二韻

我生老筆耕齷齪不自羞教兒復為之能識此  
意否為農或逋租服賈必遠遊非才苟祿仕往  
往遭愆尤先師有明訓富貴不可求兒能負米  
歸老父百無憂日高三丈餘睡起梳白頭藜床  
草甌甌布冠木棉裘比屋吏呼囂吾廬自幽  
食粥了餘年死即埋高丘今晨捧椒觴復喜歲



一週一倡三子和聊作擊壤謳

寄徑山顏悅堂長老二首

每憶城南隱者家崑山石火徑山茶年、春晚  
重門閉怕踏堦前落地花  
兩耳垂肩雪滿顛維摩一室小林泉白雲窓下  
黃楊樹且喜重徑厄閨年

懷許君善三首

別後逢人問薜蘿打門時有吏催科消磨舊日  
耽書癖春興吟成恐不多

桑扈催蚕桑葉肥麥田雖雜麥花飛春餘閨月  
無多日鄰舍逃亡歸未歸

昨夜龜巢酒半醺春風吹夢去尋君落花芳草  
千墩路携手斜陽不忍分

寄趙朋南二首

狂風黃雨去年時大厦難將一木支最喜州亭  
脩竹淨催科人去復哦詩

石首魚來金色新桃花酒熟甕頭春急須秉燭  
遊良夜莫遣山公吟笑人



寄趙執中二首

案頭花落硯池香  
庭下牀生書帶長  
黃卷青燈風雨夜  
更和熊膽付兒曹  
一見相知二十春  
交情無愧古雷陳  
如今滿上龜巢遠  
不惜書來雁足頻

寄吳中衡

老我誰知己  
端人最憶君  
常談無鬼論  
不作送窮文  
藥杵三更月  
菜衣五色雲  
桑榆春自暖  
蘭茝發幽芬

芙蓉城仙人歌寄贈孫大雅

仙人家住芙蓉城  
芙蓉為冠結蘭纓  
飛車去作蓬萊客  
玳瑁筵開麟脯擘  
八暝揚塵一轉蓬  
扶桑厭到東王公  
仙人手策青玉籠  
翩歸袂飄天風  
華亭之西玉山東  
羣仙挽留鳶鶴從  
雲壙霞壁五畝宮  
金華翠葉九粒松  
瓊眸點漆顏如童  
瀛洲再看蟠桃紅  
蔡經家藏老姑酒  
能為仙人聚  
仙友  
琴高醉歌經  
拍手要我龜巢老人來  
和否



寄黃宗禮

星槎池館東床客，冰玉襟懷我所知。  
百榼蒲萄春灑，一欄芍藥晝遲。  
門前送却催租吏，枕上還吟夢草詩。  
只恐綉幃人起早，又催京兆画蛾眉。

秋晚過太平塔下四顧瓦礫場有懷徽太

古禪老作詩招之

一時陵谷變劫灰，飛九州太平古招提。  
寶地成荒丘浮圖巋然在，氣勢凌高秋風鈴作梵音終。

日語不休以言老禪伯，合為故山留筭木。本隨身把茅堪蓋頭，畫沙且成佛。况乃願力優高壇，降甘露大車駕白牛。老我烟霞交風流，繼前修。

冬至和陳縣丞韻

機妙幹無古今，一陽來復消羣陰。聖人灼見天地心，贊易乃鳴金玉音。蕭也朝來新盥沐，三復常編謝亭毒。卿雲燦爛彌九天，旭日曠曠出暘谷。丞哉丞哉，初下車踐長之喜。當何如絃歌化行風俗美，寒谷春生自茲始。



逸菴詩四首為吳子明賦

我愛逸菴叟有時能養生百事不挂懷三樂殊  
稱情行年八十餘白髮無一莖每聞青子嘆笑  
我如淵明優哉復游哉笠澤山水清  
日高三丈餘先生睡初起雪屋燒煖香行庖膾  
水鯉逍遙白氎巾傲兀烏皮几鉤簾對青山倚  
杖看流水世事了不聞無勞洗吾耳  
客來兩忘情不復事迎送有酒即盡歡盃當笛  
三弄羲黃敢云傲周孔亦無夢衆口從雌黃我

腹自空洞行歌山澤間此樂誰與共  
人生老而逸伊誰無此心惟翁適所願林居小  
湖陰或持無餌釣或抱不絃琴山水古名画所  
得氣尤清長嘆康公木屐費登臨樂

送李彥明歸高郵

老夫歸從東海頭春風送客歸秦郵出門復覩  
雁北向物我喜得同悠悠吳舡鼓櫂渡江去烏  
輪政挂扶桑樹桃花倚岸笑相看杜宇催人啼  
不任征袍十年塵土多濯纓今作滄浪歌二日



五日寒食雨三十六湖春水波文遊臺榭剪荆  
棘繼美前修聚佳客誰能喚起老眠重寫耳孫  
湖上宅龍

寄題無錫錢仲毅煮茗軒

聚蛟金谷任葷羶煮茗留人也自賢三百小團  
陽羨日尋常新汲惠山泉星飛白石僮敲火烟  
出青林窅上天莫怪坐無齊魯客玉川茅屋小  
如舡

王松溪知事別兩紀陵谷既變復命常州

年皆七十餘喜各無恙又喜松溪別第  
失而復得觴以賀之詩紀歲月

年來兩度塵生海二老重逢雪滿顛杖履荒城  
寒食後琴樽別業舊堂前桃花含笑似欲語燕  
子飛來絕可伶此日為君歌此曲兩蘇春早午  
陰天

後數日松溪見和二詩予復次韵送歸華亭

放舟東郭語長年喜見春風不放顛三月鶯花



詩卷裡五湖烟水枕接前青衫司馬如今老白  
木長鏹祇自憐歸到鳳山門不出北窓真是小  
壺天

雨宿縣學齋舍作

客來帷林候漁父費舍坐聽三日雨諸生讀書  
喧兩廡商羊飛來立當宇雨聲書聲雜蛙鼓蚓  
歌自亦 宮羽青苔上塔茵生柱敗壁淋漓籀  
文古齋僮不敢開戶 牖風撼庭柯嘯飢虎南山  
老石爛成土天漏誰能鍊金補去年旱魃走吳

楚田家往、悲塵釜麥秋一飽方自許莫教化  
作飛蛾舞

宜山謠併序

從來廣東南丹諸州民獠雜居素號難治洪  
武初朝命設官置司安撫之山東尹明善  
寔任獠選凡所司事知無不為、無不速  
盜官再期多善政後四年有客自廣東來  
者傳其事甚詳余乃摘其大者作宜山謠  
七篇



苗獠地連交趾咸籍為民且為除其凶跡  
人悅之作椎結舞

椎結舞擊銅鼓淺蠻深蠻皆安堵賣刀買鋤犁  
衙恩人鳥語獠俗惡名去豈弟君子吾父母

沿邊舊制置七十五以徭為長每羣聚為  
諸州害今罷之民乃安作除虎窟

除虎窟虎皆散亾龍睡穴湖南海廣西千里如  
今無白骨無白骨人何憂每、舊屯田年、徭  
花秋我所思弓龍江水流

兵後薦飢發官廩活宜山救萬口民德之  
作枯桑

枯桑枯桑徒為我薪煮石弗糜曷以食人廩發  
于官我命乃續誰其主之伊人如玉伊人如玉  
孚及豚魚詔我婦子償粟勿渝厥粟固償厥德  
靡忘我懷伊人于羨于墻

覃國大韋仲海筆世為土豪與溪蠻洞徭  
相為表裏反側不一公以計擒殺之民  
大快作霹靂谷等



霹靂斧行天誅百靈奔走羣醜除磔臬獍醜猊  
 踰招來角端舞駟虞日月兩山明畏境成康衢  
 宜山莫天護虎踞一方公言諸方伯從和  
 州民樂之作坎井蛙

坎井蛙今渤澥偷生蝦蜆門怒氣腹何在長魚  
 跋浪欲吞舟竟作任公雪花鱠蛙平幸偷生有  
 愧輸芒蟹前度放蛙人今日思如海

蠻獠負固稅以不貢農病于重歛公均之  
 視前賦減什五六思不能忘作生子以

尹名

生子以尹名有田宜須力畊昔憂公租重今喜  
 公租輕窮簷杼軸具當路鈞衡平焦冥覆盆下  
 觀此白日明

革命之初公以安邊事宜屢白相府民懷  
 之作鞍馬勞

鞍馬勞肉消解廣西一去二千里借箸籌邊丞  
 相喜兩年單騎八往迴青草黃茅瘴烟裡鞍馬  
 勞有如彼不負公不掠美一寸忠丹報天子



送丞漢德員外徙居臨濠

憶昔吳鉤歛霜鏑歐台已知蛟可斲窮探虎穴  
走山靈勇撒蜃樓招海若三台分照紫薇垣一  
飛徑入經蓮幙安知滄海忽生塵乃見巨魚今  
縱壑携家春雨赤城邊還揚舲秋水濠梁約老  
夫白髮三千丈別來幸有琴書樂羨子青雲二  
十年此去亦無冠冕縛故鄉相見恍如夢往事  
重論成大喙呼兒解我鷓鴣裘離亭飲客鷓鴣  
杓南薰穩送渡江水西笈遙憐好城郭莊生臺

上看魚儵彭祖山中拾靈藥平居襟懷本潇洒  
在處林泉可盤礴有回首望江南題詩好寄雲  
間鶴

次韵贈董明府兼贈陳縣丞尹主簿

綠莎聽事洒清風四野遺黎澤集鴻佳政摠堪  
書國史丹心曾不愧天橫琴坐對中秋月援  
筆詞傾百步洪僚佐粹然來白屋有時來我連  
漢西東

寄錢夢弼併為乃翁宣慰公壽



門對青山畫掩扉家居身著老萊衣  
嬾于日下看花去贏得街頭負米歸  
一笈觥觥香雪美百年城郭昔人非  
高堂秋爽而翁樂稻熟湖田蟹正肥

送虞長史歸閩中十四韻

卓犖青雲器淒涼白雨秋棄官辭傳舍  
昇病上歸舟岸有蛩吟送墻無語燕留  
七閩天杳杳兩浙水悠悠親舍孤雲影  
山城大海頭倚門勞遠望脫屣得長休  
金榜聲名在班衣志願酬猗蘭

重舉曲護草足忘憂丹穴生鸞鳳龍光射斗牛  
此心能自足餘物更何求老我三家墅憐君百  
尺樓相知稱鮑叔遠送愧鄒遊海上多靈藥山  
儼素侯家園紅荔子能寄故人否

楚人居短歌三章為吳中衡賦

野人居住何許屋頭東邊扶桑樹三江五湖在  
庭戶身著老萊衣手擘龍根脯賦歸來兮謝簪  
組

野人居誰與論芸夫堯子皆同塵朋來遠訪多



搢紳焚香據槁梧持盃岸綸巾  
矚魚鳥兮情相親  
野人居書滿屋神農本草僅一束  
用之可比連城玉菊潭秋水香杏  
林春樹綠樂吾親兮忘啜菽

過馬公振南江草堂

南江草堂人白眉湛書成癖復湛  
詩千金買書讀未了化作劫灰飛  
海涯國風雅頌三百首愛入骨髓  
淪膚肌兩京三國六朝下驅駕直  
與唐

人馳老夫一別再寒暑重覽碧海  
珊瑚枝溪西隱者亦好事白首苦  
吟忘渴飢逢人往誦佳句况此酒  
邊逢項斯歡然共醉成夜宿石銚  
煮茶焚玉麈詩家風月談未了老  
蟾已墮西山陞盞簪此夕復何夕  
一庭寒菊花離披







龜巢藁卷之五

詩

贈邵濟民

曲塘地僊居洗藥溪水香青衣兩童子玉杵搗  
玄霜玄霜搗來奉高堂老親食之壽而康天生  
便、貯書腹金匱石函書爛熟東南海上多名  
石、中來藥騎青鹿歸來濯足婁江水對坐青  
山隱烏几囊探藥物不論錢但欲使人無病耳  
有時彈琴寫鳳音有時拔筆長短吟紛紛、紙痔

國家圖書館, NATIONAL CENTRAL LIBRARY, TAIWAN, R.O.C.





吮癰者從教別屋堆黃金

聞雲門張先生以烏軒焦尾居名文集賦

二詩以贈

慈烏曲 九韻

慈烏乳衆雛：大羽翼成翻：出巢飛啞：統  
林鳴得食不自飽歸以飲所生紛然同類中有  
此骨肉情余昔養親日瞻烏常自懲白首重相  
見愛之雙眼青匪謂得所止丈人屋崢嶸為時  
臬獍多見烏如閔曾王孫金彈丸慎勿令畏驚

焦桐曲 九韻

焦桐製孤琴舉世稱異材往非蔡中郎竟作爨  
下灰七絃繫朱絲徽金軫瓊瑤知音適相遇携  
上高：堂一彈金陵散絕響有餘哀箏琶涕新  
聲瓦釜亦雷鳴天機妙循環復見泰宇開爾桐  
朱鳳吟靈風揚九垓吾今洗吾耳盤石坐莓苔  
芝秀軒詩一首

猗與名門夙稱五常遙：耳孫厥德復昌於繁  
爾子文藻有光如彼朱草曄：其英自天降祥



奕葉流芳匪曰三秀仙人之粮林壑爾居奇芬  
遠揚雅公之扁金薤琳琅於昭彼蒼福善孔彰  
俾爾耆艾家有餘慶維來維仍永言弗忘

結茅東郭歲晚言懷八首

行盡難行路歸來父母邦溪山間杖履花竹小  
軒窓教子知一二抱孫成兩雙有時城府去深  
愧鹿門龐

其二

猷猷龜巢老蕭條鶴髮秋過眉桃竹杖方領木

棉裘補世慚無術通家憶舊遊 然雙白鳥能  
與共滄洲

其三

淨掃蕭齋地書床一舊瓊談經雞亦解迎客犬  
常先流水柴門外橫山甕牖前春秋垂八十食  
粥了餘年

其四

季子躬耕地寥々禮讓先度遠歸老鶴遵渚風  
集飛鴻土姓多相雜鄉音舊不同獨憐東郭外



劍井氣如虹

其五

官塘人似蟻環堵室如蝸白髮三千丈清貧第  
一家地爐寒撥火雪夜水煎茶好客知誰至青  
燈結細花

其六

過客應相笑巢翁未得閑酒經方補註詩稿又  
重刪藜杖家、竹籃與屨、山數朝天色冷高  
卧掩柴關

其七

故國歸來晚孤城草木寒親朋皆鬼籙鄉里少  
儒冠寫珠金鍾失沉沙鉄戟殘譙門斜照裡時  
為一辛酸

其八

臘月無多日春風又一年儘添頭上雪聊遣  
瓮中天彩筆題冰柱青衣送酒船晚來賓客散清  
興更悠然

和陳貳令遊善權洞



我昔陽羨遊春山聽茶歌別來三十載重遊竟  
蹉跎憑高每望碧湖外羣峯玉立青嵯峨善權  
山水最佳處我公去知清興多來時風景溢吾  
目不用登臨勞吾足有報之函勝丹青曲盡物  
情人嘆服天開地闢義皇前神工為誰開洞天  
爾來一萬八千歲金堂玉室居羣仙飛車鳶雀  
以不見春去秋來只鴻雁青山前度污狼烟從  
此四郊荆棘遍洞前玉氣金湫漫仙家應作瑤  
池觀層巖巨石勢欲墮過者為之心胆寒翻々

石燕粘翠壁飛來若與人相識馬如龍車如水  
尋常貴遊無足數以分清致似名緇一代風流  
繼支許樂哉山水三日遊忘却世千種愁問昔  
人名句題玉柱今公健筆留銀鈎寄言武陵人  
桃源茲可求丹沙多與鍾乳雜瑤草不知蒲柳  
秋長橋無饒蛟南山無猛虎在處可觀遊政須  
人好古渴墨鉛碑篆亦奇絕似岐山石為鼓竹  
姑子年々春山僧煮玉邀嘗新哦松暇日肯同  
去作詩更為山傳神



鄉飲酒詩十四韻

皇帝即位之五年歲在壬子 詔天下行鄉  
飲酒禮明年癸丑正月上日常州府太守  
孫公率僚屬行之儀物品節不約不侈省  
部主事宋公實在賓位僕介者客凡二十  
七人執事者位之其登升揖讓盥洗獻酢  
靡不如梁時鼎七十有七亦得以布衣廁  
諸賢士大夫之列益有不勝其喜幸者率  
爾口占以紀盛集云

一統乾坤大羣生雨露新君王能建極風俗易  
還淳鄉飲稽蒼籙天書降紫宸諸侯遵令典喜  
讌良辰黌舍簪纓集珍羞俎豆陳主賓儀秩  
介僕色津、椒頌三陽日芹香泮水春工歌嚴  
律古揚觶獻酬頻聖澤沾羣品仁風播八垠賜  
脯無足比置宴豈能倫老我 中斷諸公席上  
珍叨陪聆讀法喜獲生連茵引領瞻西日傾心  
拱北辰知恩無以報三祝效封人展

謝董明府惠炭



范叔寒多正不禁烏薪重惠比烏金賒來脫粟  
忙煮飯留得焦桐好製琴環堵一龕春盎麗  
譙三鼓夜沉沉硯池雲起龍香暖寫我梅花鉄  
石心

雨中懷秦主簿

東門之東西市西人家屋頭竹雞啼新年十日  
九風雨二老幾時堪杖藜

懷儲教授

鎬京春宴醉簪花步出都門駕小車七里八岡

山店夜一簾風雨宿誰家

次韵言懷八首

親朋淪落盡故國似他邦矮柱龜頭舍踈檣蚌  
殼窠鵲榘簷外喜鳶鏡中雙兒女俱婚嫁避禪  
笑老龐影

其二

江海飄零客烟塵一十秋逝將諸犬子歸老此  
菟裘夜雪圍爐坐春風秉燭遊樵漁時共醉何  
異瀛洲宴



其三

老我龜藏六無毛可作瓊栽詩閑未得強酒醉  
當先茅宇城闌外梅花臘日前幸逢賢郡守鄉  
飲禮高年

其四

短日經南陸嚴寒鼓朔風遍懷知己友長覓寄  
書鴻世態今如此人心古不同青天如可問飛  
步揖長虹

其五

風冷柴門閉齋居縮如蝸小橋平陸里識字老  
農家野飯常留客春醪頗勝茶早梅溪上折斜  
挿胆瓶花

其六

貧居家事少客去跋奚閑茅屋牽蘿補蘭塔擇  
草刪雪添南浦水雲暗北窓山孰謂寒如許雞  
鳴客度關

其七

自分馮唐老誰憐范叔寒萋萋鳩在杖蕭散鴟



為冠夢筆才華減談經喘息殘昨來初度日淚  
落酒盃酸

其八

神仙無足信何藥可延年素行多違俗丹心不  
愧天座有談笑客門泊往來舡吟雪誰相似棄  
陽孟浩然

送秦宜仲主簿之京

丈夫不洒離別淚盃酒聊發玲瓏歌黃楊閏餘  
歲已久紅杏日邊春正多子瞻手携鉄拄杖太

白足上金鑿坡鳳臺佳境必重賦千萬寄詩來  
薜蘿

送主上人兵後尋叔歸臨江侍養十八韻

青年未焚紫羅囊竹林之遊鵷鳳翔一旦身為  
苾芻草半間屋住菩堤場安知兵甲滿天地遂  
令叔住成參商素田既變家亦毀蒲屨欲織親  
俱凶某丘某水摠淪沒曰祖曰禰誰烝嘗象龍  
駕法力雖猛豺獮報本情難忘崎嶇行脚求從  
父殷勤稽首祈室王護身符出虎牢險忍辱鎧



染狼烟黃長洲茂苑以爭戰殘山剩水方淒涼  
相逢不覺開口笑此喜自得安心方行人嗟嘆  
擁長道畫鷁送將歸故鄉孤雲飛處是玉筍把  
茅蓋頭猶錦堂蒲羞可助潢潦薦木瓢共飲曹  
溪香愚觀諸公發歌咏力為吾道扶綱常惜哉  
僧中有此郎疇能為爾加冠裳於乎疇能為能  
加冠裳

次韵袁仲微見寄併自述二首

城陰山作讀書堆書函船從海上回春水泮頭

芹小摘秋風老圃菊重栽明時正用凌雲筆清  
夜還傾酬月盃百里相忘兩相憶詩筒好寄便  
鴻來

才華減盡姓名低賴有綸竿釣碧溪哀髯幾經  
蓬綴雪關心一點絮沾泥江山有助詩頻賦朋  
相過酒共携金斗城東二三里道傍茅舍似雞  
栖舊

借韵寄蔣以忠

江上羣山翠作堆江雲與客共低回黃楊閏後



餘無厄丹桂天高孰為裁飽喫河豚肥似乳醉  
看江水小如盃延陵祠墓春申卷我亦挈舟訪  
古來

借韻寄劉小齋

白練裙輕帽屋低綠陰庭戶瞰清溪詞章落筆  
如翻水篆籀藏鋒若印泥一昨論交心共許幾  
重飛夢手重携絕憐鳳穴生雖好已向朝陽碧  
樹栖

謝許克敬六月惠炭

去年臘月人凍死我亦中夜眠不起家僮赤脚  
令采樵日暮歸來墮雙指德哉故人憐我貧于  
今暑月遺烏薪藥爐喜得文武火茶鑪爛煮搶  
旗春禦寒有脩心胆壯故態盡除寒乞相山室  
歲晚雪復來平地不妨深一丈烏薪熟成霞煖  
紅藜床坐我龜巢翁灰中芋栗薦村酒凍梨面  
作桃花容齊奴爨蠟自奢侈野人炙背無足比  
融、之樂殘度年重賦新詩謝知己

病中蒙董知縣陳縣丞尹主簿枉顧且有



白粲瓜酒之惠既而病愈賦此以謝  
鳧鷖飛來野老家同僚先後佩飛霞共憐敗絮  
多生蠶為問疑盃或飲蛇月俸分將官廩粟朋  
樽兼餉早秋瓜相如四壁光生彩試握霜毫答  
寵嘉

常郡泮宮詩

猗昔廟學悉燬于兵我侯作之聿觀厥成巍  
素王羣賢儼如侯殿侯庶豆遠于所師生有廬  
誦道在堂飲社讀法有程有章我侯疾止若網

而網嘉乃進修戒毋怠荒宮墻匪高丹堊非侈  
道泐六合聖有遺軌侯揚天休嘉惠士子儒風  
還淳庶見麟趾

武邑新學詩

邑有孔廟棟橈欲墮舊亦有學濕漏且庠唯邑  
長貳撤而新之清廟奕奕門廡堦墀聖賢明靈  
陟降在茲黌宇言齊有書詩師友誦貫朝斯  
夕斯射則有圃書或臨池惟林杏壇古音朱絃  
頤謐廟學治化之基帶澤育莪比迹蒼姬絃歌



武城異世同規

雜詩

積陰當玄冬生，已機息陽孽。僅毫髮梅花，獨得先若人。玩化机于此，已深識攀條。摘玉蕊吟，玩意莫測。唯復見天心，所慮羣陰逼。閉門夫何如？君子政，惕夕乾。保養間由茲，見天德。山雲忽低徊，四郊分白雨。老農荷鋤歸，播穀桑間語。相勸一何勤，一鳴再三悅。老翁感禽意，豈憚東作苦。嘉穀已涵活，尚待明日煦。小兒未解

事大兒，遠服賈農器。已可噉鋤耨，在梁招入室。唯老妻出汲，撫髡甌。凜秋氣，忽微徂暑已。云遙黃花異，凡木所植本。因瓌稜，青霜間誰復見。俛仰肅殺一氣中，銳氣出其上。強梁固可人，傲德母日長。志士想丘壑，老驥厭道長。歸來已低徊，但覺青山好。至樂在天倫，不必事藻華。交歡能幾何，及今已衰老。至老無修行，日類日以踈。生知愧古人，晏安夫何如。羣處不念德，草復離居春遊有餘興。雜



花滿郊墟網罟不能操空羨淵中魚青陽既開  
動草木方敷帝積雪忽如此豈不害含生大化  
無停機生、寧有已人心偶自徂豈不害天理  
援琴一鼓之坐致粗穢除吾分一天地積陰夫  
何如善

二月二日漫興

東風吹散社公雨紅白花开爛錦雲時俗喜逢  
迎富日老夫羞作送窮文袂衣試着寒猶怯拄  
杖歸來酒半酸為問驛橋楊柳樹送人多少去

從軍

送安上人歸馬跡山

挿竹山中偶出遊折蘆濠上即歸休踞床獅子  
聲方吼踏鉄龍駒迹尚留花雨六時紛似雪松  
風五月冷于秋客來認得南泉斧七十二峯應  
點頭

禱雨三首

黃梅落盡雨愆期太守憂農日皺眉滂沛一朝  
隨五馬四更三點謁叢祠



乞雨歸來雨滿天，朝衣兩袖帶香烟。  
綠蓑青笠人如畫，多稼亭中看力田。  
一寸丹衷徹彼蒼，不勞力士篆符章。  
田家雨足豐年瑞，官舍風清化日長。

寄京口俞伯鎮兼簡江教授

飛雲妙墨來前日，聽雨高軒憶妙年。  
幾家在韋賢父子一經傳，杖藜欲去尋黃雀。  
裏茗相携看杜鵑，竹樓樹臺江湄宅。  
想應新築大江邊，杜曲桑麻

壽董明府

臨汝佳山水，鍾英賦厥初。  
身為百里宰，腹有五車書。  
見客無官况，休澁只獨居。  
壽眉揚喜色，瓜代拜新除。

次韵答性天之長老

道人踞猊床，眼明如趙州。  
每言西來意，爰及東家丘。  
白首林泉交，清風江海秋。  
法幢扶未起，法鼓鳴未休。  
本來無住着，聊尔小淹留。  
鹿眠荒苑內，烏啼古城頭。  
大道自坦夷，高堂豈伊憂。  
他山



石可礪直木枝有樛巴蛇或吞象鼯鼠能食牛  
賴有佛目明洞見鬼窟幽萬語歸一點坐斷聞  
思修

病中即事二首

何物青蠅滓玉壺掣麟飢鷓攫鴟鴞病軀痛作  
雷鳴腹垢面愁添雪滿鬢歌枕卧看殘菊在下  
床呼取短筇扶客來與說塞翁馬笑指蒼天慰  
老夫

天方老我心如鉄誰謂誤人口鑠金覆轍始知

行路險移家此去入山深瓶無儲粟還沽酒爨  
有焦桐莫製琴且喜日來聾兩耳從教蚯蚓作  
龍吟

九月朔蒙周彦美詹伯遠蘇性可携酒餽  
過城東草廬時余往潞城田舍次日賦  
此以謝

老夫一棹尋醫去佳客三人載酒過破屋茅飛  
烏豈好衙門木落雀堪羅交情自古陳雷少世  
態如今鬼蜮多醉帽簪花開口笑尚須秋曉過



西河

示子

憶年二九歲之吉朝貴闢門駢馬匹柏府過歸  
鶚書出烏恋母情所鍾歛翮不附高飛鴻屢閱  
星霜恣樹風帶經犁鋤賁壯志欲迎青雲竟顛  
躓羞與腐草枯木比東家借燈夜繼日著書泚  
我潛夫筆數載兀如僧縛律書成兩鬢秋蓬飛  
出門復遇鍾子期麟膠為續焦桐絲旁觀方笈  
鮎上竹吳下風塵驚滿目焦隍夢成俄失鹿蒼

姬訖錄寶鼎移血流四海誅鯢鯨水魚漏網亦  
幾希全家幸爾歸鄉土欲學龐公遠城府骨肉  
遭逢射弓弩卧病兩月悟前非白生虛室春熙  
熙茹茶味亦甘如飴朝來起坐沐且櫛炙背茅  
簷抱雙膝七十八年聊紀述

懷吳中行

老我平生頗閱人唯公知己絕無倫別來夢裡  
常舊只說閑中莫厭貧湖海氣豪心似鉄庭幃  
親老鬢如銀遙憐歲晚家居好魚躍水池入饌



新論

寄熊元修

佳兒發軔之官去名父居閑味道腴詩卷賸添  
兵後作酒盃常為客來沽江湖結社鷗盟冷遼  
海還鄉雀夢孤烟水相望遠相憶寒雲欲函雪  
模糊

寄武城知縣趙朋南

雙鳧寫飛下赤墀一行鴻舉撫羣黎昔賢過化  
絃歌地今代重興禮樂時春雨桑麻如杜曲秋

風禾稼即幽詩粟食水飲持三尺製錦功成  
聖主知

寄盧公武兼問報孝伯安信

憶言雨別去途難喜得雲歸舊谷盤郡乘手揮  
狐史筆齋居頭戴鹿皮冠草生林館皆書帶竹  
老溪園可釣竿獨念咸陽殿博士有無黃耳報  
平安

送殷孝伯教諭之咸陽

遠遊自是男兒志特立正當強仕年衣上密縫



慈母線担頭輕束廣文壇春秋三傳繼絕學畢  
郢諸生得盛傳老我也須飛夢去振衣同陟華  
山顛

護國寺對雨

去年梅熟雨駘跼豈意今年苦雨多偶食僧廬  
苔作脯忍聞田舍麥生蛾山禽滑、啼雙樹簷  
漏浪、注九河往事莫論魚腹恨近來平地亦  
風波

和林韻

黃梅落盡天猶雨白日晚來風更寒老去甚慚  
詩興少病餘猶喜酒腸寬舟中自古有敵國李  
下從今莫整冠蒲屋紙窓明似雪政須僵卧似  
袁安

送性天之長老兼簡初士元大方屋兩禪  
伯

方坐天寧古道場遽辭雲水別河梁蕭、木落  
山中雨去、孤蓬漏上霜白雪詞高人寡和黃  
花秋晚自餘香南能北秀頻相問為覓安心第



一方

徙居橫山口號四首

為愛橫山：水清山前築室小溪紫老夫枕石  
看雲卧兒輩求田候雨畊古井寒泉龍有宅孤  
村夜月犬無殺廿年兩眼風塵暗猶喜如今見  
太平

三農閭伍共烟霞數口清貧第一家瓦釜煮糜  
燒榭葉布裘添絮看蘆花交遊摠覺鄉情好吟  
眺偏宜野景賒不見高人王八百浪傳仙井委

丹沙

清夢尋常繞薜蘿白頭今日此婆婆寔含風露  
秋容淨簾捲林霏爽氣多浮世百年生處樂青  
山幾度醉時歌莫愁猛獸藏林樾郡有劉昆必  
渡河

山北山南地盡畊人家祇欠讀書聲丹楓似我  
衰顏醉黃雀如仙瘦骨清吳越喜逢連歲稔朱  
陳多續舊姻盟客來莫厭貧留宿新種梅花好  
月明



次韵答袁子英見寄

萬國風塵百戰餘，一襟冰雪五車書。  
朝廷未賜延年杖，鄉里聊乘下澤車。  
鉄網珊瑚遺渤海，玉峯鴻鴻異伊閭。  
長門直賦千金貴，詎信相如筆  
以虛。

上臺宮

經鉏子為屯田去，罄室翁歸担石無。  
八十衰顏頭戴白，一双昏眼淚含珠。  
鵲寒空繞無枝樹，烏餒徒生返哺雛。  
葡萄京鳴臺閣下，尚期甘雨活

焦枯

輓謝天民二首

細柳營中玉一株，狂飈吹折莫春初。  
杜鵑繞樹啼紅血，知爾思歸恨有餘。

三十青年氣食牛，貂蟬未得出兜鍪。  
故園芳草春如海，誰謂王孫不復遊。

題鄧九淵縣丞白雲親舍圖

若人自是青雲器，方爾浮雲如展驥。  
白雲親舍作畫圖，寓我思親未歸意。  
螺山隱、雲央、吾



家宛在山之陽西天十里水天碧北堂五月松  
花涼堂上慈親壽觴舉堂下諸孫綠衣舞賴伊  
黃耳解傳書道我赤心方報主、恩方報、親  
恩望兒無勞親倚門直待平反歸報喜却到青  
山白雲裡

和宜興鄧縣丞出郭二首

離墨山前芳草州多馬啼曾此發經過固碑文  
字無人識風雨銷殘近若何  
民有歌謠吏不譁村庄兒女簇如花溪山處、

茶烟煖小市家、酒旆斜楊柳陰中頻駐馬杜  
鵲聲裡亦忘家祇緣報國心殊切更喜流年歲  
未華

金牛臺送長史仲堃

清明雨晴花正開折花送客金牛臺金牛遺跡  
不復見但見塵埃野馬去復來臺前鶴溪貫洮  
馮瀕湖綠野平如席臺後羣山倚大江齊梁故  
里迷榛棘登高望遠散離憂超然如見崑崙丘  
為問堰頭楊柳樹頗常見有此客否五年恭贊



二千石飲水食糜持三尺簿書肯滌滌及餘白  
雪詞高人共惜樓船沂流出京口閘官放水豉  
鱖吼青苔絕壁為留題名與此臺俱不朽

贈眼醫張嘉甫

重瞳天子真天人擇醫乃得天麒麟金篦不刮  
眼中暎家有異藥能通神璇霄沉澗和玄霜洗  
滌靈臺烟火熱刀圭微入阿堵中夙養浮雲出  
明月天顏咫尺頻為喜白金紫駟恩甚侈豈無  
太史載冊書繼美倉公上池水老夫一目雲糝

糊扶憊遠煩掃除京華道上鬼椰榆爾詩將比  
蛇啣珠來

贈周實翁

鬣鬣如戟氣如虹芳茂山前矍鑠翁可惜一双  
青白眼看雲孤卧北窓風

兒子木蒙釋屯種而歸詩以志喜

老烏失孤雛噉蹄鳶臺前鳶鳴徹九閩德澤降  
自天鉄籠放雛歸渴飲劍井泉井泉非不甘飲  
之不下咽念我老病烏肺肝烟火然返哺知幾



時骨肉且生全  
牖戶尚綢繆羽衣復翩禮衆烏  
喜聲集卉木同春妍  
援筆紀離合執徐洪武年

吳中行惠方竹杖

往有方竹杖化龍歸  
混茫吾知龍之靈知吾力  
尚強今年八十餘舉足勢欲僵  
一目眇數月白日如昏黃  
出門多棘榛况復畏虎狼  
感君扶持意以杖遠寄將  
稜々七尺觚材拔宛種良  
孤根軒鉄石老節凌風霜  
此叟性惡圓為尔重激昂  
氣類喜相得顛危頼能防  
秋風黃葉村春雨烏

石岡掛我沽酒錢時與遊  
醉鄉赤藤含赭色青  
藜失輝光覩物思故人  
晤言未渠央

卽事二首

方竹過肩杖單紗墊角巾  
室中無長物林下一  
閑人  
北牖青山近南風未夏涼  
草蔬留客飯木榻似  
僧房

余之死欲速理素志也今偶得小丘于橫  
山之陽寔而甓之余他日蓋棺埋可速



矣倚我長鋏歌以自適

枯蟬脫殼欲化老蚕作繭自纏一笑不拘風水  
六藏姑待天年  
阮孚着屐未了劉伶荷鍤長隨便作松根糞土  
也勝兵前肉籬

次韻陳庠仲見寄

老去衡茅寒到骨兒能負米慰慈顏峽舟風打  
前時覆塞馬天教此日還水雪冷、龍井水烟  
霞隱、鹿門山芙蓉池上鷗波濶殊勝雕籠鎖

白鵬

贈陳谷禪老

市地叢林瓦礫場法幢扶起破天荒木魚呼粥  
舖禪侶蔬筍香來八九霜  
選佛場開金碧溪雲蘿烟樹一塵無客來會得  
安心法莫向江邊更折蘿  
布金人比獨園多金色山林作補陀童子畫沙  
成佛去蹄涔豈足擬鯨波  
庭前柏樹解通禪洞裡桃花小更妍愧我梁園



詞賦客鬢絲風裊煮茶烟

送孫太守奔喪歸濟南

大江之南烟水秋  
瀟湖船送孫常州  
甘棠遺愛  
召伯去黃楊  
閨餘丁母憂  
五年組綬忽衰經  
四郊襦袴多歌謳  
兒童騎竹忍相送  
父老杖藜爭欲留  
孤雲宛在長白外  
清濟如瀉銀潢流  
北堂護草秋寂、  
西風落木寒飈、  
堂前稽顙獻蘋藻  
隴頭洒淚沾松楸  
誓言永佩阿彌訓  
酒戒不受旁人咍  
蜚英久矣徹斧康  
樂棘暫尔棲林丘

穎川太守已台鼎  
碧山學士皆瀛洲  
政須大木成巨室  
豈容野水橫孤舟  
君親俱報志願足  
几杖却歸封素侯

送源無竭回金山

龍游堂前師子床  
坐分風月今幾霜  
千金一壺有妙用  
三吳百越聊逢場  
黃花鬱、秋雨爛白雲  
悠、江水長重摩  
松頂作受記  
母令黛色參穹蒼

復愁



茅茨數家黃葉村霏雨一月溪水渾慈鴉種麥  
日未暝猛虎下山人閉門

江陰陳漢廣為北平府指麾使司知事隨

例免官

黃金臺上古賢士竹帛垂名世稱美碧油幢下  
今幙賓風雲際遇與同倫清冰玉壺炯胸臆鉄  
箸爐灰妙籌畫殷勤報國傾寸丹雪花如席不  
知寒扶搖方展雲鵬翼翩然退飛隨六鷁且喜  
高堂慰老親母勞黃耳寄書頻澄江如練山如

掃金菊蓉芙秋正好人生三樂古難全熊魚得  
兼真自天墮簞笠迭奏壽觴舉絲木福禔膝前舞  
富貴故鄉朱買臣風流鑑湖賀季真一經已勝  
千金產况有牙籤三萬間應笑龜巢鶴髮翁小  
兒只作識字農脫身顛厓猶自喜彈力犁鋤供  
菽水尚期東壁借餘光讀我兔園書滿箱

重遊虎丘寺

不謁閭丘謁虎丘幅巾藜杖興悠悠飄蕭白髮  
三千丈來往青山八十秋寶地近曾為戰壘劍



池今復屬僧流老松知我題詩意也學生公石  
點頭

過吳門

二千年外興亡事試為吳儂問老天西子曠眉  
真可醜東門抉目竟何憊荒臺走鹿岩花笑殘  
膾成魚野史傳買得綠尊堪晚酌且將湖水煮  
湖鮮

次韻答姜天定二首

白首歸來山澤癯山行依舊不須扶十年兵草

遺黎少幾處沙場戰骨枯懶去效顰隨醜嬾安  
知起甕到浮圖求詩雖厭雞林賈猶勝門前吏  
索租

詩筒寄自清秋晚書印封來白絹斜一子幸能  
歸負米雙瞳可奈醫生花居貧不病知原憲弔  
古能文愛李華何日細論今古事荒村獨樹老  
夫家

送任叔正歸上海

猗與子任子唾珠腹琅玕一登龍虎榜即看獬



鹿冠陞辭蒙主恩家居奉親懽行囊負祿米歸  
佩納幽蘭秋月釣龍江春雲畊鳳山藥室費長  
房木榻管幼安逍遙烏皮几神仙紫金丹時為  
療民瘼于親駐童顏葵心抱忠赤萊衣舞珊瑚  
棲遲雲林下放浪湖海間訪舊過湫浦尋幽出  
吳關退鷓起方歛盟鷗心共閑樂我壺中天虛  
白奉宇寬

送董經歷奔喪歸太原

清風蓮幕諸侯客白雪麻衣喪母還扇枕未能

償素志倚門無復見慈顏四千里外迨路一  
片雲邊莽山只恐鶴書催入覲又隨鷓鷯造  
朝班

西宿丁堰贈江陰王主簿

五月六月涼如秋昨夕今夕雨不休屋山雷撼  
黑風起漕渠水溢黃河流河濱之陶萬家聚誰  
其董之暨陽簿羨墻祇見烏曹磚飲水食檠忘  
情苦老兵擊柝天未明隔水又聞搏埴聲扁舟  
興盡不往見惡詩聊寫來時情



夏五之初偕江陰張希尹等過鄒忠公墓  
即事口占以寓感慨併用郡守張侯弔

墓之行

青山門外羊腸路走謁道鄉夫子墓向來滄海  
桑田變翁仲飄零竟何處履牲之碑高十尺頽  
若銅駝卧荆棘牧童敲火未足悲正恐瓜分掘  
木石使君五馬來何時摩挲細看黃絹辭五丁  
一呼為扶起隴頭草木皆光輝余方與客酌清  
沽白雀飛來作人語使君應表鄭公鄉專美那

容孔文舉

代簡張希尹

余生寡諧俗老去得知已晤言固已晚莫逆良  
可喜聯翩諸侯客寂寞著書事夜分青藜火晝  
並烏皮几幾回論班馬一笑觀亥豕烟雲揮洒  
外風月吟嘯裡酣蚌盃酌流霞獸爐熱沉水佳  
哉沉水詞清我塵俗耳朱絃聽者希白雪和能  
幾別來懷合舊夢見承倒屣惟林大江邊瓢巷  
橫山趾秋風落梧葉甘雨熟菰米相望不三舍



相過堪一葦詩筒繼元白通家猶孔李況于阿  
戎談亦與諸任齒尚友古之人厥德薰晉鄙

雨中懷任義甫

十日秋霖未肯晴石尤風作虎嗥聲東門父老  
應相問何事龐公也入城

蚌盃

濟南老仙出盃孔竒酌言詢之盃從何來匪兒  
而觥匪玉而卮不雕不鍤不覆不欹謂為蚌耶  
鷓胡弗持謂為蛤耶奚爵而為測海之蠡其殆

庶幾老仙笑言子宜背窺瓦壘之文微蚌而誰  
水族之秀寔生天池昔逢羽人觀乃朶頤麴蘖  
為糧華陽同歸轉客我者丑年于茲如李白氏  
杯鷓杓鷓醜風酌朝斯夕斯夫亦何幸數從月  
宴娛百憂俱忘是用作詩

次韵管伯齡見寄三首

笠澤臞儒比列仙菊潭秋水解延年每懷遠送  
江頭別喜得安書雁足傳赤米白鹽瀕海地香  
橙紫蟹早霜天客來賸說幽居好日、題詩思



湧泉

滄洲舊隱宅東江白首忘機似海翁金菊晚開  
香澹、玉山孤立勢崇、通家子弟連年別愛  
客情懷往日同歲晚欲尋安道去扁舟當逝落  
潮風

郇公五朶雲天風送來前憐我落巢兒覆盆重  
見天三復誦佳句一如飲甘泉金篦刮吾眼筆  
津生我咽重念謝公險毛骨仍凜然金鑠雖被  
毀壁歸猶幸全兩鬢雪飄蕭双袂風翻襪寒蛩

語音喜秋花笑容妍答詩報君知今年勝前年

贈刊字闕士淵

憶昔趙文敏公之寫天下碑鐫字獨稱茅紹之  
紹之、妙在何許八法靡有秋毫遺嗟哉敏文  
不同世抱藝如茅誰品第斬蛟橋下溪水清鉄  
筆淬來鋒甚銳篆隸真行章草書銀鈎鉄畫寫  
璠璣天然筋骨見顏柳假手補戈真是虞文章  
太守眼如電語重兼金數稱羨青年正可為時  
出山居聽泉何足恋羣公將勒燕然銘中郎要



令傳石經老夫為伊  
雙眼青鉄筆于今  
錚有聲  
寄廬公武舍人

投老鶴溪垂釣緜  
遙憐鳳池掌絲綸  
韓霜待漏朝會早  
墨雲染翰詞頭新  
石麟自是天上物  
金薤散作人間春  
尚須鼓吹振六籍  
蹴踏班馬追楊荀

送同知陞遷安慶郡太守

郡守坐分金斗月  
朝鞞金滿玉堦霜  
一襟耿留遺愛五馬  
霏々被寵光  
官詔疊承恩渥重  
御

屏新録姓名香可憐  
八十龜巢老尚欲  
攀轅立道旁

送史宗儒歸省親

北風狼號霰撒粟  
洮湖白浪高于屋  
遊子扁舟歸省親  
行囊賸有新珠玉  
舟行到家除夕前  
高堂守歲開長筵  
斑衣捧酒為親壽  
河清復見昇平年  
相門出相今非昔  
文采風流還籍々  
一賦可值千百金  
貧似相如永岑寂  
窮居我亦四空吾  
兒經鉏走西東  
煩將此意問若翁  
名教之樂



將母同壁

寄金華府尹經歷

方伯方宣化賓僚喜得人幕中勞贊畫胸次有  
經綸劇邑征輸夥清朝紀律新轍魚須救涸尺  
蠖正求伸月湛双溪水風生七邑春簿書雖雜  
還矩矱自持循耿々存虛室昭々對大鈞宦成  
防小怠德立豈無鄰遠別長相憶前言敢重陳  
菲葑如可采薑桂有餘香白首龍鍾老滄洲寂  
寞濱歸鴻書可寄千里見忘々

送田副使父憂歸

若人自是青雲器九萬扶搖尚垂翅高秋沆瀣  
生碧霄搏入詩脾作清氣頻年坐此塵土場纖  
埃不滓芙蓉裳豪吟接迹李太白柳金梨雪揚  
芬芳詩成落筆蚊蛇走多入雞林賈人手今朝  
送入昆陵城折盡西門道傍柳東風雨晴花錦  
香京華到時春正長上林一枝栖鳳凰鳳兮鳳  
兮鳴朝陽

送張常州奉

旨入覲



白髮田舍翁清曉何跚：送侯入朝覲扳轅吐  
哀丹去年穀半熟藜藿度寒歲春來理農務豈  
憚稼穡難采薪供陶冶四境空榛管執柯涉湖  
荆南斫青山非無犁鉏具靡暇畎畝間烏曹事  
未已綠野多荒閑願侯念冰兢為民徹天關樵  
斧容暫息農晦力可殫民歌岐麥秀侯策五馬  
還古今兩張堪並載青史看重

送王起東丁憂起復赴京御史

君親恩重生當報忠孝情移義與俱冠豸威名

傳舊日攀龍寵渥拜新除玉階雲集來儀鳳錫  
谷人稱返哺烏折盡驛橋飛絮柳親朋相送喜  
何如

送陶孝思赴台

夙學多才思崇文際盛時鸚書騰日下鵬奮出  
天池發軔青雲路承恩白玉墀泥塗龜曳久阿  
閣鳳巢宜繩準持三尺絲毫畏四知佩韋遵古  
訓介石蹈良規比德雲暉草同誠向日葵往茲  
行所學動必慎其儀器作璫與美文成黼黻奇



遺芳流汗竹無負故人期

張知府命子送祖考墓碑還鄉

名門父子傳一經儼如韋賢有玄成從親宦遊  
養親志念祖喜蒙封贈榮潛德幽光恐磨滅伐  
石南山鑄墓碣宋公文章踵韓柳史公清書追  
褚薛龜趺螭首重摩挲舟車載去勝索馳四千  
里外薄炎海佳城埋玉山嵯峩墓前翁仲看石  
立面帶烟霞含喜色九原精魂斯焜煌百世雲  
初益輝赫八月九月秋風清彩衣褊褊趨鯉庭

說親細說鄉里情老夫亦來下堂聽

和賈教授還鄉

試看一簣可為山千里程途跬步間取印正須  
金斗大還家未入玉門關泮芹過雨香堪摘壇  
杏無風意共開我欲中秋聽琴去扁舟艤棹後  
河灣

寄賈教授相期詣鄉墳祭掃

題詩郡圃景鄒亭澆酒林莊下馬陵白草西風  
秋莽：青山北郭路登：柱頭且看誰為雀驥



尾何慚我附蠅生待秋涼行有日老夫扶僮策  
烏藤

道鄉祠堂詩送張縣丞

道鄉祠前松栢蒼清氣凜然知幾霜伏蒲一疏  
吐肝胆汗竹千古傳芳芳此去長安日月近且  
喜高秋風雨涼立朝願學子邠子他年使作知  
思堂

題許別駕雪山圖

南山雲起連北山樂天賦詩心共開東山月出

照赤壁子瞻倚歌情甚適今公西園誦雪峯託  
興應與雲月同瓊林玉樹絕纖滓蓬婆城外山  
相似羣丘角立白龍堆飢寒喜無桃與京蹇驢  
滑達山前去絕似灞橋人覓句公餘展卷岩雷  
流襟懷化作冰壺秋楊家永山無足倚何如坐  
對茲山隱烏几

同友人祭鄒墓各賦詩一首

先生高塚麟麒卧令子峩冠豸鹿威汚玉青蠅  
跡穢跡銜書紫鳳賜恩輝八十里外甘泉竭三



百年来世澤微瀉我一盃寒澗綠卧碑扶起立  
斜暉除

送楊通判知蘇州府

延陵父老攀轅別吳郡兒童跨竹迎

秩遷藩府重恩榮五湖秋水清堪比三  
讓遺風俗易成遙望虎立山下月餘光還可到  
柴門

寄張熙載問疾

海南隱者敦同姓每說相知見肺肝名似項斯

詩句好腰如沈約帶圍寬一江雪浪潮平岸十  
日秋霖雨作寒珍重齋居足怡晚玉枝無竹汗  
平安

和賈教授詠懷

兩袖西風獨倚樓一天秋色斷虹收水村霜落  
紅于染山市烟嵐翠欲流眼底看來興廢事胸  
中消盡古今愁莫嫌首著盤無味喜有葡萄酒  
可筭

重九次韻



石潭無菊比南陽老我三千白髮長九日正須  
多買酒一錢何必用看囊自憐身健菜羹紫更  
喜盤餘首着香早起東窓挂吟笏坐看紅日上  
扶桑

又和寄秦宜中

高堂燕客似高陽醉筆題詩興味長忘、多情  
舊紗帽溷、無底老書囊銀瓶奠酒觥觚滿玉  
杵橙齏蠓斗香應笑陶潛空抱菊西風繞屋叫  
枯桑

贈辛林甫

有客有客雙眼青婁江山水鍾其英十年足不  
出戶庭手披韋編不暫停案頭照盡書囊螢先  
天後天見日星百家喧囂無足聆九師亦以蠶  
測溟著策之妙窮香冥語人吉凶影隨形病庭  
書帶生香馨一篇秋色風冷、去年抱葉來野  
亭古操為我作水伶我方采樵如負苓相與劇  
談洗心經呼吸沆瀣食楚萍一掃世味瓊與腥  
有時醉我蘆花汀客來買卦呼不醒惜哉孤鳳



五色翎翩遷何日儀虞廷鳳兮鳳兮請試聽黃  
河水清三千齡

龜巢藁卷之五終






龜巢藁卷之六

詩

雪巢為馬仲良賦

馬鞍山高數千尺考槃之所成大澤梅花為屋  
雪為巢窻戶玲瓏室虛白諸公衮衮登雲梯若  
人奚獨能幽棲澹然素志絕華藻要令朴俗還  
標枝蓋閑策馬官遠謫居延牧豷擅盡嚙何如  
雪飲樂巢居更與党家風味別梨雲無夢清如  
許滕上兒郎賦冰柱此生此樂慎勿移聽取龜





巢老人語環

次韵答許西溪

憶昔送別黃花秋烏紗破帽霜滿頭別來作詩  
屢問訊夢中載酒時遨遊兵戈同歷二十載鵝  
鷗夜啼雲靄全家老穉幸逃生又閱桑田變  
滄海啓榮之樂今有餘勿謂此榮年不如峴山  
一望三太息襄陽耆舊晨星疎

次韵自述

百年有限恥求仙教口無飢賴薄田菰米熟來

連日雨菊花開到小春天方從易外窮義畫無  
復詩中泥鄭箋客至酒盃時一舉開籠放鶴舞  
踟躕

送婁主簿赴京考績

吳霜如雪點征衣匹馬之京小肆隨鳶棘特書  
良史筆鳳臺重覽謫仙詩天開景運崇文治年  
少多才際盛時野老送行無贖物梅花折去臘  
前枝

寄張以誠二首



入城一度一相尋為愛論詩識趣深歲晏杜門  
寒不出折梅要寄隴頭吟

蘭陵市上 囂塵藥杵聲中樂隱倫兒輩荷鋤  
今日去一枝添種杏林春

雪舟棹歌併序

湖南潘公珍仲實自號雪舟以耆艾之年監  
稅江陰縣洪武戊辰冬赴京考績語予曰  
今將告老于朝得旨則扁舟載雪而歸矣  
雪舟之興蓋與山陰王子猷有不同耳吁

昔者陸公紀官病鬱林歸舟載石使當苞  
宜有物則又焉用是石為哉公之雪舟意  
蓋如此若夫鷓夷之皮之舟裝以重寶復  
窃取傾國之尤物隨之污蟻五湖遺臭千  
古其視夫載雪與石者不啻霄壤今雪舟  
之歸雖未可必然其志氣高潔如此雖在  
市朝亦必為清白吏是亦不歸之歸也予  
嘉之故為作雪舟棹歌三章以道其樂云  
歌曰



載雪兮孤舟帆江風兮中流蘭槐歸兮無恙吾  
將老兮滄洲

再歌曰剖肉兮藏珠抱玉兮求活悵斯人兮非  
吾徒尋鷗盟兮結樵蘇

三歌曰舟搖兮江水長五老玉立兮遙相望  
解吾纓兮濯湖湘樂吾之樂兮未渠央

送王主簿赴京考績

三年一枝此蒿棘一息萬里方鵬程長安西日  
舉頭近匹馬北行風色清朝廷考績垂令典臺

閻交薦蜚英聲隣封野老頭雪白也折梅花作  
送行

雪岩詩為江陰李縣丞作

瞻彼雪岩太行之陰玉樹瓊林纖弗侵雪岩  
峩峩岩有薜蘿有美君子居岩之阿峩峩雪岩  
薜蘿如昔時止時行不泥其迹雪白而清岩靜  
而深冒其似之君子之心始終一節謂予不信  
有如岩雪

寄希物先楚蘭江二禪老



優跡花開五百年連枝香徹九重天恩承雨露  
移金刹語帶烟霞漱玉泉虎踞龍蟠多古迹燕  
來鴻去是新年老夫懶着遊山屐空仰崔嵬夕  
照邊

過烈塘祖墓里人牧羊于壘上以詩呈郡

邑

鳳橋之西烈塘東我祖我禰馬鬣封向來松栢  
蟠蒼龍灰飛烟滅丘前風卜年天造開鴻濛恩  
沾萬國生育同壘頭前藥春蒙茸藤枝棘花襍

青紅牛羊斧斤集如蠶一年一度一掃空白頭  
遺孤抱哀恫麾之不去欺龍種無階上天訴天  
翁吞聲躑躅淚滿胸府公賴淳海龔琴堂長貳  
明且聰令行如風偃蒿蓬樵夫牧人乃絕踪將  
來宰木蔽幽宮九泉感戴恩無窮嗚呼九原感  
恩戴恩無窮

懷成都監倉趙中執三首

擲去任公舊釣竿龍墀拜命即之官丈夫志在  
功名外蜀道行來自不難



七千里外芙蓉城  
四五月間鷓鴣聲  
月俸支來  
賸沽酒莫遣閑愁取  
次生

公餘訪古碧雞祠  
宮柳野梅皆可詩  
我欲見詩  
知雅興如何黃耳到家遲

寄熊元修

五湖三泖一癯仙  
心骨俱清地更偏  
睡鴨燒香  
書裡閑鷗結社釣磯邊  
絕憐芳草無塵土  
又喜黃楊閱閏年  
熟客不來清晝永  
南山相對兩悠然  
屋

晚香亭為蔣公勉作

維莫之春百草木芳  
惟菊有花晚節之香  
君子擬之金玉其相  
顯、印、氣凌風霜  
回視春葩綺羅靚妝  
及茲冷秋掃跡窮荒  
菊也特立澹乎坤  
党我佩尔紉我帶  
尔縑厥德之馨匪食  
其英亭有三徑里有  
柴桑亭亦有池永同  
南陽宜尔父子眉壽  
無疆矧有佳客駱盧  
王楊高堂起居階庭  
趨蹌玩物適意其樂  
洋洋鄙人作歌以侑  
稱觴



題龔景良傍梅書舍

南昌山水非不佳卜鄰直欲傍梅花、開歲晚  
香滿屋清致不減林逋家三間茅宇大如斗四  
壁圖書襍蚪蚪腹笥便、不自多汗竹之編長  
在手有時門外雪三尺羣籟無聲人絕迹梅花  
立雪似游揚不作挑哀憔悴色春風滿面笑相  
看我知鉄心同歲寒他日移居玉堂署應有品  
題稱二難洛陽牡丹春比屋日夜沉酣拂絲竹  
何當聆我讀書聲亦若聞韶解忘肉

次韵答毛雲莊併簡大希先生

吾聞天台之山冠東南蔚有清氣非雲嵐山高  
一萬八千丈石頭毛髮青髯、鍾靈仙釋踵相  
接求為世用疇能堪不知三綱九法是何物浪  
說千岩萬壑能窮探雲莊先生隱君子非仙非  
釋棲苔龕胸中冰滿壺頭上雪一簪羲皇以來  
書讀熱官不要詩仍湛草堂侶有北山鶴菊泉  
飲比南陽潭清風日掃三徑竹寒霜歲熟千頭  
枅齊名子陳子不受功名耐坐談風月只松塵



卧遊山澤非桃驂老夫恨臂不羽翼翩然飛去  
時相參四壁同馬卿一禪如阮咸猶喜盤食菜  
有二十七生世年踰八十三忘机頗覺室生白  
造道尚歆青于蓋向來行路如棘澁今乃茹荼  
如薺甘小山老叢桂滄江倚枯柵愛君傑作神  
氣壯瞻我孤陋顏色慚蘭陵府主連慎客皆云  
此詩壓倒方雲菴赤手鯨牙力可拔薰人雞舌  
香微含餘波及我老孤研清入肺腑蠲熱快一  
朝怪事出幕府口不忍語非三緘令威到家弓

能自談盡

常郡經歷鄭履玄禮吾友天台陳太希之  
門人到任數月家人至而玄禮病疫而  
沒寡妻稚子違、無歸予作二詩以哀  
輓之

盲風歎起怪禽呼吹折琅玕樹一枝何事天公  
渾不管生年多賦道旁樗  
琅玕樹折鳳巢傾胆落鷓鴣雖抱母鳴歎故國歎  
歸雙羽弱哀、啼作杜鵑聲



延陵野老歌送張太守

延陵野老巾滿霜送侯入朝歌道傍歌中不解  
說循良但云三載安農桑官無煩苛歲豐穰飢  
有菽粟寒衣裳我侯興學扶綱常授經諸生踵  
陳襄一鼓士氣弛而張劍井亦復騰輝光訟庭  
春來莎草長風行四邑方決一九重天語星使  
將五馬夜趣天官裝黎明馬出金斗坊羣氓猶  
挽青絲韁銓衡郡才進岩廊將見列郡皆龔黃  
連步拾級登廟廊佩鳴珩璜謹趨蹌掖垣紫薇

花自香甘棠之愛民弗忘大江東流青海洋  
我思悠々未渠央

寄呂教諭覓惠山泉

木屐上山老無力茶鐺覓泉猶累人目光直射  
九龍角胸次欲浣三斛塵水符分竹果如約石  
床焦桐堪作薪君當知我鄙肉食一瓢不厭平  
生貧

寄袁子英

橫山東望崑山遠江水西來海水連每辱手書



論著述猶如面晤奉周旋微陽喜復飛葭管大有重書汗竹編若問老夫兒女事曾孫又抱小春前

謝余提學摘藁序

虛譽何人說草玄雄文為我冠蒲編諸公共羨金聲擲兒輩爭誇石刻傳翁裡小團陽羨月餅封新惠山泉故鄉風土殊蕭瑟聊作梅花寄汲海邊

輓吳母嚴氏

賢母無復見孤兒痛奈何絳紗空幔在彤史闕文多林竹冬猶筍屨浪卷不歌塞子妻若子垂涕憶婁佗

代王尚綱輓吳母

澗山湖上避兵時總角曾聞阿母慈霜莖不教兒子出水池竟得鯉魚知生前冠冕升堂拜死後芬芳婦德碑愧我不才俱靡及抽毫遙寫此辭悲

次韻賈教授莫春言懷



琴有微音劍有光惜哉江海老張蒼且將濁酒  
供瓢飲何必明珠用斗量杏壇作花紅樹暖泮  
芹抽葉翠波香鰲山遙在天東北時復瞻雲首  
一昂

寄萊陽縣丞蘇偉正

觸熱訪而翁萊陽書適至而翁釋離憂吾刺慰  
馳系青雲發軔初甘雨隨車沛早歲竟豐稔天  
意更汪濊塵氓九衢舞海市百靈喜魁然英妙  
年際此太平世蹇予八十翁懷人二千里哦松

公務餘食藥珍味比魏公百韵詩仕學有遺軌

錢孝女詩

斷臂恥受污刻目示守節斷髮割耳鼻亦截忍  
棄夫家甘毀滅嗟哉錢氏女孝心亦如之剝肉  
于股療阿嬭想當持刀入手時精誠默感天翁  
知百靈撫呼走神醫肉乃化作藥石糜溲際淋  
液腹除癖如以湯泉澆雪穽嬰無呻吟女弗戚  
鄰翁里媪皆嘆息予生慕忠孝老去仍憐每  
見返哺烏如甫拜杜鵑願言屏鴟鴞不與同戴



天竹林寒笋水池鯉澤中董萊籬根米天其垂  
恩錫孝子董狐盡為書青史

和江陰鄭教諭登樓

為愛山居好每登樓上頭一壇渾不冷有酒更  
何愁歲月江流急人生泡影浮興來歌舞罷倚  
檻看天不

次韵答陳推官

珍重新詩遺華於翠織成立我天侶洗連日雨  
頻傾大府羣英集清朝列爵崇正須匡濟力膏

澤被蒼生

和陳推官過余公祠公諱闕字庭心元進士安慶路總管守城

死洪武初勅建元忠臣廟謚忠宣公

砥柱迴瀾屹呂梁安知誰武復誰湯六年守戰  
孤臣死一代文章萬丈光草木蒼城威肅、丹  
青遺廟陽貌陽悲歌沃酌知何日北斗持來挹  
酒漿

殷孝伯輓詞

憶昔羈旅中片言識嚴篋十載忘年交兵戈正



騷屑

知子早卓越春秋參五傳窮

源見澄徹經

維時陵谷

變遵養卧岩穴洪武更化初鋒車聘高潔辭勞  
忤當路一命萬里徹志遠烏烏養淚忍啼鵲血  
咸陽火方燼教雨沃餘烈與輪周孔廟駿奔豆  
籩設庭生書帶草青、比蘭茁孤雲日在望縮  
地恨無訣遄歸一覲省亟去兩踰月老夫獲晤  
語清風濯煩熱著迷亦已多討論心愈切安知  
一疊歌竟作千古別招魂賴遺孤魂歸毋垂絕

於乎世之人賦命何優劣或厭飲八珍子獨茹  
冰雪或穩步康莊子獨蹊杌隉行、止于斯矩  
步踵先哲崑山雲氣慘婁江水酸咽誰為有道  
碑修名因磨滅

哭盧知州 諱熊字公武

束帛三徵出薜蘿雲階步武正逶迤飄風動地  
須臾奈爾琅玕遽折何靜  
雪手灘流理繭絲一襟華藻竟何施秋風夜月  
華亭鶴又作悲報似昔時



送浦良之安陸府代父從軍

秋風涼秋夜長往執讀父書超然出戎行詩書  
元帥古來有措紳先生今汝望

寄徐伯樞縣丞

逐客多愁畫錦衣謫仙書喜得夜郎居古來白  
雪詞難和此志青山志不違洗馬池邊楊柳樹  
卧龍岡上豆苗肥獨憐棣萼秋蕭瑟又見西風  
旅雁飛

某巢居病瘡有客自青山門外來者語予

曰賢太守過道鄉佳城以弔以酌且為  
之扶植仆碑添土舊封又將築周垣而  
護之殘山剩水皆有德色某聞之喜不  
覺其疾頓愈起坐午窓老硯濡墨筆是  
詩以記盛事洪武十年歲在七月十日  
也

世有文潞公乃立明道表明道表不立斯文尚  
幽渺時有孔北海乃稱通德門通德門不稱大  
儒曷推尊古人今人同此心當風正欲披其襟



嗟予巢家子騶子傳道龍門天下士一朝扣天  
闕獨立批龍鱗祗恐綠衣黃裳悞人主安知炎  
烟瘴雨危其身萬里投荒挺霜竹歸來青山竟  
埋玉迄今二百九十年陵谷幾番經變遷折角  
麒麟卧荆棘復見薄侯駐熊軾鬣封添得烏銜  
土頽碑扶起龜硤石先生九京知不知名在人  
間益輝赫孔北海文潞公今人古人將毋同青  
天高、不可問白楊為我叫西風

題夜潮圖

昔余夜醉錢塘酒看潮八月中秋後銀山湧出  
海門來潮聲殷若雷霆吼此圖之作知幾年當  
時景物皆依然雲山兩岸淡籠月雪浪一江高  
拍天一觀頓覺毛髮立再觀祗恐衣裳濕扁舟  
漁子任掀舞別渚鷗鳧自翔集奔騰澎湃無足  
驚人間平地風波生乘桴尼父果浮海從遊我  
亦跨長鯨

郭府判惠佛面竹杖蓋以佛狀而名之矧  
夫節有交互之異旁生兩枝末復為一



視他杖殊不同詩以謝之

頎然此君生越裳化身無乃是空王生來文六  
紫金相復現太乙青藜光孫枝並出比能秀老  
節交錯成文章只恐化龍飛入海尚煩垂念誓  
俵、

求府官呈刊思賢錄

忠公神遊白玉京鳳皇無復朝陽鳴寥、二百  
九十載其文况忍成漂寒集也束髮頗嗜學四  
方掇拾手不停珠聯璧合綴方冊字、句、含

芳馨向來避地東入海挾書幾落長平坑還家  
暗投科斗璧何異寶劍埋豐城郡公宣化重名  
教斯文要俾晦復明顛呼鉄筆寫堅冰彷彿中  
郎鑄石徑螢窓雪案人快覩妙語炳如懸日星  
顯忠不須庵忠鄒無用亭牽裾蒲伏想儀刑儼  
然見我鄉先生

題徐良夫畊漁軒

我本耕漁人喜子與同志子居中吳山水窟比  
我延陵更佳致太湖三萬六千頃七十二峯連



紫翠山皆可畊水可漁無復紛紜嬰世累朋遊  
日接慎威儀酣酒賦詩時適意客來遺我金蘭  
集儼然承顏依玉立因以令人思古人與客評  
論重於邑輟畊莘野赴阿衡後、曉、疑割烹  
擲去漁竿佐周武鷹揚之勞亦良苦當今盛時  
伊呂多幽棲正宜安薜蘿山中小草或浪出千  
慮鮮能無一失願言養高持素志百鍊不改堅  
如金相遇未假聆蛩音寄言時復相規箴

生日口號二首

餘生重作太平民雪色霏袍皂角巾兒業徑鈕  
能養志家居瓢飲不憂貧屋頭個、慈烏喜塔  
下翻、舞鶴馴此日誰為湯餅客孟光相對鬢  
如銀首  
秋菊春蘭各有時頽然老我一書痴脚跟不識  
青雲路頭髮空成白雪絲怕醉有時曾止酒遣  
閑無日不吟詩旁人若問今年幾八十年前五  
歲兒

送聰上人



蘇州有即常州有今雨來時舊雨來  
鉄限門前人立雪寶華堂上鼓鳴雷  
九州禹貢色時橘十里吳王醉處梅  
請與淡翁論古意老夫朝暮亦浮杯

送僧歸四明省母

同根花萼兩枝甘  
軟能供老阿婆不用睦州蒲  
徹履睦州因得歸遲賦  
吳霜如雪滿袈裟  
正月關珊可到家  
別有一般清淨供高堂  
說法向摩耶

送鄭教諭進表之京

東壇黌舍跨征鞍  
奉表朝家慶履端  
虎拜三呼稱萬壽  
龍顏一笑宴千官  
酌來天上葡萄酒  
洗去胸中首着盤  
官樣文章新製作  
老夫刮目待歸看

過天寧寺閱行中和尚澹居稿知其邃于

易學兼長于詩故寄此

西來祖業繼箕裘  
旁入儒林託泳游  
二雅什中歌矩度  
九師注外易傳流  
松堪受記皆摩頂石



解知音亦點頭逸興飄、誰足擬白雲飛度楚  
江秋

次韵陳推官元旦作

東風楊柳驛橋邊香雪沾來斗十千早飲屠蘇  
舊俗遙瞻闔闔賀新年萬方人樂昇平世五色  
雲開咫尺天廟廊器成今未晚看鞭姑讓祖生  
先還

正月十四日代簡招鄉中親友

上元之前日將午相邀諸聚環堵山瓢持作公

鸚鵡盃畦蔬擷取龍根脯兩兒肅容衣襜、老  
夫鶴立梅花檐照天蠟燭夜有月勿謂寒舍無  
燈相棄嫌

寄管齡兼簡陶呈甫

前年詩寫心聲去此日人來口信通一自初交  
徑世變兩無相笑坐文窮崑山水柱軒窓外笠  
澤烟波賦咏中更憶南隣龍頂竹曾留東走鹿  
皮翁

張伯仁兄弟濠梁蒙恩還鄉



客行二月初三日詩到干墩寄二難且喜江南  
春氣早不聞濠上雨聲寒花時多醲醑酒芳  
館重修芍藥欄往事真成塞翁馬正須招集笈  
相看

簡伯仁里中親友七人

臨濠人歸去年夏故園花開今兩春看花把酒  
應共樂訪竹題詩毋厭頻紅塵車馬跡不到滄  
洲魚鳥人相親老夫遙望德相聚乘興幾回車  
欲中

聞趙鵬南免官還家作此代簡併以孝女  
傳求詩兼寄毛世延熊元修

水村先生冰雪姿一襟清氣溢為詩不同不異  
頗竒崛步趨李白仍委蛇夜郎歸來脫塵屣濯  
足泓江太湖水雞壇有盟知弗渝書或浮沉沉  
杭蓑哀年萬事皆遺忘咏歌之樂殊未央請覘  
側陋出純孝援筆為揚蘭蕙芳毛公世業詩三  
百白華補正求必獲更煩漚社語間叟定有隋  
珠照方冊



舊冬十二月初四日次子林赴京初九日  
入覲十三日授開封新鄭縣學教諭即  
日之任時雨雪連數日寒甚眷焉于懷  
久而不釋

兒別雙親到日邊承恩徑著遠遊鞭一千里外  
汴梁路十二月中冰雪天揚震未期堂有鱸鄭  
虔何愧坐無壇只今偃武修文日正欲薦膠續  
斷絃

服霞道人歌

服霞道人本仙骨隱居琴川山水窟朝看鼎食  
暮鼎烹富貴于人果何物道人忘世味祇服山  
中霞却青精棄胡麻八珍視同泥與沙扶桑飛  
出金老鴉氤氳五色搏精華啣嗑呼吸間入腹  
皆河車手持九霞觴頭戴三朵花松風為作洞  
仙曲絕勝金谷鳴箏琶一經不學乃無術麻姑  
送酒徒相誇吾服吾霞吾自足安知世有萬羊  
祿夷齊餓死良可憐留得清名傳汗竹秦人採  
藥尋蓬山好兒好女無復還漢宮空設承露盤



銅仙為之淚汎瀾玄霜本非霜絳雪亦非雪請  
從服道人逍遙遊指點空同授真訣

胎五牧劉永真

昔賢五牧家何在今爾幽棲地甚偏種秫歲供  
彭澤酒煮茶時汲惠山泉錦鳩呼婦雨聲歇丹  
杏作花春正妍堪笑老夫頭似雪興來尋戴過  
前川

雲牧詩為楊同知賦

廬陵美山川穹林古喬木雲樞三十年遵養甲

自牧靜言求放心雞犬常在目羯來陟雲衢半  
剖桃符竹牧民如牧羊四郊春草綠豐年羊茁  
壯亦有抱眠犢豈無敗羣者其藩或輕觸約之  
鞭用蒲屨繼前躅置身埒青雲岳牧聯佩玉  
佐主牧天下庶類賴蕃育雲牧懋厥功吾言此  
芹曝

王叔明雲峯圖

王郎多學畫最工筆法似舅松雪翁松雪之書  
妙天下以書為畫妙亦同想當洒墨成雲峯豪



氣壓倒陳元龍層巔岸嶺摩蒼宇咫尺可論千  
萬重嵐光翠滴天無風若有微籟鳴杉松此時  
此畫誰復有我為此甥懷此舅

秋林讀書圖

春風不著長安鞭秋林讀書年復年百篇蚪蚪  
自為寶三尺蟾蜍誰與憐目光爛、走金甌口  
角冷、飛玉泉老我東家兔園冊尚分隣燭教  
曾玄

題村田樂圖

老人村老尾盆常作雞豚社不識州縣門阿翁  
醉倒阿婆笑膝上呶鴉弄乳孫

六月八日得次子詩併書久旱高田未秧  
是夕連雨三日喜而和之

新鄭書來劍井邊方將陰石捶荆鞭雷霆夜坐  
三更雨江海寒生六月天不惜空囊沽綠蠟從  
教破屋濕青氈北窓風響蕭、竹如聽南薰奏  
五絃

去冬送鄭教諭如京詩為天寧 公沉滯



至今年六月轉託發還故作此併元詩  
寄鄭

詩代折送行柳半年竟墮無何鄉祇應沽酒  
謝不敏尚謂道術能相忘高堂談徑多士集澄  
江濯纓清晝長為問襄陽兩者舊歌鳳曾無說  
楚狂

寄謝楊純夫兼簡陳高士

客來飲客北海樽客去送客東陵門不嫌襜褕  
留信宿各出肝胆聆話言三日雨救赤地旱百

川水作黃河奔賦詩為別併志喜兼簡太丘賢  
祖孫

聞袁子英著書作詩寄之

我所思兮耕學翁壯年氣欲吞白虹眼看陵谷  
一變改此心乃與寒灰同硯田筆耒耨經史不  
稼不穡勤于農我來我彛得所養錫類且欲來  
羣蒙恭惟玄聖草六籍為世大法垂無窮楊墨  
溺人甚洪水孟氏距之成禹功秦以申商漢黃  
老六朝接跡淪虛室緇黃愈出愈荒誕冠冕鞠



躬趨下風韓殿間生數百載鳳鳴朝陽羣羽從  
中間洛建繼洙泗卓彼二子能折衝雄詞至今  
凜生氣宜從孔道追遺踪東將入海乘鰲鼉長  
江大河無遺壅老夫獨恨雙眼矇不與觀日扶  
桑東

贈衡隱居

我昔母年垂九十帶經犁鋤粗供給伊令有母  
八十餘孝養之聲動鄉邑堂前暉々忘憂花屋  
頭翻々返哺鴉林宗若識茅季偉薦書定徹天

王家

題漁人板罾圖

大橫峴東芙蓉湖水村高樹屹兩枝漁郎曳罾  
坐樹下短衣緇撮赤鬚鬚此圖無乃貌此景東  
鄰西舍皆菰蒲吾嘗過此看春水桃花雨晴春  
日晡漁郎含笑語厥子鯪魚肥似松江鱸街頭  
米貴魚亦貴賣魚日糴供家脯只愁水面重租  
課風飛健卒頻追呼逋租畢輸榜捶脫前村有  
酒仍須沽猶勝祿食致奇禍坐受鈇鉞連妻孥



夜來湖上好明月醉吹蘆笛歌鳴、人生之樂  
有如此、身安用紆青紫漁郎漁郎知我予我  
亦烟波老釣徒

溪居垂釣圖

磻溪老父興西周釣竿擲棄鷹揚秋富春先生  
赴東漢羊裘後被朝衣換人生出處各有時如  
魚飲水魚自知釣釣無餌釣清泚若人彷彿玄  
真子好山滿眼青孱顏清風綠樹滄洲灣悠然  
意態極瀟洒豈是尋常釣魚者浮波之龜如出

洛漁郎晚之龜弗却買卜覓錢人正多七十二  
鑽人將奈何不如且曳泥塗尾相伴幽人弄烟  
水細看元在畫圖中多言莫笑痴猷翁

管伯齡惠詩併和詩故復次前韵答

芙蓉湖照橫山影蓬藿門開曲徑通半載日昏  
渾不出一經頭白未能窮論交半是漁樵者訪  
舊多于夢寐中說與故人能信否頽然黃鵠化  
鳧翁

維揚王有恒避亂居東吳三十餘年所至



寓舍以聽雨蓬名之多學能琴而善飲  
醉則鼓琴自娛故自號曰醉琴然鄉土  
之思亦嘗于琴發之予蓋相聞而未之  
識也吾友釋仲翔傳書為求二詩遂為  
之賦 聽雨蓬

昔年家住揚州市雨聲不入絃歌耳居吳聽雨  
三十年客舍如蓬卧蓬底蓬窓晝瞑雲抹漆滴  
滴點、踈復密絕似瀟湘夜泊時半襟風波想  
蕭瑟有時報急如建瓴有時珠玉報琮玕屋山

使作施樓倚兩耳洗來心骨清心骨之清豈不  
好一點鄉心忘未了天中玉樹無雙花夢魂日  
夜長飛逸只今二十四橋月依舊玉簫聲不絕  
一帆送風到瓜州聽雨孤蓬聲又絕

醉琴

張顛草書常醉揮以頭濡墨愈神奇醉琴之妙  
亦應爾顛師乃為徵吾詩琴中佳趣知者誰麴  
生為我同襟期千鍾百斛追古聖五音六律洞  
玄機一襟宇宙春熙、七絃冰雪風颺、得之



於心應於手如魚飲水非人知釣天廣樂醉鄉  
境悉以所樂鳴金徽高臺自傾池自廢雍門枉  
為田文悲我歌醉琴行持贈醉琴叟小春多釀  
梅花酒我來與君酌大斗濯足滄浪太湖口聽  
醉琴為醉友

海萍為詢無言講主作

大海多風波浮萍茂根蒂嗟爾海上萍似我人  
間世前身楊白花幸不墮泥滓化生江漢間朝  
宗隨眾水出沒幾沙劫全此清淨體所以無住

着默契宗乘旨芥子納須彌吾知同妙理

輓王氏祖母

母在重闈鶴髮垂孫為能吏鸚書馳二三百里  
去鄉國七十五年稱母儀李密陳情方有表張  
林紀德未成碑斗城昨夜西風急吹折萱花帶  
雨枝

次韵酬陸子文見贈

故鄉不願錦衣歸亦不願入承明廬願言結交  
天下士腹有五車今古書還家十年空兩手釣



竿之外餘何有白雪如雲橫滿山薜蘿三閭大  
於斗浪川雙鯉來新吟詩中意與秋俱清雄豪  
氣敵劉夢得喜無郊島窮愁聲嗟哉風雅久不  
續老我山林成朽木金盤秋露玉壺水洗去胸  
中塵一斛覓官應笑明河篇托物可擬石鼎聯  
先生識趣出塵表鞭策後進追前賢東望吳門  
長太息舊俗繁華復因襲太湖三萬六千頃七  
十二峯湖水側何日携將麴秀才登臨共醉姑  
蘇臺眼前一事特可喜湖山清氣鍾羣才先生

薦胡不起濯髮滄洲弄烟水遙、喬出華亭侯  
甫里高風更無比只今爽葉多流芳東床嬌客  
名尤香呼兒整我遊山屐早晚去從潘孟陽

次韻答集講王二首

欲尋石上三生約姑待梅邊十月春結社東林  
無奈遠寄書南雁豈辭頻平生賴得詩書力朋  
輩多如骨肉親元伯九泉呼不起擬將雞黍淚  
沾巾

千墩南浦水循環一颿西風路不難翫麟曾於



堂上坐綈袍能禦客中寒可憐學劍身今老祇  
有湛書興未闌傳語心知數君子小春來借早  
梅看迴

風波詞

家住橫山古澗阿孰知平地有風波一壺為濟  
中流急可奈無金報爾何

洪武十六年夏五余寓崑山延福菴蒙李  
無逸冒雨見訪且邀午酌以尋二十年  
交好之盟席中聞余茂本通政談玉峯

志鏤版無逸能力為之高義可喜別後  
作此詩以贊其美併致謝意云

老夫著書雪滿顛秃筆掃盡松煤烟書成無人  
為傳列明珠暗投三十年玉峯有志今雕鐫公  
乃下榻邀羣賢魯魚亥豕盡滌濯銀鈎鉄畫森  
戈鋌婁江風物靡不載一邑快覩人爭先知公  
高風雅量振頽俗令名當與書俱傳澱山湖邊  
五畝宅芙蓉錦城耕稼田多情念我以離別風  
雨遠來書畫舫開樽行館話夙昔屋角雨聲飛



瀑泉爛烹鵝肉軟炊黍時憐老鼠令相便草堂  
之資送杜甫遙知破屋窺青山別來東望澗山  
月再盈再虧今復弦鶴雖出穴皆五色門墻桃  
李春俱妍無由縮地共攜手寄詩併送思賢編

自輓

醒齷龜巢翁飄蕭烏角巾干戈二十載幸爾全  
其身平生得三樂此去棄六親青山為我宅白  
雲為我隣寄聲謝相知毋勞為酸辛  
生為無用人死作無名鬼生死天地間區區等

螻蟻商人自忍飢楚人從赴水長鏹付兒曹持  
以字妻子將來事無涯且免開吾耳

輓張溝南

故人家住江之陰江城草堂花竹深舂盃喜作  
真率飲鳳管不殊韶漢音中郎有女可傳業萬  
事無復縈吾心於乎一歌兮一悽愴白璧如今  
定黃壤

故人墓在君山下黃絹碑辭更親寫風流不減  
賀知章軒昂有如稽叔夜秋風蕭瑟宿草青過



客知名多下馬於乎再歌兮再思之誰能為我  
追騎箕

故人生來天骨奇抱才不試清名垂陰山道士  
遺寶墨雞林人傳舊詩寒夜家夜屋梁月顏色  
宛然前別時於乎三歌兮三太息歌聲未斷還  
相憶賈

次韵答子才去秋見寄子才名朴上海縣石浦人

懷哉博物張茂先淞江太湖烟水連舊藏篇翰  
合雙璧新發焰光驚四筵菊花不濕重陽雨汗

竹應書大有年教子一經還自讀林居幽趣相  
依然

感年

咄彼新豐折臂翁偷生年與我相同世無兵革  
真難遇家有經鋤耒是窮兒子冷官成覆水老  
妻春夢逐飄風獨憐未畢全歸願兩耳昏盲耳  
更聾

天有眼

風波起平地胥溺無可援荆棘生大途頃步不





得前清朝赫々嚴紀律汚吏婪々弄刀筆翻雲  
覆雨妙若神白日青天暗如漆天有眼視必明  
何忍覩此世人之不平轟雷尚擊黨碑碎炎霜  
豈不飛闕扃惜哉延陵好州邑叫囂之聲雜號  
泣龔黃卓魯幾時來解我閭閻倒懸急

天有耳

腹中或有劍對面難隄防箠中或藏刀轉頭多  
中傷人形獸心險莫測擠人火坑猶下石東隣  
西舍苦牽連爺娘妻子多狼籍天有耳聽必聰

何忍聞此世人之不公妖々天網或汝漏百靈  
未必皆痴聾嗟哉尼父無復見治長非罪誰能  
辨况有諛夫口鑠金將謂蓋高人聽遠

寄野居處士

春風有花隨處看不勞快馬走長安春山有藥  
皆可采何用樓船渡東海老生常談人所忽門  
巷蕭條青馬沒野居隱者獨知言乃曰與我心  
同然垂簾丹室清如水賣卜君平絕相似得錢  
沽酒長蒟壺談笑樂與親朋俱金谷飛蚊曹時



聚靜遠何如野居趣匣藏三尺古吳鉤幸無龍  
光驚斗牛焦桐絃絕挂空壁洗心只用床頭易  
忘年之交三十春於我義同雷與陳千墩別來  
耳目疾兀如朽株門不出六徑家業愧無傳教  
兒只讀原道篇有懷欲得語同志東飛恨不生  
雙翅牛鬼蛇神雖孔多青天白日奈人何願言  
正己斥邪說始終一念堅如鉄寸膏欲澄千丈  
潭厥功有無宜莫論  
和任義甫重陽絕句三首

西風拂我菊花筵霜落蒲萄酒瓮前弓勁馬肥  
烟瘴歌雲南將士正開邊  
題糕醉筆吐天花風景蕭條興亦嘉多少玉門  
關外客故鄉一望一咨嗟  
休官陶令果何聊不赴江州太守招天上無人  
能送酒浮雲空作白衣飄

九日志喜

黃花無雨笑相看青女初霜未覺寒天上編氓  
增負版雲南征士解歸鞍市沽斗酒錢三百鄰



送栢羹物九般最喜叫鷓鴣不到來朝雞犬得  
平安

題松溪釣魚圖

看花不躍長安馬濯髮滄洲結鷗社千岩萬壑  
一絲風豈是尋常釣魚者月滿船水滿川月在  
水中光不濕人于舡上坐青天魚子魚子自悠  
然只今吾亦忘吾筌

大林庵至真公往宜興叅弘辨禪師回途  
跌傷其膝卧疾久之作此問訊

石頭路上悟玄機跌破泥丸一笑歸從此不須  
盤膝坐卧看來往白雲飛

天界藏主銘祖心歸常州府護國院信至

龜巢作此代簡

偶著青鞋出薜蘿竟參白足坐盤陀龍蟠虎踞  
江山好燕去鴻來歲月多言別石城歸舊隱笑  
將磚鏡為重磨松枝東長烟霞喜我亦滄洲舞  
釣蓑

題高士觀松圖



賢哉陶元亮休官撫孤松之人生松陰高興將  
無同楚々烟霞裾澹然冰雪容安知洛陽道車  
馬正憧々

尹泰春玉峯舊隱圖

春風夢破邯鄲枕三徑歸來埽白雲藏壁家書  
還自讀排衙縣鼓不相聞內交林壑蒼髯叟比  
德冰霜抱節君熱客不來心似水病庭空翠落  
紛々

王仲昭挽歌詞

千墩之陰溫浦曲鬱々葱々烟樹綠五陵豪氣  
遠消亾此地人稱小金谷中有琅玕玉一枝株  
葉扶疎高鳳宿鴝鷓夜飛木上啼九頭血汚玲  
瓏玉飛廉怒從天上来東走扶桑西若木埽除  
妖物靡子遺玉株亦拔移荒服八千里外雲南  
地烟瘴偏方魑魅俗道經七譯路幽險澤有神  
龍惡薰觸洪浪掀天霹靂飛幾作湘纍葬魚腹  
丹旒歸來寔鄉土華屋高丘生死足纏麻痛泣  
素梓悲淚痕多似湘江竹嗟我東西南北人愛



爾瑰竒曾刮目鄉無評旦勿為少令名在我思  
賢錄嗚呼青山紅塔道鄉墳誰復相期薦秋菊

贈醫師張有成

嗟哉延陵古城郭舊家喬木秋蕭索先生眉壽  
氣如春借問平居果何樂笑言吾樂得於天燕  
饗不勞鐘鼓作一收無夢見周公青衿五徑束  
高閣便一老腹只醫書頗學掛人賣藥一囊得  
錢儘沽酒兒舞斑衣我盃勺有時出郭看青山  
手策筇枝曳芒屨楊子江頭潏河口晞髮滄洲

吟杜若歸來一曲焦尾桐今古閑愁總忘却老  
夫喜聞心與同以言相贈仍相約東門之東劍  
井西籬屋數椽雲一笠肯為尋山數見過樵飲  
漁歌良不惡人生百年能有幾但見花開與花  
落世傳仙人上天騎白鶴荒唐繆悠言不作請  
從先生持筆削

贈呂克明

馬鞍之山玉嶙峋氣所鍾者德潤身古人已矣  
不可遇今人多躡青雲去中有一人冰雪姿青



雲垂翅歸故枝老夫識面三四載但見才華發  
光彩去年訪舊山水鄉乃聞孝行非尋常兢  
持身親所喜為親不惜殘肢體親存畫懽喪盡  
哀、號淚濕三年線嗟哉天質美如彼移家恨  
不居同里歸來細與吾兒說檢身自謂誰優劣  
綿駒處齊、善歌東瞻玉峯奈遠何

寄耕學素先生

新歲 人日故人無嗣音數詩曾倡和半載孰  
浮沉笠澤鷗盟在蕉隍鹿夢尋吾今洗吾耳聽

此絕絃琴

自和感年前韻

軒、黃鵠化鳧翁老態如今變亦同幾度出門  
遭鬼哭一生徒壁坐詩窮掃松先壠清明日葦  
杭官河舶趁風春怨忍聞啼蜀魄旁人為我喜  
痴聾

逸菴詩代膠山徐伯樞作

士學而仕猶力於農三時服勤乃逸于冬當勤  
之時以稼以穡鹵莽滅裂報施勿忒未勞而逸



君子所憎勞而不逸君子不能於昭令典致仕  
有期一日必葺罔敢或隨時之至矣銜恩過歸  
逸于而菴亦孔之宜其容施遲其行逶迤含哺  
鼓腹樂乎雍熙莊曰大塊逸我以老是用作歌  
以為頌禱

清澹子詩

世味尚醲郁清澹獨有水寡德養吾心汪、亦  
如彼朶頤良可羞菜根有餘美凡為君子交當  
知肉食鄙

題趙典史家藏聰聞極所畫水仙

有人晏坐風泉室水仙之花照佛月水鷗滌筆  
為傳神不着纖塵浣清質山礬是弟梅是兄澹  
翁品題非過情紅蓮幙靜簿書暇時一覽觀心  
眼明

題松菴圖

吾聞張子房漢家初封萬戶侯便從赤松方外  
遊又聞陶隱居華陽高住三層樓尚愛松風聽  
不休從遊松子或假託請聽松聲真可樂古人



今人同此心老去棲遲必岩壑白髮左司諫赤  
心天子知君思養老歸草木增光輝今觀畫史  
貌清致想像為作松庵詩青山崔嵬青松離奇  
三間薜蘿屋四壁莓苔衣前營燕雀來賀喜中  
林猿鶴還相依山中服食何所有松根茯苓大  
如斗拂松輕于白玉塵松醪香似黃封酒座有  
嘉賓樽不空每日共澆談笑口不言不笑默相  
契平生久要蒼髯叟向來百卉腓且哀偃蹇不  
受冰雪欺尼山聖者無復起歲寒後凋誰品題

春風牡丹洛陽市華屋金盤闔奢靡車馬遊觀  
人似蟻但說姚家之黃魏家紫那知松菴之清  
樂如此

送任義甫之京

放却滄洲老釣竿送將圖籍上長安朝霞爛  
日初出熱客紛々路未乾七里八岡鳩杖去三  
山二水鳳臺看薰風解愠今猶古舞袖歸來詔  
所懽

辛彬甫自京城回過東洲田舍極言曾觀



天顏之善舉酒送別詩以賀之

一百十五一版圖兩三箇月兩赴都親承天語  
拜闕下喜得風帆歸海隅到家且聽華亭鶴所  
贈旋買松江鱸鄉人為作軟脚局眾樂不妨如  
大醕

悼護國寺昇東谷和尚

憶昔素田變海時法幢扶起歲仍飢諸方乞食  
供緇侶十載開堂响白樵香火石龕獅子像紗  
籠塵壁老夫詩客來今兩重留宿誰向東園折

露葵

六月初一日止室初度感愴而作

白髮三千丈齊眉六十年今朝煮湯餅爨婢亦  
泯然

六月望自潞城回東洲書目前二事以示  
親知庶聞者或有感焉

緹索贖父謁天子聶嬰痛弟哭死屍親義重  
不顧自千載流芳著青史今人豈無骨肉親冷  
眼視同行路人朝家旌善作亭子訪我薄俗令



還溥吾詩相勸匪相訐不信汝曹之心真是鉄  
次韵錢彥學見寄七首

頻年歸計果何如九龍之山駒谷虛山中流泉  
若有語遲子續修鴻漸書

三十年来山上山詩名流落五湖間歸尋鋤斧  
南泉老隴有白雲相伴閒

萍水相逢記昔年馬鞍山下屢周旋羊裘不脫  
魚竿老彷彿嚴光也自賢

一榜三魁我舊都如今文盛說中吳詩窮不用

論郊島風雅揚、有大涂

梁谿如鏡照羣峯勝地生才淑氣鍾想像鷗冠  
人未老金盞露洗玉芙蓉

素柘東風叫伯勞犁鉏南畝課兒曹一枝樂與  
鷓鴣並阿閣那知有鳳巢

春秋九十是明年禮樂三千夙志哀訪戴未能  
移剡棹和陶猶欲繼坡詩

題天葩雲液軒

識馬不須牝牝論相人但欲知賢否我愛天葩



雲液軒中人賢在一真無矯揉戴星出入公務  
勞退食從容樂詩酒紫毫之筆吐天葩得意如  
看長安花白螺之盃瀉雲液破悶絕勝陽羨茶  
謫仙九京不復作斗酒百篇誰共樂藍田哦松  
人亦好座無杜康殊落寞我詩我酒興不孤風  
月溪山皆畫圖胸中磊塊盡澆去方寸烟如水  
一壺愚聞孔公醉決事勝人醒孔公何人哉希  
之即齊名期言請為座右銘酒德有頌政有報  
詩聲敢作音鈞鳴更

壽任義甫十月十日

曾看青海變素田又歷黃楊几閏年抱膝西山  
西牖下科頭背日午簷前中郎有女能傳業僕  
射無兒不然天八十春秋雙足健隣人喚作地  
行仙

次韵彭知縣以公事如宜興過瀟湖作

百川水溢東流急天風捲雲如捲席雄鳩呼雌  
鼓晴翼且喜人無滯雨疾官船掛帆出湖去乘  
風破浪無衝激舟人笑指一足鳥也作玲瓏退



飛鷓山無猛獸水無蛟陽羨往來人絡繹蓬窓  
挂笏看青山佳句鏤成忘肝食令予令予匪遊  
逸聊為湖山窮眼力滿湖飛渡不崇朝東滙沙  
湖又深入彼疆此界犬牙地概用朝家律三尺  
人言行路古來難範我馳驅自無失寄言勒移  
署椽筆分我餘光照隣壁

懷吳中弼心友

老去多蒙故舊憐客來喜得信音傳書能教子  
醫傳業居欲依仁宅屢遷赤米白鹽瀕海地青

萍綠綺博山烟曾聞靈素多增註好擬詩家作  
鄭箋

代簡張子才

遐想張梨谷相望吳野居馬鞍長在望魚尺久  
無書七日陽來復三年月閏餘芸邊生意動居  
子喜何如

王有恒秋初貽書約回途過訪尋假館之  
盟故作此于丁堰姜氏近之

舊雨魚來今復來故人懷抱亦佳哉黃陽樹厄



三年閏緹室良飛六管仄文有燭光皆李杜情  
如膠漆即陳雷燈花有約鷗盟在莫負柴門埽  
綠苔

龜巢葉卷之六終



國家圖書館, NATIONAL CENTRAL LIBRARY, TAIWAN, R.O.C.





龜巢藁卷之七

詩

龜山祠詩

卓彼文靖公蚤立程門雪載道歸東南統緒賴  
不絕鳳鳴朝陽能幾時朝棲瓊林暮棘枝歲晚  
江空卜居此毘陵草木增光輝邇來陵谷一再  
變烟滅灰飛舊書院殘碑斷礎落誰家應作寒  
碓搗霜練南山北山禪者流鼓鐘雷鳴塔前修  
儒衣儒冠亦不少孰謂好賢無二周龍鍾老諸

國家圖書館, NATIONAL CENTRAL LIBRARY, TAIWAN, R.O.C.





生不言忍包羞甘棠樹下吐肝胆愛禮可得存  
羊否羊存禮亦存所願或可酬渠一畝宮依  
然對滄洲將使邑人知有東家丘駿奔籩豆祠  
春秋

簡曹谷賓

往昔政和間結交先君子時葉  
文會于九華隱者周先生之家其書札  
之妙轂音之佳今皆不可得而見矣  
為後會張本云

清交早結先君子博學自謂無恒師草堂詩史  
擬欲續蘭亭字書將並馳百年陵谷變更日四

海弟兄生死悲舊家文獻埽如電獨受義之又  
有之

冬至日方欲以老况自述孫垣來侍傍說

江陰陳庠仲袁仲微二公倡和之娛區

區坐馳因用足成此韵詩以代折簡

耄矣又逢長至日凄然聊作短詠行一妻一子  
竟契濶兩耳兩目失聾盲里中尚結雞豚社江  
上豈忘鷗鷺盟珍重暨陽雙白璧慎毋輕用易  
連城



江陽鄭教諭以詩見寄褒美太過且聞時  
赴京考績因次韻以餞其行

大君立極揚威靈麾斥百家尊六經出圖之馬  
出未已來儀之鳳來不停萬物皆效華封祝諸  
將已勒燕然銘化風覃被族麟趾聘物遠來監  
虎形雉州巨邑並庠序歌臺舞榭無優伶先生  
橫經虎皮席弟子立雪梅花庭延陵躬耕地井  
井尼山聖父碑亭、正逢海內興賢日豈作江  
陰老客星泮宮芹藻得佳趣隣封草木沾餘馨

龜巢一老辱篇翰鱣堂我時瞻典刑趣裝又欲  
覲金闕飲餞愧無雙玉瓶淵清水潔知者衆會  
有孫邕荐管寧

予以小爐閣坐卧安煥名之熙、甕天口  
孫塏到江陰語劉小齊先生蒙篆書四  
字見其筆力之清勁可喜作詩報之乃  
翁澹齋先輩能篆隸而文為鄉郡所稱  
詩中故追美之

昔在金斗城晤言即相違今觀玉箸篆神氣不



新集卷之十  
少哀澹翁心畫傳師承古人誰秦相漢中郎殆  
欲肩相隨舊家冠蓋里密迹延陵碑古意師聖  
筆真膺吾何疑正如善相馬而忘牝與驟懷哉  
揚子雲載酒當問奇奈無縮地術龍鍾空坐馳  
周節婦陳氏吾甥也早寡賴其母撫恤之  
恩為多母卒且以語付託我夫婦攜之  
避兵居吳中十有餘年白首歸里一生  
艱苦老夫獨淚知之故書此以紀其畧  
云

哭夫未了又姑嫜獨抱遺孤涕泗滂奩具賣來  
營葬具不憂飢餓死空房  
南山石爛海揚塵風雨飄搖笠澤濱嗟嘆渭陽  
田舍老酸辛同受十三春  
狼烟未息歲仍飢蚊室相隣地亦危長夜點燈  
檝上微明朝換米釜中炊  
戰骨縱橫歸路迷烈塘疑是越來溪良人地下  
應憐汝不作王凝斷臂妻  
裙裾藍綉簪折鄉井蕭條草屋卑節孝兩全



頭雪白。疇能說與史官知。

臘月十四日風雪極寒大林庵主僧以佛

廬落成

冰雪堆中作梵宮。磨磚布地與金同。何當放下  
南泉斧。坐聽松杉萬壑風。

寄熊元修答袁仲微

。 摻別廿五月昏耄而受囹于人者多矣詩言  
此繆餘從可知一災之餘必蒙警教

愛子腹便、逢人問孝先悞傳烏鵲信剛道白

雞年鷗社詩千首龜巢藁一編何時重携手相  
對話夔蛟

悼熊元修徵士

落：龜巢翁問：鷗社叟雷陳十年交雲水三  
江口在昔鷗沙結社時盟鷗之詞我筆之吟風  
咏月意相得絕似伯牙逢子期朝亦詩暮亦詩  
詩興動來忘渴飢淞江太湖墨淋漓鶴汀鳧渚  
生光輝毛髮雖秋霜光風自懷抱不虞白石爛  
但覺滄洲好一朝陵谷俄變遷我歸耕我延陵



龜身集卷之七  
五  
田銜寬塞海笑精衛抱怨思家憐杜鵑鷓鴣社叟  
軟雙脚晏然不受功名縛社鷗尋盟還可樂第  
我途路遙來往難如昨前年訪戴踐重約舟到  
山陰眼生膜黃庭不寫贈籠鵝蒲萄醅酷旨且  
多缸頭送別誦佳句且知步武追陰何音書收  
此不復得我心孔竅皆茅塞清夜悠々思故人  
夢裡依然見顏色客來聞死半年久俵々不能  
將絮酒悲歌為探驪龍手三日悲風動林莽  
次韵答陳庠仲見貽二首

鳳凰阿閣自新巢鷗鷺滄洲只舊交百里雲山  
人契濶一簪霜雪髮蕭騷忍看雨溺堦前蟻怕  
說風掀屋上茅樽酒論心宜有約誰家竹裡借  
行庖  
春申巷上老人村家有詩書教子孫白首竟能  
粟黍丹心豈不合乾坤諸生問字車載酒菊地  
落花僮埽門且喜年來忘世慮不時盃勺醉昏  
昏安

又和袁仲徵陳庠仲去冬所寄之作



腐草煜煜螢火生枯梨紛紛山蟻行可憐身病  
道亦病猶喜目盲心不盲溪山相望數年別松  
竹歲寒三友盟何當相對文字飲似昔盍簪金  
斗城

次韻荅袁仲徵見寄

大江南岸衆山蒼岩谷深藏寶劍光江上風波  
來滾滾山中歲月去堂堂能承書業千金產喜  
有童孫咫尺長盃酒正須朝夕醉無勞吏覓解  
愁方

四皓圖

天風吹斷紫芝歌四皓幡然出薜蘿不用勒兵  
呼左袒安劉功比絳侯多  
飽汝山中紫玉芝姓名誰徹九重知濟時陰有  
回天力震器安然不動移

瓜隱為崑山邵濟民作

藥壺舊懸紅杏林瓜廬今住清江潯南柯太守  
了無夢東陵故侯同此心灌園自捧漢陰甕抱  
蔓別作黃臺吟我老馳坐三百里何由縮地重



龜泉遺稿卷之七  
相尋

簡袁耕學先生

馬鞍山開龜甲屏  
臯比之席講六經  
一年不見朶雲字  
三月又看花雨零  
角中小像同垂白  
莖史巨編方殺青  
宜有詩筒從前輩  
使我晉鄙沾餘薰

壽萬拙齋

蓬萊水淺鉄舡歸  
城郭人民半是非  
且喜春秋今七十  
能六十九年非

天開壽域大無疆  
林下幽棲樂且康  
不須更覓長生藥  
昭代如今化日長  
芳茂山前種玉田  
芙蓉湖上採蓮船  
東隣西舍連花竹  
渾是桃源一洞天  
一襟秋水心無競  
滿面春風唾自乾  
可惜時無吳道子  
畫圖專向邑人看  
菖蒲花開香滿庭  
簷旌蕭瑟風冷々  
高堂燕客作生日  
紅頰紫髯雙眼青  
今吾故吾知不同  
朱門無復掛素弓  
但將一斛



蒲萄酒洗盡平生磊塊胸

金作狡狴炳寶薰桃笙如水客如雲榴花不用  
纏頭錦也學吳姬舞絳裙

燕雀惟聲新第宅溪山佳景古丹青琵琶自製  
玲瓏曲彈與龜巢老子聽

拙齋之拙意何如天付惺惚本有餘欲識顏曾  
愚魯地一鞭希驥莫躊躇

舊家青瑣什襲藏兩兒斑衣長侍傍人生可樂  
有如此一日可比三千霜

昔人謂積憂成陰：積成雨今陰雨之久  
且多竟不知何憂之積以致然也淺陋  
之詞姑識歲月時夏五乙丑望後九日  
也

常年五月衣輕葛今年袂衣猶未脫一天陰氣  
凜如秋溪山黧澹烟雲稠有時雲罅曜靈出頃  
刻珠光暗如漆商羊飛來作人舞羣鳩醉甚渾  
無語雷聲虺：雨浪：一雨十日夜亦滂人家  
屋十八九床頭泥淖生蚪蚪疑是彼蒼媧石裂



天河水漏有時竭補天無術正憂心水鄉之田  
俄陸沉常州地接蘇湖境青苗在田知幾頃農  
夫惜苗如惜兒苗死一時真可悲全家老稚仰  
天哭天若垂憐天雨粟不然歲飢方荐瘡里胥  
催租將奈何壞

贈時義夫

生民天降衷所性無不仁物欲肆侵蝕乃庶失  
本真嘉爾鴻鵠姿超然雞鶩羣里有賦蛇毒比  
屋含悲辛叫閭聲徹天恩波活枯鱗老我無能

為喜此聲譽聞願言一簣進將來見嶙峋

貽呂雋

人生異禽犢秉德方寸許一本尊所生推恩篤  
諸父嗟哉溥朴姿片言不輕吐去年赴叔難代  
服徒役苦索餽復今年赤脚走風雨紛、蕭艾  
中欣然見薊杜願予子若孫疇能類於汝宜從  
竹林遊氣習變齊魯

挽徐仲清

妙年博軒岐書極晚景晏安閭里居小山叢桂



蔚如故大兒一官清有餘落成客散烏衣宅送  
葬人來白馬車安得並騎箕尾去逍遙八極曳  
長裾

夏五即事

貪墨何多禍蔓延刮毛龜背欲成瓊千村萬落  
吹烟斷田舍逃凶犬餓眠

寄王尚綱陳子儀諸友

起予每憶二三子投老于今九十年自是片雲  
相隔爾如何尺素亦茫然蝦蟇產灶橫山下螃

蟹輸芒溷浦邊若問龜巢舊風景月餘隣里斷  
人烟

簡無錫華景彰

百書不如一見面此語信然胡未然燈花有約  
半年久桂子已落中秋前東門種瓜抱溪甕西  
齋爚茗斟山泉少游鄉里樂如此應笑爲飛瘴  
海天

寄辛彬甫

五鳳添修助益箋雙魚書尺竟虛傳桃符忽尔



三年換木榻如今兩膝穿南國鶯花春宜早東  
洲雞黍約如前好來同賞元宵月莫訪山陰返  
戴船

和毛伯尚雪中登塔

一夜雪深三尺許江南江北久無之躋攀雁塔  
最高處想像洪流未判時光動山林搖玉樹氣  
涵湖海湛瑤池僧坊或擬天花雨田舍皆占隴  
麥宜黃竹無歌良可喜清河有頌不妨遲八千  
里外多遭敗十二街中欲訪誰白戰正須逢敵

手長吟聊復解人頤憑欄細聽風鈴語似亦知  
音說好詩

壽諸葛節婦

憶昔梁鴻歌丘噫挈家避兵東海滙玉樓有夢  
上天去孟光無復案齊眉旌旗滿眼愁滿腹抱  
兒日夜吞聲哭沙湖岸竹似湘江淚痕斑盡依  
依素呼天顛地吐丹衷相舟之誓共姜同素田  
變海得歸路度亭故園榛棘中教兒服勤能構  
獲青檀舊物兒堪託星冠霞佩蕊珠經萱草堂



前樂吾樂春秋六十有八年時人喚作女中仙  
麻姑送酒作生日雙成獻桃紅且鮮高堂長夜  
照明月何異姮娥廣寒闕不勞白兔搗玄霜真  
修自有長生訣仙家歲月我不知我來為作節  
婦詩他年烈婦傳中寫千古萬古芳名垂

予前詩謂獨孤公檜在陳廟蓋圖經所載  
及余親身見之一日郡人徐孟曾問曰  
唐刺史為一州之主手植之檜宜擇公  
解美地表而出之眾所共瞻何真諸陳

廟之後耶予曰按唐書德宗朝徙公為是州刺  
史去梁公毀江南淫祠之日未久無陳  
廟也唐哀禮廢淫祠寢興迨五季而禮  
法大壞叢祠之神類加尊號陳廟或肇  
於唐末而盛于斯時今廢治荒園安知  
非昔日驛亭傳舍乎歷宋而元皆無改  
作故翁卷之詩有曰托根陳帝廟應不  
慮樵夫其意不以此木為不幸而反以  
為幸也可勝嘆哉孟曾然予言遂植檜



舊所予亦恐前詩為人口寔因復作是詩

獨孤之檜化烏有士庶重哉倚碧潯遺德一州人眷、流芳千載樹陰、霜根盤入龍蛇窟風葉響成鳶鳳吟願若甘棠無剪伐報公疇昔愛民心

寄聰上人嘗託補楞伽經脫簡就用索之杖杜之歌落九天石尤風轉送歸船長洲茂苑渾無恙翠竹黃花總是禪眼孔不教迷土直耳

根常得洗風泉貝多葉上楞伽語脫簡應能為補全

題顧師道樓居晴空圖

山屨顏雪爛斑飛樓縹緲層巔水晶椽題白玉關樓居之人應列仙金烏出海飛天上藍田瑤草煖生烟誰家馬上郎意態清且閑既非謫官遇雪阻藍關又非春風得意遊長安摩挲老眼仔細看乃在櫟里先生圖畫間

碧桃贈呂城壩官應孟恭



猗々谷中蘭鬱々澗底松我愛此二物幽尋度  
亭東路逢碧桃花澹然無冶容吾之所笑者羣  
芳闢青紅本來天上種有此林下風

老况

張子三年孫兩年一孫戎服又西川秋風茅卷  
藏書屋春雨苔荒負郭田堪笑平居能護落誰  
知末路竟迤邐空林樹折烏巢毀奈爾孤雖失  
所天

雨中期辛彬甫不至兼憶兒子林孫塏等

一時口占二絕句

雪尋戴逵興不遠雨過蘇端意甚濃若使兩賢  
生並世浣落溪上我遊從  
一雨能生五月寒三盃欲釋兩眉攢那知酒入  
愁腸去化作潏然淚不乾

謝饒州周氏甥孫女惠鞵

昔領軍一屋之鞋未聞有惠人者今唐伯亨  
室人製雙鞋遺我子一千八百里之外其  
愛親之心可謂篤矣然則苟非伯亨之真



其室中之人安能遂其心哉區、報章豈  
忘所自故首其說如此詩曰

濯足洮湖寂寞濱寄來雙履藕絲情何當化作  
飛鳧去謝汝殷勤念老親

贈廬長嬰次農

憶昔廬兗州生有古人風病世禮俗壞或與禽  
犢同遺經授子侄世業令專攻騎箕去不遠象  
賢躡孤踪平居迭師友砥礪相磨礱東海凌南  
金豐城兩神龍含光若暗投天將振儒宗叔孫

自綿叢制作成治功潛心對黃卷儼然見周公  
妙理析秋毫百世開羣蒙追攀大小戴旁參鄭  
司農復看書帶草匝地生婁東顯親垂令名永  
言報而翁

寄南宗僧綱

太空寥、雲自浮驕陽蟲、金欲流白生一室  
靜如水清坐六月涼于秋陽羨好茶留客共獨  
孤多檜賦詩否官樣文章祖蒲室正須述作贊  
皇猷



寄一舟禪師

葱、雙樹林井：百丈規欽、響鐘鼓棗、慎  
威儀空庭苾蒭草淨瓶楊柳枝瀟眼皆祖意此  
身丁盛時熱客不相過清風堪自娛或剪葛藤  
話竟織駢驥詞陵谷變未久山水知音希我本  
六月蟬眎同五總龜儒墨各有趣支許交忘機  
眷言獨孤檜曾覓一二詩禪縛想自急詩筒來  
乃遲南風非不競北山何用移請招木毬子聊  
作逢場嬉

寄講主法師西傳

懷哉久別廬山遠奈此相望去路賒屢夢丹梯  
同上塔每留清話竟忘家芭蕉手種繙經葉菡  
萏池開結社花三伏不嫌人襍穢一肩扁袒佛  
袈裟竺書自早探三藏徇帙如今載五車方寸  
靜涵滄海月文章光焰赤城霞尚憐老馬能知  
道更喜神羊解觸邪早晚蓉湖秋水碧定期濯  
足過鷗沙

懷詹伯遠



身集卷之七  
蚪蚪殘書補未全齋居一榻坐來穿稻花透屋  
白如雪溪水出湖青接天冠蓋不來騎馬客鷗  
鳧長傍釣魚船多時欲問平安信伏日題詩寄  
竹邊

寄贈岳陳齋二首

一書曾寄訪行窩百里相望阻滿浦波陽羨溪  
山無恙否延陵風俗變來多鶴鷗夜集連雲厦  
荆棘叢生駐馬坡尊酒欲懷千古意中秋羅屋  
候經過

南山爛石無多在東海揚塵又廿霜奇字盛傳  
揚子學德門誰表鄭公鄉秋高丹桂花纔發閨  
後黃楊樹必長會有龍蛇生大澤流芳竹帛繼  
先王

寄薦福寺源竹淵

青門薦福東堂老白首默誦西方經有時適性  
倚梅閣無復談禪坐柏庭解夏欲隨雲水散立  
秋忍聞風葉零老禪心性一如此說項會有伽  
耶鈴



寄贈呂城羽士周石泉

仙風飄、天骨竒不皤爾髮黃爾眉兩沉海上  
鏡船渡九折道旁金狄知釀酒松花常留客竹  
籜裁冠自賦詩不解腰纏要騎鶴道人應笑俗  
兒痴

索居無聊自七月既望至中秋前九日腹  
藁得小詩十首不追琢不詮次大率皆  
眼前事無遠興也然胸芥蒂有消釋未  
盡者時或見於詞可笑

我愛青山爽氣增青山似我骨稜、半年不踏  
山前路也學禪居結夏僧  
一昨病暍思清秋、來兩旬熱未休堪笑荒唐  
野人語天公不遣火西流  
詩腸頗饜木雞肥老齒方便豆粥稀今兩客來  
如舊雨多情獨有兩烏衣  
蚊蠅屏跡去何遲烏兔循環度不移一兩夜來  
良可喜家、水滴養魚池  
千里山開翡翠屏三家村里老人星無塵行徑



風還掃徒壁茅齋夜不扃  
魚自浮沉水自流釣船閑係小溪頭朝來賴有  
盃中物忘却連年日夜憂  
阿翁眠食龜頭舍兒子耕耘犢鼻裩記得孝經  
刊誤本尚能口授教曾孫  
床頭鬪蟻取人憎壁上粘蝸失自懲螢火光殘  
小兒手誰憐堪作書燈照  
涼風騷、草木黃初月皎、更漏長洛陽有夢  
忽驚覺鶴淚聲中人斷腸

稻花雨外紛如雪桂子風高香滿天誰信一隻  
多病眼餘生重見太平年

暨陽沈德隣氏徙居郡城名燕處之室曰  
咬菜根處昭其儉也龜巢老人謝蘭謂  
之曰夫人以儉立身惟窮達不移者君  
子躋之拙詩效顰亦曰脩薑桂之用耳  
士方窮居含糗茹草誰無菜根知味者少嗟茲  
小物大道可儼淡而不厭斯為君子鮭菜自珍  
龍自竒我菜之根朝斯夕斯若決濡肉或如根



龍象集卷之七  
齧骨左車有聲宮商彷彿賢相脫粟聖相齧  
頤子何人口腹敢饗吾愛吾廬哇蔬遶屋盤有  
餘殮鼎無覆餗窮達百年始終一趨明月清風  
咬菜根處

挽管伯齡

先生多才德與俱崑山之玉滄海珠玉華忽作  
白雲散珠光竟隨清夜徂青：書帶西開里纍  
纍筆塚滿荒蕪雞林客來嘆且泣欲覓好詩還  
有無

憶昔狼烟兩袖黃新蓬飄泊鄭公鄉金龜換酒  
邀明月玉塵論說盛唐百年往事陵谷變通家  
交情江海長騎箕先着祖鞭去旦夕吾將與頡  
頏詩

陳存心先生挽詞代黃仲器作

蒲石軒中山澤癯出門戎馬即長驅欲騎東海  
金鰲去竟作西風玉樹枯化鶴還家人想像義  
烏銜土子號呼恨無老杜揮掾筆寫入哀詩比  
畫圖



鶴鶉圖

不作巢居與穴居  
鳶飛魚躍不相於  
平坡淺草幽間處  
宿食飛鳴得自如

題清微觀并序

蘭嘗考度亭乃孫仲謀射虎之地今為呂城  
橋名密迹清微是為清微勝槩也不揣言  
耄表而出之并為燕廈之賀云

阿蒙之城何代傾  
玄元闕宮無與京  
英雄射虎陳迹在  
咫尺奔牛古堰橫  
鯉魚飛去石盡爛  
桃

花種來蹊自成華  
陽福地一如此何  
用山中宰相名

懷袁耕學諸故人

夢裡忘予兩目盲  
馬鞍山下訪羣英  
詩容總是山容瘦  
道氣多如海氣清  
皎白駒方屏迹嚶  
嚶黃鳥未忘情  
呼兒蚤起題書尺  
十日新年雪昨晴似

寄清真觀道士俞

一昨吳淞十二詩  
清真道士獨委蛇  
梨花春釀



適來熟頻遣青衣送酒資

寄延福菴主

鋤斧單提不甞停  
黃花翠竹摠忘形  
問渠送米廬全意也  
愛茶歌有可聽

寄僧長老

雪峯球子逢場戲  
一笑春風舞袖歸  
從此晏然門不出  
忍看沙界有危機

寄僧勝上人

崑山絕頂立浮屠  
海濶天高氣勢孤  
莫道八風

吹不動  
八風吹動有人扶

寄僧善性空

玉峯巨邑冠東吳  
在處金園似給孤  
手把竺書朝夜讀  
此心能轉法華無

送郁友文之京

楊子江頭春二月  
送客登舟赴天闕  
男兒生有四方志  
莫作尋常黷然別  
憶昔孺子歌滄浪  
聖尼山聖人曾激揚  
我賡再歌呼索郎  
子其洗心宜勿忘



次韵奉答瓢齋先生見寄二首

齋居一榻坐來穿腹笥羣經老欲眠夢裡亦行  
端正路醉中常造渾涵天春光荏苒無多日天  
氣寥寥近禁烟舊雨不來今有約虹光遙望載  
書船

子家經亂離蕭條無六親遙憐竹林院中有白  
首人高詞吐白雪逸氣凌青雲梗楠豫章灌  
木何足云安知射工弩中厥父子身問疾數往  
還先生同五倫奈何日月下覆盆茹艱辛惟天

降炎霜清飈洒冠巾一朝禍根拔戩穀乃荐臻  
孤鶴還九臯飄然離雞羣吾將問玄機載酒過  
子雲

僧綱贊公和尚以疾得告而歸善推舊隱  
橫山老樵謝蘭效劉賓客竹枝二首為  
臨別贈

維摩床上遣文移治績垂成竟解龜僧史有如  
班馬筆絕勝州里去思碑  
瀟浦飛花送客行善卷耆舊出山迎問渠那得



真消息摩頂松枝喜鵲聲

徐士廉別墅徐善譽

棲神山在屋西頭甯有寒泉帶錫流山近杏林  
烟樹接泉香茶鼎雪花浮蜚英早歲肱三折樂  
道清時號四休堪笑興來忘潦倒尚能携酒過  
滄洲

寄楊彥澤

逢人屢問平安信有子亦如郎罷賢萬石艤  
輸賦足九重閭闔奏名先未論烏鳥能含哺且

喜黃楊閨閨年我昔與談忠孝事阿戎詞色兩  
欣然

次韻送秦文仲歸上海

漂水先生挽不留故山回首鬱相繆落花飛送  
九年客行李歸來一葉舟勲業鏡中成白首耆  
英會上冠清流獨憐詩社今寥落無復尋盟集  
舊鷗

次韻寄薦福寺東堂長老

坐斷根塵知幾年逢人猶說未生前有時觸背



都忘却笑指扶桑尺五天  
家山不見舊忘年重植紅梅慰目前樓閣大開  
彈指頃香風應到率陀天  
莫笑黃楊老閨年枝葉不如前姓名留在  
香山社也愛吟詩白樂天

橫山白龍祠

神母何年生白龍曹橫墓邊一龍宮蜿蜒靈物  
塑如在寂寞古井清若空山川每見出雲氣鄉  
里競傳行雨功府縣官曹走遠豆質我識字田

家翁

簡沈時敏二首

往予入城府筇枝扶蹕蹠故舊驚骨立兒童嗤  
貌寢時子適見茂為我言責沈心持一寸鉄詞  
吐五色錦亦喜得三益豈料別教稔嗣音竟茫  
然屏跡疑遠甚近從支道遊因聞許詢吟家住  
洛陽橋窻含漏湖浸烟波隔紅塵雲樹幕清陰  
安得忘年交時能邀月飲文章論大雅安適就  
高枕人生貴快樂此樂真絕品



其二

一昨觀李杜詞場車並馳追蹤三百篇齊名盛  
唐時杜詩多與李、與杜者希當時豈偶然意  
或有隱微復觀杜與李首陳褒美辭其間方庾  
鮑微意若少之樽酒欲細論諒非談笑嬉迄今  
千載下疇能發玄機區、蠡測海敢告新相知  
秋高金氣清桂子香風吹虹光書畫舫難黍或  
可期合歡盃勺間評此兩白眉况有古經史相  
傳更多疑朝聞夕長逝九京含笑歸

憂旱吟

吾聞東海殺一孝婦三年乾天人感通非浪言  
又聞長平坑卒四十萬天胡為乎竟舍旃人讀  
書貴窮理斯理未明堪汗顏竭來一旱月再圓  
老農多憂良可憐青苗虫生食欲盡赤地龜拆  
生炎烟龍祠巫祝環玳擲羽土醮壇鐘磬喧妻  
孥踏車或抱餒牛犢賣來供社錢盲翁夜來亦  
不眠追思直按三代前堯湯水旱皆數年必能  
有以扶顛連當今聖明君咫尺九重天有能哀



鳴玉陞前天恩不日彌九川一夫罔令海壑填  
耕田鑿井仍熙然

示家子及孫

曹橫山中小菟裘某水某丘堪釣遊四世團圞  
非易事一窩安樂比前修家庭惡有司晨牝江  
海憐無結社鷗我子我孫宜克念莫將肝胆作  
仇讐

又自述同示

捐：幼書覲有成區々沒世恥無名七情欲斷

氣未斷兩目欲盲心未盲白練製裙蠅點污青  
燈照榻鼠縱橫家聲掃地綱常在未許兒曹學  
倒行

祭禰忌日詩

投老龍鍾日思親長養時羣咻憎陋俗四遠擇  
名師夢有生花筆才非脫頰雖庭幃歸定省翰  
墨作遊嬉隣舍三元日桃符七字詩柏臺駝馬  
過茅拔鶚書馳氣色生蓬掖光華照庠序亨衢  
雖不到大道頗能知黌舍分瓊坐儒冠廩稍糜



中年逢世變濱海避時危  
骨肉能相保肝腸罔  
有私尚蒙先子澤不受外人欺  
粟里歸來廢橫  
山卜築遲頽然窮谷叟  
援乃落巢兒子愛非姑  
息孫謀有厥貽牝雞良可惡  
烏養本相宜昔怨  
何三失今逢此百罹  
雙親應念我鑒此蓼莪悲

雲林書舍為徐孟容作

東家領軍鞋一屋西家買妓傾  
珠玉寂寞南州  
高士孫燈火小窻書夜讀  
羲皇畫卦龍負圖  
蚪蚪此時無簡牘神農本草  
軒岐語為是傳家先

爛熟唐虞三代二千載  
六經聖賢常在目  
牙籤挿架日益多  
蔗境漸佳心未足  
便腹筍貯琅玕  
齒頰霏吐珠玉  
鍾期骨冷呼不醒  
誰復賞音聽  
此曲青林不着軟  
紅塵祇許白雲  
簷下宿雲乎雲乎  
知不知封胡羯末  
森如竹白眉之良  
衆所稱能繩祖武  
棲幽谷清河有頌  
恭階平應着先鞭  
駕黃鵠

賀潤天澤住持保寧寺

橫林之北橫山西孤村流水古  
招題青苔一徑



童不掃白雲半間人共棲松枝甘露落塵尾桂  
子香風吹麝臍我來欲點頭石問道價孰與生  
公齋

南宗僧緇和尚唐允明吟友倡和見贈

支許久不作緇林景德清遠見獲南金褒嘉詎  
容默新詩倡且和字、皆惘幅挹此沆瀣秋注  
茲雲夢臆大道本平、中庭宜殖、九品蓮花  
臺毋庸論西域  
豈腐詩并序

凡人年老者以肉食養之古今一致然而老  
而無齒則肉林之盛禁嚮之供其如朵頤  
何求其甘軟若豈腐者真可謂養老之善  
物也但名不著乎六籍品不列于八珍鍾  
鼎之家咸藐視之比予過僧舍連得食其  
佳者嘆賞不足發於歌詠是猶為冰壺先  
生作傳也博物君子宜蒙品題吾言固無  
足取重于人庶不為嚇腐鼠于鷓雉者耳  
誰授淮南玉食方南山種玉選青黃工夫磨轉



天機熟查滓囊傾雪汁香軟比牛酥便老齒甜  
于蜂蜜潤枯腸當年柱史如知味飲乳何須窈  
窕娘

唐允明以吾孫垣自成都府岩洲衛公差  
過常鎮等府因得觀省賦詩見貽有情  
兼悲喜之句可為知我者矣次韵示垣  
併謝允明

數千里外公家事七八月間行李歸搖尾門迎  
一黃耳傷心客散兩烏衣穿揚自可成勲業擢

桂從他赴禮闈多謝故人能警策好鐫胆肝莫  
相違

袁耕學先生以陶詩集句十五首見示心  
賞不足以辭答之

先生山澤臞遊戲詞翰中生來愛陶詩白首情  
所鍾集句成大章一氣春渾融纍纍九曲珠蠟  
絲中貫通嗟予目無見擊節歌玲瓏寫比蔡中  
郎以聲識焦桐即物因有感懷賢仰高風孤竹  
首陽餓五柳柴桑窮非餓死比方寸將母同



史稱晉徵士直哉考亭翁風俗今改變草木豈  
亦從黃花朱紫貴青松大夫封邪蒿匝地生指  
佞草絕踪何當過橫山班荆坐孤峯先生口懸  
河洗我蒂芥胸風帆早乘興我耳猶未聾

弔薦福竺洲源公

滄海塵生罷遠遊紅梅手植繼前修雲開樓閣  
人彈指風振簷鈴我掉頭十萬里程天竺國一  
乘車駕雪山牛客來舊日喫茶處烟冷爐薰憶  
趙州

寄南京僧綱併寄唐允明

雪竹霜葩歲晚時架梁逢掖往來嬉著書應笑  
龜巢老刻畫無益醜不知  
詩論筆飄酒滿船時人喚作地行仙抽絲適有  
水蚕繭好為焦桐續斷絃

東州觀音堂龕瓦歌

七佛之師觀世音十方化身無古今補陀舍利  
南海現無價寶珠龍女獻東州葉堂五六春茅  
茨乃作有漏因珠冠白衣清泥潦龍王女兒應



笑倒豈無巧者善安排不堪空打赤白崖鴛鴦  
瓦合數千百圓通大士居安宅衆毛聚來成一  
裘震風凌雨更無憂青銅錢與珍珠粟今生布  
施來生福

松竹梅三詠

歲寒松栢冠山林論語垂名照古今韋偃畢宏  
俱即世傳神賴有草堂吟  
淇叢猗：比武公清風本與首陽同六經湮滅  
秦坑後嘉尔雲仍紀載功

吳王醉處十餘里僅得晚唐人一詩不遇西湖  
林處士暗香疏影有誰知

寄習訥二諱王

南山北山兩浮圖東家西家皆給孤塵世換來  
風景別上堂鐘鼓似前無

寄辛彬甫

長短向分三四家聖賢經訓教千年吾伊聲裡  
工夫熟萬象森羅月滿天

寄性空山主次韵



住菴家法似南泉  
鋤斧單提十五年  
歲晚閉門  
渾不出  
忍看霜倒佛池蓮

寄呂克明

生不封侯向九酒泉  
筆耕東郭太平年  
林居適與僧廬近也  
為招賢種白蓮

客來曾得問林泉  
書帶青、倍昔年  
且喜時人多未識  
楚江萍寔華峯蓮

次韵自述

兩目塵昏淚迸泉  
春秋虛度伏生年  
滄江歲晚

藏龜六依舊巢居  
一葉蓮

雪水煎茶勝慧泉  
茶經重著兩三年  
夜來明月梅花下  
又擬濂溪說愛蓮

感懷

生來迂踈從人笑  
老去盲聾祇自憐  
紅葉殿春能幾日  
黃楊厄閏又三年  
蒼風捲我蜘蛛幔  
夜月窺人蠨虱壇  
江夏黃童能扇枕  
當時太史豈虛傳

短歌行



東謝莊西謝莊奔牛東斗十里強先人痛惜家  
譜止能言其畧忘其詳高曾本住開封府紹興  
之先亂離苦隨從龍渡江寓茲土以謝名莊似  
韋杜後來一派分烈塘華屋高丘乃吾祖季父  
咸淳中甲科封胡羯末皆簪組宋曆已矣元曆  
興竟作遺珠沉合浦吾祖佳城宰木拱家庭玉  
樹遭斤斧吾伯吾祖吾父兄青塚累累續遷柩  
轉頭滄海又揚塵十年逃歸洪武昏鴉滿樹雀  
無枝結巢乃在橫山塢三子六孫中子殂長孫

又隕黔陽簿黃茅嶺畔作哀丘昭穆按圖無抵  
梧年、寒食春草長橫山烈塘連謝莊一盂麥  
飯一壺酒老淚觸處俱淋浪於手豺獭猶能效  
蒸嘗何況人為物靈知義方我今諄、語兩郎  
爾子爾孫宜勿忘

冬至前一日寫懷二首

龍鍾去年冬修書辨魚魯吾兒念吾哀勸吾勿  
自苦吾嘗責吾兒曾讀孝經否聖人教斯民揚  
名顯父母窮達固有命劬勞何敢負芟夷免圖



冊于道或小補方誦蓼莪篇安知又初度存順  
沒吾寧全歸冀朝暮

其二

今年盲且聾狀若霜木槁齒牙脫兩齧涕淚出  
四竅獨存方寸鉄自謂無價寶異端屢排斥淫  
祀絕祈禱喋喋非好辨惓惓衛吾道一陽蒞欲  
飛九土荔將出家人忽起早為我作生日沽酒  
斗八升有菜二十七北風非不寒南簷盎如春  
都却眼前事且漉頭上巾巢居烏返哺拄扶鳩

祝噎橫山薺瓮水東洲釣舡月窮鬼莫見笑老  
甚為悅寄語撲燈蛾少頃燈自滅

寄朱李明

客來曾說問詩臞西郭梅花玉一株朝日尋常  
照首著春風次第到屠蘇通潮港淺潮田熟捍  
海城高海寇無珍重歲寒門不出催租吏卒競  
喧呼

寄題讀易齋為辛彬甫作

讀盡諸家卜筮書義經日夜卷還舒數椽茅屋



婁江上一樹梅花臘月初童子研硃頻露滴客  
來買卦或潛虛珠璣啖唾琅玕腹何害家無擔  
石儲

王達善母挽詞

阿母穆々林下風生兒彷彿晉阿戎起家讀書  
眼如電閃閱衣冠俱一變三從無違四德全月  
旦有評無間然萱花堂上安且吉分甘抱孫長  
在膝風含夏葛并刀剪雪霑寒筭充厨饌兒能  
苦學夜不眠不勞母作熊胆丸客來治具兒不

乏母勞母剪青絲髮升堂拜母環佩鏘慈顏怡  
愉春滿堂希年厚福有如此千萬人中能有幾  
兵餘重見太平時蓋棺應喜得全歸諄々有命  
提兒耳不以浮屠廢喪禮素車白馬紛如雪閭  
里光輝人共說我歌薤露聊云々宜有張林之  
碑傳後人

塗謠

新年騎竹走兒童兩月甘棠慰名公大誥奉揚  
天子命崇文絕與昔賢同閭閻四邑歌謠喜因



國羣縹剖決空魯泮芹香沾教雨孔壇花暖鼓  
春風投膠澄水真難事覆簣為山必奏功早晚  
璽書嘉政績東閔劍井氣如虹

和王有恒野步

芳草青、路欲迷白頭有客共扶藜吳田半沒  
桃花水辜負春風布穀啼

其二

雨、風、一夜春惜花愁殺少年人青山不管  
人間事也學吳姬翠黛顰

和王有恒見贈

客來欲與問天翁鳧鶴奚為脰不同一代衣冠  
更變後五湖風月笑談中脫巾洒洒留知己擊  
節哦詩和送窮窓下小桃嬌欲語錯教童子喚  
紅、

糟丘作為鮑思文

諸公搢、管菟裘何如將老吾糟丘盃餘勦睡  
儘落魄堂上肉食從伊優酒泉不作二千石醉  
鄉宜封萬戶侯幕天席地燭明月日與麴生同



宴遊

攬翠軒

昔人車載蒲萄酒區、為覓西涼守山川信美  
得專城能有幾時權在手何如白駒在空谷四  
山空翠皆吾有非烟非霧非塵氛鬱鬱蔥蔥藹  
林藪兩間清氣相渾融若有人斟西柄斗繫我  
南州高士孫說項求詩半年久老夫平生愛蕭  
真一笑相逢敢多口山靈望子早歸來相伴雲  
林猿鶴友朝餐青霞夕沈澹攬翠軒中可兼取

何異商山茹芝叟

王有恒以詩留別有鶯花落老淚之句子  
乃效唐人和意而不和韻送其行解其  
悲兼簡吳中行心友

丈夫不洒離別淚盃酒堪澆磊塊胸勲業連年  
雙鬢雪歸舟此日一帆風身居畎畝宜為樂腹  
有詩書未是窮寄語雲間吳處士安將好信慰  
盲翁

苔溪獨釣圖



吳興山水清且妍苕溪之名天下傳鷗鳧相伴  
一釣者風雨不歸三板船駱駝橋上人如蟻看  
花馬去長安市滄浪古調不欲聽苓箬小鮮何  
足睨溪流入湖清接天鳶飛魚樂兩悠然休寧  
掛冠歸故里丹青想像玄真子漁童樵子俱不  
見雨蓑烟笠真乃爾嗟予經鉏老窮簷文章書  
畫愛猶兼茲圖若以文並覘必須一字酬三緘  
家居州縣似新豐不作偷生折臂翁蒲歌尚能

端午

邀客共榴花堪比舞裙紅三年艾老蓬蒿下六  
日蟾遺坎井中世事古來多可笑陶然且卧北  
窓風

窮快活示二子

香風嫋、花滿林花間烏有快活吟吾生天與  
窮快活一鳴可不如春禽憶年十八正月旦薦  
官舡泊西河岸東隣西舍看桃符適然有喜邀  
相見時予練經淚淋漓鶚書不作令待時丁寧  
郡守養寒俊月支學廩供慈闈窮快活從此得



鄉黨州里皆喜色  
啖蔗漸能佳境入  
看花不上長安道  
桃李家山春正好  
馮驩有缺不曾乘  
車食魚鐘鼓考克  
間有子燕雀鳴打  
門無吏雞犬寧阿  
發含笑歸九京遺  
澤使人呼寧馨塞  
翁之馬無得失四  
十年來如一日南  
山石爛莫奈何移  
家東海避兵戈蛇  
無橫道虎入窟隱  
然若有人撓訶入  
吳首謂三讓廟感  
古傷今發長嘯三  
高祠下斥鴳夷蕩  
豆忍覩吳為沼雲  
門先生鉄笛老傾  
蓋相知皆絕倒老  
性尚存薑桂辣不

隨蒲柳秋風掃玉  
山玉泉膠漆足顏  
公智公支許遊墨  
名儒行一年少宅  
我闔閭風雨秋中  
吳偶作鷓鴣穴越  
鳥喧呼來不絕熊  
羣盧殷吳趙許相  
伴滄洲弄明月華  
亭清淚真可聽獨  
憐士衙呼不醒鱸  
魚斫鱠新釀美坐  
客有無盃不停逃  
生十年聊自足不  
知蘇臺有麋鹿大  
明赫々照中天東  
風送我還鄉船昏  
鴉占盡故林樹老  
鶴孤飛無宿處東  
門種瓜官道傍菟  
裘擇隣遷復遷大  
兒橫山薜蘿屋小  
兒東洲稊稗田耕  
桑



汲、養吾老晨昏定省豈舍旃每逢暑月多晝  
眠小窓看竹風冷然風來扇枕竹罄折使人若  
見黃童賢窮快活年近有懷哉古君子鉄面金  
榜客知己宜有報終身竟無策作詩示我子若  
孫勿言儒冠多悞身讀書萬卷百俺低當時老  
社乃云：人生苟不識義理馬牛襟裾真可恥  
銅山餓死黃帽郎莫信有錢能使鬼吾今兩眼  
暗如漆尚喜一襟澄似水曾聞聖人言牧、斃  
方已家僮荷鍤好相隨速埋願與劉伶比黃茅

嶺畔青松宅松聲為我鳴綠綺更莫用伽陀步  
虛污吾耳

寄劉小齋先生

延陵季子耕田處太乙老人藜熖明動筆即攜  
倉頡字著書重草太玄經古苔門巷車無轍脩  
竹堂堦夏亦清一別數年三舍近斗城猶望聚  
文星

簡張履道代蔣以誠作

虛名不托爛柯仙所雪青山十五年一曲樵歌



人未識瑤城江上獨先傳  
客來東里遇炎霜老却瓊林樹一章賴有麟膠  
弦可接焦桐流水發鏗鏘  
雞林近有賈人來不向何樓買襪材坐待春風  
吹鉄笛筆端還有鉄花開

寄宜興教諭

人言陽羨溪山好溪山好處能多少山無猛獸  
水無蛟且喜只今逢盛朝竹姑堪入風土記茶  
歌可比康衢謠黌宮倚長橋高堂鳴誨鼓新除

學官教雨滂坐令岩邑成鄒魯老夫一昨覩星  
鳳別來隔邑遙相望山如研屏空翠濕溪作墨  
池流水香火星西流拂新日尊收行秋掃餘熱  
堂堦滿地落槐花衿佩詵立黃雪鄉無三害  
風俗美賓興名賢天子喜予有一言請試聽丹  
梯拾級徐升地因人勝地必靈邑里草生書  
帶青鄭康成齊令名

思賢錄元末為宋先賢鄒忠公祠墓而作

也洪武壬戌會崑山王仲昭語及之慨



然有鏤板之意後果如其言蘭初意凡  
遇郡守及府教到任各送一部庶有所  
觀感而不失其祭掃之禮焉今蘭于垂  
死之秋追念疇昔乃口占以抒其情  
故人家住千墩麓為儂版刻思賢錄祗緣見說  
道鄉翁傳道程門能慎獨刻書未了謫炎荒寄  
聲龜巢事宜速乃將楮幣折青帙七萬五千錢  
數足不要譽不求福高義景前修遺風振頽俗  
惜哉時無鍾子期聽我焦桐彈此曲

性存真公以南泉鋤斧入天寧大叢社猶  
附庸也龜巢老人作歌以送之歌曰

吾聞西方教無相無住看單提了無碍羣居亦  
同樂大林新法幢天寧古道場屋皆雲半間庭  
各月一方不縛肚上篋不舐瓣頭蜜何以養幼  
軀自種還自喫踏翻生死海坐斷聞思修獨園  
銀杏樹應作石點頭

寄南京僧綱和尚

去年同看中秋月東閣開窓夜賦詩閣下桂花



無恙否秋風又到去年時

八月旦辛易齋書來知耕學袁先生客死

秣陵以詩哭之

吳門山水隔東雷魚雁依然數往來秋晚書題  
霜後橘歲寒詩寄隴頭梅但知抱道貧非病豈  
料生兒有禍胎嗟我淚從枯眼出秋風遙灑鳳  
凰臺

感物

眼昏不見中秋月疑是重陰障碧天眠到夜深

方自省涉雞鳴我枕頭邊

廣寒宮門吳剛斧桂子天香搃浪傳古意正須  
人默識華峯絕頂藕如船

青蠅晝集污衣中白鳴雷鳴夜嗜人安得天教  
生處樂百蟲俱蟄四時春

秋興七首

臺笠朝京天下同楓宸頒賞不論功人才列郡  
三英繁歲事連年百穀豐春鼓鼙喧社日酒  
旗獵舞秋風螭均誰秉春秋筆為祝皇家紀



治隆

涼颼微起早秋初  
炎宇蠅蚊未盡除  
歷代興亡聽燕子  
幾家慈孝學烏鴉  
雖面皮寧受人  
唾頭髮還教日  
梳堪笑六經俱忘却  
夢中猶讀啓蒙書

大暑方徂火始流  
絺衣遽易木棉裘  
穿林木落風猶怒  
破屋茅飛雨未休  
虎豹有闕冠九豸  
華夷一統佩無牛  
願言耕鑿終吾老  
瓦釜邊擊壤謳

疇昔愁聞爛石歌  
又愁無地避干戈  
如今喜有河清頌  
更喜橫山得薜蘿  
旅雁帶人家信至  
霜楓似我老顏酡  
紛紅紫時為貴老  
圃黃花變易多

矮窻兀坐懶抬頭  
劍氣依然射斗牛  
石作文人渠自拜  
木稱居士我何求  
看花儘有長安馬  
橫渡渾無野水舟  
尊酒欲論今古事  
叔牙何日過林丘  
丘意

橙搗金齏紫蟹烹  
客車投轄坐飛觥  
一時酒興



兼詩興半夜風聲雜雨聲人事盡隨高下手世  
情多作短長檠賣薪童子歸來晚但說街頭酒  
價平

花巢老我六藏龜幸爾餘生際盛時九土方興  
歸禹貢三農風物在幽詩蝸粘壁上涎何竭草  
出山中志不移獨有緇黃畏羈束遷居城郭半  
攢眉

周可大新充糧長

千里長江萬斛船飛芻挽粟上青天田家歲晚

柴門閉熟讀天朝大誥篇  
租吏無勞夜打門桃源風景烈塘村好將壞擊  
歌中意寫作丹青獻至尊

初度言懷併序

昔人以大塊勞我以生佚以老息以死今吾  
勞且佚者三萬餘息之宜矣

天教兩目電無光百物無勞覩短長大塊今朝  
能息我奚奴便作輓歌郎

二周詩併序



橫山謝老過烈塘而作感今思昔掛一漏萬  
以元吉可大為周之白眉使先過目轉示  
族人大意念先世一丘之土望為保障至  
如吾族之微意在言外聞之者亦必有感  
于斯時洪武二十四年十二月初日也

東西二周烈塘曲世與吾家鼎三足東周阿婆  
吾女兄西周阿婆吾女叔百年世事一再變遷  
鶴歸來無處宿蝦蟇之陵依然存烟慘雲悽寒  
篠綠吾祖汝曹尊外翁教塚纍：列昭穆年：

梨雪落清明藐予來作孤猿哭宗周奕葉半憔悴  
暹蕭條渭陽族東枝只今春意多西枝亦復  
花如簇有能銜土學義鳥無患觸松來野鹿篤  
親苟不負前言高義真堪振頽俗莫言古道獨  
難行天將照汝光明燭

示二子

自烈塘還橫山而作也曾子曰人之將死其  
言也善吾於此亦云

義皇未造書契先二五渾淪無可甄勲華繼義



立人極三代典禮日星懸人之有生必有死養  
生送死埋宜然一從揚墨至明釋異端邪說多  
乖愆我生賴以讀書力破浪帆我中流船蒼得  
頭荷鍾日隨我死即埋我橫山前母勞沙門送  
作佛母勞羽客送登仙漆燈不必照長夜宰樹  
不必纏紙錢椒漿或酌寒食雨麥飯或洒清明  
烟謝莊西頭烈塘口高曾伯禰上留田年來岸  
谷復變改瓜瓞幸爾猶綿微如豺獺知報本  
汝曹慎毋忘所天

賀西傳和尚為僧司副綱

大鈞巍立人極緇流亦須方寸赤選佛場中  
選厥官提挈網維揮判筆龜巢老人盲且瘖刮  
眼欲覓黃金篋黃河水清一快覩更看跡羅開  
盛時

崑山辛彬甫夏初以人才見上奉旨

還家教諸生讀大誥限以十二月五日  
師生赴御前試讀如期而往受賞而歸  
蘭甚以為喜作是詩賀之



白袍鵠立筵鷓行青佩鳧趨被寵光大誥三編  
建瓶水春風兩袖御爐香賜金堪比燕臺聘抱  
玉仍歸卜匱藏試看明年書帶草崑山多似鄭  
公鄉

長洲劉衡來云無錫徐伯樞縣丞重過行  
慶院有詩題壁予乃次韵留別併寄題

膠山幽居各一首

朝陽寫鳳失巢時偶集叢林枳棘枝坐客一壇  
曾吐酒過橋三笑共哦詩長洲茂苑多年別野

水孤舟到處移重掬清流弄明月秋風禪榻鬢  
絲垂

西日長安多看花東膠故丘今種瓜問奇每却  
人送酒養老喜有兒當家一襟清氣比肩少七  
言長詩適興賒暖香不熱古銅鼎雪梅應作老  
春花

送丁敬止携室人奉母往西泠乃翁寓所  
完聚

風雨舟車涉路難爺娘妻子聚團圓七千里外



素蓬老十二時中菽水惟楊柳小詞聊送別蒲  
荀斗酒莫求官過庭煩說龜巢老新結松蘿亦  
問安

代簡陳子章先生

屋山日高三丈餘盲翁負暄頭不梳客來長揖  
道傳語宛丘先生今寄書開卷為我一再讀

雞壇軟血闔閭城三十六年如  
信宿象賢無人固可吁玉潤之婿亦可娛韓子  
文章妙天下李漢掇拾無遺珠嗟予經鉏付中

子書田未熟身先萎孫枝一剪一飄零戎服西  
川八千里阿翁張々無所之况聞路難多蒺藜  
閉門縮首如凍龜墮甑不顧人從唾大兒力田  
供菽水小兒烝嘗伯為禰此身幸無寒與飢祇  
欲全歸未能爾每憶梁溪邂逅時買花載酒留  
人嬉元龍豪氣除未盡傷春猶賦杜鵑詩一別  
十年今若此々去浮生知有幾車輪從教生四  
角是非毋勞辨三耳峩々陽山烟樹綠皎々白  
駒在空谷太湖流水清于玉雲影天光常在目



焦桐絲斷麟膠續彈我風雲詠歸曲詩筒不時  
頻往復要見珠璣咳唾琅玕腹彼此相看如鮑  
叔

和鄒士文與陳子莊會飲

不談黃老不談僧不憶鱸魚似季鷹行到古人  
清絕處令人能有幾人曾

水獺氈帽為曹元度作

蠻溪水獺雪毛氈帽屋蒙戎載渾天濡首墨池  
頻脫去不妨草聖繼張顛

林塘幽為鄒士文賦

林塘幽在何許梁溪之東五十里宛若浣花流  
水西頭住滄洲繚繞白鷗沙青山隔斷紅塵路  
幽棲人似鹿門龐耕耘特欠妻孥助清時固難  
遇生處聊自樂閭巷絕車馬堦庭可羅雀芳草  
不教鋤曩下焦桐亦高閣排衙不聞官舍鼓抱  
關那知兵戍析催科吏不打吾門知吾家無田  
負郭穿窬盜不入吾室知吾帑無金可摸烏衣  
喜得客安居黃耳且無家信惡愛詩愛酒愛親



朋此外物情俱澹泊鄉來無錫山中泉潺湲日  
夜流青鉛三吳化作百戰地草木血腥人亦然  
殘山剩水木落寞地因人勝佳名傳老夫獨恨  
傾蓋晚枕書方作邊韶眠清晨曹劌過空谷一  
鼓撼我龜巢冷時余春秋九十有六年訪人懶  
山陰船卧遊賦此林塘篇

謝府學教授縣學沈訓導見訪

杏壇遺曲三千齡彈與龜巢老子聽賴有青松  
知曲意掀髯為我舞階庭

壩橋詩客塞驢渡同策吟鞭過薜蘿老病送迎  
門不出楊花飛雪奈寒何

別後數日知途中值雨再此謝不能固留

鄰家借酒過墻頭楓火新鑽且易裘風雨不留  
佳客住青山應為老夫羞一瓊冷煖忘木榻四  
月清和宜麥秋珍重沈腰圍草帶先鞭何日上  
瀛洲

詠懷詩奉府縣訓導

早年豪氣慕元龍人日窮途作詞宗夢斷春風



金駮衷情鍾秋水玉芙蓉春秋魚魯渾多悞河  
洛圖書豈易逢四海白頭兄弟少懷哉礪庶有  
青松

寄樵海教授老先生洎諸故人

室移懸罄三家墅身作爬沙六月蟾生死固知  
天已定盲聾可奈日相兼桃花笑我頻辭酒燕  
子嗔人不捲簾吳下友朋春夢裡休官多喜似  
陶潛

寄集公詢公二講主

吾聞西方教：人無住著素下一宿去信步恐  
顛錯嘉爾兩尊者高風素相若出世扶法幢功  
成竟忘却掃除煩惱魔洒脫禪律縛不隨法華  
轉亦不觀日落千墩片雲間卧遊當行脚日來  
崑山縣山靈有住客欣然為彈指又見此樓閣  
人皆時乎時吾亦樂其樂老大數年別每憶霞  
上作含吐海潮音因風寄寥廓

寄陳明遠兄弟

先世多遺澤清風並絕塵門前馳驛路林下讀



書人龍潭靈秋古牛臺佛樹新  
盲翁飛不去徒憶外家親

懷辛至善

通江橋下別小海醉中聽玩世頭俱白  
逢人眼共青溪山三舍隔風雨  
百花零賴有忘憂物干錢一巨瓶

素醜酬

楚江萍寔本烏有童謠浪出詞人口  
社園菜根非不佳老饕可奈無齒牙  
世傳淮南豈為腐山

僧野人嘗厭飫誰信窮居寂寞濱  
街頭買來如八珍金莖無露玉無髓  
眼前蔑物堪為比吾兒捧持供老親  
乳姑何異唐夫人我非曾哲嗜羊棗  
樂與曾元同一飽淡而不厭知者誰  
中庸君子古來稀腐兮腐兮能養老  
濟世之功不為小淮南此術昔未傳  
食貨志中斯闕然前時雍公贊三德  
我亦題詩三太息易名今號素醜酬  
質諸庖丁易牙僉曰都

次韵荅臧尚迪先生見贈



延陵野唱風吹去曲誤誰知願且聽湖海卧遊  
春晝靜一簾花雨集中庭  
生兒喜有凌雲志補屋能牽帶雨蘿春水自流  
魚自樂笑人濠上說無何

又答毛伯尚

白石南山無復爛朱絃流水正堪聽斗城東斗  
柴索里書屋三間草一庭  
嘉木天生古橋枝故山月照舊藤蘿壽觥頻捧  
梨花酒莫問東欄事若何

憶昔行

憶昔父子生別離濠梁流血人正苦一聲哭斷  
九迴腸化作瘴烟生阿堵當時見而知者誰西  
門橋畔柳攢眉從茲失却岩下電欲送孤鴻烟  
瘴迷天教兒歸養郎罷一語不聞相慰藉有時  
摸索案頭書手澤未乾多羽化去年秋初至今  
日白日青天暗如膝下床寸步莫能移飲食不  
分朝與夕蒼天蒼天宜蒙見憐早入鬼錄如令  
登仙區、有一語請與親朋言生兒可愛儘教



愛留取眼光終暮年

揚文靖公祠堂詩

立雪程門道學傳東南  
瓜瓞遂綿、置身方到  
賢闕地隻手將扶把國天  
豺虎跳梁非偶爾  
鳶魚飛躍自悠然  
常州舊宅今焦土  
宜有烝嘗似昔年

送垣戍蜀屯所

七千餘里孫屯田  
九十六歲翁  
勉旃人心堅與  
鉄石比大眼明如日月  
懸赤甲山川皆勝境  
黃

雲隴畝正豐年  
漆燈照我青松宅  
別後全歸日晏然

即事簡臧尚迪毛伯尚

噫於戲痴翁百拙  
盲兩眸好古之人  
念不休  
瞻言文靖祠舊在  
城東頭素田為海  
岸為谷祠亦化作  
濟河伐楚之焚舟  
文靖早從伊洛遊  
伊洛一派東南流  
時方薦賢拔其尤  
遽從天上落常州  
至今羨墻間儀刑  
見前修移文宜托  
北山靈作室祀我  
東家丘二人同厥  
心眾毛成此表冠



冤斯文黼黻皇猷先生劍井冲斗牛照人駿奔  
頻藻羞鳳弓鳳弓兩悠、一鳴三千秋昔聞吳  
興沈東林隱居收書散黃金長洲同姓今好古  
散金收書同厥心老夫書痴年近百尚欲傍蒐  
二三策客來說項似楊源又說識韓如李白孫  
枝璀璨珊瑚樹襟度汪洋雲夢澤區、辦香客  
懷去借書數篇謄竹素高人若問欲何為欲使  
迷途人快覩天倫道在科斗編朝聞夕死勝登  
仙譬若丹梯借我升華巔太羈移來鄉井傳飢

渴可療疾可痊羈絲織縑顏色鮮孤寒搃得衣  
褊褊客歸為我謝一言陰德濟人知者天

寄呈崑山縣學訓導

崑山學舍玉峯前玉氣氤氳暖坐擅絃誦聲中  
和樂意浴沂童冠莫春天  
一株銀杏倚齋廬長夏清風喜穆如試問西湖  
林處士梅花誰與歲寒居  
鄰架牙籤古典多素公鉄硯少年磨借書莫笑  
人痴絕屹、編蒲老薜蘿



屯田歌

衣布襦食菑畬服勤犁與耜三餘涉獵兵農書  
惜居諸範馳驅秋、渥洼千里駒時來躡雲衢  
道旁語

盲翁坐南簷炙背日將午兩耳未全聾猶聞道  
旁語一言賢郡守愛民若慈父一言江陰丞心  
若秦鏡古鮑老本郎當不覺舞兩袖安得普天  
下州縣皆樂土人無笑中刀物無射工弩不憂  
歲年晚不畏冰雪苦春從天上来百草沐膏雨

新：堂

倚欵隱君子城市山林靜方寸秉彝天有若古  
秦鏡妍媸照人面肝胆見人病朝、頻拂拭塵  
尾犀角柄秋風塵自多不到靈臺境湯盤九字  
銘宜加日三省

椿萱堂

將軍大樹從錦纏高堂椿萱香藹然昔椿壽閱  
八千歲今萱德薰三百篇分甘穉孫逸膝下承  
歡萊子舞堦前雙親之樂有如此虎頭當作畫



圖傳

上李太守

龜山先生之學伊洛傳道鄉先生與比肩鯨魚  
慎獨各有省同在中庸書一篇後來出處固不  
同晚復同此終餘年當人州時買田宅揚乃宅  
居鄒瞻田百年世變厄兵燹宅為焦土田荒烟  
府公去春下車日蘭以缺典曾敷宣還家薦欲  
去專對目盲耳聾身莫前願言一祠尊兩賢  
存若魯靈光然斧工毋勞巧節稅畫史亦勿丹

青妍漏湖挹水注纍爵泮池采藻供豆籩風行  
四邑草必偃績成三考蒲無鞭斯之熾而昌劔  
井光燭天瑤琴斷絃續金榜三魁懸甘棠遺愛  
歲百千不須龜硃石立如峴嶺邦人去思肝胆  
鏤

老蚕

蚕老不眠食日夜作繭忙蜨成上縹車雪色藕  
絲香垂衣美黻冕在上供皇王衣被普天下其  
功寔難量蜘蛛巧如之結網能高張螻蛄可欺



者羅致日充腸予生勉績學歲閱九十霜為  
不為蛛賦善賴彼蒼雖無黃絹辭斐然成厥章  
小則効禪補大以係綱常制度苟無違尺短寸  
有長願言後之人緒餘毋或忘

負暄

峩、芳茂山為山遮朔風南陸日果、南簷暖  
融、盤飧豆粥軟箕踞藁席重追思古義皇首  
出開鴻蒙宮居食而衣生民藉軒農勲華教明  
倫三代禮樂隆尼山集大成斯文萬世宗蘭也

幸知此不與禽獸同年紀近百歲心猶四通  
三字四字句經訓授蒙童七言五言詩大音鳴  
寸衷時無雜窠兒自號龜巢翁負暄樂如此人  
言少如儂亦自知足作詩謝天公

代簡高彥述

長安道上人如蟻恬澹齋中香自凝金匱早傳  
先世業玉樞誰授道家經梅花立雪應含笑麴  
蘖流霞可解醒莫訝盲翁詩永訣又從追蠶一  
撞筵



懷唐蘿屋

烏石岡頭送上船黃楊厄閨又三年烟蘿小隱  
三家豎霜稻豐收負郭田置酒待賓常擊缶買  
書教子不論錢盲翁恨不能飛去永別歸來赴  
九泉

和遊大林庵韻

石頭數里橫山路丹井多年羽土家聖代重開  
新宇宙禪林乃易舊烟霞沿堦細草龜毛綠護  
竹疎籬象斜更有庭前松柏樹潮音也似學眼

楞伽

送秦文仲教諭歸老崑山縣

盛代垂新統斯文續斷絃青山漂陽縣白首廣  
文壇唾視鉛刀鈍心持鉄硯堅蓬麻扶盡直茅  
茹拔相連頌印恩殊重明倫教欲專諸生皆鼓  
篋三物屢興賢美績經三考英聲徹九天晚成  
真大噐幽谷必

命以菟裘老榮于書

錦還黃河清有日白石爛多年齒德身兼備文



龜巢藁卷之七

章世自傳本來天下士且作地行仙鷗社詩盟  
在鱸魚所贈鮮寄聲袁處士雙璧喜俱全

龜巢藁卷之七終

118

118

國家圖書館, NATIONAL CENTRAL LIBRARY, TAIWAN, R.O.C.





龜巢藁卷之八

詩

寄徐伯樞

東膠山人不出村南州高士之裔孫十年曾作  
蝼蟻夢四壁祗有莓苔痕松分女蘿補茅屋  
引乳泉澆藥園別來幾度屋梁月顏色宛然清  
且溫

寄丹陽孫秀民

翩、白雁秋風涼紛、白蘋秋水香官河兩堰

國家圖書館, NATIONAL CENTRAL LIBRARY, TAIWAN, R.O.C.





隔三舍旅次一違今十霜  
菱茨練湖秋大熟莓  
苔劍并夜無光故人知我老  
痴不年似伏生書  
盡忘

懷京口俞伯鎮

鉄甕新城舊隱居江山勝槩  
畫圖如五條街口  
多輿馬萬卷書中老蠹魚道  
合不妨鄉土異情  
親可奈信音疏杜鵑花與人  
俱好珍重題詩一  
寄子

洪武乙丑秋新鄭縣學以通經薦吾孫塏

移文本縣徵赴吏部塏于六經有望洋  
之嘆且欲辭而不可得予以孔孟之書  
列乎九經塏嘗受業故臨別示此數語  
畧之

猗與古聖賢遺言存簡編孝經及論語孟子書  
七篇載道繼六經煌煌日星懸斯文覺斯民千  
有五百年汝生家辟兵九經失青瑣借書二三  
策教汝朝暮間大哉孔孟學曾以管窺天還鄉  
願卒業奈汝多屯遭竭來誰薦鶚通經乃虛傳



往執詣春官從寔吐肺肝絲麻雜管蒯博采豈  
舍旃天恩朝惠寬茅拔茹或連立身報君親慎  
勿違聖言

送楊景子以通經薦舉之京

亭：青玉桐孤生秀林中雨露得所養歲月亦  
已深良工拔竒才猷作義皇琴繫以朱絲絃鼓  
之丹鳳吟八風宣九垓令人格非心鄭衛化韶  
護太和無古今吾將洗吾耳朝夕聆遺音

和景子韻冬至

隱：鐘聲出景陽楊生望闕賀忙勲名有日印  
如斗舞蹈今朝靴滿霜咫尺天顏春色喜輪囷  
雲物瑞光長賜錢張晏宸恩厚一舉真堪累十  
觴朝

冬至後五日承郡齋文會翼日賢長史置

醴款洽且有贈言次韻奉酬并謝不敏

文章太守誰同樂幕府賓僚如李郭坎蛙誰信  
有竒逢鼓吹敢隨東海若枯腸喜得酒一澆枵  
腹毋勞篋三縛獨憐澗底老孤松春風膏雨徒



優渥

初度作

重光之冬湯餅作客孟光相對頭俱白吾兒樵  
雪晚歸來担頭還帶詩三百詩歌熾艾壽觴舉  
呼宦堦前舞瑤翮安知此後境多乖五載家門  
毀隻壁行年今與伏生同兀若枯枝雪霜厄樵  
兒遺孤主黔簿四千里外勞相憶我昔蹉跎四  
方志每見素孤有慚色願言膏雨發孫枝先世  
衣纓復輝赫皇天子余賦亦厚才散如樗壽如

樛高語言聲耳尚聞黑白分明眼猶識四肢百  
骸筋力微頭容與心依舊直响嗟素不學松喬  
逆理偷生正何益曹橫山下青松宅含笑全歸  
待朝夕山餅乳酒如蜜甜苓箸寒魚鮮可食家  
僮荷鍾且勿忙為我插花且吹笛自今每日從  
歡伯龜巢甕天適吾適斷送予生真上策

卧雲歌為華景彰作

我昔所喜青雲人雲梯登：上星辰餘如風花  
落蒲溷伊人可仰不可親只今老我成枯朽愛



爾岩棲卧雲叟白雲一壑數千畝且無租稅論  
升斗悠、我如雲寂、雲伴我雲出岫吾心初  
無洞門鎖一榻偃仰得自如兩膝屈伸無不可  
布為被非難能我被以雲如白綾木為枕我未  
曾以雲枕頭時曲肱床無上下亦無客別有意  
氣非陳登飛鳶跼、自炎海夜宿總帳清于水  
佳哉叟之所樂者如彼今人古人誰可擬華陽  
陶隱居投簪謝朝市山中作相心未閑剛道怡  
雲豈無愧華山陳處士大笑脫塵屐鳳凰銜書

空往來熟睡雲臺終不起願言學陳母學陶此  
身長與雲逍遙萬松嶺上老禪衲形服雖異同  
清高况有煎茶好泉水活火煎來味無比詩腸  
搜出烟霞語不異不同人共喜老夫耄矣少筋  
力尚欲去着遊山屐細啜月團雲滿甌分卧石  
床雲半席山懷為我一宵傾免使相望兩相憶  
郡侯以蘭行年九十以詩見贈敬次韵歷  
叙平生以鳴謝臆  
延陵野老家業儒舊壁頗有先人書童年愚鈍



不努力涉獵五經多缺如二十而冠三十娶取  
友必端無佞諛春秋四十五十餘髮猶未白顏  
猶朱才如襪線不知恥光範門前曾自譽六七  
八十成潦倒興來尚欲歌吳趨今年九十常晝  
寢誰敢效尤扳宰予雲山萬疊作圖畫松風一  
望鳴笙竽淩眸漸昏耳漸聵面壁寂寞如僧居  
焉知府公持尚齒贈以大篇明月珠老夫得之  
感動渠雀躍拜起不用扶合室稚老俱歡虞  
十一月廿七日得塏口信以詩志喜并記

塏前臨別祝規之意

賣橘人從采石還口傳家信報平安路經湖北  
雖云遠天近雲南不甚寒佐令謹持三尺法尊  
君長秉寸心丹驛橋臨別丁寧語應念貽謀作  
鏡看

自和同前詩于次年正月十三日寄黔陽  
四千里外之官去百丈牽江舸艦安新沐恩波  
從日下舊家門地不冰寒洗心正在詩書澤換  
骨毋勞內外丹新歲僕歸正二月家書細寫阿



翁看

簡陳子章先生

身不封萬戶侯眼不識千金裘深衣幅巾避戈  
予往年零落崑山州兵餘還鄉理西疇臺笠播  
種襤褸收今將蓋棺萬事休但欲服飾如前修  
先生舊衣巾暫尔可借不縫人合古制素願吾  
乃酬飄然長裾泉下遊藍縷免致先人羞生前  
相往來二老亦風流

橫山歌壽萬拙齋

橫山之巔青入雲冠冕一邑無與倫山南風景  
最佳處隱居豈是尋常人此山鍾英三百載素  
封不乏青壇在向來吳下避烟塵恨不移山東  
入海還山喜得無崩騫種玉舊田耕紫烟雲屏  
正設後堂後空翠直灑前塗前觀雲每日烏皮  
几灌園有時龍井水人家雞犬寂無聲宛若桃  
源畫圖裡山中羽人王八百昔日仙宮今佛宅  
丹砂未必駐童顏把酒看山真上策山乎山乎  
德不孤靜而壽者山為徒美哉山禽知此意石



榴上枝呼提壺我歌橫山歌未了拙齋為我開  
懷抱移宮換羽作新聲彈入琵琶歌更好百斛  
葡萄為傾倒

屢年作小詞或詩為萬拙齋壽癸亥夏五

十日子以鄉人嫁禍兒輩往崑山救之

時有詩曰

予懷紫髯翁新作綠楚堂常年初度日嘉賓四  
筵張虛左待老夫酌我九醞觴甥孫舞鵬鶴絲  
竹鳴鳳凰情與酒俱深飲量非洋汪今雨獨不

至應憐走他鄉我馬鞍山絕頂遙相望橫山  
一髮青鬪浦四目黃想像祝眉有如賦高堂壽

留別永懷寺長老暨袁子英余茂本通政

歸吳十載前一宿永懷寺龍鍾今雨來鹿苑廢  
如此佳尔山中入法幢扶欲起清風方丈室白  
日靜如水門迎高詞客問我來何自忘形亦忘  
年相見即相契坐啜趙州茶並隱維摩几爐薰  
清我心乳供便老齒鈎簾看玉峯山色亦為喜  
新知多邂逅咳唾珠玉美白首莫送交獨有子



袁子德星聚叢林草木亦韜（我思古先輩支  
許或可擬兼旬數相過倡和不知幾庭前石榴  
花半落蒼苔地長揖謝山靈歸袂沾空翠

陳德廣知事以自壽之詩見示予以其災  
字韻險不和乃效唐人和意以壽之故

落句如此云

哦松未了險官去徐隨例放閑恩更多父子一經  
傳有自素蓬初度樂如何門裁彭澤先生柳寵  
養山陰道士鵝最喜孟光眉案舉捧觴嬌女把

### 香羅

德廣喜予詩和韻見貽予復答之即三月

二十一日繁霜之異于頷聯書之非虛  
語也

繭紙寫來詩句好雞林傳去古人多  
春如許霜落五更寒奈何留客正須沽綠螳引  
年何必餌金鵝六街車馬紛馳逐自喜蕭齊雀  
可羅

次韻答華以愚見寄



九龍山東舊宅邊一瓢齋裡曲肱眠賢如栗里  
陶元亮開似香山白樂天倡和正須歌白雪丹  
青何必繪凌烟竹林諸阮才俊文會何時共酒  
船多

哀詩

鉄船海上遠移家金斗城中境最佳我昔頻來  
挑竹杖公方新種木蘭花書因教子時常買酒  
欲娛賓夜亦賒春夢一場隨蝶化老夫三嘆立  
鷗沙

東西家

東家賣兒哭幽咽西家鬻妻含淚別形容搥覺  
瘦如柴肝胆那能硬如鉄低田水没大秋租今  
年夏租麥更無妻兒舍我莫恁呼我亦忍飢朝  
暮殂

重午日小酌

青年自是好遊者白首始知行路難一寸芳心  
徒似鉄數莖禿髮不勝冠斃樽偶有菖蒲酒菰  
黍香于首肯盪莫笑貧居輕速客餘生能得幾



團團

五月望日寄江陰陳庠仲

一別半年久相望  
百里間陽春知寡和  
落日見清顏  
醜酒澄江上  
題詩小石灣  
龍鍾還念我時  
復夢追攀

同日寄袁仲徵

申浦水東頭  
悠然客馬周  
焦桐絃白雪  
芳草席滄洲  
昨夜三更雨  
今朝五月秋  
有懷飛不去  
烟樹鬱相繆

曹文質自金壇來云費延年教諭傳語且

知告老而歸  
閑居可喜  
因作此詩代簡  
我思故人松栢  
顏客來寄聲  
蓬藿間鮎堂  
講學竟將老鳩杖  
拜恩今樂開  
清風枕簟五柳宅  
白雲圖西三茅山  
雪舟未得見安道  
乘興豈無詩往還

鄭朝宗教諭以予去冬初度自壽之詩次

韻見貽予復和而贈之

憶昔予為廣陵客  
兩頰丹砂眼青白  
蕃禧觀裡



看瓊花生列羣英杯飲百無何陵谷忽變改塌  
然歛我扶搖翮此花天下更無雙毒手誰焚夜  
光壁先公舊物廣文壇家傳喜得無艱厄抱琴  
來坐杏花壇洋、古操令人憶青壇坐久琴愈  
清君山草木皆愉色老夫今春辱佳句轉眼炎  
曦又隆赫郢斤非不妙彫鏤奈何吾哀腐如櫟  
生平甚愧性聱齷老去偏懷舊知識孤舟野渡  
豈長閑一壺會有千金直合歡盃酒細論文恨  
不能飛見三益江流南涯春申浦海門東入陽

侯宅河鮪江鱸鬪鮮新首啗之盤自朝夕黌舍  
安如廟堂坐脫粟甘于鍾鼎食矜我郊居樂亦  
然朝聽樵歌暮漁笛忘機相與白鷗眠送窮不  
效昌黎伯假令秋至轉飢寒亦不題詩寄高適  
賢哉子淵可矜式陋巷安貧載方策

六月初八日雨晴懷毛伯尚

去年五月涼如秋今年六月寒飈、重陰晝暝  
雨連日田家復恐沉西疇朝來日出溫風起歲  
不薦飢人共喜貧家四壁屋漏痕彷彿篆書千



百字忽憶山中人讀書兩眉白能負仲由米曾  
漂高鳳麥高堂養親侍親側我衣斑爛親喜色  
有如諸父竹林遊彈琴咏詩樽俎席人生此樂  
古人少今乃熊魚兩兼得老夫每問書帶草鄉  
里小兒渾不識但道墨硯池水漲苔衣碧池水  
香思若人兮不能忘長林豐草春茫茫青松礪  
庭含冰霜鯉魚不隨白石爛鳳鳥有時鳴朝陽  
停雲之詩歌未足去蟬為聲相續

哀詩

鶴長鳧短搃非悲聽我山陽笛一吹黃耳再無  
前日信丹心獨有上天知送行南浦成長別歸  
卧東山悞有期吾老未教僮荷鍤劉伶應笑阿  
翁痴

讀大誥作卷歌二首

天語諄、禍福靈風飛雷厲鬼神驚聽掛書牛  
角田頭讀且喜農夫也識丁

其二

一天風雨洗塵昏日月恩光及覆盆雞犬不驚



田舍樂叫囂人不到鄉村

贈陳棲雲

鶴溪之水滿浦分一灣繚繞梅花村窮冬萬木  
凍欲死此花歸若靈光存清如西山采薇孤竹  
子白于華陽洞口嶺頭雲隱居者誰希夷後人  
持一編種樹書戴一幅漉酒巾有時醉飲肱作  
枕有時不醉百事理可與孔公同出羣青鞋布  
襪駿奔走今年早春朝至尊紅雲殿前三舞袖  
歸來滿腹懷絲綸能為公家勤編氓租斛足萬

計雞犬不驚安老親短檠燈火讀大誥喜色夜  
夜燈花新甌婁滿篝秫田熟歲釀百榼醱醱春  
親朋簪盍坐常滿湖鮮日擊豐饗飡胸中不看  
愁半點雲夢八九能鯨吞東隣西舍靜如水夜  
無催科人打門安居樂土有如此何異武陵人  
說桃花源老聃戒止足願言尊所聞濁水膠可  
澄清鏡塵乃昏秋風挂席一相見此意吾將三  
復論

贈周彥美



象賢有子付青氈家住城西綠水邊門柳數株  
同舊日公租萬斛喜豐年試聽濯足滄浪曲應  
笑燃臍郿塢烟朝夕酒盃長在手優游身在飲  
中仙

簡王尚綱

不笑皤然譟九流牽車服賈思悠々醉吟人老  
香山社詩到雞林價重否

贈詹伯遠

西北風高寒露零牽蘿補屋捷柴荆看雲長日

烏皮几夜々教兒讀孝經

示孫塏

龍門一躍去年秋徑着青袍赴遠遊半部魯論  
堪輔世政須忠盡繼前修

其二

黔陽江水不勝清喜得君官濯爾纓秦鏡照人  
肝胆見邑民盡在鏡中行

其三

黑頭勲業志方雄黃耳書歸見面同斷織机中



垂白母抱孫時復倚門東

其四

春雨秋風歲又寒  
翁年近百足蹒跚  
橫山菽粟東洲水  
多在行窩樂考槃

初冬感懷令垣書所居屋壁

在昔陵谷變海上  
十五霜歸棲失故隣  
乃落劍井傍百指  
薙荆棘耰鉏破天荒  
東洲釣月磯橫山  
樵牧場一葦去復來  
十月新稻嘗携幼入  
寢門淒然北風涼  
吾兒婦嫠居吾孫  
官遠方筠籠

鶴何之益菊花自黃  
跛倚赤藤杖終日徒俵

初度茂以為樂杜撰古府三章而令諸孫

誦之老夫聽之比之輓歌者歌蒿莖于

樞前豈不樂哉樂

龜巢老人忘食貧  
歲時強欲娛賓親  
賣琴沽酒作生日  
蹲鴟爛蒸鮭菜新  
承歡幸有斑衣人  
君不見古人云酒杯  
不到劉伶墳杯行  
莫厭貧頻

其二

龜巢老人貌不揚  
觸邪之性如神羊  
生憎巫覡



煽妖妄疾視聃竺隳網常耄無能為龜六藏滄  
浪曲窈窕章有時擊節呼兩郎男兒當自強

其三

龜巢老人年紀多雞皮鶴髮背索馳金丹自古  
無足信鉄硯如今亦不磨坐待蓋棺歸薜蘿春  
有相卷有歌此時不樂成蹉跎殘生有幾何

樵海歌為秦文仲先生作

出山志云遠樵海名非夸老夫素相知高風真  
可嘉早年欲伐廣寒桂增月清輝燭天地又欲

會稽雲夢伐箭竹人無戰閭遭鋒鏃汗青六經  
天下讀此志適蹉跎陵谷成更改青山樵侶集  
如雲一笑飄然東入海任公舊日釣魚處樵屋  
相隣鮫室住扶桑若木有餘薪且喜路無荆棘  
慮水底珊瑚樹亦多尤物不堪開眼覩樵担弛  
樵斧歌濯足滄洲弄明月興來擊節和龍吟唱  
我海樵歌一闕也不學負薪讀書朱買臣也不  
識卧薪嘗胆是何人白螺為杯大如斗青苔席  
地軟如茵有時獨酌爛醉枕柯斧睡到日高三



文猶醺之夢魂不到長安市長安市上多羈旅  
米珠薪桂莫能賒多少伯桃寒餓死孰知海樵  
之樂有如此

寄溧水開福寺長老源別流

客有溧陽雲水僧相逢曾得問南能九重日月  
恩光近一望烟霞道氣增龜紐肘懸新賜印塵  
談語續舊傳燈別來老病常相憶欲覓金篦刮  
兩膏

悼徐孟銘

讀盡軒岐上古書幡然讀律應時需一官再調  
炎州幙二豎交攻瘴海隅賴有故人收白骨歸  
來鄉國瘞黃壚杏林花落紛如雨何樹哀啼五  
尺孤

臘月十六日夜篝燈作兩書言不盡意夜  
半後歌枕對月口占言懷命兒輩錄上  
耕學伯齡元修三先生南澗海萍二誦  
主清真一鍊師暨諸吟友

照天蠟燭徒明月縮地神仙是子虛九十一年



殘臘盡二三百里故人跡詩成唐律傾懷抱書  
託吳儂問起居老我形容多變改依然貧似馬  
相如

任義甫生日作絕句四首以鰥居無子貧  
病為憾予乃以理釋之誠如吾言則不  
必恚天尤人而處之泰然矣

兄有遺孤骨肉親庭堦玉樹一株春駿奔蓮豆  
非無主傳襲箕裘未是貧池有紅鱗堪入饌杯  
浮綠蠟可留人年高已過礪溪老每日惟娛莫

厭頻

贈蔣居士

全家欲學老龐禪木榻蒲團夜不眠誰信室中  
靈照女出門先上渡頭船

贈袁居士

羨牆欲見老瞿曇貝葉書中日夜叅布襪棕鞋  
門不出一盂蔬食勝肥甘

正月既望予奉陪邑長貳置鄉先生之祠  
于學釋菜而歸兒輩謂故人楊澤臞過



訪臨別作長短句貽之子因口占以記  
喜聞邑有絃歌宰哦松之丞更文采翕然敬我  
鄉先生祠置學宮儼如在區、後學尊前賢駿  
奔執籩忘耄年深衣幅巾拜祠下燈月交光星  
滿天扶憊歸來語鄉曲此事真能厚風俗安知  
好客過柴門載穀問字成虛辱吾兒不識冰玉  
壺但言此客從前無醉墨淋漓  
沂雩興  
與曾為徒老夫此興亦不淺尚怯落梅風剪々  
少頃一百五日来蘭皋蕙晦光風轉三山湖頭

舴艋舟百花莊上逍遙遊朝陽碧樹自鳴鳳湖  
海詩盟尋白鷗平生頗恨少知己晚有奇逢寧  
不喜朱絃重繫焦尾桐請為鍾期奏流水

水田歌、農務也郡縣之政租賦為急然  
農乃租賦之所自出可不急乎首言三  
山書所見也一府四縣意在其中當道  
父母官念之芻蕘有詢更當面陳其詳  
以備采擇

三山湖頭白水田頽岸不修年復年田家豈不



憂卒歲十室九空人索然飢腸雷鳴狀如鵲春  
來怕聞啼布殿願言州縣父母官喻令蛇足憐  
夔足古云民事不可緩桃花雨晴春正暖文移  
動若風有報畚鍤如雲集不斷三農畎畝合羣  
力四邑溪山增喜色麟史重書大有年官無負  
租民足食龔黃卓魯政績成一日九遷皆上卿  
天子萬壽黃河清聽我老農歌太平

無錫昇佛像由暨陽而來鳴鑼鼓樹旗蓋  
儀收借侈家室以禍福惑人取粟布無

算東洲任耆老沮之巫不遜被毆且以  
杖塘木偶幾躓而後去隣莊有王氏者  
捷而逐之予聞而喜乃力病援筆書此  
以美任併異其義理之勇云

梁公毀淫祠真是霹靂手胡公能打鬼近代亦  
希有區、辨惑編或有蒙醬甌潦倒東家丘忽  
爾發哮吼老拳毆妖巫拄杖擠木偶西隣一壯  
夫怒挺擊羣醜捐袍偃旗蓋脫網兔疾走時予  
病中聞病去什八九最哉尔東家內省宜勿疚



報本理所崇母落豺獠後一正勝百邪昔賢同  
不朽

題打球圖

擊鞠流風自李唐官家占作狀元郎科場廢盡  
毬場在芳草淒淒幾夕陽

清明後一日邂逅薦福寺長老源公話舊  
論詩意甚相得明日作此詩代簡留別  
貧如南阮甘投老喜得西枝近贊公白足有僧  
聽說法紅梅無閣坐觀空詩成芳草斜陽外道

在殘山剩水中一笑相忘今古意清明時節舞  
雩風

沈德麟母哀詩

怪底吳霜二月繁一朝摧折北堂萱母儀表  
真堪畫吾輩區區豈易言斷織機中多教子分  
甘膝下並呼孫慈顏最有難言處獨立蒼茫日  
暮門

洪武丁卯年詣烈塘祖墳祭掃恐朝暮即  
世子孫不知所葬者為誰且追念墓松



在昔為邑里諸宰木之鬼感愴寫情并  
圖葬穴以示兩子及孫使識之以永其  
孝思其詩曰

百年兩度桑田變三世十阡蒿里同華表前時  
曾駐宦長松何日再蟠龍情鍾寒食蘋繁外淚  
洒春暉草莽中老我客鄉歸不得空勞杜宇喚  
誰儂

次韵答江陰鄭教諭見寄

揚子江南山水奇杏花壇上畫陰遲魯魚亥豕

離經史江蘆河鮑閱歲時兩邑相望三舍地九  
年凡寄數篇詩恨無縮地仙人術把酒論文醉  
不辭

葉道士遊仙詞

海變兮揚塵折若木兮風斤繫扣兮寓世仍  
援宦兮同羣冠切雲兮霞佩雜三秀兮蕭艾從  
喧囂兮萬籟聊遊戲兮方之外混兮和光忽  
蟬蛻兮坳堂凌虛空兮鑠渺茫一瞬息兮三千  
霜吾不知其果何適兮祗死守乎康莊



輓萬拙齋

曹橫山下萬家莊，喬木陰。夏亦涼，法曲琵琶。  
彈缺，撥高堂窈窕，捧瓊漿。素衣忽被青蠅污，赤  
手幾遭猛虎傷。賀客未還來，弔客老夫雙淚洒。  
淋浪。

閏六月廿九日飄風動地自黎明掘起破

屋拔樹衆皆驚懼至夜方息次早余追

念疇昔撫然作歌

三家村裡老詩翁，獨木橋邊一釣蓬。敗壘曾聞

屯狗寨，荒湫猶說是龍宮。勢傾東海前年雨，力  
撼南山昨日風。可羨生來誇壯胆，兩番如阮哭  
途窮。

葛節婦

葛節婦家住崑山陽，芳年二十良人亡。呱呱兩  
兒泣，蘭房一在襁褓。乳口黃塵昏破鏡，無復覩  
孤燈。相伴慰淒涼，霜風自冷木自落。辟纊不知  
秋夜長，重門深閉四壁立。線麻淚濕三年喪，惟  
時率土皆戰場。疇能訓兒知義方，熊丸在筐菴



在囊呼兒叉手立侍旁魯論二十篇孝經十八  
章阿母授讀聲琅琅母不姑息兒能自強從師  
不出鄭公鄉腹笥有書牙頰香朝夕悅親萱草  
堂母今年踰五十霜寂水可懼時且康觀風使  
者恐未知邑有野史揚芬芳玉峯父老來比德  
衛共姜我言共姜無此兩兒郎哲哉此母非尋  
常盍亦作歌與史相激昂

寄清真觀提點余復作

祖餞昔年詩最好客來今兩語玄都步虛壇上

三花樹讀易憲前九節蒲恬養氣同龜息靜清  
修形窄容似鶴形癯儒林老友袁徵士曾道區  
區折簡無

代簡吳中衡

一夢今年一去年兩番相見兩相隣牽蘿補屋  
仍徒壁賣藥修琴又斷絃渴浦夕陽紅樹下淞  
江秋水白鷗邊何當載酒乘秋興來往風流似  
雪船

寄題詹伯遠蘿屋



大車方檻、小隱自寥、門掩牽蘿屋、溪懸挂  
樹瓢、一從滄海變、屢却小山招、渴浦居相近、城  
闈路匪遙、洗心常玩易、忘肉似聞韶、苔徑春風  
掃、瓜田夏雨澆、姓名編令甲、踪跡混漁樵、蝌蚪  
藏書種、蟾蜍作研僚、訓兒燈火夜、飲客歲時朝、  
清白真能守、緇黃不妄交、苟焉田野樂、老此聖  
明朝、寄語青雲士、巢由不見堯

雪中遣興

橫山宦髮翁、小卷龜頭舍、一爐置中央、四壁塗

縫罽晨粥食、近午晝戶閉、如夜舉足手、扶杖縮  
頸頭、蒙帕披木瓢、風靜宜麥大雪下、公家租賦  
畢、農圃犁鋤暇、沽酒黃公壚、分肉陳平社、有時  
聚親戚、談諧弄盃筯、有時呼子孫、舞蹈歌風雅  
舊竹幸平安、孤松正瀟洒、一笑謝梅花、騷無補  
亾者

贈張鍊師名善淵

我昔諦觀韓子詩、春秋書法風雅辭、九流百家  
蘭鮪雜、直筆褒貶非無之、嵩山道士姓張氏、大



篇春容獨稱美嘉乃丹衷獻赤墀欲撻羗夷安  
晉鄙天顏咫尺千里同母氏連環來夢中忠孝  
並存方寸地翩然歸袖舞春風淵今同姓復同  
道親愛又與同懷抱靈修未得一品題蕭苑竟  
混金光草嗟予學韓年近百吟骨冰清頭雪白  
內交豈無黃與緇轉首多成兩塵隔淵乎淵乎  
識道理潮州老僧差可擬敬留衣山靈起舞烟  
霞喜

悼大林庵主日公

三光掣斷駕三車一笈今朝喜到家方外旦評  
喧衆口淤泥藕出白蓮花  
熊耳峯頭有客歸相逢還着舊禪衣五山十刹  
都傳語莫遣閑雲出岫飛  
憶昔雲林訪舊遊空堂六月靜如秋焚香坐說  
西來意門外青山亦點頭  
一住橫山二十年山中木石盡通禪老夫載雪  
重來日誰折梅花送上船

輓無錫王



門無車馬送迎忙身混泥塗寵辱忘  
澆火有時持鼠布濯纓何異在滄浪  
九龍山中下青丘葑雙鯉池中碧  
草香生子賢如黃叔度牛醫千載  
共流芳

感事二首

草暗日欲落山迴路轉賒  
叔敖呼不起誰擊兩頭蛇  
蹊田牛奪去立仗馬令肥  
安得春秋筆公然決是非

邀舒文允小酌

春秋連兩年喜事忽今日佳期  
一百五有菜二十七呼孫貫酒  
尊速客聚圭華風迴落花舞雲  
開遠山出鷓蚌自相持雞虫誰  
得失鄉無月旦評世乏春秋筆  
長揖謝知己永言保貞吉

題秦仲暘雨竹

湘山之陽湘水陰鷓鴣聲雨泠  
泠此君一別知幾載別後素田  
變滄海客來今雨重相看歲寒  
風節依然在餘事不許多感慨中



送徐士方之登州黃縣學教諭

世態趨炎素所憎  
校官應喜冷如水  
絲桐聲續龜山操  
膏火光分海市燈  
大釣六鰲將有兆  
高堂三鱸豈無徵  
寄書黃耳還家日  
莫惜題詩賦剡藤

觀音柳

肉髻珠纓自在身  
何緣化作柳中人  
三眠未足風扶起  
似怯春寒翠黛顰

羅漢松

余子素拙詩至詠物則其拙尤甚故昨效諸

公賦觀音柳俗陋可笑今又羅漢松可配

前題再用出醜蓋欲求刻畫無益變愚為

美勿徒笑其醜云

十八羅漢十八公  
身前身後將母同一行  
九里西湖應供誰家去  
雪中

次韵答鄭玄齡見寄

青年肥遯方求志  
白首貧交獨念予  
開徑掃花僮起早  
敲門看竹客來踈  
匣藏神物蛟龍劍  
架



插古文蝌蚪書風雨一春門不出門前車馬自  
紛如

宿僧房澹泊齋

鐘鳴兩樓風滿天金猊吐盡旃香檀誰知林下  
一宿覺我有石上三生緣

懷郡城諸友

余生篤親友平居數相過老去筋力疲此心尚  
如故年、二三月晴暖入城府舞雩童冠俱所  
樂隨所遇安知今年春十日九風雨甚疑媧石

漏無石可修補一榻高堂眠四壁蝸篆古床頭  
丹首出青苔洒庭戶羣芳狼籍盡未半半紅腐  
我耳未全聾聽之亦良苦賴有二三子時復供  
樽俎或歌竹枝詞或賦梧桐句鏗鏘迭倡和所  
樂勝鐘鼓歸舟挂晴帆快若馳馬去圓天炯青  
銅新漲漲南浦候門童稚奔滄洲舞漚鷺峩  
屋上山厯々山上樹白石喜不爛且無泥滓污  
不見黃初平散卧羊無教尸坐對烟霞神交憶  
支許何時松葉酒薜蘿德星聚瞻彼片雲內援



毫杼情愫

賀太平寺誦主

生公坐擁點頭石野老來聽焦尾琴  
祇樹獨園春又夏雜花千界古猶今  
壁無畫水傳奇跡塔有風鈴作妙音  
安得刮除雙眼膜時倍杖錫一  
追尋

感興

四月初九日自城中抵家得  
前四句後句日始足成之

兩目眇昏耳又聾僅存方寸古秦銅  
忘机自得親鷗侶含琴悅教伏射工  
百越溪山詩枕上四

時風月酒杯中惜春無奈春狼籍  
頻遣蒼頭掃落紅

端午日懷古

五月五日追前賢九歌九章鳴素絃  
蛟人應泣魚腹葬龍伯合贈龜毛  
瓊招魂感舊痛梁壞反騷美新圖  
瓦全楚天盡處卧遊去艤舟酹月羅  
江邊

西塘詩為郭彛倫作

具區北東三十里家住西塘水之涘  
滄洲不浣



軟紅塵一境波光照憲几西塘本無風物奇有  
功于民、稱之早田雷溉數百頃苗無稿死年  
無飢非湫非壑非瀚渤不為蛟螭作窠窟輕舟  
往來快如馬撥棹人如執鞭平東隣西舍雜漁  
樵朝出暮歸歌且謠白紅荷葉紫菱茨萑苕蘋  
蓼蒲蘆菱高齋讀書歲年久鍼經一編常在手  
客來問疾或問奇拄杖挂錢船載酒人生有此  
林塘幽不妨未老先菟裘地因人勝從此始千  
古萬古芳名流

端午後雨阻過詹氏蘿屋即事賦絕句二

首代簡

風打船頭挽不前船回雨點大如拳請看六日  
蟾無用且得爬沙手脚在  
頻溪數家風景幽溪流過門東轉頭黃梅雨少  
麥大熟買布輸官可不憂

人面獸慾元惡也惡不可縱天不可欺故  
作二詩以懲之

人面獸長七尺人衣冠人飲食面有七竅皆人



形猛獸之人心莫測生來害物固不少羣居猶  
自藏牙爪一朝忽欲咬殺人豺麀熊文皆驚倒

其二

人面獸聽吾語一人受害一家苦爺娘妻子令  
失所殘忍胡為至如許人言汝性多陰毒中汝  
毒者悅汝目快汝腹汝心方饜足嗚呼馮婦或  
再生獸乎獸乎勿橫行恢天網布八紘莫道  
網疎可漏天聾盲

追悼諸葛用中

諸端幼年能寫大字既習  
舉子業學琴表子方先生

門之

揚子江南疇曩日呂蒙城裡一文星科場早試  
程朱易玄學旁恭道德經愚與通家心甚赤賢  
能知己眼常青草生書帶人家喜竹作詩筒使  
不停看處溪山朝載酒有時雪月夜揚舲卜隣  
晚欲從王翰分席尤加敬管寧一旦陵谷驚變  
改十年兵火苦飄零扣門幾語風敲竹泛宅長  
如雨打萍天上玉樓俄有名月宮娥藥竟無靈  
細君冠佩全貞節先世箕裘祝寧馨名溢東吳



滄海國魂歸北固白雲屏兩家相去百餘里一  
老今踰九十齡聯句每懷吟石鼎聽琴頻夢坐  
分亭柱題應有能言鶴傲踏秋風甚一聽

寄鄧秉文二首

曹橫山下聲叟呂蒙城中放翁何夕舉杯邀月  
中秋鼓柁乘風  
鉄柱碑斲二老壻霄沆瀣三更絕口不談時事  
掀髯聊叙平生

寄陳彰遠明遠兄弟

金牛臺下帶經鉏長鉄無聲食有魚兄弟五人  
雙壁在箕裘三世一廬居中秋明月最端正長  
夜浮雲或卷舒覓得丹梯上天去同將物理問  
何如

寄辛至善

青年即看遠遊鞭白首仍居小市廛寂寞蓬蒿  
三徑在辛勤父子一經傳奔牛堰下水到海射  
虎亭西山挿天我欲抱琴尋戴去中秋相近月  
將圓



寄清微觀周石泉

塵揚滄海廿餘齡幽館羣飛壓瘦亭風掃劫灰  
南土樂天開圖畫北山青丹砂九轉龍蟠玉  
漏三更雀聽經諸葛仙翁呼不起正須金石播  
遺馨

三笑圖

簡寂先生五柳翁襟期適與遠師同過橋相送  
忘相別千古風流一笑中  
風雲雷雨盡四首

芸：萬物生遽廬蓋：元氣索籥吁偃禾拔木  
有未會請君細讀金滕書

漠：開雲淡：容不為蒼狗未從龍直須霖雨  
功成後依舊還山伴赤松

金雷光中霹靂飛殘臣胆落震驚時雲收雨散  
青天出能聽無聲有阿誰

誰挽銀河沃太空思沾赤地洗蟻：陰陽燮理  
天家喜都在丹青筆意中

野雲歌為主元一羽士作



山中之雲歛踪跡空谷深藏伴泉石收龍之雲  
雷電俱四方行雨勞馳驅飄然一片雲在野看  
來最是悠々者或舒或卷無朝夕南北東西隨  
所適道人含笑松下坐我即是雲々即我

買臣讀書圖

噫子會稽守素行何卓絕承樵工或餘誦讀聲  
不輟青柴担頭春赤脚林下雪富貴知有時妻  
子從改節高風一如此後世誰可埒吾將訪遺  
蹤更得探禹穴

薦福寺紅梅詩

紅梅閣事見毘陵志等書庚溪詩話載程致  
道詩有春風日浩蕩醉色回冰肌之句元  
末兵燬今本山釋源公竺淵恢復舊刹重  
植茲花丐予詩記之

紅梅閣下梅花樹陵谷變時風拔去堯峯老禪  
歸故山覓得孤根栽舊處年々春到花節時一  
株玉出臙脂雪春風笑面歲寒心光塵混融風  
韻別老禪道眼忘妍醜品題假我扶犁手黃州



定慧海棠花可與齊名傳不朽月香水影象王  
宮雜花世界將毋同幾度拈花有人笑吾將請  
問瞿曇翁

源竺淵以道西傳等和予詩亦蒙見贈予

因復次韻酬之

支許論交世所欽昌黎亦聽穎師琴深山大澤  
多遺逸明月清風無古今閣下梅花挑杏色庭  
前松栢海潮音寫容代有丹青筆電目誰能一  
照青

獨孤公檜詩

唐獨孤憲公為常州刺史時有手植之檜今  
見諸郡志等書元末樹毀于兵至此二十  
餘年為州民者宜再植以寓思賢之意况  
周有鍊師為松菊主者予率尔口占呈乞  
諸縉紳先生更唱迭和相與贊成亦庶乎  
厚風俗云

憶年十五六好古尊前賢初聞獨孤檜快覩曾  
爭先蒼然一株枿舊根皴皮錯節枝葉蕃適逢



夜雨半身濕疑是往年甘露痕孔明廟前柏相  
似乃在陳司徒廟之後園向來陵谷忽變改作  
作劫灰飛入海神焦鬼爛救不得桐鄉自此無  
光彩幸存一曲欄杆石題云姓氏留遺跡石苔  
爛斑土花碧相伴銅駝卧荆棘予按海上避兵  
歸幾度摩挲長太息懷哉古之人好賢意無窮  
咏甘棠愛召伯賦棗竹美武公憲公此樹堪比  
隆後人寧不仰高風玄都道士桃千樹一擗區  
區豈難錯龍鍾野老及羣英亦愧因循坐遲暮

檜乎檜乎重培植風枝相樛霜幹直邦人具瞻  
仰遺德見樹猶如見顏色六百二十五年如一  
日

題牽牛圖為丁學古作

不放桃林不飲池牧童牽去意如何南山石爛  
今非昔窳庶無勞扣角歌

題鷺鷥便面為丁學古作

潦倒滄洲客蕭條白鷺詩牧之呼不起此意少  
人知



出門

老去多懷舊興來時坐馳出門窮鬼笑罄室少  
人知野飯新菰米詩囊古竹枝諸孫溪上別矧  
矧問歸期

題僧房澹泊軒

我愛澹泊軒山居城市中雲分半間許雨溜四  
壁同風林金石聲道人冰雪容澹然味無味泊  
然空不空露坐點頭石雪立摩頂松吾徒幸相  
與吾道喜不窮一笑兩忘言落花舞迴風

江山漁樂圖

數口妻兒網一張船為家舍水為鄉江南江北  
山如面款乃艖中送夕陽

崑山王有恒以詩書附常州天寧寺長老  
寶公問予近况作詩答之併索諸友賦  
重植獨孤公檜詩

客從笠澤來常郡書到橫山問老夫哭子哭孫  
家已破賣書賣劍酒還沽干墩每入龜巢夢十  
月應開獸炭爐支許舊煩寄語肯題唐檜和遊



巴歛

黃林屋許贈皂布不至戲作此索之  
嚴霜倒蓮葉龜巢寒縮首欲裹縮布巾并簷瓦  
盆酒此酒今已熟此中曾製否抱膝梁父吟炙  
背坐南牖老况知音誰橫林隱叟

贈天寧寶滄海

臨濟雲初幾代孫猊床說法象龍奔庭前銀杏  
西來意陌上銅駝東郭門四海共沾新雨露一  
舟能沂古淵源留衣人遠衣何在別有加黎遺

後昆

悼城西周彥美二首

七十六年事梨花夢裡春家傳三代禮身作兩  
朝人負郭田園樂連雲第宅新

麒麟

三槐堂上客 最青春吐酒常憐我奕碁多  
勝人 竟作白頭新醜酒橋玄墓潛  
然為泣麟



龜巢藁卷之八

早

龜巢藁卷之八終

國家圖書館, NATIONAL CENTRAL LIBRARY, TAIWAN, R.O.C



研究  
室  
藏  
書  
印





龜巢藁卷之九

詩

上錄囚官

澗水沄：其類始夷孰恤株連維 皇念茲曰  
予憲臣風紀是任擇賢貳之 皇命是欽繡衣  
煌：峩薦有章有秩其儀生人之望相彼圜扉  
胥靡孔多滅耳弗戒君子謂何國有著令慮讞  
以時矣風方興輶車載脂緬維而初鍊以成文  
致則有使君明：三木汝加其隱在予嗟爾長

國家圖書館, NATIONAL CENTRAL LIBRARY, TAIWAN, R.O.C.





人相彼爰書相彼爰書吏或並緣若人何辜與  
爾生全既易我心聰以聰汝：則唾寔曾莫我  
以獄無大小我必以情匪予汝私 天子好生  
天子好生息柔爾肌懸象在魏曾汝莫知明  
使君既安且和編人稱平是用作歌 綴

婁曲書堂

汨彼婁水東連于海爰有幽貞居婁之匯番舟  
岸泊婁人紛拏幽貞有子的書厥家晨雞既鳴  
汛掃室堂羞我甘輒奉持趨踰我經我史如耕

如素我服其勞罔敢怠荒黍稌有田魚亦有梁  
味道之腴游藝之場曰父與子欣：樂康其樂  
維何匪人伊天懂：往來誰其語旃

烈婦歌并序

婦周氏吳郡太倉人至正丙申其父以義兵  
元帥貪暴將殺之謀泄而舉家被害帥之  
子悅婦少艾誘為妾不從痛罵而死鄉人  
義而哀之為之搆祠立碑會稽楊公廉夫  
為文且屬江西陳季子索詩以著其事



陳君手持烈婦碑，勸我為作烈婦歌。人生自古孰無死，烈婦之死名不磨。本是東倉小家女，粉黛不施眉自嫵。母憐父惜，忍別離，納婿于家。年許阿爺從軍，氣頗粗，欲殺不義，奔京都。手持芒刃，機不容身，落禍坑。家乃屠綉衣郎君元帥子，少年絕愛，傾城羨。願言攜手與同歸，即免梟首尸。諸市郎君，滿屋堆黃金，安知難買烈婦心。耳邊言逐風，飄過腹內，悲含滄海深。罵聲不絕，郎君怒，馬上揮刀砍頭去。雙鳶羞覩青銅鏡，全

家甘赴黃泉路，娟肌體嬌如雪，烈肝腸堅似鉄。一團冤血注婁江，至今流水聲嗚咽。男兒讀書，裁冠巾，偷生或忍，忘君親。奴顏婢膝，豈朱紫，得不愧此裙釵人。嗚呼，得不愧此裙釵人。

寄倪元鎮

時避兵吳江

詩中有畫，有詩，輞川先生伯仲之襟懷，不著一事，惱姓名。唯恐多人知，竹籜裁冠，晨沐髮，蓮蓬洗硯，晚臨池。數年同飲，淞江水，明月清風，有所思。



淵明采菊圖

晉室之危一木巨支我思古人孤竹夷齊彼薇  
西山我菊東籬薄言采之可以樂飢秋日凄  
卉木具腓匪菊之芳吾將曷歸

倪元鎮過姜江寓舍因偕智愚隱遊姜公

墩得如字

秋暑賈餘勇懷抱方焚如故人江上來風雨與  
之俱遂令沸羹鼎化為寒露壺幽尋陟崇丘飄  
飄素霞裾同遊得名緬吟嘯興不孤大樹倚高

蓋小酌歡有餘三江五湖上羣峯開畫圖我憐  
我鄉土烟塵尚模糊安知艱虞世得此暇日娛  
一笑百慮忘松風奏笙竽

和陳維寅蘇杭懷古各三首

幽尋度香徑遐思倚琴臺烏喙嘗胆日雉妖捧  
心來春風煽穠豔滅國輕于埃  
憑高望海潮白馬還來無一杯弔忠魂江風為  
號呼悲哉抉眼地碧血化苔蕪

丹青讓玉宮松栢季子墓黔黎奉烝嘗春秋幾



霜露胡為今之人無復繼高步  
寶鼎移炎祚降王赴幽都遂令虎林人斯免馬  
邑屠可憐金盞出啼殺稽山烏  
輦路土花碧金門蕊芻閑浮海兩龍馬一去不  
復還蕭條鳳凰嶺過客忍躋攀  
寒樊怕人問威福得專行九重倚師相十年悞  
蒼生銅駝卧天街今雨淚縱橫

和馬公振遣興

馬圖無怪出河遲世事方如理亂絲蓮葉有巢

龜已老竹花無寔鳳仍飢籬邊艇子供垂釣林  
下樵童許看棋首着—盤三文日山妻白首案  
齊眉

顧仲瑛臨濠惠書詞甚忼慨詩以代簡

濠上人來書數行開緘如對語琅玕酒盃已辨  
弓蛇悞葉杵無勞玉兔將少待天公舒老眼騰  
收雲母束歸裝舊家池館花狼藉春水依然綠  
漫塘

丘氏節孝詩



君山削蒼珉江水清若空爾妹生其間山水秀  
所鍾人鳶鳴蹶里桃李正春風楚：繡羅襦娟  
娟玉芙蓉蒼黃走烟塵竟作秋霜蓬浮苴橋海  
壩賴有良人從良人遽永訣跪乳遺兩踵還家  
依二親：舍四壁空龜兔薪水役辛勤机杼工  
十年守孤鐙朝夕滫瀡供娶居親所憐苦志恐  
莫終微言示鳶膠慚憤面發紅鬢髮落霜刀誓  
言死吳淞慈親乃噬臍肝胆照秦銅陵谷一變  
改故鄉歸路通扶携還里居失怙抱哀恫復為

銜土烏埋玉掩斧封服勤奉慈幃愈久情愈隆  
手和熊胆丸課子學業攻其姜栢舟後志節誰  
與同德扶文定公世澤無源窮

祭顧仲瑛

嗚呼玉山翁先世吳右族生逢全盛時當路屢  
推轂辭榮樂蕭散竟蘊石中玉早持萬金產轉  
手授家督不為五嶽遊家園蒔花竹讀書數千  
卷旁覈晡與竺非無酒如澠過客佳乃肅徒見  
駟馬車未若一儒服緇黃絜然者待遇情亦篤



常言性嗜詩雋永過梁肉興來扶雲漢毫端注  
飛瀑詞林采英華琰刻播芬馥詩名滿朝野笑  
傲心自足世故一變更十室九顛覆幽棲綽山  
下人擬王官谷時予逃難來顛顛如病鵠踵門  
通姓字一見已刮目夜飲嘉樹軒明朝盃又續  
高堂桂花秋金釵剪銀燭雙歌掉舫舩洗我愁  
萬斛一留兩月餘坐客常五六寫圖紀觴詠墜  
水亦有曲連床可詩齋清話屢同宿擇隣扃移  
家歲晚安且燠奈何輦鼓聲又若雷震屋妻人

悉驚散我亦猿失木萍漂甫里東賣文如賣卜  
感翁數相遇醜問慰窮感翁亦客攜李遠避賦  
地毒山川鬱相望詩筒時往復陵谷復一變翁  
歸理松菊松菊理未能蒺藜俄困辱子舟傍笠  
澤訪舊宿西熟夜深屏興肆促首話心腹春風  
舊池館荒烟秋草綠 朝廷更化初名役事重  
穆挈家赴臨濠星言去程速送行愧鄒遊口占  
謝龜縮詩去秋復春客來書滿幅念我及兒輩  
舉室蒙記錄自言多疾疚經年在床褥鬱攸屢



驚嚇使我長齋齎尚須手顫定親札寄篇牘安  
知踰月餘遽爾聞不祿初疑傳者謔細問淚盈  
掬嗟予老異鄉知己失鮑叔蕪辭叙疇曩悲吟  
甚于哭神交死如生歆此盃中醪

天寧寺性天之以同袍有不相能者和韻

見示予乃為之解嘲

道人踞猊床說法如趙州奈何鬼三窟不與顏  
一丘風塵瀕洞餘草木凋零秋法幢扶未起法  
鼓鳴未收休本來無住著聊尔小淹留祥麟自

獨角怪鳥從九頭正須羣魔伏乃見吾道優釋  
門第一義坐斷聞思修

秋晚過太平寺塔有懷徽太古禪老作詩

招之

一昨陵谷變九州飛劫灰太平招堤寶地成荒  
丘浮圖巋然在氣勢凌高秋風鈴作梵音終日  
語不休似言老萬回合為故山留竿木本隨身  
把茅堪蓋頭畫沙且成佛况乃願力優老我烟  
霞夜風流繼前修



題杜拾遺像

國破家何在窮途更暮年七歌同谷裡再拜杜  
鵑前胡羯長安滿騎驢短褐穿畫圖憔悴色猶  
足見憂天

遣悶

乾坤如許大老我此江濱無酒可留客青山應  
笑人幅巾方竹杖芳草落花茵賣得長門賦相  
如未是貧

聽雨

客來惟林候漁父鬻舍坐聽三日雨諸生讀書  
喧兩廡商羊飛來立當宇雨聲書聲雜蛙鼓蚓  
歌似亦諧宮呂青苔上階茵生柱敗壁淋漓籀  
文古齋僮不敢開戶牖風撼庭柯嘯飢虎南山  
石爛成糞土天漏誰能為天補去年旱魃走吳  
楚田家什九悲魚釜麥秋一飽方自許莫教又  
作飛蛾舞

雲文閣為鄒伯常賦

光範門前人似蟻君獨幽棲徵不起西窓挂頰



看青山東閣垂簾蕪沉水非烟非露非霞氛欲  
斷欲續何氤氳若有龍眠博山底海嶽清氣噓  
成雲香凝燕寢清晝寂庭竹森如列脩戟白衣  
蒼狗從變改天上人間迥相隔咄哉權門銅臭  
兒臍燈將燃恬不知何當招之入爾室三薰三  
沐聆吾詩復

古鼎歌

蘇州萬壽寺舊藏古銅鼎識者竒之其識有  
周康穆宮冊錫褰用鄭伯姬等語大德中

任陽謝氏欲以王孟易之時住山默翁師  
不從後謝氏為拈佛殿乃予之至正丙申  
謝遭兵鼎因失去甲辰之夏四月愚隱智  
公復得于軍人之手者舊聚觀皆曰我山  
中故物也既而出鼎見示并述其由索詩  
以紀之

碧雲師著金伽黎空王殿前龍象隨當階一卒  
送古鼎狀若獻寶波斯兒羣緇聚觀方丈室中  
有老僧前致詞云是山中舊時物立誦窅識能



無遺文詞佶屈錯盤詰字體隱伏蟠蛟螭蒼姬  
訖籀世屢改不知何代來于斯謝家寶樹修佛  
刹巨構賈與秦城齊鼎兮鼎兮什襲去歲經六  
紀今來歸師聞此語重太息兵火連年炎九域  
金鐘大鏞棄道旁撻若泥沙銷折戟珠歸禪月  
獨無恙護持信有天龍力摩挲兩鉉濕烟霧錯  
落丹青映金碧光如摩尼含五色高比珊瑚長  
一尺嗚呼義軒之鼎莫可求禹鼎亦已淪東周  
世所用者非爾儔或膨豕腹仍包羞調羹爾無

與覆餗爾不憂歸來兮歸來北山兮菟裘汾陰  
自有為時出切莫放光驚斗牛

戲綵堂

宜興主簿許克敬念曾祖法曹公為堂奉母  
夫人馬氏相國馬公廷鸞為大書戲綵二  
字名之至乃翁復巨構以奉其母今克敬  
念斯堂與親俱亡哀思有詩且持卷以求  
紀載按許氏家譜自南唐金紫光祿以下  
擢科第者三十餘人克敬亦洪武進士



南唐世家故軒冕歲久雲初益蕃衍樂平山中  
戲絲堂碧梧釣翰摛華篇當年甲第連青雲過  
庭趨踰俱鳳麟二母高年俱近百兩朝紫誥金  
花新累祠列鼎鳴鐘鼓絲衣褊禮堂上舞架書  
連屋笏滿床折桂多從廣寒府昨來海變桑田  
日四海狼烟暗如漆山中舊宅化焦土孤兒歸  
來淚如雨八珍之味肉臺盤何如啜粟盡親歡  
千金之裘走南北曷若斑衣戲親側肯堂肯楹  
固不難去家千里方居官出門羞見羔跪乳故

篋尚遺熊胆丸老夫知公念親意不為高堂燕  
雀計願言長佩蓼莪詩圭爵崇親繼先世

兵後過季子祠

延陵采地荒榛棘延陵遺廟成瓦礫延陵野老  
歸弔古獨立斜陽長太息塵埃野馬紛滿眼城  
郭人民摠非昔恭惟泰伯吳鼻祖三讓高風冠  
千古周衰列國俱戰爭卓爾雲初踵遐武法國  
躬耕江上田曰附子臧非浪語天倫義重情所  
鍾屹立狂瀾見孤柱此義孰可比採薇西山孤



竹子此情知者誰獲麟老筆十字碑德音寥  
二十載陵谷幾番經交改江南近代淫祠多梁  
公不作可奈何於乎祠堂之毀還可屋禮讓風  
哀較難復漢家兄弟歌布衆唐家兄弟相屠戮  
何當大化一轉轂於變澆漓作淳俗九州八荒  
春穆：泰伯延陵斷絃續芳也未死當刮目

劉龍洲墓在崑山慧聚寺後楊鉄厓偕應  
芳及諸士友弔祭而作

目光如電氣橫秋北望龍沙萬里愁匡主首陳

天下養和我深為國人羞獨園埋骨黃金地上  
界修文白玉樓一代人豪今寂寞春風蘆葉自  
汀洲

送慶德謙知州漕運之京兼簡陳子山

十三萬斛葑田珠 飄南風到直沽天上夔龍  
應為喜海中蛟鱓近來無山林久卧頭垂白雨  
露重承版已朱寄語玉堂陳學士楚狂顛顛老  
東吳

簡淨慈寺顏長老



南屏樓閣照西湖：上雲林勝畫圖丞相頻來  
談般若老碧端坐結跏趺獨園重布黃金地  
樹新栽碧玉株我欲稽山探禹穴木杯堪借渡  
江無

崑山陳伯康築亭山巔楊鉄厓扁曰玉山

高處且為賦詩邀予及郭義仲劉景儀

殷孝伯盧公武同賦

神仙中人鉄笛老為爾玉山隻眼青玉山高處  
拄手板鉄笛醉時園肉屏天生丹穴鳳為石東

望黑洋鯤出溟一代風流有如此齊名西蜀子  
雲亭

小至森遭難勝州  
兩年而回

九年全日悲流落一笑今朝有醪醅兒子歸來  
隻足跣老妻歡喜兩眉開凍雲濃似金壺黑飛  
雪輕于玉管灰咫尺故園兵火隔一枝誰寄臘  
前梅

寄鮑仲孚提舉

風雨蕭、五月涼堦前書帶草應長心傳千古



文章印名重諸公翰墨場官舍看山閑拄笏齋  
居埽地靜然香野夫別後遙相憶一榻青苔兩  
鬢霜

除夕

姑蘇城外小湖邊寂寞僧房借榻眠詩藁寫成  
丁卯集曆頭看盡甲寅年中原喋血人爭地南  
國啼飢水拍天坐起夜深如守歲屋山風雪洒  
寒瓊

楊提學過千墩寓舍示吳淞道中所作出

予次韵酬之

酒湿宮袍逸興多馮夷擊鼓舞蛟鼉一江星月  
光搖動八極風雲氣盪摩不學山陰回雪棹肯  
來林下訪烟蘿陽春白雪知音少為我臨風一  
再歌

西野草堂為儲希崇教授作

南山虎去人無患西野堂成心更幽拄笏朝看  
山氣爽讀書夜聽樹聲秋賢人在坐酒一斗奴  
輩當階摘幾頭想像碧雞坊外路野梅官柳接



林丘

書露筋廟碑後

斷臂孤兒事可悲，露筋孀子死尤奇。  
裙裾不受紅塵污，膏血寧充白鳥飢。  
野燐照人魂斷處，田家妻嫂睡濃時。  
瑤瑰香骨天應惜，鉄石貞心世莫知。  
宿草和烟蘊古塚，幽花帶雨泣叢祠。  
碑存米老春秋筆，詩有歐陽絕妙詞。  
風化寔能裨禮俗，天書宜為表門楣。  
世間多少青雲士，不恤衣冠作夏姬。

冬至即事

一簾紅日雨初晴，客屨駢羅送復迎。  
賀節本非三代禮，隨時且喜一陽生。  
齊奴金谷財為害，楊相冰山勢易傾。  
何似酒盃長在手，青山相對適閑情。

冬至前一夕憶次子林不寐枕上賦詩將成忽其母夢中作聲撼而覺之而喜言夢林烈塘舊居作湯餅畢垣居室事懽甚因用其語為是詩結句云



去年臘月初九日發軔天階又一期鄭核頗聞  
矜佩集歐詞應作送迎詩以無書信來黃耳每  
有親朋問白眉阿母夜來曾夢汝分甘仍在舊  
西枝

送楊純夫歸琴川

杜子客長安行囊本枵然得錢沽酒覓鄭虔不  
嫌官冷寒無氈邇來六百有餘載世道多隨陵  
谷改身為今人心古人清風高誼依然在嗟我  
如鄭貧蒙君愛如杜雖無三絕才枵散頗自喜

一從傾蓋意相得頭髮不知誰白黑衝寒觸熱  
每見過愛我西憲好山色援毫或和龜巢編解  
纓或濯龍泉井常言好古絕類我外物多忤中  
彌堅伍頭甘立矮屋下高論直到羲皇前朝來  
賣得凌雲賦翹生車載來相顧門前尺雪凍不  
消風木吼如虓虎怒宿信傾腹心言欲擊  
舟抵家去呼兒更酌罄餘懽贈別殷勤抒情悃  
我昔居吳年十九君歸煩君訪諸友吳山醉處  
好湖山鄉人來作軟脚局且對春風開口笑街



頭米賤酒亦賤一百青蚨滿隻斗儘判連日醉  
如泥百憂盡付無何有人生窮達各有時阿衡  
元是扶犁手詩書豈徒守章句言行正須傳不  
朽珍重林居慎厥修好音慰我思悠

雪蓬為蔡子堅作

鷓夷船載西施去遺臭五湖烟水路嘉尔吳淞  
雪蓬叟江水曾無尤物污蓬窻洞開天雨花拖  
樓屹立水為柱鵝鴨不驚柔櫓鳴鷗鳧渾在平  
沙聚非熊無夢釣無餌如琴無絃得琴趨虎頭

能為畫漁蓑驢背無勞見詩句潮州阻雪八千  
里抗書直諫曾何補殘瓊嚙雪十九年使節堅  
持亦良苦雪蓬之樂于天雖欲同人、弗取  
獨有山陰王子猷清興頗堪同日語

過顯慶寺

六載重来釋氏家一甌新啜趙州茶杏花風後  
春何冷柏子庭前日未斜拄杖賴能扶潦倒關  
文煩為補楞伽要聽說法頻來往且喜平橋路  
不賒



書潞城樵舍壁

燕子來如舊雨桃花笑為何人竹下青苔不埽  
恐教鶴步生塵  
一室四皆立壁六孫三已歸妻猶喜老菜否在  
不妨矮屋頭位  
拔木狼無跋躑絕糧道阻周流天眼或開或闔  
人心何恣何尤  
凍東凍西農晦巷南巷北人家白露秋香禾黍  
綠雲春靄素麻

劉德祥監稅江州有誤傳其子死者遣人  
回家并寄書吾孫詞甚酸苦予因賦詩  
代簡

九江相去二千里一別于今五六年盡道國容  
恩容告老安知家信有誤傳山連楚尾青天外  
潮落潯陽夕照邊遙想此時公務隙爐峯相對  
思悠然

題趙行素佩韋齋

綠衣翩童壯年佩韋佩觴庭闈前鉄馬紛戰



爭日佩擯佩牛江海邊  
幽蘭紉佩非不好獨醒  
未起欲追前賢竭來佩  
韋不佩弦常以輔我氣  
質偏視韋之緩我之急  
如餌良藥沉痾痊世事  
多因忙後錯緩不及事  
理亦憊不疾不徐發中  
節秉彛庶得全吾天岩  
廊鳴玉似高步江妃解  
珠人浪傳貪帝可笑蘓  
季子佩六國印扶危顛  
何如茅齋但安坐且有  
竹風堪醉眠青山于人  
少知者白雲與我同悠  
然韋乎韋乎心目懸得  
魚吾豈忘吾筌

贈黃仲器

予觀道書謂洞庭山有林屋洞天仲器以避  
兵居之既而過雲間適海上復還常之橫  
林閱歲月三十年距洞庭三百餘里仍以  
林屋自號示不忘也徵予詩故歷叙其遊  
息之概如此云

一目九州皆戰場避兵林屋水中央  
林屋仙人不知處橘井委棄青霞漿  
木奴包金亦致寇人乃隨雲出岩岫  
五湖三泖放孤舟遵海幽尋采



三秀堪與再造隔兩塵故鄉來歸能幾人芙蓉  
湖上大橫峴烟連綠樹橫林春解裝付與箕裘  
子管領春風桃與李幅巾自作逍遙遊別有行  
寓脩竹裡一童出入長相隨款段之馬亦不騎  
林屋別來陵谷移時望白雲猶賦詩膏梁文綉  
俱不喜猶曰愛之心未已堪笑老夫同此心白  
首論交結知己何當呼起李謫仙每飲一斗吟  
百篇殺青盡伐南山竹謄錄好詩娛暮年

悼許君善

谿西老人山澤癯一生祗以詩為娛常言愛詩  
入骨髓好詩抄藏千百紙七言近體尤歡作不  
費工夫細彫削嘔心每笑李家兒牛鬼蛇神何  
足竒老夫初焉未相識數篇不知何處得稠人  
廣衆誦吾言說過于楊巨源一朝傾蓋于墩下  
膠漆相投不相舍西隣假館兩年春買宅移家  
情轉親此時吳門正堅壁張角未死人相食雲  
梯砲作霹靂聲狼烟暗天血滿城吾徒幸若王  
官谷朝夕同吟紫芝曲素田交海間噓吸間死



欲丘首歸橫山暮雲春樹勞遠憶十載詩筒仍  
絡繹重來素梓甚蕭條卷有索租人叫囂骨冷  
九原呼不起一酌薤歌續蒿里嗟哉時俗貴輕  
肥如子愛詩人亦稀

贈王仲昭父子

扁舟入吳空載月閭丘虎丘俱不謁停橈再拜  
范公祠楊花正落祠前雪義田義宅二百年義  
聲洋洋天下傳嗟尔吳之人胡不踐遺蹟貪夫  
婪、昧盈縮前車後車屢顛覆下床兩屣內雙

足奚用領軍鞋一屋我來訪舊無所將贈以范  
公博施之義方家傳更須授賢郎福澤將來未  
渠央吳淞江水長藍謝青母相忘

挽吳逸菴

廓然一襟涵宇宙鍾氣會稽山水秀春秋高似  
伏生年岐伯諸書口傳授浙水西來家屢遷名  
與杏林俱不朽老去居吳抱雙膝四顧狼烟暗  
如漆兒能負米百不憂有酒即呼人共喫常時  
隱几看青山醉則勦、枕琴瑟廿年同飲松江



水通家之交親戚比別來恨無縮地術時復論  
心書一紙只今祗與阿戎談翁在九京呼不起

李明善慈竹軒

吳淞江南益浦曲慈竹軒開薜蘿屋了無花木  
闌紛華一徑波光照猗萊織塵不滓蒼玉叢枝  
枝葉皆清風一年一度冬夏筍冬生其外夏  
其中德哉此竹美如許子母交相禦寒暑嗟哉  
人為萬物靈溫淨幾人能似汝吾知吾友此軒  
居朝夕奉親來板輿母慈子孝默相更喜君子

能威如樹萱堂上分甘樂諸孫錦綉如錦籜家  
僮笑指青琅玕少年喜與俱平安令名亦同干  
古垂咄彼鴟鴞兒人面刁劍腹不學返哺烏頑  
然忘顧復嗚呼吾不知其見此烏兮何面目爾  
何日兮視吾竹

簡湯道原曹子壽

予生頗好古恐兒輩不能繼述敢請二賢良  
相與語之吾兒觸屏煩為警省旦夕稍閑  
煮茶專待



要學劉伶死便埋隨行負鍾欠與臺營生腐草  
光能幾蠟在南柯夢易回一笑預言身後事兩  
賢聊共掌中杯貧居何處堪鋪席流水窓前好  
綠苔

過橫山龍祠作

橫山龍母祠前路人說今年祭龍苦前期邑有  
皂衣來督遣丁夫剪榛莽里胥中有豪家郎搏  
攫如鷹噉如虎編氓一呼六十人棄擲犁鉏行  
或沮十家之甲最可憐背血淋漓遭捶楚囊無

一錢供百需肥脂豕如買烏牯手傾麥斛比珠  
斛剗肉成瘡誰為補胥常大嚼過屠門今乃閭  
閻割鷲股吾聞此語三大息郡邑安知弊如許  
祠官稽古垂令典穆、緝熙由聖主聖心寬仁  
重民食三年兩度蠲租賦天生感孚和氣洽曰  
暘而暘雨而雨報功于龍歲有祭禮若迎猫恩  
更溥龍兮龍兮知不知如此嗟來食應吐

皇恩蠲租詩

洪武庚申天下秋糧欽蒙全免今年壬戌秋



糧夏稅又皆免徵征繇聖恩寬大亘古無  
比故耕稼之民歌謠滿野而某則併以區  
區所聞者作詩以紀盛事

漢紀蠲租半遷書汗竹竒大哉今聖主全以惠  
羣黎量與乾坤合息同雨露垂豐年魚有夢  
詔鳳重來庶富民生遂敦寬俗習移微眚皆  
腹窮士亦揚眉古制成均法新頒釋奠儀雅音  
諧律呂名教浹華夷茅茹今朝拔英髦靡一遺  
八荒仁壽域萬世太平基水有清河日山無爛

石時：雍民睥、年耄我蚩、不作輸芒蟹真  
成曳尾龜倚墻歌此曲擊壤付吾兒

林在新鄭縣學六月公文來取其子視疾

七月初四日壇言別而行付家信外寫

此

一聞汝有河魚疾三宿心如野馬馳遠阻恨無  
人縮地吉占賴有卜信龜眇生稠漆粘隻眼身  
兀枯枝坐有胝預寫蓋棺遺囑去好傳經業佐  
明時



送沈居士同壇往新鄭

二千里外視吾兒重九日前期汝歸坐卧待看  
黃菊縱往來相伴白雲飛郵亭歇處加食飯客  
路涼時早袂衣無限老懷言不盡臨歧目送思  
依

賀袁一泉陳大方新任道紀司官

山中宰相古來有地上仙官今更清夜半先生  
雙劍出秋高氣感九鍾鳴丹霄拱極星辰近黃  
道經天日月明玄札書中多妙理政須獻納佐

隆平

賀聰聞極正心印新任僧綱司官

象法提維付偉人聖皇綸綍今尊：手持正印  
天龍護身著方袍雨露新旭日斗城衙有鼓清  
時漏浦鏡無塵墻東病叟頭如雪也喜曇花並  
得春

贈天寧寺無學長老

報恩扶起法幢未鐘鼓天寧講席開道出語言  
文字外卓然聲價自崔嵬



麻衣疏屨古人風儼葉駢花一掃空八萬四千  
修月手斧斤隨入象王宮

賀府官重修多稼亭

朝家重下蠲租詔郡圃聿修多稼亭一帶金湯  
增氣槩四郊禾黍勝丹青甘棠風作婆娑舞橫  
峴雲開翡翠屏斧斤聲中勸農意爾農豐樂正  
須聽

周節婦詩呈府縣官

馮湖水出白窪溪大江潮來溪口西江潮湖水

接連處節婦姓陳周氏妻良人早世舅姑歿抱  
雛日夜號空閨盡拈奩具易喪具衣有淚血鬢  
無筭績麻絡絲紡且織破窻夜雨風淒孤燈  
照影伴寂寞寒風夜雨聲酸嘶烟塵遠避東入  
海兒方長大能鉏犁時清歸守舊素梓荆布蕭  
瑟茅茨低青絲兩鬢變蒼雪皎如玉樹無纖翳  
前年縣官帖鄉里扶寔上府文可稽老夫近聽  
路旁語聖皇德與唐虞齊天語諄為天下求  
賢悉上青雲梯閭閻未見旌表節門前草沒青



苔溪願言宣聖化郡邑罔俾側陋薰猶迷旌善  
亭中名一題恩同璽書封紫泥佇看俗習接武  
皆麟蹄

再贈衡志道

世俗以甘旨奉養者為孝溫淨定省之禮鮮  
能之今寒區衡氏兄弟三人皆善養其母  
其伯兄志通禮意之勤老而彌篤冬則以  
身溫枕席雖大風雪母不知寒能此一事  
可配古人故作此續前所贈詩以補其闕

云

雞鳴雪屋起居安魚出水池食飲懽最喜兒能  
溫被席慈闈冬盡不知寒

寄馬馱沙陳糧長

老龜獨巢蓮葉秋元龍高居百尺樓長江只隔  
衣帶水佳景宛在蓬萊丘一年時序換新曆四  
海兄弟懷舊遊竹君寫我歲寒意聊折梅花寄  
壘頭

送曹德昇赴批驗茶引所



山無猛獸水無蛟邑里春來樂意饒部集茶商  
新茗籠壚添酒市古溪橋赤心報國年方妙黃  
耳還家路不遙珍重清時用刀筆平陽遺澤豈  
寥々

謝新鄭縣官助葬亡子并以志畧送去

去年孟秋初天旱火雲熱吾孫奔父喪病眼淚  
流血陸行二千里跣踵若跛驚歸來秋盡時黃  
埃滿線經詢言父襄事從頭為細說一衾覆黔  
妻家人影單子喪具百無措宿儲瓶亦竭幸逢

賢縣令賙贈意切：擇木製美棺敦匠夜不輟  
察家同哀傷祭奠豐且潔青々諸佩衿感化重  
禮節是猶風偃草弘綱賴提挈吾知賢令心高  
誼等前哲無錢及元振有則與同列無麥及堯  
夫有則與合轍悲哉吾中子忝放兩眷月春言  
古東里圖經自來缺編蒲載前言辛苦磨硯鉄  
草創十八九放筆成永別手澤存于家歲久恐  
亾滅抄書送琴堂公餘賜披閱韞櫝及黌舍無  
為醬家設會有作家手織錦為補綴姓名蠅附



驥九泉應感悅矧知埋葬恩寧無報銜結老夫  
懷謝言宿地恨無訣殘喘苟朝莫烏能見驥喪  
坐馳仰崧高心聲吐烏咽

述懷

嗟眸半瞎耳全聾年及新豐折臂翁孤陋一  
棲白屋虛靈方寸炯青銅人如禽犢真堪恥家  
有詩書未是窮但願太平田野樂九原高卧聽  
松風

人日和前韵二首

曾聞社酒可治聾押搯分來謝阿翁

唐

龜硯石貴人多佩虎符銅人前出語羞稱好杯  
後為文錯送窮連日昏、如病酒不知春到棟  
花風

林居鶴髮老痴聾彷彿忘機海上翁留客但沽  
隣舍酒鑄錢安用蜀山銅一年春色花無幾千  
古川流水不窮誰謂東家錦衣樹龍顛虎卧夜  
來風

寄南澗海羊二講主



東上西天今幾華南能北秀本同家門前弟子  
齊腰雪案上經文五色霞袖拂古墩行傍柳餅  
分春水生煎茶遙憐文室俱清絕屢夢幽尋適  
興賒

寄張仲安舅甥及邵濟民許叔遠

去年艤棹干墩浦澆酒百倫墳上土伯兮伯兮  
呼不醒仲也愛子仍眼青最喜諸甥多似舅恋  
恋之情無不厚東隣瓜田兼種藥杏林仙人與  
同樂箕山之瓢今貯詩雞林賈人知不知老夫

別來八九月憂患多端鬢添雪負米不歸悲中  
子我猛又鼓酸風起傷春不欲向人言恐人忍  
聽哀號顛最苦雙眸失若電近日看書渾不見  
兀如枯禪壁常面隙有微明潛且眩阿兒呼來  
滌塵硯代筆題詩簡羣彥

無錫華景章以墻東陸先生所序乃祖玉

溪義士之文徵予詩故有此作

猗歎古聖賢飢溺視由己聖賢久不作人多飢  
溺死天曆年中歲薦飢老夫身親耳目知操壺



枕簟委溱壑烏鳶飽食狐狸肥適逢郡縣無良  
吏狎弄文移等兒戲義倉和糶百蠹生殊先民  
救荒意吁嗟玉溪翁高義孰與儔黔敖之粥活  
鄉里立解倒懸危急秋指囷不結當世交易量  
不效前人尤盡令菜色作喜色如渡弱水登蓬  
丘嗟哉玉溪翁往事誰紀述鄉人口碑傳四方  
墻東老手春秋筆老夫知名五十載更喜墻東  
文字在義聲洋溢流至今又閱桑田變滄海天  
生孝孫念厥祖禮樂趨踰繩祖武丈夫不憂無

萬鍾要為顛厓救辛苦

唐君舉輓詞

早年讀律如五經案頭夜照練囊螢學成能展  
四方志當路搢紳俱眼青神州赤縣坐蓮幙贊  
畫雖勞意磅礴青雲拾級步徐徐腰纏不跨揚  
州鶴邯鄲夢斷楊花春素田變海宇宙新歸來  
東陵剪荆棘故侯誰識瓜田人竹林小阮差可  
喜為箕為表奉甘旨青松宅邊紅稻畦白雲亭  
上烏皮几四時花木手自栽客來看花常置醴



有時寂無語蒲團醉逃禪有時曳鳩杖朗誦道  
遙篇得鹿門龐公之安比濟南伏生之年生平  
有如此死去真悠然薤露歌或可鐫此歌便作  
碑銘傳

過無錫口號

客舟無錫道中歸聽唱吳歌淚濕衣奉伯墓田  
耕穀餘偃王祠廟走伊威二三策在遺芳遠千  
百年來舊俗非詩寄瓢齋老詞伯吟邊同為一  
獻歎

題漁樵共話圖

爾樵斫青山爾漁釣滄洲世事百不聞此心兩  
悠悠道旁弛担渚泊舟促膝面語何綢繆想論  
會稽人衣錦或訝桐江棄羊裘人生窮達各有  
分曷不嗒然自作逍遙遊

贈醫士錢伯祥

杏林老仙山澤癯幅巾逍遙曳長裾逢人善作  
青白眼有子能愛黃岐書酒對玉峯傾鑿落丹  
成金鼎養芙蓉蕉桐挂壁斷絃久藥杵聲中樂



有餘

題扇

青山滿眼氣蕭森  
茅屋人家烟樹春  
客星多擲漁竿去  
誰復扁舟釣碧潭

題子昂竹石圖

玉堂歸來鬢欲絲  
漚波亭中清晝遲  
竹君石丈意相得不時為作無聲詩

安：道人歌

僧坊旅宿崑山縣  
夜續安：道人傳似將秦鏡

作斯文道人肝胆都能見  
早年學劍欲有為  
車塵馬足曾馳驅  
蕉隍夢斷竟失鹿  
葑田乃耕東海涯  
安知逃名逃未得  
射弓旌招論觀德  
諸生遊藝集如雲  
儼如風詠從曾哲  
歸來自喜安其安  
一室視同天地寬  
鹿門龐公與同志  
妻子不知行路難  
旁人問我安心訣  
非佛非仙非臆說  
織雲不滓沉寂天  
水湛霜潭照秋月  
家居四壁莓苔青  
柴門雖設晝亦扃  
年來豈獨樂吾樂  
堪與俯仰正清寧  
有時得錢即沽酒  
明月清風作



三友胸澆磊塊去即休不學淳于論石斗嗟我  
碌者婆婆歌無勞赤松遊只在青山寓挂瓢  
樹下踟躕舞歌舞聲繚繞青桐柯羣雄自尔卷  
白波安居之樂奈爾何

遠綠亭為惠聚寺瑞芝年作

道人愛山常目接無復經繙貝多葉碧天任處  
見絕頂蒼石爛來知幾劫清風一洒六合塵須  
彌芥子等法身諦觀有色若無色大地盡作曇  
花春

宿崑山延福菴

葉舟來訪漁樵社蘭若適逢龍象羣屋近玉山  
多潤色林藏寶地絕塵紛玄壇坐到三更月高  
枕眠分半榻雲鐘鼓聲中鳴般若老夫堪笑耳  
無聞

題崑山縣主簿先茔圖

舊衣冠麟角族陰榆柳連鄉曲佳城父祖馮  
鬣封鬱松楸在吾目養親弗及奉庭闈居官  
豈敢懷蕨薇二六時中公務畢三千里外歸心



飛出言不作雌黃口臨事不為高下手琴堂喜  
得佐絃歌俸米支未供俎豆高懷炯如寒露壺  
連步陟彼青雲衢兩莖銜土集義烏更添丹青  
添畫圖遣

題竹枝雀圖

覆車之衆衆喧呼爾獨忘機入畫圖枳棘叢邊  
林有竹一枝何異鳳凰梧

題玉峯書室舍圖為俞彥智作

婁江水接東海洋崑山玉立摩穹蒼江山城邑

美如畫之子卜宅山之陽邯鄲夢斷歸來後詩  
三百篇長在手尚將古疏補虫魚復以今人較  
蚪蚪門前小溪流水清畧杓不通車馬行奚童  
甕汲供茗盃鷗沙席坐尋詩盟才多轉覺讀書  
好春雨庭生書帶草時稱狂客醉鄉遊罔俾四  
明專賀老

題畫魚圖

魚在：藻或在淵同隨波泳游同一天會得莊  
生濠上意畫圖詩史擬難傳



題畫竹顧槌之子作

父作子述為竹傳神筆意古淡靈屏絕塵品題者誰龜巢老人

題雪竹圖

此君立雪清復清老夫見之隻眼明琅玕恐折驚棲鳳三嘯虎頭風欲生

絕句二首寫延福山中客况寄止菴長老  
一榻清風偶借眠白雲長繞枕頭邊客來題遍芭蕉葉我亦留詩謝老禪

風縑交動曙光搖蔬筍分甘到客寮最喜松聲秋瑟瑟月餘忘肉似聞韶

一般春

希夷古高士詩言一般春以詩謚攸居夫豈尋常人一般春意何在莊生論天倪托物肆迂怪列子說混淪其言極夸大老夫請以理折衷慎勿謂我胡公之中庸古今先後無始終洪纖高下俱流通芸、萬物生意遂蒼、兩間和氣充鶯、燕、妙歌舞花、草、紛青紅孤松或落



幽澗底三秀多生糞壤中步伸尺腹天運轉戶  
啓百蟄雷音同鶴長髯頭短分自一敢以私意  
窺神工一般春意如此朱絃嶧桐奏流水洋洋  
自入知音耳小車高閣邵堯夫隨柳傍花程伯  
子針芥相投肝胆合祗應絕倒東風裡白雲先  
生知不知同姓乃有此白眉老夫夙昔愛此詩  
四百餘載人無之頭髮雪白雙眼眇也來摸索  
珊瑚枝

寄饒州鄱陽縣唐生

千七百里鄱陽縣外孫書來如見面九十三歲  
龜巢翁中宵夢得重縫線詩瓢山人來上游吾  
將結社招馴鷗延陵昔日從三讓野水何處無  
孤舟家貧幸尔年穀熟買書教兒耕且讀梅花  
無恙竹平安歲晚無勞念窮谷

和舒文允見貽

冬至經旬久朋來喜踐長市沽雙木槎踞坐一  
藜床小酌成歡洽開愁付杳茫山無白石爛谷  
有紫芝香澹泊聊相與辛酸已備嘗盡消湖海



氣莫放斗牛光所貴心能直何慚貌不揚聽水  
狐自惑吠雪犬何狂歲晚鷗盟在生平蟻夢忘  
酒堪澆磊塊袖莫舞郎當西崦黃茅嶺東洲白  
水鄉漁樵同此樂吹笛送陽

夏五訪一舟禪師臨別立銀杏陰中謂予  
曰山中舊物什喪八九惟此木幸無恙  
也宜蒙品題為天寧勝概使居山者亦  
預有餘光子謝不敏然心嘗許之故茲  
口占以頌人物具并之美

一箇虛舟渾不繫千金鈞重負力能任金園地  
湧靈光殿銀杏天生雙樹林佛印衲裙坡老帶  
昌黎詩句顓師琴禪林勝事無今古况尔庭前  
好綠陰

輓曹子毅大使

早歲輕肥試采榮一官三載係塵纓解龜便幽  
栖計瓜圃東門學邵平

其二

桂子初生折軟枝青檀舊物遂陵夷竹林小院



親調饒何異慈烏返哺兒

其三

生來不鑿混沌竅此去竟作逍遙遊回頭一笑  
看鷓鴣未到釜鶩誰肯休

洞庭胡敬之以予父執之交歲餽新橘凡  
十有餘年感無以報是用作歌

湖山清氣鍾而翁生兒亦有古人風年々送橘  
拜床下甚愧我非龐德公今年霜落洞庭早橘  
熟先于對田稻青衣童子黃金丸樹頭摘來霜

未乾儂家食指百三十分甘喜得皆波及嬌痴  
堪笑兩曾孫手弄金丸口欲吞阿翁老饕三噉  
畢教孫食之還自喫一枚一枚復一枚翁有笑  
聲孫亦哈枯腸久似長鄉渴甘露適從仙掌來  
楚江萍寔不可得華峯藕亦無人識冷比雪霜  
甘比蜜此句真堪題此橘韓子之詩今借代無  
借作報章揮我筆懷哉故人家洞庭七十二峯  
環翠屏洛陽秋風塵滿城莫能污爾雙鞋青南  
山不爛黃河清正須坐閱三千齡山中舊識諸



香英煩道老夫多寄聲

紅梅

前代支郎亦異哉  
白雲堆裡植紅梅  
樹經劫火多番換  
花向春風二月開  
隣舍杏桃渾赧色  
禪枝草木絕纖埃  
一時想像題詩去  
別日尋芳載酒來

歲旦言情

去年元日兩眉攢  
懷抱今朝頗覺寬  
一夜雨聲曾不絕  
五更天氣只微寒

其二

曾孫盃捧屠蘇酒  
冢婦厨供粬糝盤  
最喜催租人不到  
田家雞犬得平安

寄盧長嬰次農

我思東吳諸故人  
三難青年才出羣  
爛眼如岩下電英  
氣作山中雲  
一經旨趣熟儀禮  
六書偏旁宗說文  
無由縮地即相見  
晉鄙亦得沾餘薰




龜巢葉卷之九

四

龜巢葉卷之九終



國家圖書館, NATIONAL CENTRAL LIBRARY, TAIWAN, R.O.C.





龜巢藁卷之十

詩

贈馬吉卿


太尉初開藩府日我卿長揖與談兵快鞭自此  
宜先着偉器如何竟晚成舊菊數株荒老圃寒  
流一帶遠孤城草廬只在齊門裡堪笑無人識  
孔明

山人家為路以道作

先生自是青雲人歸來故山鉏白雲家徒四壁



國家圖書館 NATIONAL CENTRAL LIBRARY, TAIWAN, R.O.C.





藤蘿屋頭戴一幅逍遙巾松根茯苓大如斗木  
柄長鋤常在手賸收市葉教兒書更摘松花釀  
春酒題詩滿屋酒滿缸客來無日不陶然人間  
豺虎自闖死雲中雞犬多成仙山人家住山林  
好日、晏眠無事惱笑他東望玉門關絕域思  
歸歎年老

過牛彥伊寓所對雪口占

問訊蛟龍浦來尋鷗鷺盟天風寒颺颺冰雪歲  
崢嶸平旦徐、起清樽細、傾獨憐鄉國遠西

望苦為情

羨崑山費知府重修學宮詩

昔侯未收崑山州、置遠移東海頭百年鄉校  
風毀雨四郊戎馬烟塵秋州仍舊山侯下馬勸  
農耕素重儒雅春秋籩豆駿奔走日月宮墻煥  
圖寫素王清廟袞龍衣博士高堂鶴雀飛泮池  
芹藻堪采摘惟林草木生光輝時方擾攘人用  
武侯為斯文扶砥柱同僚才並青雲器參佐功  
成修月斧廟前銀杏雙蒼青堂後玉峯開畫屏



諸生揖讓秉周禮我侯語言宗六經官清只飲  
淞江水鱸魚自肥尊自美齊名常袞與文翁興  
學之功照青史

代道傳招路徵君益上人過西林精舍

西林新種梅花樹未有詩人為品題尊酒小窓  
邀上客杖藜今日過前溪家園小摘金盤菜野  
徑初乾鴈雪泥二老風流堪入畫不妨琴與宦  
同携

贈水西長老中伯庸兼簡承天毅剛中

禾城說法兩三年貔虎如林護法筵一片白雲  
閒出岫五湖春水濶連天詩堪補世方留稿琴  
乏知音覓絕絃賴爾栽峰堂上喜老留賓客共  
盃泉

雪中懷杜玉泉玉谿兄弟暨管伯齡

對雪僧窓憶舊遊浣花溪上草堂幽弟兄愛客  
情懷好賓主談時氣味投揚楚兩川城近接吳  
淞一帶水長流興來早晚相尋去解攬漁翁覓  
釣舟



元日同趙君綽早起崑山州

烏紗白髮兩遺黎同賦新年第一詩  
吳下喜頌堯日曆嵩呼重見漢官儀  
春回南國梅先得律轉東風樹未知  
試向馬鞍山上望楚氛猶自暗  
邊陲

訪王景逸不遇其婚梁國傳留宿東齋作

此簡景逸并允德

阿林隨我曳長裾宿爾幽人水竹居  
雲暗一天龍吐水溪喧半夜獮求魚  
邯鄲枕上新年夢堯

範門前舊日書欲與兩賢論出處  
還家相見意何如

吳生以趙仲穆所書蘇文忠公遊道場何

山詩屬張天英緒人及予和之

溪流行盡穿林麓白塔紅亭照岩谷  
道場深處看何山僧住山頭我山足  
兩山雲似海弥漫飛路百折空中盤  
我昔幽尋愛僧舍亦欲卜築臨清湍  
東坡先生不世出咳唾珠璣落禪席  
可憐前度癸厄兵燹一陪寶塔誰再植  
永嘉山水污





龜集卷之十  
歌鬢幸無若人來此間坡詩珍重趙侯寫使我  
見詩如見山我哀不夢周公旦猶夢尋山及春  
半買花載酒約吳生慎勿渝盟重嗟歎

寄楊鉄崖

讀君舊日伏闕疏喚起開禧一番愁龍川狀元  
曾表怪冷山使者忍包羞東江風雨一斗酒大  
地山河百尺樓白鶴飛來作人語道人赤壁正  
橫舟

次韻楊鉄崖過李樂菴墓

胸中萬卷色絲長才出緘毫補舜裳笑脫鴈冠  
辭相府羞看狐穴倚椒房結菴投老林泉樂易  
簣遺言翰墨香鉄笛仙翁今表墓妾人當不愧  
桐鄉

次韻寄梅西溪

宦情吟思兩如何咫尺婁江不我過吳下土風  
良不惡春來花雨喜無多三農能喫田間飯諸  
將猶揮馬上戈州縣勞人宜莫厭要令襦袴有  
新歌



寄贈費伯謙

愛爾青年二十餘無心富貴獨耽書揚花雪落  
滄洲靜艾納烟銷白室虛門外自馳金腰裏案  
頭長對玉蟾蜍別來吟得詩多少好寄江村慰  
索居

簡趙執中

溪鳥忘机與結盟隣雞解語共談經簾前花胭  
脂雪樓外山開翡翠屏無事干人腰懶折多情  
于我眼偏青于今同飲長江水只隔烟波望德

星落

過悅堂長老看沉香小山遠見楊鉄崖

題畫像堂之客令人起敬因作此以  
贈

阿師僧中之台眉身長九尺聃耳垂金爛袈裟  
舊御賜鉄笛道人今賦詩貝葉手繙諸般若沉  
香誰琢小須弥不知門外春深淺花雨繽紛二  
六時

題恒上人清流堂



卷之十  
六  
悠：黃天蕩蕩彼社樹林水流過堂下一帶清  
且深安之源頭活澄澈無古今山僧作觀想亦  
以明其心停雲共徘徊游魚自浮沉三伏不知  
暑爽氣生綠陰水華晚色淨風柳孤蟬吟嗟哉  
五濁世干戈如沸鷲客來且忘言滄洲濯塵襟

懷道傳上人

海上誰知己僧中有此郎借人三畝宅留我百  
花莊故里烟塵閣窮居歲月長釜鍾時振乏燈  
火夜分光書摘金根誤詩囊夢草香溪山皆杖

履花竹共壺觴每念馮唐老能容阮籍狂五年  
同信宿十口賴歡康辟穀終無術飄蓬又遠方  
世情多可笑交誼獨難忘南國黃梅雨西林綠  
樹涼思君重回首湖水隔微茫

懷滄海上人

床頭不問有金無客到山中酒必沽受我生來  
心似鉄逢人為道唾成珠尋梅幾處同舟去對  
月常時折簡呼別後合塘春水暖柳陰誰與看  
飛鳧



又自述弄簡滄海

幽居頗喜俗塵無，坐看諸公玉盞沽。  
蒲地揚花風捲雪，一池荷葉雨跳珠。  
借書日與兒曹讀，隣酒時令老僕呼。  
山上有山曾有約，何時雙屐作飛鳧。

和徐伯樞初還膠山作無錫玄度子

昔年歌舞送航船，每日登臨對乳泉。  
麥秀故基今雉雉，花飛南國又啼鶯。  
官軍尚喋邊城血，田舍初生灶突烟。  
只恐歸耘歸未得，徵車將到白

雲邊

次贈韻徐仲剛兄弟

難弟難兄思不羣，風流絕似太中君。  
對床夜聽山中雨，辟世春耕隴上雲。  
四株松樹青陰合，一帶溪流野色分。  
老我劍心猶未死，尚携長鋏客田文。

次韻贈慶德謙監州

彷彿桃源古洞天，幽香兩岸闔嬋娟。  
烟波鷗作忘机友，風柳蟬如脫骨仙。  
田父相遇終日醉，畦



蔬小摘四時鮮棄官深水歸未早贏得閑情架  
酒邊

還珠詞三首寄顧仲瑛并序

予以玉山隱君避地居攜李猶合浦之珠徙  
而去焉今謝杭州當路于吳而州縣更化  
猶合浦之有孟嘗也人而珠者可不還乎  
因作合浦還珠詞寄君以致招要之意其  
詞曰

嗟爾珠生合浦川澤見光輝采珠人似兩孟嘗

不來兮珠亦良苦鮫淚竭魚目瞽

嗟爾珠去合浦川澤失光輝龍吟獻珠女孟嘗

下車兮魚驚率舞象罔除吏商阻

嗟爾珠還合浦川媚仍含輝潛居水仙府孟嘗

愛物兮物無遺忤明月出夜光吐

代簡錢夢弼

六年不見埃山雲愛客情多最憶君社酒每傾  
鸚鵡盞燕姬屢舞石榴裙漁郎一去仙源隔燕  
子重來舊宅焚別墅于今隣錫谷煮茶還許石



泉分

絕句

屈原投江死楊雄投閣生一時生死計千古是非心

夏五雜書四首

使者乘槎海上來藩臣迎詔府中開半年赤地無纖雨此日青天忽殷雷鷓鴣聯班齊喜舞梟鴟脫網莫驚猜征西諸將橐弓矢應受淮夷納款回

其二

遠客相遇說帝都黃金如玉米如珠內園人歌催花鼓市肆塵生賣酒壚河北功臣稱李郭江南租稅賴蘇湖明朝漕運開船洋去幾日風帆到直沽

其三

寶布初來價倍高吳鹽重權令如毛淡烹蓴菜羹無豉倒看天吳禍有濤風起株林號虎兕天連青海縱鯨鯨長洲茂苑河山好自愧多憂兩



目蒿

其四

綠髮年來忽已皤  
尊前不樂復如何  
直如柳惠猶三黜  
醒似靈均漫九歌  
無教烏鴉爭晚樹  
一隻白鳥皓清波  
相逢莫厭滄洲靜  
要路從前覆轍多

和徐仲剛歸田二十韻

山下室環堵  
門前柳數株  
青秧移畝畝  
白水似陂湖  
辟世方窮稼  
傳家本業儒  
十年躋仕路  
兩

浙走危途熟路歸  
來馬高林返哺烏  
烟塵雖未息  
風月不虛孤  
松葉燒茶灶  
花枝挂酒壺  
拂塵梭鹿尾  
席地草龍鬚  
烏雀窺窓隙  
漁樵來坐隅  
家居聊放適  
世路甚崎嶇  
池水魚堪養  
庭堦草不誅  
眼前能自足  
身外更何需  
病宦開籠放  
飢猿擲果呼  
看雲添逸興  
對月了詩逋  
田父邀皆去  
村童醉或扶  
不嫌鄉俗陋  
甘學古人迂  
西垓良田熟  
東膠小徑紆  
泉香雲骨髓  
花瑩雪肌膚  
犬吠溪雲出  
牛歸田野晡  
幽居東近海  
何必更



乘桴

寄竇伯讓州倅次仲

籠鶴乘軒笑衛公歸來高卧北窓風忘机鷗鷺  
相依久病眼湖山與畫同洗馬池邊楊柳綠釣  
魚罾下藕花紅自知大器成須晚不與時人較  
近功

次韵寄銜雲法師

嵯峨塔廟壓長橋東望扶桑路不遙聽法龍來  
雲滿室傳衣人立雪齊腰塔前祇樹黃金地石

上菖蒲碧玉苗猶記昔年相見日為師吹徹伍  
員簫

和沈啓之席上詠梅絕句

把酒花前歌竹枝看花不覺舉盃遲春來結得  
黃金子還有調羹鼎鷓鴣時

弔顧將軍墓并序

顧榮字彥先晉散騎常侍驃騎將軍開府儀  
同三司謚元公其勲業詳見晉史子嘗慕  
其為人今客吳門適近其墓在皇天蕩南



地方二三里土人直以顧榮墓名之予因  
往弔焉

白髮吳儂說姓名將軍墓近闔閭城徵車入洛  
稱三俊割炙知人得再生江月似留揮扇影松  
風猶作鼓琴聲傍花并一酌蘋花渚野鶴隻飛  
躑躅鳴

寄徐頤齋先生

一昨天恩頻賜帛數年國步政多艱莫嫌旅舍  
終容膝喜有丹砂可駐顏進乳吳姬香玉暖弄

雜菜子綠衣斑故園松菊知誰主又見秋風燕  
子還

九日

為客東吳年復年吳霜飛上鬢毛邊青山滿眼  
暗如霧白雁一聲哀徹天細看茱萸占老健忍  
聞桃杏作春妍隣翁將謂花星瑞邀我題詩展  
盛筵

送陳希玄入道

海上蓬萊知有無林泉佳趣即仙都三朝宦繞



燒香几九轉龍璫煮汞爐滿地白雲山館靜隔  
溪紅樹水村孤敲門莫厭相過客要覓丹書古  
篆符

題梅竹水仙圖

羅浮美人倚脩竹凌波仙子適相逢春風桃李  
自塵土不浣歲寒冰雪容

代簡倪雲林

江水西頭繫客槎漁庄遙望隔鷗沙枕書門掩  
三竿日題畫毫飛五色霞  
五掌椒香仍膾味階

庭蘭茁又春華雪晴我欲尋梅去尚待東家借  
鹿車

贈馮縣丞二首

野夫東郭帶經鉏田峻相逢為下車百里雷鳴  
元夕後一犁雨足五更初行庖只飲長洲水署  
筆頻抄種樹書獨奈賦蛇除未得逢人感額問  
何如

其二

九土荆榛七八年吳儂輓粟上青天秋風杼軸



黃茅屋春雨犁鉏白水田農畝安令無佩犢琴  
堂正賴佐鳴絃停車為說哦私意立盡斜陽野  
樹邊

題墨竹

吾聞雪堂老仙之愛竹到處敲門看猗綠為誰  
寫此秋一枝葉風生清可掬恍如坐我此君  
軒與君相對澹忘言焚蘭金鴨綴鳳髓我思古  
人欲親止

盧知州宜興秩滿以辟亂久寓無錫視同

故鄉今知崑山必有懷二州風物之美  
贈詩言情并致頌禱

我思陽羨茶初生如粟粒州人歲入貢雷霆未  
驚熱天荒地老今幾年春歸又聞啼杜鵑山中  
靈草化荆棘白蛇何處藏蜿蜒玉川先生一寸  
鉄欲割妖暮救明月丹霄路斷肝腸熱還憶茶  
甌飲冰雪

其二

我思惠山泉長流無古今瓶罌走千里煮茗清



人心向來烈火炎錫谷神焦鬼爛勢莫撲池邊  
墮石亦灰飛此水冷、瀉寒玉高人飲泉五六  
年一襟清氣清于泉好為吳儂洗煩熱乘風歸  
報蓬萊仙

可笈

崑山州奉省府之命例試在學  
儒人以子為第三名故有是作

可笈秋娘已白頭也隨年少上秦樓舞腰強作  
春風柳不及春風柳葉柔

顧仲瑛辟地嘉興幾二年間回崑山往見  
不遇作詩寄之末章兼簡西白長老

細雨清明節扁舟過玉山傳書元有誤飛鳥竟  
無還芳草萋、碧落花點、斑題名墻外竹黃  
鳥正間關

其二

客來常問訊書去半沉浮兩度黃梅雨相思白  
髮秋樵蘇今短笠山水古長洲寄與天寧老龜  
巢賦吟咏不

麥秋歌和徐主簿韵

太倉陳、歲仍熟田舍噉、食無粟朝來飯甑



新麥炊一穗青烟出茅屋磨旋日月出霄屑湯  
湧波濤跳碎玉耕蓑樵笠壠頭歸急雨森如瀉  
銀竹妻孥笑語同一飽且免飢雷鳴此腹安知  
列鼎五侯家日食萬錢猶未足

和陸宗魯韻贈夏師魯

百斛葡萄賸有餘一官不換閒居只窓含雲氣  
虞山近門掩秋聲衆樹疏鴻雁去來知幾度雞  
虫得失竟何如丈夫高蓋非無日聊遣閑情賦  
子虛

寄袁仲長

古人心事古冠裳近代伊誰有比方杜甫苦吟  
頭戴笠管寧危坐膝穿床秋風落葉多如雨老  
圃黃花獨傲霜我亦卜鄰依歲晚讀書東壁借  
餘光

送徐伯樞兄弟往膠山墓田

東膠山有眠牛地西堠村連走馬塘乞與一坏  
藏白骨待看殘夢熟黃梁梅花杏樹堪懸劍竇  
乳寒泉可薦觴從此便令童荷鍤諸君賢似古



桐鄉

送費伯謙之吳郡侍親

若翁清約似無官，宜尔儒衣不厭寒。  
燈火十年勲業在，河山千古畫圖看。  
冰池魚躍供調餽，雪屋雞鳴起問安。  
他日過庭頻寄語，別來頭白卧江干。

鉛上人席上作

有客有客龜巢翁，鬢髯如雪氣如虹。  
推門要路脚不到，寧與山僧野老長遊蹤。  
鉛公喜不縛禪

律百榼沽來作生日，雪花似亦為人喜。  
庭舞婆娑俄入室，酒邊笑殺東家兒。  
檳榔不與劉穆之尋常，有客謝無酒。  
有時對酒還攢眉，人生能得幾初度。  
且無長繩係烏兔，痴兒夢真可嗤不識。  
盈虛元有數，君不見黃頭郎到頭。  
餓死錢堆傍，何如眼前有酒且為樂。  
母令悲結九迴腸。

遣愁二首

偶覽青銅鏡，方驚白雪鬢。  
如何不飲酒，猶自苦吟詩。  
面作鞞紋皺，腰間帶孔移。  
獨存方寸鉄，剛



似少年時

其二

茅屋瀕湖住，蕪菁借地栽。  
一秋常苦雨，十月屢聞雷。  
岸草青，出墻花灼，開埽除蠅蚋迹，還  
有北風來。

和危太僕叅政韻送慶德謙治中

驅馳百騎穩如船，雨露新承下九天。  
當道故人多汲引，大叅佳句獨流傳。  
數年華髮風塵裡，一點丹心日月邊。  
老驥只今方展足，蜚英當不愧

前賢

留別智隱愚長老蘇昌齡先生

淞江太湖春水生，湖邊白鷗尋舊盟。  
遠公沽酒壯行色，坡老題詩慰別情。  
燕子日長書屋靜，落花風颺釣絲輕。  
相過不負青山約，一櫂夷猶兩日程。

徐伯樞和韻送行予復答之

主人送客呼麴生，膠山下居仍有盟。  
褌袍戀感君意去國遲，知我情教子正須。  
熊胆苦看



花應喜馬啼輕老夫把釣扶桑下目送鵬搏九  
萬程

輓雍逸處士

孝友人無間詩書子更賢十年遭亂世三樂得  
天全處士星今隕虛堂月自圓客來懸榻在老  
泪為潸然

寄謝雙陽沈仲庸并簡同席諸友

一林脩竹映滄洲百榼蒲萄泛玉舟送客留髡  
成大醉憐君小阮與同遊舊家燕子飛華屋端

地龍孫着錦裘絕似蘭亭修禊日坐中賓客摠  
風流

朱明道等九人和前韵見貽各答一首并

自述一首

贈朱志道

新居風景似麟洲我亦頻來繫客舟山列畫屏  
朱果熟湖開青鏡錦鱗游跡狂不厭高陽侶凋  
敝應憐季子裘有酒正須開笑口黃河今復見  
清流



贈朱明道

光月軒前杜若洲，抱琴童子釣魚舟。  
蝸牛有國方交戰，鷗鳥忘機且共遊。  
戲綵諸孫頭峙玉，瀕湖三頃足菟裘。  
吟餘不接紅塵事，洗耳無勞枕碧流。

贈朱原道

楊柳花飛雪滿洲，水邊亭子小如舟。  
四時花月供談笑，千古湖山可釣遊。  
有客即呼鸚鵡盞，無衣還贈鸛鶴裘。  
試聽月旦評鄉里，凋儻今為第

一流

贈趙善長

清江濯足坐中洲，自喜身如不繫舟。  
槐國功名前日夢，玉京狐負少年遊。  
每邀田父同雞黍，已學山人製鹿裘。  
醉後劇談今古事，面如頰玉語如流。

贈華子強父子

晚涼池館藕花洲，郎罷呼兒放綵舟。  
老膝尚容文度坐，佳賓多與阿戎遊。  
長腰米飯猶珍饌，五



龜井蕭卷之十  
色菜不勝綺裘莫笑東家人評語由来涇渭不  
同流

贈盛彥英

愛君楓落吳江句有客相期放剡舟  
滿眼雞虫從得失忘形鵬鷗共遨遊  
秋來江上鱸堪鮮歲晚山中貉可  
裘如此幽居良不惡比隣况復有  
詩流

答惠上人

鍊得身形癯似鶴江湖杯渡捷于舟  
湖邊舊宅

適歸隱吳下諸山今卧遊學道已知磚作鏡工  
詩更悟冶為裘曹劉沈謝何零落風月平分支  
遁流

答崔彥麟

老夫衰懶慙無學年少才華羨李舟  
好覓靈槎天上去莫攀仙桂月中遊  
踞床我欲來吹笛換酒君當為解裘  
最喜今年秋至早涼生六月火  
西流

自述



少年學士俱瀛洲老夫浮家唯葉舟每憐古調  
少人聽幸得新知如舊遊四海風塵桃李杖十  
年霜雪木棉裘迺來同飲太湖水最喜白鷗非  
俗流

簡吳江朱志道昆仲

去年長至聽埧麓轉眼今年又此時棣萼喜存  
兵後樹梅花早綻雪前枝西山近日無烽火東  
閣何人共酒卮兒輩北歸今問訊吳音變楚莫  
相疑

盛彥英隱居太湖之陰號具區耕叟命僕

作詩以歌詠其樂云

脫屣東華塵躬耕太湖濱素麻接隣里魚鳥情  
相親閒時讀書牛背上安知六國方攻秦東風  
三月桃花雨布穀飛來向人語一犁初破隴頭  
春黃犢去欄健如虎義農世遠莫可追南山石  
爛無足悲、歌窸窣夜半猶未已人間閑是非  
何用污牛耳我田已耕春晝閑樵童隨我看青  
山日暮歸來一壺酒我歌鳴、童拍手



兒飯牛一天星月爛不收重捨鉄笛作三弄  
七十二峯俱點頭

臈月

臈月無多日行年六十三浮生空自老往事日  
多慙南國山皆赭東郊草未蘆蕭條江郭外雲  
暝雪耗

懷野舟閑老長兼簡真本元

大地北風寒且嚴香凝文室畫垂簾庭前柏樹  
心相契窓下梅花手可拈出郭鐘聲聞數里穿

城塔影見重尖欲求智永千文帖煩說區區寄  
口占

偕徐伯樞訪王孟翼酌酒論詩經宿而別  
舊雨客來今復來溪堂築新柳新栽風生玉塵  
談詩律露濕金盤把酒盃淮甸三邊烽火息吳  
山千里畫圖開相如未奏凌雲賦當路誰能薦  
逸才

劍池送曹廣文赴學士院檢討

峩峩虎丘山湛湛劍池水  
深人莫測草生寒



不羨世傳祖龍劍，斫斷蒼雲根。千古兩絕壁，鉄  
花點苔痕。僧厨轉轆轤，陰厓落水雪。臨池人有  
語，響谷出林樾。先生屢幽賞，盟濯彈琴鳴。木石  
俱點頭，龍魚亦知音。今居白玉堂，還念青山約。  
羣仙與重遊，增輝舊岩穴。

雨中懷徐草堂兼述杜掾史求詩之意

亂紅飛盡綠陰稠，風雨涼生四月秋。且喜三邊  
清似水，何妨小室一如舟。歐虞墨帖時臨寫，吳  
越青山憶卧遊。肯為杜陵題老桂，難兄應作置

書郵

和浦王田清明日郊行六絕

湖上新堤踏軟沙，少年人面映桃花。村風物  
渾如舊，獨欠青帘賣酒家。

其二

柳絲裊，拂滄波。花雨斑，點綠莎。寒食清明  
春又晚，人生不樂復如何。

其三

笠澤西頭王墓村，桃花水浸竹籬根。年々春到



清明日兒女郊行柳挿門

其四

一幅春雲巧似裁  
瀟湖飛過碧山來  
野橋小立題詩處  
夾竹桃花爛熳開

其五

四望青山眼欲花  
山光都是薄雲遮  
杖藜徐步歸來晚  
月上東窓恰到家

其六

每惜春花去後思  
春來行樂復何辭  
放舟莫近

吳門去諸將接船正出師

壽徐伯樞

碧山湖邊銀杏樹  
數百人家星散住  
中有南州高士孫  
借屋讀書深閉門  
豈無香醪甜似蜜  
好客相遇方與喫  
朝來爛醉呼不醒  
蓬矢素弓挂虛壁  
皇天有意生男兒  
錦綉五藏瓊瑰詞  
亂紅飛去綠陰靜  
芎蒲花發當何時

贈芎天民

吾聞清孝公為君  
八世祖可憐遭亂離  
麻鞋走



塵土床頭無金何處索堂上雙親頭欲白五星  
纏度書一編江湖乃作談天客吾嘗閱其書心  
目俱茫然星辰之高四萬八千里三百六十五  
度分周天人生兩間應列宿探索豈易窮幽玄  
君今自喜得其妙回視筌蹄成一笑萬象森羅  
方寸中千尺碧潭寒月照高談往々驚倒人黃  
金捆載歸養親鱸魚斫膾羹紫尊福襪五色斑  
衣新人生家兒孝養有如此何必鐘鳴鼎食重  
華茵扁舟過我三江口留宿龜巢看星斗揆槍

焚惑揔莫論且道酒星無恙否酒星苟無恙酒  
禁必早開娛尔白髮親酌彼黃金壘我生不願  
萬戶侯亦不願識韓荆州但念太平無事百不  
憂吾兒賣文君賣術得錢可以沽新篇命吳姬  
謳若翁與我日々眠糟丘

崔宗明掾史請告之錢塘省母將徙居東  
吳時太尉丞相張公分在省嘉宗明之  
行贈錢數千緡故詩及之  
丞相知君念母情金刀錯落贖君行衣冠祖道



三江口帷幔歸舟幾日程烏雀知人先喜信鱸魚入饌試當烹高堂若問吳門事王國金湯第一城

和浦玉田詠物二首

嗟尔五月菊黃花發何早平生傲霜枝乃雜半夏草趨炎真強顏久而竟垂老榴裙炫人眼坤裳為誰好忍負陶淵明秋風舊懷抱

其二

嗟尔六月蟾爬沙出何遲天生一腹暗且有三

足竒垂時人共棄保身自污池昨午遭磔死同類多可悲月宮老墓精居高知不知

寄陳子章申屠仲權

聽雨聽雨半月餘高齋吟嘯興何如雨添泮水芹芽長風撼帷林杏子踈毛穎功名應立傳杜康交絕豈無書陽春白雪詞皆妙好寄龜巢慰索居

賀陳子經赴學士院著作

白玉為堂置此身詩書端不負人花生綵筆



絲綸美柳絮宮袍雨露新日過八磚趨禁署天  
開一國用儒紳吳淞江上漁樵客也為謳歌寂  
寞濱

楚南藏主來詢知元明師居義興中山附

詩問

十年不吃陽羨茶山中舊宅知幾家道人今歸  
卧烟霞石池手種青蓮花青山且喜依好然蛟  
弓龍弓跡俱掃客有放棹東海頭安書好寄龜  
巢老

感物二首寄珪田書記

矯、千里駒英、五花文蓋車太行路汗血亦  
滿身嗟尔本龍骨誤隨凡馬羣何當一變化翩  
翩籥青雲

其二

樞官降精英為象純玉色誰令耕舜田乃負烏  
捷輓豈無金羈絡錦帶為尔飾鼻吸酥酪河歸  
來梵王宅

和靈岩虎丘感事二首



娃宮無復有樓臺佛刹而今亦草萊  
衲子盡隨飛錫去將軍曾此駐  
兵來青山澗日猶前度滄海揚塵  
復幾迴霜落吳天香徑冷  
斷猿啼月不勝哀

其二

兵餘重到古禪關無限傷心四望間  
林下點頭皆礮石門前戰骨似丘山  
劍池屢變珠光赤盤石猶沾血斑  
點白髮布衣耆舊在獨憐寧老不生還

次韵荅因了菴

重經喪亂勞相憶多謝將詩問所居  
隣有國朝新定律家無屋壁舊藏書  
月明江上魚龍伏歲晏山林草木疎  
堪笑出門多滯礙兀如禪衲坐僧廬

普誦王哀詩六首

前代王孫錦繡腸中藏萬卷佛書香  
一鞭竟著三車去不作修文地下仙  
自喜年來兩耳聾不聞今古鬪羣雄  
每逢林下



三生石只說尋常萬事空  
長把吟毫貌水仙梅兄磬弟亦牽朕如今收拾  
歸何許兜率宮中別有天  
瑯林自有鳳凰枝枳棘叢邊翅偶垂鷓嚇不知  
緣底事赤霄飛去竟難追  
茶毘烟斷蛟龍浦舍利珠藏寧堵陂從此不沾  
陶令酒蕪絲零落奈秋何  
天台一曲繼天泉獨抱瑤琴三十年古調不隨  
陵谷變麟膠誰續斷頭絃

寄孫彥民

讀君吳儂詞如讀春陵篇惜哉未作郡手拍元  
子肩玄髮亦已華鉄硯亦已穿秋蘭抱幽馨竒  
寶橫道邊請以白雪曲載理朱絲絃勿論聽者  
希我心自怡然

題水仙山磬梅花圖二首

綽約誰家女子依稀水府仙人莫怪無言脉  
正須頻喚真  
紅杏碧桃春暖梅兄磬弟水清會得生花筆意



隱然金石詩聲

己酉元旦漫興

四國山河喜奠安一年時序又更端  
醱春酒到手暖楊柳曉風吹面寒  
太史始行新律曆齊民俱易古衣冠  
故鄉只在停雲外可奈親朋欲會難

簡曹仲鉉

東海歸來塵自颺一竿西日釣滄浪  
洲人尚說家在沙鳥皆知世慮忘  
竹筴滿林冬入饌梅

花繞屋夜生香吾兒學稼書仍讀  
應喜分燈過短墻

送贈題日本

吾聞滯方東南有國環滄溟  
龜峯雲接扶桑青紅梅花開作絳  
雪佳寔亦比蟠桃頰珊瑚出水  
光奪目老蚌吐珠昏夜明  
山藏水產足珍怪惟人尤得鍾  
其英釋門龍象獻寶出眉目  
秀異風骨清錫花一萬四千里  
欲以佛法中華鳴首探天目  
獅子窟酷肖厥祖天人驚  
三吳百粵小盤



蘇王公下榻爭趨迎大哉禪月古叢社正法眼  
藏轟雷霆思親要徹睦州屨春風穩送歸帆輕  
老夫扶憊走相餞事有干請煩留情往來爾國  
遠秦火六籍不隨埃燼零願言傳寫遺全璧一  
洗魚魯開羣盲上人名亦垂不朽能使船艣為  
馬馱吾經

張伯祥自濠州惠詩且相傳有還家之喜  
即事口占聊抒情愔

春風濠上來家奴寄詩親朋及老夫微詞周折

出腑肺螻絲九曲穿遺珠神龜脫網曾有夢靈  
鵲報喜寧虛孤大鈞播物各生遂忍使鳳凰長  
在筮羣兒覓竹跨為馬吳淞江上迎歸艣南堂  
花竹春正好玉芝燦若珊瑚株老夫亦作軟脚  
局典衣沽酒黃公壚

賀陳思忠自濠州歸

南山石爛海揚塵播物依然出大鈞坡老暫為  
僊耳客謫仙豈作夜郎人歸舟帆卷桃花雨家  
宴盃傾竹葉春雪髮巢翁矐似雀也隨鷗鷺去



相親

水村歌二首為趙鵬南賦

我愛水村好為作水村歌君家水二百載閭里  
向來冠蓋多銅駝巷陌自荆棘滄洲依然皆烟  
波墻花卷柳接葭茨蘆道蘋蓼茭蒲荷澱湖噴  
薄東岸曲陳湖繚繞西丘阿前看震澤後笠澤  
青山數點堆青螺錦溪橋頭魚米市亦有朝鼓  
鳴如鼉市聲豈不傾人耳先生閉戶雀可羅筆  
床茶灶漁童釣蓑人稱陸魯望自比張志和兩

賢尚友作隱過也亦宜呼小坡長安道上人擾  
擾奈何爾水村安樂窩

其二

我愛水村好作歌仍和之水村之樂能自得水  
村之號真相宜齋居隱几白日靜門外係舡青  
柳垂讀書窓雞亦解語忘機沙鳥皆相知葑田  
種秫足為酒草亭對竹長哦詩平生自是愛結  
客載酒門前來問竒清談閑揮玉麈拂高會醉  
傾金屈卮飲牛有渚畜魚有池老夫願卜隣矮



屋與隔離分燈紡績兒女共曳杖往來隣舍嬉  
從此水村作土著與君說詩時解頤

次韵答許君善

小徑紆迴草欲迷村居如在溪東西為煎新茗  
頻敲火自掃殘花恐污泥白首十年吳下客傷  
心千古越來溪羣賢何日能相顧重為湖山一  
品題

次韵答焦任道

誰越誰秦自瘠肥別來十載電光飛尚看書帖

題青李未掌絲綸對紫薇老我襟懷寒古井憐  
君氣宇益春暉石川古柳清陰好且繫書舡莫  
賦歸

次任道韵贈朱公路贊府

清濁無論渭與涇請看流水悟浮生莫憂白石  
南山爛且喜黃梅細雨晴石几題詩焚艾衲水  
亭酣酒卧桃笙瓜田不理春來草怕有人呼作  
印平

謝焦任道惠畫



焦君青雲器不減阮仲容飲酒五六斗卓然猶  
祖風髯龍吐醉墨逸氣起鴻濛騷雅靡不作無  
聲詩更工淋漓練裙幅遺我龜巢翁、老如兒  
痴耆詩羊棗同層崖飛瀑泉撫玩意不窮何以  
報夫君秋江待芙蓉

答馬公振見寄三首

燭龍銜日火雲迷飛到中天不肯西安得天瓢  
瀉涼雨仍看地裂補春泥兵戈不到王官谷烟  
樹相望菴畫溪莫笑老夫多古意露筋祠廟安

君題

其二

經鉏初不效常林安我貧居未死心江上小山  
堪入畫門前新柳未成陰斷編重緝忘年老險  
女孤吟到夜深毒熱甚于中宿酒我頭連日為  
岑

其三

賴有酒缸堪拍浮何憂蓬髮不禁秋卜隣老圃  
今瓜及借榻僧窓喜竹幽老大正當秋近熱微



風可奈晚來休能騎款段來相顧惟爾同鄉馬  
少游

次韵寄野舟長老

舊雨別來陵谷變新秋又見火流西黃楊樹厄  
重經閨白藕花開不染泥千古長洲連茂苑一  
湖香水似曹溪支郎愛馬情還在念我鹽車月  
老題

橘隱軒為鄒仲謙作

愛爾林居物色幽茅齋橘樹對滄洲添修太史

木奴傳合比列仙松子遊冰雪盃香蘇井水霜  
風簾捲洞庭秋小山藂桂遙相似只恐招賢摠  
未休



龜巢葉卷之十

龜巢葉卷之十終

國家圖書館, NATIONAL CENTRAL LIBRARY, TAIWAN, R.O.C.





龜巢藁卷之十一

詞

驀山溪

遣閏至正丙申歲作

無端湯武弔伐功成了賺盡幾英雄動不動東  
征西討七篇書後強辨竟無人他兩箇至誠心  
到應無分曉 鬪髀滿地天也還知道誰解輓  
銀河教淨洗乾坤是好山妻笑我長夜飯牛歌  
這一曲少人聽徒自傷懷抱

沁園春

丁酉春寓侯山錢氏寫懷

龜巢藁卷之十一

國家圖書館, NATIONAL CENTRAL LIBRARY, TAIWAN, R.O.C.



冷笑班超要覓封侯棄了毛錐看今來古往虛  
名何用朝榮夕悴浮世堪悲老我衣冠傍人籬  
落頓有平生鉄硯隨西莊上對溪山如畫鷗鷺  
忘機 相逢喜得新知更不用黃金鑄子期把  
胸中磊砢時 澆酒眼前光景處 題詩輕帽  
簪花柔首藉草時復樽前一笑嬉沉醉後任南  
山石爛東海塵飛

瀟庭芳

玉雪梨渦錦雲桃扇紫簫雙鳳和鳴觥船初掉

烟繞博山青最喜清和天氣綠陰靜梅雨初晴  
高齋裡馬融書帳風捲絳紗輕 華年總幾許  
培風健翮曾試修程偶歸來林下聞聽松聲笑  
道葵花似我芳心在向日長傾黃河水如今重  
看朝暮還清

沁水曲

四海烟塵一掬風波經行路難幸兒孫滿眼布  
帆無恙夫妻白首青鏡猶團笠澤西頭碧山東  
畔又與梅花共歲寒新年好有茅柴村酒薺菜



春盤 傍人莫笑儒酸已爛熟思之不要官任  
伏波強健驅馳鞍馬礮溪遭遇棄擲漁竿霜滿  
朝鞞雷鳴衙鼓何似農家睡得安間寺裡喚山  
童把觥野老交歡

自和

雪壓新年花開想遲鶯來甚難喜杯有屠蘇春  
風灑、盤有首翁朝日團、六十年来尋常交  
際江海鷗盟挽不寒移家處每涉園成趣居谷  
名盤忘情世味辛酸但吟得新詩勝得官儘

教我低頭三間矮屋從他高步百尺危竿白首  
無成蒼生應笑不是當年老謝安且琴書裡消  
磨晚景受用清歡

又和

竹與梅花偃蹇水霜甚稱二難我依梅傍竹借  
人茅舍吟風弄月生箇蒲團梅樣精神竹般標  
致遮莫清癯未是寒柴門外一湖春水似拍銀  
盤 昔人恨橘多酸我只笑青松也拜官每醉  
時低唱滄浪一曲閒時高卧紅日三竿兒輩來



前老夫說與梅安新枝竹問安餘無事只粗茶  
淡飯儘有餘歡

蘇武慢

蘭雪衣矜芝雲冠佩咳唾成珠玉芳草萋迷蓬  
萊杳渺皎白駒空谷濯髮滄洲怡顏芳樹問  
天生湖海元龍豪氣肯令消縮君不見二陸  
聯芳三蘇接武聲動九重黃屋天上碧桃日邊  
紅杏真足快人心目拂袖東膠出門西裝莫戀  
故園松菊看濁河流水重清齊唱太平遺曲

滿江紅

怪底春風要將我紅兒翻覆行囊裡是羣賢相  
贈數篇珠玉江上青山吹欲倒湖中白浪高如  
屋幸年來阮籍慣途窮無心哭歸去也瓶無  
粟吟嘯處居無竹看造物怎生安頓老夫盤谷  
第四橋邊寒食夜水村相伴沙鷗宿問客懷都  
有幾多愁三千斛

一剪梅

一色蒼然兩阿翁年也相同月也相同六年湖



海共飄蓬烟也溟濛雨也溟濛 移家今住葑  
門東朝也相從暮也相從何當歸隱舊山中挑  
也春風李也春風

風入松為生日賀

梅花折去一枝春人在太湖濱天生襟度容江  
海每開樽坐客如雲此日醉看蓬 吾兒應吐  
華茵 湖光山色淨無塵魚鳥摠情親姑蘇城  
上遙相望見湖山如見伊人綠髮年華全盛白  
眉聲譽方新

風入松

歲寒心事舊相知相別去年時如今重覩春風  
面比年時消瘦些兒天上玉堂何在人間金鼎  
頻移 風塵不染素羅衣脉、倚柴扉桃根桃  
葉爭春媚儘教他濃抹脂胭老我揚州何遜壠  
頭誰為題詩

沁園春

脫屣紅塵移在碧山婁羅樹邊有兩兒冠帶眼  
前騰踏諸孫文采膝下聯翩石几蒸香水甌滌



筆重註義經得異傳餘無事但觀雲默坐聽雨  
高眠 龜巢幸與相連飲湖水清如飲菊泉問  
絳人甲子今四百皇家鍾乳何用三千銀艾忘  
情玉枝無汗一味清閑足引年昇平也看天恩  
賜帛雪髮垂肩

金縷衣

袁叔度  
新居

卜宅椒園裡響丁丁風斤月斧梁飛起窻戶  
青紅烟樹綠焜耀碧山隣里雞共犬也知輪美  
燕子飛來堂下舞砧輕盈掌上人堪喜更可愛

新桃李

長洲水接淞江水好秋風鱸魚蓴菜  
葑田菰米艷屋神仙羅綺楚舞吳歌娛晚景肉  
臺盤春筍奉甘旨五馬貴未足擬

西江月

老大無人青眼淒涼奈爾黃花秋來杯酌斷流  
霞兀對青山如畫 夢裡去尋東老覺來欲喚  
西家山童若說未能賒報道點茶來也

風入松

青龍地暖土酥香產玉似崑岡可憐不入瑤池



宴到冰壺風味淒涼忽憶故園時序春盤春酒  
羔羊青絲生菜韭芽黃銀鏤染紅霜桃花人  
面柔荑手酒微酣屏箸頻將鞞鼓一聲驚散六  
年地老天荒

西江月

綠樹雲林窈窕青苔石磴縈紆兩人林下曳長  
裾應是山中巢許空谷似聞樵斧危橋不渡  
徵車誰來為我借茅廬來與白雲同住

南鄉子

四野接平蕪一曲清溪似畫圖燕子日長溪館  
靜菰蒲風洒軒窗暑氣無林叟語樵蘇相送  
東橋日已晡啼鳥不知人禁酒葫蘆教我那處  
沾

摸魚子

作早春

看東風柳搖金縷精神頓美如許獨憐老我雙  
蓬鬢無復少年張緒楓葉渡任山水清妍可奈  
非吾土借人茅屋但有客相過清茶淡語間與  
論今古傷心處客去卧聽鞞鼓看花渾在烟



霧姑蘇臺榭笙歌散麋鹿又如前度誰恁悞放  
無限蒼生命墮顛厓苦蒹葭洲渚頓有箇扁舟  
三竿釣竹相伴開鷗鷺

水調歌韻中秋言懷

戰骨縞如雪月色淡中秋照我三千白髮都是  
亂離愁猶喜淞江西畔張緒門前楊柳堪係釣  
舟有酒適閒情何用上南樓 環金甲馳鉄馬  
任封侯青鞋布襪且將吾道付滄洲老桂秋香  
未了明日明年重看此曲為誰謳長揖二三子

頰為覓菟裘

憶王孫

銅駝淚濕翠首苔落地花如墮玉人可是東君  
不惜春問花孫海變桑田幾度新  
齊雲一炬起紅烟頃刻烟銷事已遷折戟沉沙  
月爛然船問祈連安得河清億萬年

水調歌韻

秋色淨如洗南極瑞光多秦柱山中隱者孤天  
掛烟蘿野老敲門看竹珍重主人留客呼酒瀉



金荷為問春秋多少筮道明年六十勲業蹉跎  
萬羊祿千駟馬待如何洛陽城市又看荆棘  
卧銅駝且喜堦庭玉樹五色鵝雛俱好把此琴  
瑟和一曲華胥引雙鬢雪兒歌

洪武九年秋余卜居于墩嘗作水調歌今

也人事乖違欲還故土故復和前韵以  
述其情并以留別吳下諸友時十三年  
六月初也

牙齒豁來久老氣尚橫秋買得歸耕黃犢兒輩

幸無愁相近六龍城下只在三家村裡結屋如  
小舟倚樹覽山色且免賦登樓看官爵都不  
似醉侯鄉里翁閒話便同學士坐瀛洲寄語東  
吳朋友乘興能來滿浦艤舟聽漁謳無酒不須  
慮解我破貂裘

滿庭芳

塵拂風生薰爐烟裊劇談天上人間馮夷擊鼓  
白鳳舞崑山驚倒五陵年少聽三老口角鳴湍  
江南好梅前菊後天氣帶微寒客來雖話別重



歌舊曲不是陽關笑間雲似我時去時還最喜  
烽烟盡熄青天淨一鏡團團重來也尋盟鷗鷺  
訪竹平問安

點絳脣 初度作

七十年前抱麟虛負雙親夢一襟空洞生世曾  
何用老我東門瓜也無心去種松醪甕瀉如  
鉛汞時與漁樵共  
海上歸來鬢毛枯似經霜草薄田些少茆屋園  
池小三子犁鋤三婦供蘋藻村居好兔園遺

藁是我傳家寶

弧矢虛懸舉杯適棲遲意明朝冬至有酒還聊  
沉醉堪笑神仙要作長生計人間世金烏西  
墜難把長繩繫  
老眼猶明著書未了餘生債客來休怪淡飯黃  
蘆菜踏雪觀梅清興依然在南門外夜來尋  
戴扶醉馱驢背

點檢龜巢素琴絃斷餘何有夫妻白首相敬如  
賓友三四兒孫五色斑斕袖梅花酒為翁稱



壽羅拜爺娘後

沁園春

借問黃花過了重陽如何始開為客中陶令逢  
他初度尊前杜舉要我相陪十日秋香百年晚  
景一笑今朝酒莫推風光好正涼生沆瀣淨洗  
氛埃胸中華嶽崔嵬下筆處長江滾滾來且  
折花簪帽劇談清事傳盃看劍聊適幽懷健翻  
低雲修鱗贈蹬人道公非百里才還知否那黃  
河清也白日悠悠哉

水調歌頭

六載遠相憶一日似三秋別後雪添蓬鬢著述  
遺窮愁幾度欲尋安道溪上片帆飛去興盡復  
回舟明月出東海隱躍見瓊樓喚龍伯擊鯨  
鼓舞陽侯何時盃酒重歌蘆葉舊汀洲多謝寄  
來雙鯉白雪陽春數曲為我和巴謳什襲付兒  
輩好學製弓裘

南樓令壽陳縣丞

赤手拔鯨牙長安早看花春風百里裏  
素麻柳



色宮袍銀束帶親受賜玉泉家  
鱗鼓報朝衙  
素弓掛綠蛇拜雙親盃捧流霞只恐哦松哦未  
了天上去又乘槎

八聲甘州 為友人贈醫士

喚嫦娥白兔下蟾宮玉杵搗玄霜自蒸蘭古鼎  
心融靈素默契岐黃不假殘膏賸馥時俗共傳  
方用我上池水遍洗膏肓家住六龍城裡有  
舊家風月三徑蒼葭更一林新種紅杏暎生香  
問年來活人多少輾然微笑說尋常誰能為寫

成佳傳汗竹流芳

蒲庭芳 夏五雨寒言懷

十里橫山一灣流水東洲暮雨孤村移來田舍  
山水對衙門老我無能為矣犁鉏事付與兒孫  
湖田上黃梅雨足蛙鼓聲喧親朋三四老鬚  
眉雪白言笑春溫每攜手相過清事閑論坐把  
山光水色茅柴酒傾倒匏樽章臺路馬啼塵土  
不到紫苔痕

又和寄江叔廉



雞犬相聞溪山如畫梅花只在藤村逍遙杖履  
不過翟公門前度春風已老對芳草還憶王孫  
長安市看花人去車馬爭喧向來東海上水  
南水北如石如濕念鷗冷詩盟何日重論老我  
蓬蒿三徑開懷抱賴有琴樽公知否蕭齋雨漏  
四壁篆書痕

菩薩蠻 七夕作

鋒稜磨盡方藏老懷羞對天孫說風葉動清商  
依稀似九章飄蕭雙鬢雪卧看滂、月、缺

有時圓人無再少年

水調歌頭 再和前韻

青白阮生眼皮裡有陽秋誰信近來懷抱汨  
泥窮愁昨夜僧房聽雨如在瀟湘夜泊歌枕卧  
孤舟無復少年日解佩醉秦樓更休說爛羊  
尉爛羊侯三山湖上如今田舍住東洲傾洞十  
年金草蓬勃一襟塵土白雪向誰謳濯足傍雲  
水披我老羊裘

水調歌頭 代陳氏謝徐彥銘



玉杵搗靈藥丹鼎養芙蓉城市山林小隱家住  
驛橋東况是南州高裔更飲上池真液冰雪炯  
心胸醫國手初試在處起疲癘種陰德方寸  
地繼頤翁活人多少蒲林新植杏花紅遮莫南  
山石爛又復瀛洲水淺都付笑談中刮目看塵  
表黃鵠駕天風

沁園春

寄張希尹兼簡  
劉小齋張熙載

憶昨秋風送書畫舫過楊柳洲把錦囊傾倒燈  
花共喜棹歌歸去詩草仍留坐榻高懸家童偶

語此客尋常頗見不襟懷好比子猷尋戴別樣  
風流別來一日似三秋且喜花時可勝遊要  
尋山問水春申故國賦詩醜酒季子高丘醉帽  
簪花吟茵藉草莫笑踈狂老未休同來也有堂  
前舊燕江上盟鷗

點絳脣

往古來今何人不道閑居好忙多閑少應被青  
山笑蒲柳衰顏我獨驚秋早茅齋小幾番掀  
倒風雨都濕了



風入松

孤舟浪打石尤風，霹靂浪聲中。布帆喜得歸無恙，繫長橋、似漁蓬。蛟渚如今寂寂，鷗波依舊溶溶。秋花開到雁來紅，金菊對芙蓉。一襟磊砢都澆去，飲紅灰、如飲黃封。睡到日高三丈，恹他樹鼓逢逢。

點絳脣

彩翼雙鳧寄來一幅天機錦，將意何勤。倦歲晚空山，不怕冰霜凜。西風緊，便添袍

緼被德吾無隱

八聲甘州

記年時東走避風塵，隨處覓桃源。偶相逢一笑，瑛山西畔，喬木參天。百尺元龍樓上下，榻許高眠。鼓我匏巴瑟，魚鳥欣然。每日春風池館有，竹林諸阮，醉袖聯翩。要簪花捧研，常挾兩飛仙。又安知素田瘦海，竟飄零老去，雪盈顛。綈袍外，故人餘意，肝胆雕鐫。

滿庭芳三闋



神仙有無安居華屋即是蓬壺榴花也學紅裙  
舞燕雀相呼水晶盤饌供麟脯珊瑚鈎簾捲蝦  
鬚吹龍笛擊鼉鼓年、初度長日盡歡娛風  
流醉翁褊禮袖舞窈窕歌童琵琶要與知音共  
換羽移宮玉蓮盃將酒供金蔗盞歸厨凍歡聲  
哄年、醉中岸幘藕花風橫山翠屏藏龍古  
井走馬長汀四時花竹多風景勝似丹青好兒  
郎天生寧馨好時節日見昇平氛埃淨年、壽  
星光照望雲亭

水龍吟

舊家金谷園林盡隨海變素田了一灣流水一  
林脩竹菟裘將老瀟灑軒窗波光隱映筆床茶  
灶但谿無六逸林無諸阮相與論懷抱不用  
滄洲洗耳聽風前此君清嘯黃金臺上儘教塵  
土騁車爭道魚鳥情親漁樵邂逅不時談笑看  
古來行路難行真個是閑居好

賀勝朝

吳淞舊雨相隣住喜復來今雨那時因遇十年







青年去了青衫破了舊日青氈無了一時清興  
未能除說與故人知道 春花春好秋花秋好  
每日看花尤好人生沽酒買花錢消得杖頭多  
少

一剪梅

崑岡火烈去年時玉也灰飛石也灰飛鶴長鳧  
短撻休題善有天知惡有天知 今年快活保  
妻兒歌也相宜舞也相宜揮金如土醉如泥休  
負佳期莫負佳期

又

東風吹醒老梅枝南也芳菲北也芳菲月明半  
夜五更時笛也爭吹角也爭吹 青松澗底獨  
離奇寒也誰知暖也誰知老夫聊為一戲歎梅  
也題詩松也題詩

又

一天和氣盞春暉桃也芳菲李也芳菲若教風  
打雨淋漓紅也塵泥白也塵泥 花前把酒挿  
花枝歌也相宜舞也相宜鶴長鳧短撻休提長



也天知短也天知

江城子

去年今日瀉天瓢水滔、斷蘆橋阻我羣仙  
鶴赴蟠桃獨有商羊偏喜雨跳且舞上山椒  
今年南極見丹霄射金蕉瑞光搖澆去胸中磊  
塊儘醜醜莫厭琵琶彈舊曲長聽取鬱輪袍

龜巢彙卷之十一終






龜巢彙卷之十二

書

上奉使宣撫書時為歲荒而述也

某嘗觀孟子告鄒君之言曰凶年飢歲君之民老弱轉乎溝壑壯者散而之四方者幾千人矣而君之倉廩寔府庫充有司莫以告是上慢而殘下也夫鄒小國也孟子猶以是告之况堂、天朝富有四海倉廩府庫比之鄒君相去萬、奈何有司者遇凶荒之年而不思救荒之策知





出納之吝而不知時措之宜其殘慢有甚于孟子之說者責何可逭耶伏惟大人奉 聖天子明命巡歷遐陬詢民疾苦其矜恤黎庶慈如父母糾正百官凜如風霜蓋能以 聖上之心為心唯恐一夫之不得其所耳然民之疾苦莫甚于飢今常州屬邑曰武進曰晉陵其境土與鎮江相連歲之凶荒寔相似也今兩縣之民皇 焉罄 焉與鎮江之民何以異哉然彼則有仰給官廩之喜此則有餓死溝壑之憂國家一視

同仁初無彼此厚薄之殊特係有司之能告與否耳嗟乎常之民自春冬徂春訴飢郡邑僅嘗得義倉之粟三斗而已斯人也譬之以旱之苗微雨斯須豈能蘇息必待優渥霑足而後免乎枯槁耳當此之時青黃不接食草木之根者有之鬻子女而食者有之去父母離鄉并行乞道路者滔 也有司方且移文覈寔藉有田之家計畝科數以為賑恤之政其亦不思之甚矣夫粟之為物必產于田歲凶則田不收矣夫不收



之田雖累巨萬粟何可得乎况頻年不登賦役  
重困產去稅存者十之八九一旦又加諸賦歛  
之毒其狼狽為何如哉徒使皂隸之徒家至戶  
到叫囂之聲雞犬弗寧是以有田者亦多為東  
西南北之人矣其詣有司者拘之繫之鞭之扑  
之刮龜毛于蠶楚之下剖鷲股于挫辱之餘區  
區所得民不足贍假令能贍其民何異奪烏鳶  
之食與之螻蟻耶若是者誠知大人君子之用  
心必不忍為也忍令有司為之乎夫常之為郡

大郡也官廩之蓄陳、相因又有附餘之粟存  
焉公帑之積綽、有餘又有贓罰之金在焉斯  
二者非國經費有司者亦何靳而不以施諸民  
乎苟能以是施之亦可解倒懸之急况能如汲  
黯發河內之粟乎惟大人舉而行之上推 聖  
思下副民望盛德之至也然民疾苦豈止于斯  
如公田之重租宜減官鹽之高價宜輕田戶之  
酒課宜更都水之冗員宜汰凡如此類未易枚  
舉獨以賑飢一事首賣鈞聽益民之顛連命在



朝夕非若他事可少緩也芻蕘之言倘蒙採擇  
餘者又當條具而細陳之惟大人垂察焉區  
千賣崇嚴不勝悚息

與王氏諸子書

諸君子居喪三年除服有日聞欲命羽士設醮  
以助冥福所費計統鈔三百經有奇以粟用之  
幾四百石是亦出乎孝敬之心循乎世俗之禮  
也然冥福之寔果何有哉以愚言之用三日醮  
筵之費賑一鄉人戶之飢當此凶年使數百千

人得舖其粟而免為溝中瘠者其歡欣贊頌豈  
止百倍于黃冠師之口哉若諸君子更欲盡追  
遠之誠則于祥禫之日豐潔致祭亦庶乎終喪  
之禮矣但今之世俗親歿之後凡言做好事者  
非佛氏之齋即老氏之醮二端之外餘無用情  
雖祭祀亦不為意蓋亦未之思也愚請引古證  
今以齋醮無足信者為諸公言之佛氏以釋迦  
為師其書由漢以來流入中國初無設齋之說  
也至梁武帝妄祈因果俾僧流為之厥後止滅



宗國餓死臺城使設齋而有因果豈至是哉道家以老君為師自周以來其書傳之天下亦無設醮之說也至宋徽宗妄意求福令羽流為之未幾傾危社稷流落金虜使設醮而能獲福決不至于此矣二君昏迷不明物理信一時妖幻之言為二氏衣食之計如此前代名賢當今豪傑卓然有見而不惑者固多有之惟閭閻細民惑者十九何足論哉諸君負聰明特達之才有深遠宏濶之見平居高論迥出人表豈至是而

亦淪于汚陋之習耶必能以理燭齋醮之妄以財行賑卹之仁上下一心虔奉祭祀一以寓孝思之意一以報罔極之恩上下鑒臨何福不至先君有靈必含笑冥中矣余以忠告者朋友之義也在交契不敢不忠惟君諸念之

論吳人不當祀范蠡

投老異鄉如龜藏六未嘗敢輒造公卿大人之門為游說之客也今一造焉亦不敢如方朔自譽毛遂自薦以求其用亦非敢有富國強兵之



策驚世駭俗之論以樹其能特以古人一事有  
闕風化敢請為閣下陳之僕嘗近過吳江嘗遊  
三高祠願瞻遺像覽前人記載金石之文見所  
謂三高者曰范蠡曰張翰曰陸龜蒙謂其清風  
峻節天下共高之邑人為東家丘而祀之僕于  
是竊有感焉夫季膺魯望吳產者也吳之人慕  
為東家丘是已鴟夷子皮始終事越間嘗以行  
成留于吳其心未嘗忘乎越也一日進美女納  
寶器以惑吳之君臣乘虛進兵以滅吳之宗社

大率皆蠡之謀越人論功蠡居第一豈非吳之  
大仇乎惟其功成名遂遯迹而去其識見固高  
于常人然浮海適齊則裝其珍寶珠玉以行在  
齊復營致千金之產自齊之陶懷其重寶而去  
居陶而父子耕畜轉物逐利又致累巨萬之資  
僕嘗觀太史公以是屢書不一書者蓋深鄙之  
非取之也較諸子房辭漢儵然從赤松子遊相  
去萬之矣又觀杜牧之詩蘇子瞻之詩皆謂范  
蠡西施以申公夏姬為比由是而言謂其為貪



為穢亦不為過尚何清風峻節之足慕乎今也  
以吳人馨香之黍稷享敵國貪穢之仇讎于理  
其可乎哉禮民不祀非族况仇讎乎或曰有其  
舉之不可廢也僕應之曰吳有三高人特未之  
思耳若太伯仲雍延陵季子真可謂天下所共  
高者也凡為吳人苟非土木孰不有高山景行  
之思雖欲主之而不能也唯當道君子循名核  
寔改而易之寔足以稱三高之名雪千載之羞  
而厭服輿人之心矣然斯言也僕不往告之他

人而特告于閣下者誠以閣下心正而理明學  
博而識高見義所在勇于有為凡以正人心厚  
風俗之事知無不行持此一端偶之未及耳及  
聞僕所說必不以人廢言此僕所以發其久積  
之口也惟閣下叅秉鈞衡之暇稽諸祀典以理  
裁之以義決之為之改作奉三讓至德之聖人  
祠于堂上配以二賢仍以季膺魯望列之從祀  
如此則正前人之謬新生民之耳目振高風崇  
禮讓激衰世薄俗而勸之其于風化豈小補哉



唯大人君子垂察焉若謂蠡之有功而祀之則越人祀之宜矣若諸葛武侯之賢蜀人祀之吳魏亦未嘗有祠焉斯理之公古今不殊幽明無間所謂質諸鬼神而無疑者也第恐不知者以僕之言既不足以謀身又不急于用世斥其迂濶而譏笑之僕于心誠無愧焉古語云可語與智者道難與俗人言所恃高明必蒙鑒察區區干竇崇嚴不勝悚息

代與李中丞書

某去年夏四月奉狀附某官漕運之行不審徹鈞覽否即日仲春伏惟鈞候神相多福某避地吳下六年于茲顛沛流離困窮艱難萬狀遠不能奔父喪于京師近不能葬母骨于鄉土兄弟妻孥救死不贍故于父母殆若忘思其寔銜哀茹痛朝斯夕斯未嘗頃刻忘于懷也若大人之深恩厚澤重如丘山亦未能伏謁門下効犬馬之力以報于萬一幽明兩負度日如年唯大人念先人之夙好憫遺孤之艱虞特賜哀憐不加



謹責為幸甚矣某擬今歲歸耕膠山剪荆棘藝  
禾黍庶一稔而有宿春之糧即洒飯先人之墓  
得負荆于大人之門也茲因吳縣尹詣前謹奉  
此承候起居併述所以趨趨負罪之故舍弟某  
臨書羅拜悃不殊前下情無任悚惧感慕之至  
伏惟鈞察

上盛教諭論土地夫人書

常州路學教授盛克明以文廟先聖殿及門  
廡等屋湫隘皆撤而新之廟前建文昌土

地二祠其土地舊多淫祀嘗詢之應芳悉  
皆除去但夫人之像為或者所沮而存余  
盡力請毀之至書再上教授乃白請郡守  
賈侯然之像遂毀教授名昭維揚人侯  
名禧字吉甫真定人也

自先生之教于常也講貫之暇繕修廟學二三  
年間百廢具興竊嘗與鄉之諸老論之皇元置  
郡博士以來未有如先生用心之勤者也功其  
懋哉功其懋哉特有細故一端尚宜改作敢以



狂瞽之言輒賣清聽惟先生察之伏覩本學重建地靈祠于儀門之外其神有無姑置勿論使誠有之是豈不知廉恥者哉今肖像之設夫婦偶坐楚：乎裙釵之飾盈：乎珠珍之粧侍從旁立男女雜處儼然坐聖人清廟之下能無恥乎禮曰男子居外女子居內又曰女子出門必擁蔽其面雖近世禮俗之敝亦未嘗無男女之別也至如閭閻細民之家人或過之其妻猶避嫌不出豈有身為神靈而為之配者不知內外

之分呈身露面眉案並食以饗士大夫籩豆之薦反不若閭閻匹婦而能避嫌乎吁幽明雖殊理則一致決無是理也明矣比聞吾先生以此為細微之故不欲矯世違俗而姑從衆也先生之心固然矣但學校者風化所出之地凡有作為人所矜式愚恐四方來觀將謂理或宜然轉相倣效又而卒莫知其非又恐禮法之士從而議之又安知先生初見之明如彼其後從衆之意如此耶此愚所以不避譴責僭伸尺喙以罄



其芻蕘之誠唯先生以理揆勇為撤去非惟雪神羞明礼教不淪胥習俗之謬抑亦可見先生之不以人廢言矣抑愚又有說焉天地之靈者莫靈于賢者也若吳季子張文靖胡文恭鄒忠公諸賢正毘陵土產之英靈學有舊祠庫隘弗稱即于此祠而祀之不勝夫無名氏之鬼乎程子曰除神祠而民為善斯言也雖質諸聖人在天之靈亦何疑哉夫如是而或獲戾于鬼神者凡加于某之身無悔區：僭越惟先生察之

又上盛教授書

某比見地靈祠設夫婦之像恐未合禮竊嘗冒昧有言欲裨明見亦庶乎他山之助耳或有謂予者曰怪神之事聖人不語非不語也蓋不易語諸人也夫地靈之神其配偶有無未易窺測若果無之則先儒君子必嘗論說今吾子以一介之微言雖屢中又安足取信于人也哉僕聞之既謝不敏退而考諸五峯胡先生之論南嶽曰世俗為廟貌置男女屋而貯之棄賣之甚厥



北溪陳先生又從而釋之曰自聖學不明鬼神  
情狀都不能曉如泰山封帝儼然人形垂旒端  
冕且立后殿于其後不知又是何山配之為婦  
也然則土地之于山嶽類也廟貌之設已為不  
經况復加之配偶乎惟先生撒而去之以祛衆  
惑其有未喻者乞以前二公大儒之言曉之其  
誰曰不然况當今天子所通祀者曰三皇曰孔  
子曰社稷或廟貌焉或壇壝焉皆未嘗有匹偶  
何物地靈而獨有之手稽之古訓已如彼參之

祀典又如此反覆思繹決無是理不免再用塵  
竇以彈其干慮一得之愚惟先生垂察焉

干周侍御作顧元公祠堂書

某毘陵鄙人也逃難異鄉百事踈懶惟好古之  
念根于其心老而彌篤偶有感觸奮然欲為力  
雖不足亦必假手于人卒于成而後已今有一  
事復因人就緒敢具述顛末為閣下陳之某僑  
居葑門適與顧元公之墓相近地方五六里俗  
稱顧崇墓是以知之既知之教往弔而問焉夫



元公晉之名臣也其勲業家世詳見史編元帝  
大興二年十一月十七日卒于官迄今凡一千  
五十年有餘碑文雖失丘壠尚存土人以其地  
如鳳形名鳳凰嶺前有二墩峙立左右叢祠一  
區為鄉人奉嘗之地其來遠矣近有無知之民  
昇置土地神塑像數輩列坐其中其荒謬淫褻  
有不可勝誅者以某一介之微不能改作是用  
言諸長洲縣令周君博雅而文方其視政之  
初力行古道故聞而喜之遂與某等展墓且詣

祠奠謁屬某為文告之曰何物地靈混此室處  
既而令方議斥去淫祀整葺祠宇邑人張寔乃  
樂成賢令之志輸財効力唯命是從巧人梓工  
並手交作瓦甍之毀者易之棟宇之朽者新之  
像設供具門垣墓表靡不完好二墩則各植梧  
桐二株名雙梧墩蓋張華嘗稱公為朝陽之鳳  
及墓名鳳嶺故也月餘畢功令復躬祭祠下麗  
牲有碑宜勒文以發昔賢之幽光而周令亦幸  
聯得書然必求大手筆為之斯不朽矣唯閣下



碩德令望為今儒宗典雅之文追古作者若篆  
隸之妙則雖秦丞相漢中郎並駕而驅吾不知  
其孰先而孰後也兵革以來諸老凋謝所謂斗  
南一人而已唯閣下追念前修賜之述作并為  
揮洒使刻之堅珉則詞翰兩絕焜耀丘壠將見  
士大夫爭先摹寫以廣其傳則元公之勲業聞  
望益著于青史之外矣某又考之南史晉武帝  
禁立碑表著于令甲至元帝時驃騎府主簿請  
恩葬舊君碩帝請為立碑詔特收之然則今閣

下之文繼美千載可謂無愧焉耳如其區區龜  
巢在往歲猶蒙黼黻矧斯文之傳有裨風化閣  
下豈不樂其美耶此某不揣僭越拜書閣下意  
閣下之必不却也輕瀆崇嚴不勝悚息

上王總管正風俗書

嘗聞豐山之鍾霜降而鳴說者謂氣之相感理  
或然也今某一介草莽覩吳下風俗之壞扼腕  
切齒不忍隱默敢請為閣下陳之蓋以閣下得  
天地之正氣養之于身施于政事故區區狂直



感而有聲猶豐山之鍾也惟閣下發號施令行  
諸郡邑必能誅鉏淫穢一洗汚俗振其氣之餘  
烈也是氣也在天則為風為霆為秋霜烈日在  
地則為草而指佞犬而咋姦豸而觸邪毆陽子  
所謂天地之義氣而孟子所謂浩然者也夫以  
閣下之清非秋霜乎其明非烈日乎政教號令  
非霆厲而風飛乎如某者氣稟猶直疾惡如仇  
蓋亦似乎指佞之草咋姦之犬觸邪之豸也昔  
孫叔敖殺兩頭蛇而陰德之報位至楚相自世

俗觀之教之殺蛇戕物命也殊不知除一物而  
免衆人之害德莫大者也今日之事正類此物  
故復舉此以破世俗之惑罄其一得之愚唯閣  
下察之

賀丁州判到任書

某客居江滸帶經而鋤一日鄉之父老過予曰  
兩年吾州以州長之賢民用復業今又得賢州  
佐仁其民必能盡除其煩苛使田里使歎恨之  
聲矣余居此飲婁江之水是亦婁江之人也可



不喜予可不賀予予曰倅方下車曷知其賢曰  
吾聞之居家能敬其親居官則敬其同僚遇文  
士則敬武士則敬縮衣黃冠醫藥卜筮之屬咸  
禮貌之微而皂隸亦善遇之又微而蚩之民  
伏庭下訟曲直者亦謹以三尺之法裁之未嘗  
厲其聲怒其色也是皆敬之存于中形于外如  
此非賢而能之乎時某樂聞其說因念先民之  
言謂能敬必有德以治民而民必被其澤矣  
既而入州以父老之言詢諸文武醫卜縮黃之

間無間然者至于縉紳月旦之評道路與人之  
頌比前所聞者尤加詳焉是誠可喜而可賀也  
然則一州之人今被其澤固當為一州之人賀  
等而上之澤及一郡則又當為一郡之人賀又  
等而上之敷歷臺閣羽儀天朝可為斯世斯民  
之賀者未艾也惟一念之敬始而終之君子慎  
焉

與陳翰林子山書

某丙申初冬逃難吳門逢人問閣下出處既嘗



為浙東路難之憂後二年聞居翰苑深用為喜  
近于唐彥博處又喜知爵位之崇道德文章之  
盛每誦一代不數人百年幾見之詩馳慕而  
已其離鄉六年備歷艱險年今六十百無所成  
獨與兒輩固窮未嘗一失其故步也比來目昏  
耳聾髯白如雪惟髮尚有黑者則其狀全類社  
公可笑可笑鄉人多無噍類而某一家數口幸  
免溝壑特未知將來如何耳茲因胡宰行謹此  
問訊即日秋高伏惟善加保愛亟秉鈞衡以福

天下

上周參政正風俗書

某毘陵賤士也曩歲以避兵來吳閣下時為郡  
主有所控訴俱蒙接納由是知閣下為能聽言  
為能下士常懷野人芹曝之獻而未能也今閣  
下參秉鈞衡為國柱石以斯世斯民為己任吳  
人賴之若子之有慈母風雨之有夏屋別妍媸  
而有鏡較輕長短而有權度也况閣下不自有  
其明下士之勤吐握不僂聽言之切詢及芻蕘



雖老無能為視舌猶在豈終無一言以效芹曝乎然國家之事錢穀甲兵則既有人籌之矣講求法制則亦有人矣薦賢舉能則又有人矣特吳中風俗壞于浮圖氏之不肖者曾無以及之其敢請為閣下直陳之夫男女有別然後父子親父子親然後義生義生然後禮作禮作然後萬物安無別無義禽獸之道故禮謹大婚詩首閔睢易著咸恒書載釐降聖人慮天下後世深矣彼佛之為教雖有異同然以淫為戒亦甚至

切但今之浮圖玉石淆混所謂不肖者乃僧中之羅刹佛氏之罪人無別無義之禽獸也其處其等之徒未易枚舉姑以目前言之其以堂、住持之稱接牆而妻妾中之妾駢集方丈行窩旁觀因往、唾斥怒罵但未有言于官者耳同衣不敢言之言之教門不敢言之鄉里不敢言之恐其怨詈也上司懸隔而不聞州縣置之而不問是以恣其荒淫了無忌憚遠近效尤淫風大行良家子女蘭鮑俱化甚可惜也愚惟狂直不



忍喑默然其本異鄉之人區、僭言猶殆西家  
之犬吠東隣之盜使其主因吠而警且能使其  
家衆捕之亦庶乎救其所失不然則犬為徒吠  
且徒取憎于盜耳今閣下當路于吳非斯民之  
主乎有司非家衆乎治其人使返其尤物而風  
俗還淳非尚救其失乎以閣下之明必不使某  
為徒吠犬之而徒取盜者之憎也惟閣下察之  
或疑浮圖氏不肖者多莫能盡治是大不然君  
子之德風也小人之德草也風行草偃如響斯

應有不待家至而戶到也昔明道程先生言于  
朝曰治天下以正風俗為本然則區、所陳不  
為細故惟閣下采擇賜之施行非言之幸斯世  
斯民之大幸也

與劉旭齋書

某三復誌文皆達生委命之意不凋不斲不支  
辭深用敬服謹依命微潤色之但遷葬二親不  
宜說以便省埽亦不宜泥風水之說也啓菴而  
遷庶合古制所謂以家學授受而姪子青領鄉



龜巢集卷之十一  
薦乃家庭盛事宜持書之至如派寓崑山亦紀  
寔也若孫某必書在某處不然則有其人而不  
知所在是闕文也以術數二字易相者之言則  
虛中之說前後相應又見公精于虛中一家之  
言而免議者有多惑之謂所需輓詩未能措手  
題小像教語方尔腹稿續當納上若夫戒酒一  
節未諭高見古人居喪不得飲酒食肉然必曰  
五十以上血氣既衰酒肉扶養者則不必然  
是則酒肉乃老者之不可無也今年將八秩正

宜以詩酒自娛盡其天年死無所憾戒而不飲  
非惑于罪福乎若以戒酒為盛德事勉而為之  
則古之聖賢皆欠此一德不然何老痴如是耶  
望不以人廢言亟請呼麴生以永朝夕重九日  
僕當折菊一枝携酒一壺併作活祭文詣前為  
公洗胸中凝滯也

與孝章殷君書

相去纔一舍地不面動經半載可勝馳情比聞  
足下以名後而往如玉抵鵲深用慨嘆既而知



有慵力者代之得不廢種學作文之業又深為之喜也某嘗謂士生斯世固樂于得時行道然有命焉非可力致當此之時苟能有一畝之宮可以栖息賣金買書教子共讀客至沽酒劇談古今真樂事也左近朋友唯足下洎子英袁君公振馬君鵬南執中二趙君有之幸足下勿以細故少沮而遽改樂其焉某于二十年前固嘗樂于此矣今茲窮途不復可得家累百六十指借屋而居仲春以來顏掾敗壁濕薪破灶視累

輩若有不豫色者某賴有陶詩一卷可以自娛且時與樵歌漁謳更唱迭和乃釋然無纖芥之累于胸中也諸友人會間煩以前所陳者告之使樂其樂旭齋劉先生無諸君之樂者則以漁樵唱和邀之亦必樂予之樂矣僧廬十絕先乞示教

上何太守書

僕本昆陵人也寄跡吳下于茲有年竊聞賢府侯以清靜治民廉明之聲洋溢千里凡民得以



安集于二天之下者為幸多矣僕雖窮居一室  
從事筆耕然日與田夫野老為伍而知其休戚  
焉比者欽奉綸音大赦天下聖恩汪濊物無不  
沾而斯民之幸尤多詔曰罷赦凶民何以紓之  
又曰民有不便有司舉之觀此足以見聖天子  
憂念斯民之心如此其切托付有司之意又如  
此其重也由是田野之民惟欣鼓舞意謂痛入  
骨髓今又增修水脚之患焉譬如久病之人舊  
疾未愈新病復增寔何可當哉奈何里胥催徵

急于星火飛笏挽粟夙夜不停捐、無吐氣暇  
雖欲赴訴于甘棠之下不可得已况能訴諸輦  
轂之下乎如某者以筆代耕田無寸土于官賦  
輕重本無干預然斯民疾苦之狀日慘于目嗟  
怨之聲日刺于耳誠有所不忍者况聞賢府侯  
吐握下士子愛斯民故輒敢以芻蕘之言上達  
台聽是猶豐山之鐘霜降而自鳴野人之芹愛  
君而持獻也一誠如此餘無覬覦惟大人君子  
上以體聖天子矜恤之意下以察疲民疾苦之



情鑒僕愚誠恕其僭越特蒙采擇賜之施行使  
困苦之民得以蘇息愁嘆之聲化歌為謳將見  
太史氏以循良之政登諸簡冊而僕亦當作襦  
袴之歌謠與田夫野老歌詠于郊野間矣

呈府侯書

嘗聞國家更化務從寬大以安民州縣承行貴  
在申明而無弊事既有乖理宜陳說見奉詔書  
內一欸節諉民間有不便事理諉載不盡者有  
司白明申舉輕者中書省即與施行重者集議

奏聞欽奉如此切見崑山州歲解秋糧八十餘  
萬石舊年本州遵奉上司所行每糧壹石起科  
水脚米一斗各保人戶赴京納糧其所用水脚  
俱係自行出備當時有司失于申明上司優免  
開除兼之張氏以來比于前元多增糧額民以  
窮困輸官不敷今加水脚其數愈厚不能辦致  
令催糧里長人等破家蕩產累遭杖責監係因  
圖受罪數月逃亡縊死者不知其數直至今年  
八月欽遇赦恩終方釋免切詳上司允行每糧



一石科米一斗既是明白水脚蓋以人戶赴京送納遠涉江湖艱難重費以此糧米為稍水船脚之用其理顯然上年官司所收不見如何用度即係重徵于民未經定奪開除况今洪武元年見奉上司明文起科船料令佃戶自辦人船送納官糧又每石收銅錢五十文及以官糧二百五十石起科水夫一名赴京徵漕運司應役上項元科水脚糧米有司一概征收使民不支官無用度非上司允行之意人民受害下情不

能上達良可哀憫若不建言尤慮今歲秋糧必到拖欠負累官府人戶逃亡不無荒廢田業關係非輕其他州縣事亦一體如蒙采覽備申上司詳議為民除免甚副聖天子憂恤斯民之美意公道幸甚蒼生幸甚

與孫彥民書

伏覽題願元公祠堂詩語皆事寔且以辨斥淫祀表而出之非苟作也筆之懷古錄中嘆賞未已忽州人抄示禮部符文行乎有司禁止淫祀



令取勦忠臣烈士之屬載諸祀典皆奉制集議而行寔為聖朝更化之盛舉忠如元公真宜廟食第恐里社之人不知東家丘之可敬不為申報良可惜也望先生借重一言詢諸郡邑必合于祀典載之有司歲時之祭將自茲始庶不負朝家之美意又恐革命以來巫覡之流復以妖像混淆煽惑愚俗軍民樵採或不知禁更乞上陳督府旁及郡縣請給榜文嚴加禁約尤見先生之扶義也元公在天之靈蓋昭昭耳某本合

親奉周旋適病齒痛劇其頭冷然寒熱不可以風故弗能前然視舌尚在且有知己可與之言故不自忘僭越而覲縷也惟先生不辭緩頰之勞特賜發揚公道幸甚元公本傳就用緘去拙詩奉懷別楮呈似一笑

慰顧國弔喪父書

莫春承令先君書首叙別懷次言羈况驚虞憂患靡不詳悉所喜舊疾新愈惟手顫不能作字又曰顫定更寫詩寄可也時子以來人便回即



口占一律用代答簡豈意五月六日遽聞捐館  
初疑謬未以為信又細詢之果爾大故不覺老  
淚之濕衣袂也區區朋友猶此慘怛况為之子  
若孫其鉅痛為何如哉然孝子之志宜以後事  
顯親務如刻銘紀德瘞骨山及以遺稿可  
傳世者鏤板而傳之如此則先君子之亾猶未  
亾也僕以哀老弗克蒲伏往弔竊見張司業以  
詩祭韓吏部勉效一篇以陳薄奠因敢僭越相  
告如前所云諸季洎令子諒惟孝心所同各異

節哀順變侈力遺事孝以盡孝思之情臨書凄  
楚至禱

與陳彥直書

古人有言曰瓜田不納履李下不整冠蓋嫌疑  
之地不可不慎眾口鑠金不可不畏今執事欲  
以臨濠倉屋就宅上為之意在招致同役鳩集  
梓工朝夕相與規措監督而成就之至如供給  
飲食收拾物料亦得以馳驅臧獲與隸之人為  
之効力此固忠厚子之用心視公家之事如家



事也然以嫌疑論之則類乎整季下之冠納瓜  
田之履知幾君子可不避乎數日來事未作以  
而行道之人已有萋菲之言况他日子吾嘗詢  
諸執事之骨肉至親及宗族姻眷朋友相知者  
皆曰誠有可嫌疑者如前所云但恐拂執事之  
意不敢直言不敢強諫退而論之謂猶可更張  
造作之地如郊墟陳渡橋等處鄉隣接境密迩  
同役執事領袖于彼使佐貳者各任其責工匠  
者各展其力凡一切所用錢物公同出納白明

簿書如此則不根之言無自而生矣或于公務  
之隙歸理家政亦何不可斯言也雖出自眾人  
之口寔合乎老夫之心用是筆之簡牘以告執  
事蓋亦恃乎平昔相愛相敬而以忠告朋友之  
義如此執事勿謂潔已奉公無可為其謗者昔  
周公聖人也而四國流言樂羊子賢士而盈篋  
謗書况今俗薄其嫉妬恚憎搖唇鼓舌者所在  
而成羣一旦妄生謗讟譁然蠢起執事將何術  
以止之耶苟無術以止之則其患有不可勝言



者可不慮哉易曰君子作事謀始又曰君子見  
幾而作不俟終日始而不謀見幾而不作後雖  
噬臍恐無及矣區、借言切希恕察

與許君善書

春初承諸名勝惠詩蓋以社樑無用之材或能  
致壽而忘其蒲柳之秋也知感知感自是音問  
曠絕不審動作何似可勝懷仰區、從居橫山  
日與野翁溪友班荆坐談或泥飲擊缶更相唱  
和以為娛樂餘無可言者數日前久而晴出

門野望欣然見百穀稔熟遙想吳淞江西溪沃  
壤秋風祀稷黃雲滿目真可為先生賀吾兒森  
得舅氏新田四五畝耕以藝秫度其所收亦可  
釀臍酒作粗糶以充其親之老饕若先生之家  
豈不十倍于此倍十之喜亦可知矣干墩諸故  
人煩問訊併致豐年之賀臨書馳系

與袁子英書

比者周履常來承手誨具審起居安吉諸公多  
星散所喜孝伯教諭遠歸及有提舉俞先生寓



同里開相與誦明古道或唱或和時以為樂而  
其違距三百里恨無縮地術以同其樂也如景  
仰何如景仰何曩聞欲著書以究理學之蘊其  
他述作必更有之示教一二可乎吾儕道同志  
合雖各處一方苟能于文字間以古道勗率交  
相責善視連屋不相往來與夫往來而蔑可語  
者遠勝之矣俞先生未嘗參拜莫敢以此情告  
公及秦陸盧毅熊諸契家念僕舊交勿棄老謬  
幸賜警策則區區未死以前皆可以與聞古道

之日也某目雖昏尚可強觀大字書耳雖聾亦  
可以聽人高聲語但健忘絕不能記或欲作一  
書閱數日而不能成既成而援筆欲寫又為茫  
然嗜學之意寔未厭也惟諸公念之春晚寒不  
常切冀為斯文慎重暖

與京口俞伯鎮書

比小兒去丹陽倉卒附舟不及書問及歸乃言  
嘗至瓮城以塵容俗狀羞去謁見即日仲春計  
惟天相斯文動止迺吉朝夕悅遊或山歌野唱



以適其適餘無可與故人道者西望長江馳慕而已公居泮宮必多著述不鄙老謬尚希有以見教近聞丹塗令君死葬魚腹蔚有政教聲區區恨不得其姓氏事實之詳筆之野史敢煩高弟錄示可乎本官遺文暨諸大手筆之所記載尤望示警吁喧啾百鳥中忽見孤鳳鳴識與不識者皆樂為之一聞耳末由會晤更冀珍重

答熊元修書

頃辱賜詩及書其詩所以開釋老懷者多矣書

辭詳悉如聆面言然皆屬進理情事非世俗寒暄之問而已蒙所跋雷震事言簡理明珠有警策辨惑編未到書府不知陸沉何地矣今再用一冊與鷗盟文送上此文命題蓋子烏有類也繆悠之談苟合雅意老夫亦得挂名鷗社中不亦可乎愚見以閒叟易野叟之號名寔相稱且人皆得以稱道耳比聞寓舍有鬱攸兩番之厄而郎固且為萬里之行懷抱欠佳然君子處困而亨乃為曠達况有小令郎幹父之疊朝夕侍



側足以為娛此意此言惟先生然之如某者自  
去秋為凶人排陷嘗繼以重疾人皆危之賴天  
之靈復延殘喘由夏而秋邨居放適數日患痢  
自謂必死僥倖又不藥而愈亟命兒輩執筆口  
授答諸公春首之詩及盡償隔年詩債先生聞  
之必為我一大喙也虛

與侄僧德藏主書

汝七八歲時父母鍾愛因汝父好佛欲令汝為  
僧身雖在家已僧其首教汝讀論孟即兼佛書

垂及成童遽命從釋汝母泣而從之時優曇師  
為汝祝髮授以五戒汝侍靈隱竹泉師法席果  
若之費罄汝衣鉢汝父且竭力繼之蓋望汝為  
釋門偉器至如成佛作祖說法度人皆汝父所  
望也不幸汝母先即世父亦客死于兵不能見  
汝特達可不念哉可不念哉今汝汨沒固時之  
使然兵途數年竟不復檢點其身奮勵其志貿  
貿焉甘于葷鬪豈絕然不記汝父之言耶近聞  
去金陵謁西域高年之僧受戒而回吾謂此行



在庸人則以為可喜在汝則以為可笑蓋庸人  
昧理有不知奸盜淫妄之非或酗于酒一旦受  
此五戒遵而行之變惡為善是可嘉也汝自幼  
為兩名師弟子豈不曾授汝之戒乎抑西來之  
僧不以瞿曇為宗而別有所戒乎不然則往年  
之戒即今日之戒受而不持徒爾僕、是可笑  
也吾嘗見佛書說父母劬勞四恩之一也凡學  
佛者在所當報不知胡老僧曾語及否吾聞汝  
于二親嘗及俗礼掃墓等事皆不為之其心必

曰古禪老有言一子出家九族升天是為大孝  
惟恐不能盡出家之道度九族之人負乃劬勞  
為人訕笑以為豺狼之不如子心安乎余近者  
一病幾死日來稍愈恐旦夕溘先朝露則斯言  
無復有人告汝故扶僮援筆布露肝胆慎勿諱  
疾而忌醫蹈前覆轍父母所生二子汝兄早歿  
惟汝獨存春秋祭祀奚忍收汝而絕耶似續之  
計老不可為若釋門祀奉之礼汝亦可為可否  
則春秋祭掃随俗礼以終其身亦庶不忘罔極



之報云爾若夫修行之道非吾所知想亦當先  
務檢點其身奮厲其志持守戒律由粗入精水  
到渠成何所不至誠能如是乃不負汝父平昔  
之願也汝其勉之至予生平業儒故不事佛使  
其為僧則衣佛之衣學佛之學凡與汝所言者  
自當力行幸勿謂言耄而忽之

與蘇性可書

中秋前一日霪雨喜晴晨起坐篋牖下焚香尾  
鼎三復魏公百韵詩追念先君面諭之言雖

隔一宇宙猶昨日也感慨之餘書教語卷末謹  
用納上以今觀之前輩如瞻翁先生得正大之  
學不為異端紊惑者益鮮矣幸而象賢有子又  
篤生磊落振拔之孫及有姻眷如伯遠兄者相  
與矗立交相勉勵視百家妖妄邪誕之說如鵠  
鷗夜鳴唾罵斥逐不一動其心此僕所以愛之  
敬之與三俊為忘年交也數日來抱疾待斃百  
無掛牽但恐兒輩于失怙之後為鄉俗所移或  
違治命吾死之日三君子有能為中流砥柱者



乎伯遠洎令嗣偉正同此致意顏慙不克親書  
必蒙照察

與蘇吳趙二心友書

今春曹德升去嘗致書二妙隨得報章知中行  
辟地海濱蓋亦離羣而索居也時老夫多憂患  
中聞之為之悵然荷執中垂念不遠三百里欲  
賜見訪此情豈泛愛者可同語哉某二三年來  
父子遘迤有不甘與故舊言者前年秋本為縣  
學訓導冒嫉以擅自離役訟之受笞五十斤為

編氓去年暮冬忽分憲于案牘下求疵府司官  
曹俱被罪責而木復加五十五杖發鳳陽屯種  
時某以卧病不能為之聲訴痛苦而已抑鬱而  
已某從弟送行至正月中旬負疾而歸醫救月  
餘屢瀕于危老夫平生忠况未有如斯時者既  
而病者弗藥老懷稍紓方擬抱牒赴臺閣之下  
以鳴其不平承郡守以毘陵誌書付託辭不獲  
命自春徂夏屛勉校正疲憊之軀如墮膠漆每  
一思之涕淚交瀉如此又兩月之餘夏初誌書



甫完乃盲左目雖可見天日如隔烟霧由是杜  
門藥餌又復經月慮恐雙目俱瞽則此志不伸  
此子不復能救矣于是奮不顧死力疾詣憲府  
陳詞仍以忠詩傾寫舐犢之情賴臺官上下如  
秦鏡並照灼見肝胆特賜哀憐信宿之間上徹  
天聽欽蒙玉音放木歸養半年陷阱一旦得脫  
于七月初三日到家老夫先歸兼旬其抑鬱痛  
苦積于懷抱者方若水釋矣庶非上天有以相  
之不能也非祖宗之遺澤未泯亦不能也願區

區力援其子以盡為父之道寔斯文啓迪之力  
為多二公吾斯文骨肉視木如弟任者其受禍  
必為之憂苦其蒙恩亦必為喜懌故歷敘顛末  
用徹清聽不自覺其覩縷也拙詩就呈事亦概  
見凡知己如玄修子英公振鈞善諸先生就煩  
舉似或者有以見教則老夫得歌詠為樂其幸  
多矣蓋平昔樂于讀書今以目疾而廢但每日  
飽飯熟睡無有猷亦無可為樂者惟樂此一事  
以待斃耳未會間惟二妙德業進修幽貞養福



下情不勝至禱不宣

答許鈞善書

中秋後一日翰墨到手甚慰馳思且知三書渺  
茫垂念愈切蒙薦館地且玉其成鮑叔之知何  
以過此但某年既耄矣某子如死而復生有菽  
水之養矣苟不知止貽笑老聃亦違我聖人貪  
得之戒矣佩服重言敢聞命方竹杖甚嘉受惠  
感激承問吾兒其事見于送趙書中皆抄去先  
生視之必重為之感而喜也

答管伯齡書

一別十年相去幾二百里非惟會面之難而書  
尺亦不能寄清風明月未嘗不思玄度也羨上  
人自錦里來歸得手札併佳章情誼藹然文藻  
燦爛足見德業與年齒俱高欣羨欣羨淩江之  
東詞林獨步又安得尊細論如曩年終日竟夕  
之娛乎然昔人有言心親則千里晤對矍鑠二  
老扁舟往來不消十數日程相與訪諸故人于  
三江五湖之上以適其適真吾輩餘生之樂事



也歲晚有興當踐斯言奉和來詩聊抒情愫鄙  
陋之辭發一笑耳今嗣過庭煩道前悃金陵往  
還過敝寓白鶴溪上可乎兒輩曰木曰森皆為  
農橫山之陽廢學可恥蒙郡守過愛舉充江陰  
縣學職固辭不獲去有日矣其如居者壁立何  
故人垂念故及之餘不盡言臨書馳系

與盧公武書

前歲殿文學再赴咸陽至持佳作且極談幽貞  
之吉甚慰馳想今年春得袁子英先生書乃知

公車入鳳閣而演綸之筆已在手矣可喜可賀  
即日諒惟德日益修道日益隆而文譽日益以  
著可勝企仰從子林到京問起居併以拙詩一  
小編呈似蓋有學子王尚綱者將欲刻畫無益  
出醜鄉里于子舊稿中摘出一二類而編之敢  
望痛加刪削賜之序引則庶或不為醬豢矣往  
者懷古錄辱有紀今止之原稿若存乞更抄示  
區、恭花手中并囑碑一本送上希領意歲晏  
更冀為斯文慎重以迓春禧載



與陶孝思書

比月旦鄉飲而別滿望執事與郡庠諸友同過  
鄒墓以陪賢太守及官僚之屬同為祭掃不審  
胡為不來也夫鄒忠公為道學君子天下共賢  
之在昔學有祠墓有亭郡守教官歲有祀事二  
三百年之間遺文尚存非謬傳也然豈特鄉郡  
如此哉凡其平昔過化之地莫不尸而祝之惟  
近歲以來郡中之祠亭俱毀奉嘗之祀寢為廢  
缺今府公舉茲墜典斯文有光較諸弔長弘祭

樂毅屈平田橫諸先民者豈不偉歎是行也雖  
道路之人猶為興感矧學士大夫好古而尊賢  
者乎某于五月七月間有拙詩二首茲用錄似  
葢以執事相知而不哂也其迂相弊而不責其  
僭必能倡率鼓舞賜之述作若郡博士先生及  
周儲二妙見之亦必翕然揄揚以崇先哲縣學  
諸名勝聞之又安得不悅而作興耶展墓之行  
想能有日而某又當持一杯以陪沃酌區區別  
有僭言庶得面盡矣不宣



上武進縣樊大尹請置先賢祠書

某嘗聞古者祭鄉先生于社蓋祭社以功而鄉先生以德而預享焉崇德報功其義一也近世祠鄉賢于學宮是亦附祭于社之遺意其祀可不事歟姑以武進言之若我胡文恭公張文清公鄒忠公霍狀元乃所謂鄉先生之表者前知縣江右董公繕修黌舍嘗置祠文廟儀門之左欲于此祠而奉祀之以秩滿而去遂成曠典今明府視政以來閭邑之事大小畢舉持此未

之及然而事雖微寔係風化如蒙即此祠宇修設供具崇奉先哲尸而祝之使邑人知所向慕必有過祠下而嘉嘆之者曰今之山川猶古山川也今之學校亦古學校也士生斯邑苟能如前人之賢為世師表亦得享無窮之祀矣由是而感發興起奮勵激昂風聲氣習渾然俱化又安知不有胡張鄒霍之賢相繼而出耶愚所謂事雖至微而係于風化者此也惟明府不以老生之言為迂而以國家之風化為重舉此盛事



以勵風俗斯文幸甚鄉邑幸甚

答崑山袁子英書

七月望正鬱乎苦熱忽承六月廿四日書及聯  
篇迷作逐一披玩快然如清風入懷加以金井  
水洗面醴泉甘露之沃烟火肺腸也繼即付小  
兒林達張溥南近林自郡庠來歸云學中諸士  
友同觀蚶盃之詩不勝稱羨想希尹得之玩味  
賞識其快意無異于老夫也某白首歸里故舊  
淪沒惟希尹相知為深若思賢錄一見即欣然

助楮板百片且將率好事者刻之想執事聞之  
亦以為喜故用語及區區又有一事不避訛笑  
專此干托學子王著欲以龜巢藁鋟梓因摘數  
十篇與之名曰摘藁愚意亂道雖多不能盡出  
醜耳然必大手筆如提舉平齋余先生者畧為  
序引若右軍為叢山老嫗書扇則非唯價重當  
時而名亦為之不泯惟執事玉成之某于此先  
生固未嘗有半面之雅去年冬嘗蒙惠書以光  
衰朽乃執事過愛其亦從而愛之今之求文諒



執事一語之賜必可得矣他日當專持辦香因  
徐見孟以鳴謝悃餘有干竇別楮具陳鈞乞留  
意朝暮間拱候報音辰下雨涼伏惟諄貫之暇  
多有著述示教二三尤妙東望玉峯無任馳想

與賈教授書

昔郡庠祠道鄉鄒先生祀享而學官復有墓祭  
由宋而元未嘗廢弛今我郡博士未蒙舉行蓋  
兵革之後學校方興前此或未之聞也區、老  
生用敢饒舌勿以人廢言與周儲兩助教議之

持賜修舉則某亦當采薇橫山挹泉龍井扶德  
駿奔以從諸公之後矣茲有口占併以思賢錄  
送上惟諄貫之暇電目一覽必有佳作如前輩  
發先哲之餘光也唐奉在迩書不盡言臨楮馳  
系不宣

與鄉友鄒鈞顯論合祀忠公書

嘗聞盱江李太白之沒家無子孫其鄉邑學校  
葬而祀之祭掃不缺也柳耆卿客死襄陽羣妓  
金合而葬每春上塚謂弔柳七至今而為美談



吁以太伯視吾鄉先生鄒忠公之賢有間矣况  
柳卿乎夫鄒公程門傳道為一代名臣且嘗以  
義文周孔之易論孟之書發明妙理垂教百世  
郡有祠墓幾三百年不幸因元祐以來有非其  
種而為似續佳城毀滅殆盡幾以陵谷變遷蕩  
然無遺去年冬賴有賢太守率僚屬墓祭碑之  
仆者植之樵而收者禁之庶亦無愧太伯之郡  
邑矣第吾黨服儒衣冠未嘗持一觴以澆墳上  
之士視寰之舞裙歌扇者反不及之區：老生

感今懷古可不告諸文獻故家乎惟執事乃故  
家之傑出者也願其嘗以忠公之盛德大業洎  
諸賢士大夫紀述之辭錄為一帙名思賢苟能  
板刻而傳使觀者知忠公之賢如此則其高山  
景行之思駿奔遠豆之敬自有不能已者景鄒  
有亭顯忠有菴皆無異于古人夫如是則斯文  
之光鄉土之榮風俗之厚且美為何如哉昔人  
有言曰存則人止則書蓋書存則其人之止猶  
不止也



與詹伯遠書

前兩年宜興主簿許六月送炭蓋其知范叔之寒豫為之計今足下于此月惠布蓋與許公之心同于一誠也老夫雖嘗以小詩謝之今衰懶不能措一詞然此心感荷寔不能忘知己者必以情恕非簡慢也近得江陰張希尹都事廬屋篇謹用緘去此老語不過諛而意有抑揚下足宜面識之餘人所作尚未到手性可賢父子佳章母各見示老夫自月旦到陳館代子訓蒙稍

暇則以古今名人之詩長歌短詠自以為樂殆猶曾皙之嗜羊棗也可笑可笑辰下暑而涼惟樂歲優游安享清福為慰

與李石泉詩

某寓此寂寞濱日以吟嘯自娛過客多望、而去有如一泉近仁至則開坐片時語及吟事者益絕無而僅有也所需拙作令學子錄去諸人視之必有笑吾輩所好如柳下之鍛何足樂哉然自得之樂難以語人亦不强與之語也秋涼



過此必留一宿然庶得清 明月之夜傾倒所  
懷耳聞以一泉為字久矣近獲晤語言乃改為  
石泉又欲以固本為字石泉則為道號矣某因  
足下去速不細論想所以欲改者必有人謂一  
泉二字奇崛且無出處是大不然夫一泉者謂  
一脉之泉自源而出非溢羨之詞也若僭效古  
人之九淵及世俗所矜玉泉之類却當改之况  
道號宜在晚年隨所寓而稱之不必拘于名  
字之義回示雅意當為作字說去矣餘文縷述

不宣

答袁子英書

秋間領教帖及發至余先生文叙此蓋以執事  
過情之譽致蒙褒拂如此兒輩得之即錄諸梓  
老夫感銘于心豈忘所自哉今拙詩二首其一  
寫懷仰之情一以謝余提舉并寄陽羨茶一罍  
惠山泉兩罌區區微忱煩為轉達所諭毀范蠡  
祠不審果否抄示之文又不知前輩遺藁耶今  
人所著耶祠毀于某年月某人言之某人行之



耶欲得其詳傳之郡邑使在位君子有倣效者亦遵令典正風俗之一端也某因兒子木入杭代渠訓蒙陳氏閱三四月漁樵唱和無足舉似近作辨訛數十語將與館人行之錄去求教某詞冗長以其欲揭之叢祠諭彼愚俗不得不然所愧不能言簡意明如古作者欲再得木居士等一二事引用其間惟執事多識前言敢求批示某以兩目昏盲不克詣足下座下細論徒增馳慕而已余先生洎諸名勝同此請益即日祈

寒切冀安居養泰以壽斯文

答惠子及送泉書

一別兩年將謂假館華庄優游蔗境未聞移席縣庠也故昨日于學齋書中有失問訊茲承賜詩與惠泉偕至不勝感激遂即刻奉和以抒謝忱曰龍山只在片雲間不到山中四十年多謝故人知渴想瓦甌封寄煮茶泉一笑一笑學齋回更煩尋水符之盟毋使山靈笑人寂々也竹山詞以為烏有弗克奉命歲晏未由晤言惟善



保為斯文壽

與曹師禹書

昨詣魁熟值入郡未回絳帳之下矜佩仍集賢  
主翁代鳴教鐸清風穆如歆羨而退老夫藏六  
如龜亦有時踳跚于西枝之西東洲之東如曳  
尾泥塗者近聞里中有孝感事心甚喜之作小  
傳為記其寔片楮錄上敢望與寔翁德和諸名  
勝交相潤飾賜之咏歌庶幾觀民風者採撫亦  
可為聲教之助云爾

與永慶雪心長老書

比承襄茗過寂寞濱閣、語言殊可人意且蒙  
以清節處士徵予文義不容辭然別後思之似  
難以盡竹之美遽用為號嘗觀古之人以號著  
稱者多矣姑舉其一二言之若晉之陶淵明門  
栽五柳因自謂五柳先生世以不事二君乃以  
靖節處士稱之非自號也陶弘景掛冠神武門  
歸隱華陽洞人稱華陽隱君後賜號華陽真逸  
唐之張志和待詔翰林以母歿不仕居江湖間



稱烟波釣徒後賜號曰玄真子亦非自美也白  
樂天平生顯官晚年放意詩酒自稱醉吟先生  
及與香山僧論等結社稱香山居士而已宋徽  
宗以徐仲車不仕為孝民栽木連理甘露屢降  
謚節孝處士歐陽公以劉凝之棄官歸匡廬作  
詩贈之有曰丈夫壯節似君少其後朱晦菴為  
作祠亭扁曰壯節皆非駕空立說也由是觀之  
曰清曰節詎宜自稱在他人亦不宜過情而譽  
之今王處士之家或有清節可愛之竹以寓名

稱或與丹丘羽士為方外遊即以此意淡然為  
號豈不躔欵今西者鞠躬問道于師之像置諸  
卷首亦人所未曉也是皆待公與之論定批示  
詳悉方可措手拙直之言必蒙領畧秋暑尚熾  
惟安養為宗門自重稍涼造見以謝先施并畫  
所懷臨書不勝馳系

荅集講主書

八月初承書及詩乃知仁祥二長者一在九京  
一居濠上前聞陶生之言皆謬也誦詩驚怛而



嗟嘆之迄今未已惟高隱清修得大自在且與諸親友及密迹者遊從如昨可敬可羨所諭聽雨蓬海洋等作丁寧舟四義不容辭但昏耄無可人語茲用稿呈煩為潤色庶不為二公之醫蒙耳兒子林去冬臘月赴新鄭縣不得奉命若海萍之詩必得釋門善知識以上秉宗旨發揚方盡其妙非兒輩章句詞之所能也如老夫儒者亦臆度想像而已淞南小隱却易可作亦煩先得其詳方可着筆區區管見改日細論有恒

振諸吟伯求賦錢孝女詩煩介意取寄呂克宅  
專望專望史與宗門自重不宣

與林掌教諭請建先賢祠書

夫學校以明倫為本育才為風化之所由出也如追慕前賢褒嘉忠孝節義等事樹之風聲使化行俗美則于學校之教豈小補哉汝今所職不可不知此先務也吾聞新鄭為古名邑有東里子產故鄉宋歐陽文忠公之墓在焉此二賢者一為鄭之賢大夫事見春秋傳等書不毀



鄉校已大有功于世教况其有君子之道乎其一以道德文章為世師表力排異端羽翼名教配諸孟韓功亦懋矣凡過而知者當為起敬邑之人可無桐鄉之愛乎汝今多幸奉天子之命領教茲邑訪求古蹟知有二賢理宜考之簡冊叅之禮經告于當道請置祠學宮是亦古者祀鄉先生于社之遺意也釋菜之禮以誠以敬毋事繁文尤不宜用世俗措錙如賄賂然其祠堂供具亦從簡古毋事華飾斥費之資當割俸與

諸生及賢士大夫協力為之慎勿為邑氓之撓愚見如此未審諸名公以為何如

與熊元修書

昨者不以衰朽自棄往訪故人滿擬細講道誼傾寫素懷奈何以目青加以暴疾不如所願臨行辱厚餽不能謝別蒙諭淫祀雖以懷古錄薦呈亦不能面議攘斥之意悵然而歸連數日所患不痊暗室坐卧因思洪武初親覩詔條斷除塑像今彼無知民不以顧元公忠蓋為忠而以



俗稱金家神之類羣然土偶玉石混淆非惟循  
蹈前轍覆有負前人且違今代維新之命宜于  
里中及守祠者示以禮法悉以屏除設木主題  
曰晉散騎常侍顧元公之神庶得上遵國典下  
息邪說豈不遑歟想先生以足疾所沮忿然于  
懷莫若告諸鱸鄉隱者等一鼓作氣仗大義而  
為之不啻如摧枯拉朽耳某寔以衰病不前此  
舌尚存豈容嘿先生與諸公必能矜察非徒  
為是嘍然也乃事願末具載周左丞記中請

稽考事實合宜而行慎勿為猜吠雪者死焉  
雲山相望願俟報音夜來兒輩誦佳作于孝友  
之事議論抑揚詞意古淡非泛泛者可比小兒  
求引年詩尚希賜教鱸鄉諸吟友二詩兼得尤  
佳瑣碎不及各書煩為引忱臨楮馳系不宣

與吳中衡書

別後第三日小兒以舟自無錫問津到令親蔣  
宅滿擬請闔孺人與老妻兒婦輩少聚奈何如  
燕鴻相避悵然而歸然令岳母老安人在彼養



病賢夫婦必有候問之日望乘便過寂寥濱茶  
話以償所願鷗社翁所言淫祀愚意以執事寓  
居長洲難與里中等語鷗社軟脚疾雖厄健步  
或可以古今理法告諸鱸鄉隱者從容而為之  
則無以異乎老夫奔走先後也尊翁挽詞併舊  
文錄上所領厚惠舉室知感同此申謝到干墩  
王有恒處更煩索引年集求諸公詩賤累老妻  
而下兒輩等皆囑筆問貴眷起居併奉相過之  
約區、懇禱不宣

與馬公振諸故人書

比到干墩蒙禘袍恋、日與周旋予死問生悉  
如所願又獲贊成思賢錄事欣幸佩德沒齒不  
忘但不得一登草堂連床夜話荷執事以目疾  
見憐弗責爾如仲昭甫孝義恭謹襟度恢弘雪  
蓬叟敬老愛客挺拔出羣其禮意皆溢乎款接  
餽贈之外有可思而不可忘也南澗海萍二法  
師忘形而知心有恒濟民二弊家愛敬而盡禮  
明善則篤親戚重師友才識兼進尤為可喜相



見煩一、道謝別後到陳溪信宿逢人說項無  
不欣羨思賢錄命刊書者為之為無梨板未得  
速成想中秋前王猷訪戴之日書成則偕往晤  
言特未知病眼為何如耳執事詩已編錄孝女  
詩于吳彥德處取至但欠伯齡先生等作尚有  
望焉諸公賜引年詩多、益善更煩發去中行  
兄處蓋熊毛諸吟友欲作故也老夫重改去慈  
竹軒詩尚冀羣彥以郢斤交斲付明善入卷無  
致為大方笑仲安賢良彥清昆季同此致意不

及另書草、

答謝袁子英先生書

性中上人來承問吾子早世以詞哀之以雞酒  
祭之存歿知感即日莫春伏惟師弟風雪詠歸  
追踪古人賸有樂地老夫可仰而不可即也自  
去夏以來目昏則見人不能識認耳聾則低聲  
語言不聞齒髮皆脫落幾盡日食糜粥殘喘僅  
存然此心好古嗜學不減疇昔時令小孫輩近  
立侍傍高誦原道西銘太極圖說等篇不忘素



志奈有時以目前平地風波為之驚憂恨不得  
與亡妻相從九原之為愈也謹此奉謝併述潦  
倒之狀如前所云晤言無期切冀善保以享清  
福不宣

與姜天定書

前者得挽詩二首吾子冥之中必知感高義  
老夫亦知所學非舊阿蒙但不克一相見與細  
論不識近日為醫為儒專于何業少暇可過潞  
城與小孫同到橫山啜清茶說淡話就煩刪擇

舊稿類抄別快蓋年來兩目昏盲謄錄者字多  
差誤得正是之庶免後人之笑耳有一館地就  
議可否寒家雖遭兩喪皆不用世俗所尚之禮  
足下之來無勞虛費夫貧者不以貨財為禮老  
者不以筋力為禮此古之通義也但近年朋友  
道喪不可不講風俗甚薄宜敦勸之若吾友吳  
啓之父子王季高叔侄令弟周輔等皆平昔有  
見識者有議論者聞吾輩講今古必能輔相激  
勸以篤人倫以厚風俗曾子曰人之將死其言



也善請誦此以速其行老夫衰頹不久于世遲  
則不復論此古道矣良可惜也偶有謝新鄭張  
宰一詩錄去過目觀其仗義如此薄俗之敦亦  
庶幾焉

與袁耕學書

比在崑山四十日凡新知舊交青目顧盼赤心  
解紛指迷途挽頹波者皆知所自也况飲食交  
戰禮意俱隆老夫與子孫輩感銘心骨有難以  
筆舌盡者會間頌一代謝六月朔到家布帆

無恙但病目赤爛兩耳益聾殊覺厭世若友文  
齋扁頰先生為之孝女事政宜上旌善亭表著  
以遵令典以厚風俗其移文立傳事合詳明宜  
大手筆為之吾輩當從而贊美可也姓名年紀  
歲月日時得批示一知尤妙即日暑雨希倍加  
珍攝為斯文壽

與俞彥智書

昨到崑山故舊中如耕學先生靈光巋然新相  
者知皆可人意惟執事削去邊幅能仗大義能







之徒惟誘掖獎勸以玉成之醉琴賢賓主續當  
印去懷哉昭甫無任悵惜

與余茂本通政書

昨到崑山得傾蓋如故者數人而執事開誠心  
論古道片言隻字商畧可否其謙益有過人者  
遠大之器豈易量哉况飲食餽遺禮意兼盡使  
老夫及兒輩感佩而歸未知所報嘗免作亡子  
挽詩必蒙留意望付至以光泉壤區、贈無逸  
一詩煩為轉達令親雪蓬高隣仲各會問呼賤

名致謝即日秋暑更異節哀慎重以終禮制臨  
書馳系

與張子才書

曩歲承艤舟東郭知老夫坐分鷗沙賜以專席  
奈交臂而失候歸帆者兩三月而後已去年秋  
凶子辱諸君哀挽之詞小孫哀為一編名幽光  
錄今年重九為予泣而誦之且曰公有一詩別  
紙見寄乃令再四高誦使予泚頰世背想小兒  
九原感作亦如是耳緣素詩初到之日病目昏



盲致使明珠暗投不曾答片言以鳴謝臆殆若  
忘故人綈袍之高誼其過吳文其過吳文自春  
以來哀老益加公聞之必哀矜而弗責也次韻  
一詩聊抒情愫併想像肥遯之樂而嘉之餘詩  
用以見老况如此之愚薄俗如此之甚請與野  
居先生過目同發浩嘆晤語無期東望不勝馳  
仰惟高隱自重不宣

與陳彥直書

去冬見安道蒙玉成思賢錄書板常恐如畚土

為山功虧一簣死不瞑目今完矣印去一部以  
踐吾言候有暇日岩電一過則先賢忠孝之道  
足以私淑授兩令子亦可為進修之助焉聞尚  
網諸友自有樂事不發去為醫瓶蒙也俟相見  
當盡所懷茲不一

與王季高書

昔者蒙先尊延置西塾二十餘年敬為賓師愛  
同骨肉想足下能念其親必不忘其親之亟敬  
愛者老夫之心寔亦未嘗忘也聞令嗣聰明可



教摘藁一本送去與之又一本送令侄孟凱之  
子此生從遊姿質亦甚可喜區、拙作譬若滄  
浪孺子之歌善聽者當自有所得亦庶乎進學  
之一助言耄而繁尚希采擇

與曹德聲書

歸耕之文承命再四不容以言耄辭今腹藁初  
成令小孫錄去若文意有疑處脫畧未愜雅意  
處無吝批示當更思之辭雖不工皆親家所吐  
之真情所處之寔事無虛褒妄貶以累懿德吁

歸耕如此植業如此二親之樂又如此風教氣  
習里俗可敦草茅之言庶亦無愧區、恃肝胆  
相照布此真情非足恭也

又

昨承手教并惠佳布足見崇重斯文之意本合  
拜嘉但忝在瓜葛居常多蒙眷愛雖辭之感激  
拜嘉但忝在瓜葛居常多如受之也改去拙作  
頗盡老懷尚恐有說未到處無吝喻及吾孫或  
有亟見亦可說來老夫平昔不諱疾忘醫凡子



朋友中商畧文字亦必忠告未嘗面是而心非也早晚相見當盡所懷即日寒煥不常切希順時遵養以迓春禧

與袁耕學書

去年夏五客崑山以詩言懷辱先生于詞林八俊釋門二老玄都一高士從而和之聯珠合璧皆歸錦囊且欣然欲賜序文哀為一卷以飾哀朽自秋徂冬懸、在望新春得辛老書聞別有高與此詩卷豈置諸度外耶或有人作殷洪喬

耶區、老痴望猶未已敢請滿其希望焉

與高彥述書

往來之禮尚矣然事有不及又當以情恕之不拘、繁文末節而求隘焉所以為君子之交也且如昨者家下小孫歸妻相邀茶話值足下以令嗣姻期之迫不暇過訪若此真情吾何訝焉今老夫奉天地一無用人了無羈絆深欲去賀足下醮子奈手足俱瘡膝滲尤甚攣拳痛楚不能屈伸及臂無完膚行坐皆不可得而難往矣



足下亦必以真情恕之况小兒有出不克代行  
千萬莫遣人相招徒勞往返亦不勞饋餉如舍  
下以區：羨哉送人皆成臭腐空為文具耳老  
夫待瘡疾既愈必到宅住三兩日晝則同嬉市  
廛夜則連床清話飲之食之無所不可吾知宅  
上之僕無異寒家天道暄暖甚于前日幸勿勞  
心役人蹈吾履轍也吾兒森揆時度物同吐肝  
胆如此唯足下聽之信之而為知心之親戚矣  
與辛彬甫書

日者令似歸曾致書問并免求諸公賦節婦詩  
想留意朝暮專望寄示今似有老夫適永懷寺  
詩稿就煩抄至今緘去邵濟民瓜隱詩此公為  
貴縣官醫必有行館敢勞一寄幸勿浮沉耕學  
先生暨陳朱尹呂諸賢諒惟起居皆安文譽益  
振所求珠玉早賜壓卷區：嗜詩如嗜飲食幸  
毋哂焉臨書懇禱不宣

與任義甫書

人之所貴乎有子者生而事之死而葬之祭之



先王制禮用是以長其恩愛其來尚矣但近代禮廢俗尚浮屠難于改易比聞主婿之喪始欲毘荼此則釋氏之教也衆以為辰法而尼之其餘佛事初不相沮子乃屬纊未定而槨棺赴音裁行而發剝銘旌不立三虞不祭一切喪具皆謂無用是不畧遵古喪禮也然大小事佛亦皆不作使其子將何以表孝思之情耶若夫靈惟題神主不稱厥考又何以致其子如在之誠也耶死而有知不能無憾先王之禮未見其然釋

氏之教恐亦不如是之謬也以禮論之莫若令外甥改題神主曰顯考某官之靈旁書孝子某奉祀如此則名正言順存沒皆安無餘憾焉且如虞祭不設以所用之資作為佛事內以塞一家之責外以解衆口之嘲亦可以敦孝順厚風俗也老夫忝在瓜葛愛如弟兄不避譴訶故用忠告惟伯大叔立諸親從長從心勇而為之抑

與孫彥銘書

膺月既望兇革在周石泉處持所贈節婦詩歸



詩序中過辱愛敬謙卑之光與文煇俱高不啻  
得驪龍之珠連城之璧也蒙索辨惑編併拙稿  
茲用納上譬若人有痼疾揭之大途尚希遇倉  
扁而為之藥石耳應芳就稟夫馬之年今九十  
有一矣去冬初度荷鄉中諸朋友贈言成軸如  
蒙大手筆刻畫無益粉飾哀朽得不以為萬里  
之歌乎即日新春伏冀以道自娛為斯文壽不  
宣

回黔陽簿長孫書

別去將半年家中老幼皆安舊冬摘客傳菜石  
信知布帆無恙為喜今皂隸二人至知汝到京  
來書取夏衣書冊等物一一付去汝途中作詩  
固好但到任之後當以佐令丞治政為重以稱  
厥職有暇則細玩律令參考經訓日夜究心決  
不可作詩作文有妨公務最要緊者正己以待  
吏母致欺罔循禮以待同僚母黨母偏諸事勤  
謹庶不負朝廷付托之意平昔家訓更不縷述  
惟吾孫念之曾有二詩正月半寄新河周元吉



子去恐未到

與陳德廣書

某早歲失怙線經中蒙身官品題光生腐草俛  
焉就學覲有少進奈駕鈍卒無所成無補于世  
于是掇拾古聖賢遺訓綴辨惑一編曩幸公為  
邑丞屛工刻板今增前賢趙學士昞所著葬圖  
其說本乎周官義理昭著良為可法但欠知本  
官封謚乃有缺文欲得元史考究三四年來嘗  
于江陰無錫丹陽三縣學干借俱云無之干諸

士大夫相識者亦然愚恐渣先朝露胎笑後人  
用敢再竇望于宜興縣藏書之家特為轉借趙  
公本傳一本明說老夫好古之痴如嗜吐炭人  
所不堪自以為樂有能使之厭飫其為欣幸死  
而不怠即日雨涼惟琴書自娛坐享清福臨書  
馳系不宣

答呂克明求序文書

某奉白昔者左太冲賦三都玄晏先生序之張  
茂先見而美之然後傳寫者衆而紙價為之益



高至如陳師錫序歐史半山老人乃有糞穢佛  
首之訛吁序文之作可有可無此又不可不知  
也彬甫來以所著之冊徵序予以目青不能閱  
其文之美而贅一詞又以長孫有死妄之災患  
况論前罔克揜思初非縉紳見訛而固却也然  
予嘗聽人誦三教圖等篇善為抑揚可喜可喜  
今足下年妙如此敏學如此曩同椽竹何患予  
無賞識者予區、幸希恕察  
與張子才書

前歲和高作甚愧稽緩相去遠相見難然相敬  
相愛之心如故即日秋高想林居優游恬養清  
福集老狀如糞土墻加之風雨頽在朝夕否則  
芝茵之出慈土或有日焉敢請與執事言之野  
居先生義士也人皆曰早歲有杜季良遺風非  
予所知予所見者戎馬搶攘中由錢塘來長洲  
以故人趙某舉家病疫親戚無過門者先生裹  
藥活其兄弟妻子凡五人又如起閑居俞縣丞  
某之痿救東滄賤工某姓名者如虺如瘡如餓



享而再生皆餽謝而不納至如儒而緇衣黃冠  
貧而清者亦如之吳之人多以是稱焉予久欲  
效莖史作小傳以勵薄俗所謂糞土而出芝茵  
也煩執事以平昔所見所聞枚舉錄示更煩訪  
諸士夫必廣有之區：失記趙俞等名氏質之  
野居可也使人過常郡寄至城東申明亭劉文  
中家第恐溘先朝露罔克踐言尚希矜恕不宣  
與吳中衡書  
十月旦得手書併文知連年情況不如曩昔然

天時人事易地皆然無可奈何然厥疾既愈養  
生有術珍重以盡天年可也蒙諭墓銘古之人  
本無生前預立體制來意甚切交情至深雖盲  
聾齒痛舉身瘡瘍勉強稿寫去中間用硃筆  
批處令賢郎從寔填寫令閣之賢已于墓  
誌見之不必別作子祭父文古人別無之蓋擗  
踊泣血之際何暇作文如發劄等事只用祝板  
直述家礼有式可考不敢杜撰若伯叔祭任等  
類却有之幸勿見訝小孫垣今春軍役乃兄塏



去秋已死老夫曾有口號云：現存寡婦孤女  
六人幼男九歲屋已賣田多荒吾兒現在橫林  
橋南張家訓蒙託庇無事森因舊年巡欄而貧  
餘無咎宅居何處土產何物有便人令去問安  
也賢郎名某字某年若干子女若干亦望見報  
兩子孫三世之交亦古道子才賢良及諸故人  
子孫相見者皆呼賤名問訊區區不宣所喜

賀府學教授到任書

某早歲嘗聞之師曰凡府學官郡為師士當以

師禮尊之是故聞先生到任忘其雙目之昏兩  
舍之遠即扶僮往為斯文賀可喜者謙光和氣  
待人接物至諸生則嚴條約以規之所謂道並  
行而不相悖也區區蒙飲食數載禮意過厚感  
不容勝其大可喜者親承聖天子命以明倫育  
才之道誨乎命之增重斯文之恩至渥也別  
來三月逢人語之或曰常郡于八九十年之間  
屢經兵燹衣冠文物蕩然無遺欲其一鼓作氣  
變齊為魯不亦難乎是大不然夫教官重于朝



則縫掖之士重于野况有賢太守承流宣化相  
與作興風動一邦化行四邑則翠鉏帶經者有  
之牛角掛書者有之負薪持竿而誦讀者有之  
正不待家喻戶曉而使之然也一榜三魁將復  
見矣其文獻之光燦乎八紘又豈僅一郡而已  
哉某不揣愚陋嘗綴思賢辨惑二編茲用送達  
或可為學校埃涓之助云言耄而繁切希矜恕  
不宣

龜巢藁卷之十二終





龜巢藁卷之十三

疏

三教堂修造疏

推倒人我山三教一家之意踏翻死生海十方  
諸佛之心必須無風雨震凌乃可集江湖名勝  
青山舊隱白馬弘規欲求木于工師須布金于  
長者過我門入我室不妨分半烟霞上我堂踞  
我床相與語三生風月祝聖人壽報檀耶恩席

元山主造退居疏



國家圖書館, NATIONAL CENTRAL LIBRARY, TAIWAN, R.O.C.



掀翻黑漆桶舉頭見明月當空跳上白牛車拂  
袖喜春風滿路毋慙急流中勇為退步怕忙開  
籃裡只管鑽頭但給孤舍祇樹之園則摩詰坐  
散花之室作鉄門限透金剛圈畫圖對綠水青  
山供養有清風明月應無所住作如是觀大千  
担是一禪床但要覺得此安身立命之地百丈  
只有三轉語必須撞着箇點頭會意之人了是  
因緣勝諸福德

梁寶寺修造疏

數百年祖師道場千龍圍繞五七件未了公案  
歲月因循要令折確背花生莫謂冷灰中豆爆  
有緣相遇何事不成大丈夫直下承當小比丘  
向前料理試看寶刹勝昔年梁武之時當效華  
封祝今上唐虞之壽無邊功德難盡贊揚

謝雨佛事疏

如暎如焚方慮亢陽之虐既優既渥乃蒙甘澤  
之恩欲報效于鴻鈞敬皈依于象教伏願王其  
同羽士吳鼎冠裳雖異鄉井寔同有公家賦衆



之征無仙子食私之術望寬感額得雨寬心田  
疇不失于農時清望免憂于他日感造化鬼神  
之力誦如來秘密之言開法華道場設伊蒲法  
供伏願百靈昭格諸佛證明而我公及我私尚  
求霑足井而飲耕而食共樂豐登更與萬邦之  
咸寧永賴一人之有慶

謝恩誦法華經疏

朝廷推曠蕩之恩飢饉處稅糧全免官吏執偏  
私之見施行間荆棘橫生欲徼福于百靈當投

誠于三寶事雖不遂心曷能忘切念某等欽觀  
詔條可雷德澤赴想為七邑之眾奔馳歷半載  
之餘公乎私乎自謂上天能鑒知者仁者皆云  
不日而成雖一時遭毒歛之蛇或他日得塞翁  
之馬掃除梵宇持誦真詮二十四人同演法音  
六萬餘言重宣妙義設香花灯燭之供奉天龍  
鬼神之靈上答聖恩下祈民福一人有慶四海  
攸同大臣以道事君罔敢拂絲綸之命庶人名  
役則往將來免粟米之征時和歲豐天長地久



誦法華經疏

作善降祥上古之書垂訓供佛有福法華之語  
流傳欲報德于百靈用投誠于三寶伏念某戶  
門孤立租賦交征為公為私寧無過咎有財有  
用幸遂經營居之安而資之汲災不生而禍不  
作荷天錫福靡日忘恩擇三五之良辰祀天干  
之諸佛肅陳清供敬誦真詮伏願慧日照臨神  
天感格吾老及人老家無凍餒之憂新年勝  
舊年日有平安之喜

作佛事謝聖恩蠲租疏

官賦半蠲欽奉九重之詔聖恩難報皈依三寶  
之尊敬熱清薰俯陳丹悃伏念草茅雖賤稼穡  
維艱幸蒙曠蕩之恩又獲豐登之歲倉箱頓滿  
饘粥可供盡力催科喜輸官之易畢中心報効  
感聖代之難逢仰祝皇圖虔修佛事伏願一人  
有慶萬壽無疆乃聖乃神乃武乃文聖德合乾  
坤之大有西自東自南自北清光瞻日月之明

結社畫淨土疏



嘗觀釋迦世尊說西方淨土教人念佛真方便第一義也今欲按阿彌陀無量壽二經命畫工寫刻極樂境界仍遠法師會一百二十三人結為蓮社瞻依寶地修行淨業凡我同盟作成幸甚

西方過有十萬億國有極樂世界九品化生東林社百廿三人與園悟祖師六時行道茲欲精修淨業亦須遠效前賢想像莊嚴瞻依寶地非助我者孰能為之孔方兄肯為結緣吳道子便

教着筆有色無色有相無相看諸佛之本來面目如何先覺後覺先知後知見一頭之涅槃妙心方可頂門具眼言下點頭

海印卷起山門疏

遍大千界未嘗無見性成佛之人入不二門方得箇安身立命之地希升堂必開戶躡為巨室必使工師敢告諸賢用求多助老身作鉄門限儘教雲水往來世尊放玉毫光轉見山林輝赫大開方便是名莊嚴



請誌寶長老掩壙疏

為馬巖封痛念慈親之歿作獅子吼願聞開士  
之言陟彼岵兮窈有請也恭惟某談空說有窮  
深極微叅透禪机面少室山中之壁得來佛法  
傳黃梅嶺上之衣五蘊皆空一絲不挂哀我無  
恃幸爾有緣願師乘出岫之雲為我送落山之  
月覆將香合子超昇在一語之間作箇土饅頭  
安穩于九泉之下勿孤申請願候降臨

待雲菴雕觀音疏

念彼觀音本自尋聲救苦如是信解何妨粧假  
成真看良工刻劃之奇即菩薩化身之妙大檀  
越以七寶布施紫竹林現五色毫光龍女獻珠  
鸚鵡聽法瞿曇老千百億化亦須現光明之中  
善財子五十三叅管取在皈依之列其為福德  
難盡贊揚

請蔣居士造諫壁橋疏

編竹渡蟻陰德猶多乘輿濟人傳名不朽况此  
河梁建造兼之佛閣莊嚴必須有力量人了此



大因果事其人荆溪秀氣竹筵遺風江水吸乾  
無一老點頭印可涅槃鑽透不二門信手掣開  
尚古人淳朴之風絕時俗浮華之態積而能散  
綽然有餘人皆仰之竊有請也勝茲諫壁寔乃  
要途爛月一舷每橫舟于野水垂虹千丈欲砥  
柱于中流惟其成此飛梁從此免令病涉練插  
天鯨跨海兩邊鎖三百闌干簾捲雨棟飛雲就  
上搆七重樓閣如斯福德難盡贊揚  
請蔣月堂建奔牛橋疏

古堰橫奔牛漫有前賢之句過橋乘駟馬方無  
病涉之憂必得其人庶成乃事其人為善最樂  
見義必為廣造與梁不特濟人于溱洧多修塔  
廟尤能事佛于祇園聚福海由歷劫之修登彼  
岸乃平生之願難兄難弟均懷編竹渡燈之仁  
賢子賢孫綽有跨灶過父之美鄉里稱善湖海  
知名瞻此官河寔為孔道當一市人烟輳集聚  
四方車騎往來每遇斷橋如隔弱水不有填河  
之鵲又無跨海之鯨欲得安行必須改作甃鱗



鱗之萬鬘護曲、之回欄車流水馬游龍聽揚  
名于道上月出雲虹飲澗看橫影于波間慷慨  
承當咄嗟可辨

置供佛花板疏

獻花發喜智之心因緣不昧刻措用宋人之手  
工巧難成必須上根器人會此好因果事胸中  
開發筆底化生非莊嚴是名莊嚴此福德勝前  
福德看他枝葉似優趺曇佛土之養為我茲躬  
作阿羅漢人天之供

天惠寺請愚隱長老開山疏

闔閭城萬灶貔貅多依佛剎給孤園七寶樓閣  
大闡禪關誰其尸之曰有人矣某某机鋒不露  
道價弥高若王侯將相往、歸心而淮海魚龍  
時、聽法慈悲願重救羣生于刀鋸斧鉞之間  
常寂光明悟真空于文字言語之外逢場作戲  
到處為家必須豎硬鉄脊梁庶不負布金心地  
久矣暗中摸索宜乎直下承當三千年河水重  
清唱開元太平之曲二六時天花亂雨入如來



般若之門拈一瓣香祝九重壽

請亮西山住天慧寺諸山疏

佛法全盛以來在處有珠幢寶剎世道多故如此其誰能玉振金聲聞斯行之可為難矣其人頂門具眼鼻孔捺天數千卷貝葉迷人都成一筌五百曇花瑞世自得卑傳悠然卧北窓清風从矣挹西山爽氣来此砵中流砥柱我亦分東壁餘光葭樹相依敲鐘交作如：不動黑漆桶盡底掀翻綽、有餘破衲襪為他重看慈悲廣

大慷慨承當歲

天惠寺請亮西山住持疏

嚼碎鉄酸餽有幾人氣味相投搭着金伽黎二千載風流尚在願天惠以記公刀尺故日來立百丈繩規去歇息肩来當接踵其人溟天聲價立地机関捋猛虎鬚早歲入曇華密室揮白塵尾前時坐三槐道場遶逢雨橫風狂便欲山深林密如明月暗投者从亦陽春寡和而然闔閭城窳兀叢林住天惠姑安虎旅干橋庄往來雲



水聽雷音皆上龍門三呼北闕聖人一示西來  
祖意

方外交送愚隱師住萬壽寺疏

禪月道場為吳下叢林之冠凌霄法窟得淮南  
老虎之孫惟其祖武是繩可使家聲復振象龍  
雲集林壑風生其人如愚不愚以隱無隱所見  
即大乘境界其行皆寔際工夫出入干戈曾救  
百萬億顛厓之命扶持宗社寔有三大千恒沙  
之功故名公鉅卿多以為師而諸子百家亦來

問道今方外舊遊相慶了箇中大事因緣雖碧  
雲之出本自無心而白雪之歌莫非有意昔萬  
壽今萬壽祝聖壽之無疆彼一時此一時將盛  
時之重見

方外交送毅剛中住承天寺疏

峙雙峨石古道場金布衲圍示一指禪眾僧室  
珠還合浦願馬齒掩嘉蔬之久如麟膠續斷絃  
之初惟得其人迺弘斯道其人曹溪正派淮海  
名流天下壯遊所至秦陽春白雪山中舊隱向



來分明月清風南楚翁喜青出于藍北山老慶  
拔茅連茹當此猊座重敷之日寔為象法中興  
之秋王公大人既為更張天龍夜叉必加擁護  
菩提樹織塵不惹初無今古之殊優曇花滿地  
還開聿見禎祥之意續燈諸祖祝聖萬年

新創水雲菴疏

鹿苑三千年河沙界多興佛刹龍江六七里水  
雲鄉宜建法幢布金地既已現成卓錫泉蓋將  
湧出權輿自我恢拓在人振雷霆鐘鼓之音接

雲水餅盂之衆彈指頃要開樓閣筆頭邊當落  
珠璣長者布施七寶羅漢身何必朝西天而暮  
東土華封殷勤三祝聖人壽正須望北闕以頌  
南山福有所歸恩無不報

方外交賀悅顏堂住徑山疏

展開一座具視十方皆雙徑道場扶起大法幢  
障百川為中流砥柱惟烏獲可勝重任如高膠  
能續斷絃既得其人必弘斯道其人德尊一代  
名徹九重金伽黎著處雨露猶香玉塵尾揮時



人天交敬賢君相問西來祖意針芥相投正法  
眼得東土親傳跡花重現速步上凌霄絕頂先  
聲至頑石點頭變瓦礫作七寶堦墀還成鹿苑  
滿虛空見五雲樓閣永鎮龍宮鐘鼓雷鳴聳孟  
星聚士大夫期望如此者久矣佛世尊期望如  
彼者存焉只有天在上更無山與齊此地真為  
峻絕雖知燈是火不悟鍾非飯吾儕是亦知歸  
亟奉賀言尚圖宿覺

東隱菴化齋粮疏

世尊遺教每朝令乞化七家衲子坐禪在處要  
供需四事東隱菴雖云草創西來意正欲同恭  
必須為餬口之謀乃可得安心之法三條篋緊  
縛腹此蓋藥山老特地求奇五斗米懶折腰是  
亦眾里翁有田可恃必須盃盂裡喫現成粥飯  
乃可蒲團上做著寔工夫願諸公欣、然指囿  
看大眾兀、乎面壁攪河成酪待他時節到來  
運水搬柴是我神通妙用常當飽德誓不食言

募化畫十王等像疏



龜集蕭卷之十三  
數百年水陸科儀廣傳緇素三千界鬼神情狀  
妙入丹青看天堂地獄之不同使鉄心石腸之  
俱化莊嚴如是因果何疑欲得吳道子筆下通  
神必藉孔方兄眼前助力有相無相非無相直  
須是得兔忘蹄大乘上乘最上乘更不待畫蛇  
添足諸公具眼為我點頭

西歸菴化齋糧疏

一把茅蓋頭即不免隨緣安眾三條篋縛腹豈  
盡能為道忘飢欲安其心必餬其口望檀信舉

指困之手令木魚作呼粥之聲瓦釜中爛煮虛  
空禪堂裡儘留雲水佛世尊着衣持鉢幸傳流  
如此家風龐居士運水搬柴但作用無非神妙  
施當有報誓不食言

千墩寺造木橋疏

編竹筏而渡螳猶有陰功造輿梁以濟人豈無  
因果千墩浦素為衝要駟馬車孰不往來惟相  
逢一笑揮金可便使羣工伐木試看流水即跨  
長虹澱山湖水國人家自是生成畫圖趙州老



石橋公案別當拈起話頭了是因緣勝諸福德

大祥薦父水陸道場疏代徐樞薦

喪不過三年鞠育之恩因極佛能度一切慈悲  
之願弘深俛漑丹衷仰干皇覺伏念某顯考某  
官播紳推重臺閣蜚英立身揚名以顯其親賣  
金買書而傳于子赤心報國居京師為三品之  
官白骨他鄉賴朋友掩一坏之土死或悟空花  
之幼生豈忘風木之悲適亂離而蒲伏莫前非  
忍澠而劬勞敢負旅襯雖藏于東薊神遊當往

於西方祥禪日臨緇衣雲集吹螺擊鼓薰修按  
水陸科儀埽地焚香禮拜作天人供養伏願一  
靈感格諸佛降臨執金剛臺接引至七寶金沙  
之地瞻玉毫祖化生託四色車輪之花凡在幽  
冥悉皆超度

水陸道場榜同前

今據某郡某州某鄉奉佛弟子某及弟某等投  
誠伏為顯考大中大夫中書戶部郎中徐公不  
祿以來致喪三年禮宜除服追念父恩昊天罔



極取至正二十一年十二月廿六日為始啓建  
冥陽水陸大齋三晝夜藉此良因用申超度道  
場法事條具在 喪制有終人子念劬勞之報  
法門無量世尊垂慈愍之仁故弘開水陸道場  
乃大集河沙功德天龍圍繞嶽瀆感通今齋主  
某等念先君壽五六十生斯世成百千萬事  
官居三品名聞四方衣紫隨朝所存致君澤民  
之志然黃先世且及子封妻蔭子之榮痛憐客  
死于京華欲得神遊于淨土廣邀緇侶虔奉金

仙琅函翻貝葉之文鉄跡供伊蒲之饌香雲縹  
緲花雨繽紛楹燈懸明月光阿鼻獄爍開幽暗  
斛食施甘露味尸陀林充論飢虛凡所謂六道  
四生皆于此三皈五戒是名無礙以濟羣生其  
齋主當盡乃心我清衆各修職厥有感斯應無  
願不悅徐公百不憂直往生于極樂恒老三轉  
語更何在于多言無間寃親俱能解脫者

廣濟菴道者化修造等緣事疏

瀕湖祔樹園林劫灰久冷大地禱花世界佛日



長明三條篋縛腹緊做工夫一莖草瑠樓頂教  
出現分廿古井提是醍醐想像靈山莊嚴寶地  
無孔笛安聲諧律呂有髮僧當力効殷勤諸公  
從筆應落成不日見眼前突兀燕雀相賀龍象  
羣居比丘衆千二百五十 重宣般若方丈  
室八萬四千師子共禮維摩壽祝楓宸福歸檀  
越

蛟龍菴塑觀音等像疏

觀世音七佛之師神通具足阿羅漢諸天之衆

在處依皈今欲令粧假成真奈不解將無作有  
請開寶藏滿載鉄舡對長洲苑茂之江山作補  
陀洛迦之境界願菩薩三十二應剎度人看  
善財五十三參時見佛相逢具眼必為點頭

忠清菴修造疏

忠清公宇宙隔越猶奉烝嘗瞿曇老風雨震凌  
豈容坐視雖曰即心是佛也須開口告人小必  
弱固碌不才得錢米則多益辦八萬四千  
修月斧儘教匠石呼來百千萬億恒河沙願施



主福田增廣但蒙金諾即注錢銀

萬峯菴修造疏

半夜傳衣諸佛祖當時道在九年面壁小禪菴  
近日人多本來無鏡以無臺亦合肯堂而肯梅  
工師求木非赤手而可圖長者折枝須點頭而  
相許金錯刀作成妙用鉄門限准備都來雲水  
依歸天龍擁護橫展布金之地大開選佛之場  
豎起硬脊梁每日坐三條椽下掀翻黑漆桶大  
家上百尺竿頭壽祝楓宸福歸檀越

化城菴鑄銅鐘疏舊用鉄今易之

舊錯聚六州之鐵久已知非今新鐘鑄萬選之  
銅今將改作惟檀越共為爐鞴而蒲牢即出範  
圍作興禮樂于山林號令人天于夜旦山鳴谷  
應八百教吼動鯨音月落烏啼三千界喚醒塵  
夢

佛會祈禳疏

時和歲豐喜見昇平之兆天高地迥難酬覆載  
之恩感仰鴻皈依象教切念某等或僧或俗鈞



或里或隣田疇茂水旱之虞邊境絕烟塵之患  
物無疵癘家用平康變眩如此其相憐豺獮豈  
忘于報本莊嚴寶地諷誦琅函遍告諸天地神  
祇同鑒此河沙功德伏願一人有慶萬邦咸寧  
日斯邁月斯征立見秋成之富災不生禍不作  
羣君生計之安

化衣鉢疏

世尊入舍衛城也須持鉢祖師過大庾嶺先已  
傳衣惟二者之得兼乃一生之可了奈何兵燹

俱化劫灰今千求衆檀越相成庶圓滿小苾芻  
所願一鉢在手三衣稱身海上降龍便可比六  
通羅漢山中禮佛更不需半點塵埃由此成功  
誓將報德

法華經會疏 為凌野卿等作

世尊千百億化愍大地之衆生法華六萬餘言  
有恒沙之功德欲憑資報是用皈依伏願某等  
忝在人倫幸叨佛庇天地為之覆載風塵迨予  
廓清擇莫春望日之良辰建同日常年之勝會



三周七喻齊演梵音六道四生俱聞妙法供陳  
脯筍香羹旃檀願象王願力之宏汲感龍天鬼  
神之歡喜伏願潛銷黑業復見清時熾而昌壽  
而滅戶、獲康寧之福灾不生禍不作年、遇  
豐稔之秋

化修造疏

西歸養勤上人寫金字法華  
經化修造及增修蓋觀音殿

有漏無漏硬脊梁撐住虛空前三後三爛葛藤  
掃除風雨要此屋似銀山鉄壁問誰家無明月  
清風孔方兄但為點頭公輸子便教動手敢持

貝葉用告恩檀黃金字寫七軸蓮華籍妙法河  
沙願力白玉毫現諸佛菩薩看圓通宮殿隨身  
是名莊嚴勝前福德

散花文為皈依上人作

夫散花者心地栽培善根滋長春生金剪枝、  
奪造化工夫香滿錦堂朵、作人天供養如風  
飄墜如雪繽紛優鉢曇大地皆春曼陀羅從空  
亂雨昔天之散之維摩室中者此也我世尊拈  
于靈山會上者同乎勿云色界迷人正要頂門



具眼肇自一花而五葉皆為同氣以連枝欲了  
知是色是空須會得無聲無臭桃紅李白河陽  
縣車馬塵多魏紫姚黃洛陽城綺羅香溷冒若  
傾葵心于佛日乃蒙盼蓮目于慈雲想像金園  
莊嚴寶地干江水見干江月共看法性圓明一  
片西飛一片東當悟色身虛幻其為因果難盡  
贊揚

募長明燈油疏

密地工夫不用說石室油盞普天照耀要單提

露桂燈籠老苾芻畧用吹嘘大檀越正須傾倒  
膏馥沾溉因果分明二六時中常別起靈光一  
點三千界內撻利他癡暗衆生

西歸菴修梁武懺疏

空王為象教之尊慈悲廣大懺法脫蟒形之苦  
因果昭章既響報于昔年宜精修于今日即蘭  
若皈依金相為檀耶宣演琅函必須衆力扶持  
乃備諸經供養作功德海開解脫門娑婆世間  
滿眼是誌公和尚忉忉天上舉頭見郝氏夫人



福德無邊讚嘆難盡

二聖菴浴佛疏

九龍水浴紫金身慶西方聖人初度二聖菴結  
白蓮社繼東林遠公道場想像毘藍皈依極樂  
大檀越隨喜布施小比丘如法莊嚴諸塵非塵  
是名微塵清淨身本無塵垢憶佛念佛必定見  
佛廣長舌朗演佛音幸發心花共成因果

滄洲菴修造疏

本菴草創之初事有未備茲欲修造前軒粧

塑觀音聖像晨香夕燈修行淨業端為祝  
延聖壽上報四恩旁資百有敢望諸大檀  
越相與作成指囿揮金多、益辦

挿竹建精籃鎮蛟龍之窟宅開花成結果展龍  
象之法筵莫謂滄洲菴小、規模要作補陀岩  
巍、境界軒開寶地像塑珠纓惟諸公同為結  
緣則良匠皆能呈巧莊嚴相好非莊嚴是名莊  
嚴福德因緣此福德勝前福德功歸檀越壽祝  
楓宸



化城菴募緣疏

本宅以下元令節啓建念佛道場與諸上善  
人同修淨業所用香燭儀供望樂助焉其  
為因果蓋有讚揚難盡者惟好事者領之  
叅一指禪本元、生三條椽下念幾聲佛要人  
人生九品華中當此下元敢提前話赤手欲諸  
般辦集用青蚨須衆力圓成香火茲修人天供  
養看西方極樂世界只在目前比東林祖師道  
場亦非分外願言向道請為結緣舉

千墩寺翻葺大悲殿疏

延福寺襟江帶湖梁天監之年遠矣觀音殿震  
風凌雨魯靈光之狀歸然雖千手千眼乃吾佛  
化身然一瓦一椽皆衆人願力因緣有遇修整  
何難磨磚時用南岳工夫加泥處會古靈說法  
即有漏而無漏在求而得仁寶蓋珠纓瞻妙相  
于旃檀林內金螭銖鳳展畫圖于秦桂峯前壽  
祝楓宸福歸檀越

齋僧簿叙引



徑山興聖萬壽禪寺徒弟某切見宿生多幸  
忝與僧流道業無成四恩罔報謹以平昔  
所受信施之資自四月八日為始齋僧千  
員每員銅錢四十文為一飯之供敢望各  
題芳字以滿區、之願云

出家以六和為尚勉守僧規傾囊與眾人結緣  
願酬素志效減米同舟之意助折蘆渡水之行  
一千員白足倘過茅菴四萬箇青錢聊供蒲飯  
東手來西手去免虛孤信施之恩左畫圓右畫

方請連署題名之筆佛日照鑒宗風振揚

釋氏舉棺文 代昇東為樹母作

佛說西方極樂邦干大沙界更無雙諸天接引  
移蓮步認取光明大法幢恭惟其人現婦女身  
生娑婆間世一宿業八十幾年之內發菩提心  
慕樂土十萬億國之西念阿彌佛三從不失五  
戒能持子行孝而暗合禮經婦服勤而俱無評  
語愛男孫女孫之親意毫髮無偏待姻黨鄉黨  
之真情骨肉相似報緣斯盡享福亦多到這裡



蓋棺事定正須安脫洒出門超凡入聖喚一脚  
踏翻生死海道遙直上九華臺

活套起棺文代吳彥德作

野花繁盛不多時明月團圓亦易虧一日鑿開  
方寸地百年生死了無疑恭惟某官性天高朗  
心地坦平精勤六十五年料里理百千萬事嗣  
祖宗之基業寔為有光了男女之室家皆如所  
願到這裡出門一句要說到佛老工夫自古斯  
民行直道青天白日甚分明

剃僧頭致語

燃解脫香點光明燭恭請十方諸佛說法度人  
要人之四大幻身脫塵離俗煩惱根盡皆除去  
菩提樹自此圓成伏願法嗣興隆不負真如之  
印宗門光顯能傳無盡之燈詩曰煩惱根生歷  
劫前如今盡落寶刀邊頂門露出金剛眼照見  
三千及大千

募緣造藥師琉璃燈疏

諸佛開方便門救眾生之苦楚歷劫轉光明藏



破六趣之昏迷藥師佛宜用于道場衆門氏合  
營其法具煌、火樹欲他因地移來朶、金蓮  
自我心花發現唯金諾一揮大筆便玉成數尺  
長藥母論爨蠟之齊奴絕勝燃犀之溫嶠膏澤  
注琉璃益內恒沙佛同放毫光恩輝分阿鼻獄  
中大地人皆除瘴業功成普照福有攸歸

薦父醮詞

親恩罔極勉為改葬之圖道力可憑敢有超昇  
之望俛陳丹忱仰徹玄穹切念先考某官早稱

善人晚罹忠世羣雄血戰故避地于湖南一旦  
身亾乃蕞莖于道左以兒女室家之相失豈衣  
衾棺槨之能周荼毘近效乎緇流煉度全憑于  
羽士積藏神主地易佳城設齋醮于新居薦英  
靈于仙府十極之高真降監九原之幽滯同升  
伏願天得以清地得以寧由是魂升而魄降父  
止于慈子止于孝庶幾本立而道行存歿俱安  
幽明無間

妻亾終七日設醮疏



夫內助而興哀音容如在祈上蒼之垂憫魂魄  
超昇僥漉蠲忱仰干鴻造切念某正室自少結  
髮至老同心正室則側室之尊卑渾無妬忌  
均養子將庶子之親愛皆盡劬勞諧和而處者  
閱三十餘年頃刻而止者又四十九日蠲居設  
醮羽士真朝誦靈寶之妙經獻齋厨之清供伏  
願蒙恩三境超度一心靈脫跡塵寰棄絕人間  
之事標名仙籍逍遙天上之遊

早壇詞

上天之載廣大難名如日之升照明無際雪手  
香花之供星冠玉笋之班伏願三境巍々並降  
臨于下土萬靈爽々咸拱衛于中天

午壇詞

日之方中曠光耀風斯在下重覲歲顏心傾  
葵藿之誠躬致蘋蘩之薦伏願恩覃九域均蒙  
化育之仁澤及九原罔俾沉淪之苦

晚壇詞

日之夕矣禮宜益勤天可必乎善無不報仰止



九闕之望肅然三接之儀伏願浩、其天鑒精  
誠于方寸昭、在上降德澤于幽冥

幽醮建壇詞為王文甫作

兩喪終制靡忘追遠之誠百拜籲哀因齎蓋高  
之聽肅瞻金闕肇建瑤臺絳節下臨綠章上達  
巍、蕩、洽大德于寰區宵、冥、度幽魂于  
泉壤

早朝詞

明發懷二人悲淪鄴土齋沐祀上帝祔邵鈞天

照對威顏備殫悃幅伏願維天之命恩光被于  
重泉如日之升魂氣超于清境

午朝詞

日之方中祥輝光破道之云遠仙仗遙臨載伸  
對越之忱庸表處子之義伏願清都洞鑒共循  
晝接之儀幽壤超生永脫昏迷之境

晚朝詞

日忽、其將暮深念幽冥皇剡、其揚靈允能  
超度喘焉三齎仰止九天伏願黑籍銷名長夜



脫沉淪之苦丹臺受籙熙春樂道德之言

請詞

甥任銜哀先後七旬而無怙聖賢垂訓古今三  
載以終喪俛慚悲悼之忱仰徹穹窿之聽伏念  
先兄某創業歷胼胝之苦屢勉成家妹夫某贅  
居為骨肉之親始終同爨幽冥隔世祥禫踰期  
緣歲凶重困征徭故日久有稽薦拔爰憑羽士  
式演真科三薰飛奏其綠章諸孤泣除其素鞵  
不違天于咫尺如履水而戰兢






薦父幽雉建壇詞為王敏益學  
陟岵興哀欲報劬勞之德籲天無歸庸申薦拔  
之誠做建瑤臺式敷珠笈伏願罪除黑籍名署  
丹臺零落歸丘山悟人間之夢境清高隔風雨  
遊天上之仙都

薦父青詞

子養親不逮深負劬勞日邁月斯征服經祥禫  
對越虎闕之遠敬陳螻悃之忱伏念某先考賢  
直一生辛勤多故仰事俛育盡心堂構之謀朝





出暮歸彈力門戶之設訓子觸屏而無怒賓妻  
舉案而甚恭忍棄諸孤條踰三載雖雪衣之已  
釋奈風水之堪悲所異超昇有嚴醮事伏願帝  
鄉可到仙靈必通遊白玉京行矣跨吹笙之鳳  
朝紫金闕飄然往飛鳥之昆

醮星青詞

代陳子純為弟孳星作

天有六淫疾病多由于感受星羅萬象吉凶或  
係于運行稽首瞻天傾心告斗伏念某弟一生  
多病數月弗瘳手足拳攣動若太山之挾胸膈

痞塞梗如雲夢之吞敬修清醮于生辰敢乞洪  
恩于列宿伏願瓊衡照鑒瑤闕感通德星聚太  
丘憂者樂病者愈熒惑退三舍君之安資之滋

幽醮薦父青詞

子養親不逮難酬罔極之恩民欲天必從敢徹  
蓋高之聽螳忱所禱虎拜其陳伏念某同弟某  
父歿踰一十五年深負終天之痛母喪畢二十  
五月又逢忌日之臨怙恃俱無劬勞曷報爰憑  
道眾式演真科區、盡對越之誠切、有超昇



之望伏願千真列衛九老啓途左畫圓右畫方  
變化五城之境東王公西王母逍遙三境之天

道士化法衣疏

神仙居官府追陪長用鞭鳶海圖拆波濤補綻  
豈由顛鳳黃冠空戴藍縷包羞必須着紫霞衣  
乃可立紅雲殿窮道人不妨鈔化富公子當為  
作成曳月出門待金闕曉鐘之後携烟滿袖拜  
玉皇香案之前報施主恩祝聖人壽

請曹月湖舉棺疏

蓋棺已矣生死關未脫塵寰出門何之神仙路  
豈無捷徑敢煩指示庶獲超昇恭惟某人和光  
同塵尊德樂義一襟湖海湛如明月澄波三尺  
風雷間與孤雲出岫嗟我雁行之相失煩師鶴  
馭之寵臨說破玄机大道只消一語喚醒凡夢  
一靈直上九天

請鄧混然起棺疏

蓋棺已定莫酬母氏之恩板宅無緣那到神仙  
之境必求高士為指迷途恭惟某人和光同塵



出類拔萃發揚宗教混然流水之源游戲詞  
章蕩子春雲之態簪星曳月乘虛御風仰希  
鳴佩之臨分付出門之語喚醒濁夢俾聖善之  
超昇飛上清都庶精神之不死再拜稽首萬望  
點頭

代仁惠觀請周彥忠

孔李通家之交益由道義楊墨歸儒之道必賴  
師模誰其尸之曰有人矣恭惟某官才高時革  
譽藹旦評濂學家傳不刻憲前之草唐詩句好

能吟觀裡之桃來生羣比行看豹變強名曰道  
主善為師敢期如大匠誨人幸勿拒童蒙求我  
道其道德其德第慚所學之不同步亦步趨亦  
趨但願其徒之速肖

代歸真觀請孫伯昭

寄老子法中強名曰道誨諸生館下主善為師  
久欲依歸敢云招致恭惟某稽古究春秋之學  
蜚英冠月旦之評不惟獨抱遺經抑且旁通百  
氏玄都賦種桃之句足擬唐人山陰寫籠鵝之



經可同晉帖平居養素尤善談玄才名三十年  
想未厭廣文之飯扶搖九萬里尚優哉逍遙之  
遊大器晚成英才樂育如某者仰如山斗居此  
瓮天墨埽楊、歸儒曾聞其語士希賢、希聖  
寔慕斯文敢設坐壇以迎教鐸孺子或容其進  
履相儒可隱于書堂澹泊相忘清虛共守道其  
道德其德小哉坐井之觀步亦步趨亦趨矐若  
絕塵之後獻芹仲敬鑿茹為滌

蓋菴疏為江叔廉作

潦倒餘生三百瓮寒釐未了流離數載千萬間  
廣廈誰依菴居卜築于江湖土著便同于鄉里  
竹開三徑藤判四簾惟諸君贈草堂之資則老  
我得菟裘之計晚粟飯視同珠玉黃菜根嚼出  
宮商養藜藿之幽姿瘦膏梁之舊習落成有日  
座中約青州從事交歡繼美當年杯後為冰壺  
先生立傳併蒙有自感戴奚忘

壽寧寺請源別流住持諸山疏

嵯峨古塔雙尖挿霄漢之間蕭瑟禪林一變徑



烟塵之後念正法凌遲者久待偉人振厲而興  
其人豎硬脊梁有大力量宗門中識時俊傑縮  
衣內少年老成從金山躍龍門如神龜鼉鼓舞  
對劍并坐猊床說法猿鳥依歸惟能于扶顛持  
危乃卓然出類拔萃烟霞接境庶幾分東壁餘  
光雲水滿堂相與挹西山爽氣式修隣好益振  
宗風

方外交疏

比年以叢林凋謝恬養者多望：而去今吾

別流源公以壽寧禪寺禮聘之勤奮然為  
茲山領袖真可謂以道自任者也吾黨之  
士深用讚歎敬緝儷語以效燕雀之賀云  
千丈渾才膠難澄久俟河清之日百鳥鳴孤鳳  
忽見將來道泰之秋願茲山並立浮圖由前代  
持稱名利駕言弘道允在得人某某學有源流  
名揚湖海妙高壺了翁法窟如青出藍毘陵郈  
新興道場如風偃草游戲卓水雲之錫棲遲橫  
野渡之舟末法中為宗門棟梁知音者歎朱絃



疏越堂前露柱明。為諸佛放光塔上風鈴聲  
聲與諸生說法

華亭縣請仁伯靜住宣妙寺山門疏

鳴百里之絃歌。因云在我振叢林之鐘鼓。正在  
得人由諸山鶚薦而來。宜千仞鳳翔而下。其人  
崑丘產玉。合浦藏珠。早遇作家。函丈入澤公之  
室中。居報國法筵。提智者之綱。仁者靜固其本  
心道之行。綽有餘力。望雲出岫。如月當空。虛室  
白生。即洞達光明之藏。華亭清淚亦宣揚微妙

之音聖壽萬年法輪三轉

持諸山疏全前

繼三支而稱博學。遠躡遺踪。用一夔以作大章。  
足知雅曲時則可矣。聞斯行之。其人冰雪丰姿。  
江湖襟度。執經問難。遍叅諸老之門。領懺司賓。  
兩秉叢林之政。蜚英聲于方外。展濶步于雲間。  
踞鳳皇山作獅子吼。天高地迥。面九峯翡翠之  
屏。月白風清。目三泖水精之域。

方外交跡。送大雲講主。推住福壽院。



福壽禪院者錦溪之佳處也山中耆舊以主  
席不宜久虛力請吾大雲和尚居之事雖  
從權而林泉頓為增重而吾黨亦可尋盟  
蓮社矣持一瓣香綺語以贈

山不在高安靜處卓飛空之錫老當益壯談笑  
間用合道之雄暫踞猓床橫揮麈尾拂某人春  
秋八十功行三千豎硬脊梁得天台髓慈雲廣  
大諸方蒙教雨旁沾智月圓明在處有人天交  
贊鐘鼓振錦溪北柵衣冠比廬阜東林或疑為

入谷之幽自謂作蓬場之戲法雖修于出世義  
不失于隨時當此黃楊厄閏之秋乃有白蓮結  
社之日魯司寇攝行相事曾三月以成治功遠  
法師影不出山且六時而修淨業薄言燕賀永  
締鷗盟

永安菴尼請禪老興正宗持住疏

余曩歲以衣鉢之資檀施之力創造本院年  
今八十有六力不能支且無法嗣是用以  
一應恒產捨為十方禪刹恭請紹隆正宗



和尚入院慈修接納雲水契券雖明礼宜  
疏請

昔天竺第一代祖師得度賴阿難之力今震旦  
編十方禪刹流傳皆達磨之宗欲改換其門閭  
宜選擇乎領袖位須德稱道在人弘某人學有  
淵源名揚湖海千岩老恬日謂能承鉄壁箕裘  
一把茅蓋頭又多挹玉峯温潤撥慈航過來不  
遠將法幢扶起何難雲擁猊床風生塵拂泗橋  
流水喜滌回說法之場社樹獨園當恢拓布金

之地香拈一瓣壽祝九重

真武經堂會置田疏代張伯祥作

某將建真武道堂為吾黨月會清修之地築  
室塑像尅當獨為預置齊田敢哀衆力惟  
諸君領之

上真玄聖揚靈足踏龜蛇下土蒼生報本心同  
豺獺儼一己力營真館率諸人預置祊田年  
得黍稷之馨月奉蘋蘩之薦永言祭享賴此  
膏腴作善則祥不善則殃此體物不遺之妙同



盟之人既盟之後正自求多福之秋筆應揮金  
隴頭種玉

置草堂疏代施大鵬作

某久客橫塘視同鄉土業欲築室于此圖將  
老焉敬惟諸君子夙昔庇士必賜作成修  
辭抒情不自覺其拙黃對白也

仲宣依劉荆州慨慨作登樓之賦子美詰黃錄  
事殷勤覓草堂之資蓋依仁乃客子之本心然  
比士寔故人之高誼孔方兄但能助力公輸子

便可成功鶴帳弗空菟裘可老屢落成而燕雀  
相賀喜化日之初長門高大而車馬能容看德  
星之常聚幃幙有造感戴初長

方外交疏

余生寡諧俗特于方外高識之士樂與之遊  
若我雪心和尚前居南山相好為忘年之  
交今主領天寧禪寺緇素歡欣山林德色  
予于是緝數語以頌其美以抒其交情云  
齊雲古佛剎留泗州寶僧之衣慧日大法門為



常郡禪林之冠稱其名必有其寔弘其道須得  
其人恭唯顯公禪師妙年老成竒器卓犖入松  
林室中布毛吹雪傳無盡燈生楞伽峯頂塵尾  
生風握真如印如卷舒于前日大展布于斯時  
金斗城圖畫天開鉄門限縉紳雲集爾乃竿木  
逢場而作戲我豈燈花有約而不來青之翠竹  
鬱、黃花聽法皆能會意巍、高山洋、流水  
知音當為點頭燕賀聿修鷗盟永好  
招魂致語為陰陽正術吳彥德作

伏以孤正首丘凡物有本原之性鶴歸華表雖  
仙亦故里之思三魂或散于異鄉一念可通于  
八極焚香拜跪剪紙招要切念近故某官生有  
多聞死無遺憾驅馳日下空知行路之難漂泊  
天涯竟作顛崖之墮玉門關峯迴路轉金斗城  
物換星移庸歌宋王之詞敬效巫陽之力往年  
蜀魄思家而千載號呼今日楚魂歸第而六親  
迎迓洋、如在肅、有聲高堂共燈燭之光靈  
几享穀羞之薦月白風清此良夜獲叙幽情水



遠山長愁殺人變為佳境

醪諸友買石題獨孤公檜四字

廬山種蓮堪笑者區、佞佛董林栽杏可憐哉  
碌、依人玉箸篆重題姓氏金斗城陪有輝光  
尚須假力于錢神即俾奏功于匠氏立公羊一  
片石乃大書而特書比季子十字碑尤居簡而  
行簡願言鳩僦詩與鷗盟

干親友重構草堂代黃仲器作

荒徑猶存陶彭澤歸來太早吾廬獨破杜少陵

受凍何堪巢一枝欲比鷓鴣樹三匝正如烏鵲  
兵輪受庇風雨憐憫孔方兄母吝點頭公翰子  
便令勤手十萬貫揚州鶴上人自求仙八九家  
錦里村居吾將老合矣完矣優哉游哉

大林菴佛像粧金法事疏

芳茂山大林道場昂新草故補陀岩圓通法會  
粧假成真仰恃慈雲俯陳悃悃切念某某鉄船  
渡海鋤斧開山浩劫峯玄都之兔葵淨掃灑  
灑甘露獨園之社樹新雷從把次第鳩工置剎



木莊嚴象設金色界移來勝境玉毫光照見恒  
沙鐘鼓雷鳴餅盃雲集一宿雖成于頓覺四思  
當報于將來伏願佛日照臨龍天擁護我見人  
見衆生見因見趣以精修梵音妙音海潮音觀  
音聲而圓悟尚期檀越同證菩提茅

橫山白龍祠修造疏

天蓋高而地蓋厚人能感通山有仙而水有龍  
官為祭祀必嚴廟貌乃稱輿情公輸子便欲興  
工孔方兄必先助蛭蜒靈想像高堂駿奔走執

籩豆參酌用古今之禮鼓雷霆順風雨願言無  
水旱之憂輪奐美哉神明彰矣

重造東山港木橋疏

東山趾頭橫巨港橋斷連年東里子產無乘輿  
人皆病涉每鶴立相呼趁渡今鳩工重作飛梁  
事欲速成力須多助牽牛來往直可比牛郎七  
夕之牛乘馬經過亦何馬脚駟車之馮吾事濟  
矣衆皆悅之異

無錫興道鄉重建太平橋疏



長安道到處皆通溪山病眼太平橋連年大壞  
鄉里驚心義合勇為力宜多助不用集填河烏  
鵲便當見跨水長虹乘輿濟人施惠毋勞於子  
產丈夫題柱揚名何異于長卿

方外交疏賀哲既明為弘聖講主

壽安山坐鎮相方如、不動華嚴海流傳妙界  
浩、無邊惟得其人乃弘斯道其人學窮員頓  
道混根塵舌上瀾翻皆白馬未馳之文字胸中  
囊括有黃龍不測之机閑挺然冬嶺孤松接乃

秋江正派即從別業以豎法幢天龍加以護持  
猿鶴為之鼓舞江流百數里同梵音演竺國之  
經吾輩十餘人比賢士結匡廬之社尚期珍重  
式副願言

重建忠祐廟疏

自隋朝稱八絕之靈巍然廟食與陳墓對一坏  
之土歸若堂封人傑地靈者八九百年灰飛烟  
滅者一十三載剪除荒棘經營闕宮展今日之  
宏規復前人之舊制工師求大木政須用使鬼



之錢長者折一枝敢請下如神之筆紅雲殿香烟繚繞白鶴溪流水迴環看眼宸元之屋既成有壁上槎牙之松堪畫雖在宮肅在廟儼遺像于丹青赫々厥聲濯々厥靈振英風于今古福歸庶士壽祝一人前

普度齋壇榜

大地衆生多沉淪于苦海恒涉諸佛能拯救于慈航會遇有緣冤親無間切念齋主僧某洎諸信士某等為見曩因喪亂兼值凶荒或被戮于

兵戈或遭烹于鼎鑊或疫癘而全家不起或飢羸而比戶俱亡月明星稀長夜發無依之嘆天陰雨濕常時聞冤苦之聲三寶前今獲皈依九泉下悉令解脫故此新開鹿苑于焉延奉象王命苾芻按乃科儀傳舉嚴諷諸經典燈燃火樹阿鼻獄焜耀靈暉食施斛拌尸陀林飽厭甘露齋主宜志心皈命僧流當竭力奉行有感必通無欲不遂伏願佛垂慈愍人得超昇玉毫相光照十方咸聽正法金沙池花開四色同徃化生



壽永天家恩雷沙界

千人贈行疏

嘗聞朋友有通財之義今某毘陵人也久客  
居貧欲還鄉而不可得敢請諸君子仗義  
以贐其行真美事也

聽馮驩彈鋏之歌不勝感慨覽王粲登樓之賦  
亦甚懷歸事有難言理宜代述切見某人鄧侯  
華胄毘陵宦家二十年海內兵戈遭逢蓬炭五  
千卷胸中文字收歛先達故園之松菊都荒莫

景之素榆不暖但空載滿船明月豈能乘兩腋  
清風惟諸公曰餽贐焉則此老營菟裘矣腰纏  
十萬貫便可比揚州之行負郭二頃田更何羨  
蘇秦之印毋嫌饒舌特為點頭

代曹仲鉉募親舊作隱居疏

白髮三千文悵然吟謫仙之詩行窩三十家徒  
爾慕堯夫之樂借巢鳩拙繞樹鳥飛屋茅席捲  
于秋風衾鉢寒添于夜雨欲新搆作菟裘之計  
必故人贈草堂之資經之營之完矣美矣潞城



風景幸春回兵革之餘劍并虹光看日射軒窓  
之外悒悒有自感戴奚忘

道家受生會疏

大功不宰巍々上帝難名小道可觀碌々乎下  
民有報益跼蹐不忘其報本即潢汙可薦其虔  
誠芳名請日下先題勝會在天中令節惟白水  
真人辨力有玄都道士通靈水到渠成山鳴谷  
應天一地二天三地四安之同受于生初人一  
己百人十己千宜尔力行乎斯道乎

黃鶴菴居疏

食五粒松前度看素田變海懸一壺藥今番結  
茅屋山居要得如清溪道士之家必蒙助白水  
真人之力悒悒有造修養奚難繞香烟鶴聽珠  
經山鳴谷應養神丹龍蟠金鼎地久天長

辨惑編鐫板疏

左賦初傳洛陽紙頓增多價白詩可易雞林賈  
猶用一金矧端人正士之喜言皆至聖大賢之  
遺訓人能弘道德必有隣切見龜巢老人行年



彌高信道愈篤文字五千卷筆前言辨惑之編  
辛勤三十年絃古調待知音之聽固緝補其舊  
矣宜鐫梓以傳之登山採玉入海求珠所寶無  
暗投之嘆製芟為衣紉蘭為佩相薰成俱化之  
功珍重斯文咄嗟可辦為

奔牛橋南重建井亭

古堰橫奔牛高下分河中之水碾渦深沒馬傍  
邊宜井上之亭中書君但請揮金公翰子便能  
求木畫簷飛起接金臺藹之雲烟素縷來趨

披珉甃冷之冰雪願言多助立見落成

沈子英以先人墓毀于兵重葬木主作佛  
事追薦疏

七十二疑塚求全難救於昔人千有億化身超  
度祗憑于我佛投誠三寶追悼雙親伏念某顯  
考某官顯妣某氏沒有先後恩皆深重北印埋  
骨不期毀馬鬣之封西郭招魂復用卜牛眠之  
地耐卯君而安厝題木主以珍藏情極哀傷事  
從權變爰命緇衣之侶共陳素供之儀鳴佛樂



於法筵宣梵音于教典聚功德海及尸陀林伏  
願佛日照臨人天感格九品蓮臺之極樂父母  
超昇一坏沙土之無虞兒孫祭掃天長地久存  
順歿寧

方外交疏賀行敏中住永慶寺

塵生東海八荒宇宙重開石爛南山一壑烟霞  
猶在欲起廢而還舊觀須作興以布新條水到  
渠成山鳴谷應其人深悟單提之旨旁通百氏  
之書石麟角煎膠續絃收禪道場得來三昧秋

兔毫囊錐脫穎有潑天聲價震動四方道之行  
坎時則可矣折松枝升座說法種蓮花結社招  
賢且自怡隴上之雲將窳見眼前之屋置草堂  
宿土室今吾似少陵先生留玉帶鎮山門何代  
無東坡居士燕賀有喜鷗弗渝月盟

忠祐廟修造疏

世稱八絕數百年人際地靈廟食一方二十載  
灰飛烟滅欲舉手作長廊廣殿向知音說流水  
高山我老鶴歸良工鳩集惟長者秉如神之筆



能慨然助使鬼之錢經之營之完矣美矣丹青  
遺像若生成大業之初恢拓宏規將復見靈光  
之舊福歸衆信壽祝九重

諸山請借長老住報恩寺疏

金園祗樹胡少師原是恩檀王盜菖蒲蘇長公  
曾留詞藻雖往事盡成隳廢惟得人乃可作興  
某人學淵源聲溢湖海大力量能勝重任諸有  
行輩咸稱老成松月堂前吹布毛于禪衲錢塘  
江上揮塵尾于法筵絃琴來續朱絲無孔笛

別成清調如斯出手方謂作家岸為谷、為陵  
更看歷僧社之劫士希賢、希聖會當傳佛祖  
之燈隣壁光輝宗門煥耀

三山湖重建木橋疏

踏蘆渡水莫言他物外通神伐木為橋且作此  
目前方便故趾在兩汀烟渚良工運月斧風斤  
要得速成必須多助彷彿填河之鳥鵲依稀跨  
海之虹霓三山湖岐路縱橫人無病涉駟馬車  
諸公絡繹自可留題濟衆云功垂名不朽



重建排墓橋疏

斷橋人不渡如弱水以隔蓬萊小徑曲通村奈  
荒野而披榛棘溪分燕尾路繞羊腸必飛梁重  
壓烟波則大道直趨城郭金筆一揮于長者斧  
斤羣聚而成之浮杯僧不用驚鷗題柱客儘堪  
乘駟設天上填河靈鵲毋聽偽傳耳空中跨水  
長虹佇看高步咄嗟事辦讚嘆福生

遠塵居疏為善慶堂作

塵教河沙未盡僧衲之劫遠離塵垢詎忘吾佛

之言一把茅得以蓋頭三條篾儘堪縛腹道須  
多助室乃苟完離舊隱稍入深居近新洋最為  
佳境展開一坐地具截斷諸塵法門寒山雪勞  
不用掃除明鏡臺毋勞拂拭招白雲為伴侶更  
無心出岩岫之間對玉峯作畫圖其妙趣在丹  
青之外以安隱想入清淨觀

陵口慈院化修造疏

扶起法幢據一帶江山之陵口飛來禪錫憇十  
方雲水之路頭剪荆棘重作叢林掃埃燼仍為



寶地數年不輟百廢俱興今將捲屋上之茅從  
新覆瓦更合剝堦前之草依舊磨磚構層軒奉  
七佛之師望北闕祝一人之壽小苾芻向前料  
理大檀那直下承當種、莊嚴綿、接續使工  
師求木聚良材以待匠石之需為長者折枝修  
因果而有福田之報惟金爾諾庶玉其成

方外交疏賀蘭楚芳住法濟寺

以大法濟世而出接跡前修如小山招隱而來  
增輝同列布金園雖云廢毀硬鉄漢斯可承當

其人學有淵源名揚湖海虎阜藹勝雲之氣在  
昔與教藏通靈蛟溪響流水之聲至今效分座  
說法道將行欵人皆仰之西排滂重見珠林東  
印土俱成寶地陶彭澤入遠公社更不勞沽酒  
見招韓昌黎聽穎師琴自肯為賦詩相贈忘形  
緇素同志清高

塔寺疏

青山門匝地荆榛化城安在紅塔寺倚天樓閣  
勝地重開雖必芻卓錫而經營必檀越布金而



成就掃除瓦礫整頓林泉壘七級之浮圖復還  
舊觀成一區之蘭若永守清規報施主恩祝聖  
人壽

設冥道場榜

金仙慈愍開八萬四千方便之門寶公科儀指  
一十二數超昇之路既殷勤而修設宜次第以  
宣揚燃解脫香秉光明燭緇流星集幡影雲揚  
專追悼於一靈敬皈依于三寶禮菩薩諸天聖  
衆名阿鼻拾府冥王法雷鳴鏡鼓之音甘露洒

盤盂之供經演三乘妙法懺除累世愆尤燃藥  
師燈破諸幽暗施伽陀食濟眾飢虛散五采之  
仙花解多生之冤結爾齋主必加精恪無願不  
從我清眾各盡虔恭有感斯應伏願佛光普照  
法理圓融成就功德山存算比恒沙之喻脫離  
生死海凶靈得淨土之遊

作佛事薦陳都事疏

名同仁字仲野  
前常州經歷

念伯道之無兒誰承祭祀賴四方之有佛可異  
超昇追悼同寅投誠大覺伏念某官儒林拔萃



仕路蜚英五六年勞瘁畫蘭陵卓然可敬四千  
里赴承宣蓮幙遽尔云亡桐棺最葬于太原本  
主奉祠于精舍供陳蔬筍香爇旃檀世尊放玉  
毫相光釋子誦金剛般若集恒沙之功德為淨  
土之莊嚴表我交情助公冥福伏願洋々如在  
濯々厥靈栢子庭前聽法會西來祖意蓮花臺  
上遊魂得上品化生

賀徽太古住天寧寺疏

一天寧有內外之稱經權並用九雲夢無蒂芥

之迹觸背俱亡惟麟膠可續斷絃似烏獲能勝  
重任道之行也人皆見之某人前輩老成單提  
正印入寂照室得徑山骨髓而歸親承圓悟早  
宗聳秀峯頭角而出由々然寸絲不挂堂々乎  
大器晚成坐蘭陵第一道場納芥子大千沙界  
蘇州有常州有搃成佳話舊雨來今雨來皆與  
忘情鐘鼓雷鳴衣冠雲集古調唱陽春白雪餘  
音存脫節黃花韓昌黎海上留衣特出敬大顛  
之意蘇子瞻山中解帶不妨問佛印之禪凡與



鷗盟永言為好

賀聽聞極住天寧寺

毘陵稱劇郡天寧為第一禪林泗川留法衣風  
化有許多因地舊網維重新振舉大力量直下  
承當湖海推賢山林增重某人堂、偉器藉  
英聲唐阜師承聞圓悟相傳之極致龍河法藏  
得摩維未譯之先幾浮盃使日出之邦駐錫憇  
春申之浦有聲畫無聲詩等為遊戲橫說禪豎  
說教儘自圓融踞此狻床香雲繚繞拈將塵拂

花雨繽紛石池種靈運之蓮山門對獨孤之檜  
道則高矣美矣人皆見之仰之三千年黃河清  
喜遭遇今朝之盛日十八賢匡廬社當繼承前  
輩之高風凡我同盟順尔成德

薦亾女疏 因產而亾

嫂母裂腸于生育轉致冤愆象王慈眼于沉淪  
能令解脫皈依大覺敷露微忱切念亾女某氏  
為結子之桃花一時飄墮視當堦之蕙英三載  
更新欲撒靈幃弘開法席梵唄演瑜伽教典慈



恩降阿鼻獄人寶燈破冥路之昏斛食濟陀林  
之餒罪如霜釋業比冰消拯漂溺以上慈航洗  
穢濁而歸淨土伏願佛天覆憐靈魄慧臨大乘  
上乘最上乘哀諸功德欲界色界無色界從此  
超昇

常州府天寧寺修造疏

娑婆世大千沙界往古來今毘陵郡第一道場  
殘山剩水大法幢要人扶起老禪衲領眾支撐  
開甘露門持脩月斧佛有殿似靈光巋聳整天

龍衛從之威鐘有樓如五鳳添修免風雨震凌  
之患新兩廡而雁堂奕々廣丈室而狻座巍々  
形勢依金城湯池周圍護銀山鉄壁興言多助  
立見有成視銀杏為雙樹林數百尺鬱蔥佳氣  
接曇花於五竺國二千年奕葉餘芳

除服設醮薦凶疏

明發懷人恐沉淪于下土齋沐祀帝敢對越于  
上蒼仰瞻威顏俛瀝情悃伏願恩光普照見旭  
日于雲中魂氣超昇御靈飈于天上



日之方中恩輝廣被天之所覆大德難名俛陳  
伉儷之情尚乞哀矜之賜伏願一誠天鑒幸獲  
接于齋壇萬罪冰消得早升于仙境  
日之夕矣如亾如存天何言哉有感必應稽首  
三瀆馳情九霄伏願黑籍除名竟飄然而遺世  
丹梯飛步即從此以登仙

居喪踰古制之期緣嬰世務煉度仗高真之力  
可濟幽靈仰願洪鈞俛陳丹悃切念亾室某氏  
生無妬忌能內助以成家脩歷艱辛甫中而即

世琴瑟之音固絕室家之意難忘命黃冠演其  
科儀設清供同予禱祭敷宣道典歌詠步虛諸  
孤除服以追哀十極降恩而超度伏願朝紫金  
闕乘織女之雲車居白玉京勝姮娥之月府尚  
期遺澤益裕後昆年

重建後餘橋

論靈鵲填河之事每笑譌傳假祖龍鞭石之神  
何憂病涉睠此渴湖頭濶港寔為鶴溪上安途  
惟諸公發鄭僑濟人之心則良工用媯氏補天



之手以舊石加諸土木則新冬成津梁客有馬  
長卿必為題昇仙之柱賢如鄭子產母勞用漆  
洧之車此

太平興國寺修塔造寺疏

毘陵郡諸山起廢幸此時明太平寺一塔歸存  
依然壯觀風摧雨壞歲久月長戒壇與梵宇俱  
亾畫水在圖經空載貌乎七層巨構茫然  
百晦荒基扶天柱之傾宜先出手聽風鈴之語  
會有知音雖卓錫已有人焉而布金必須長者

千年鉄柱骨看青蓮居士重禮冥僧半天拍欄  
杆待簡齋先生留題佳句聿成勝事求著修名

常州府送聰聞極住蘇州萬壽寺

一笑視齊雲舍利重現神通三遷至禪月道場  
能繩祖武遽尔風吹別調本來雲出無心其人  
見合真知聞皆極致是空是色出熙恬蓋外之  
青自本自根得妙喜骨中之髓進非躡等道在  
力行猊床擁五色香雲塵拂洒六時花雨以泓  
江太湖倒傾其法海于長洲茂苑振起其宗風



登東山登泰山道眼蓋明于天下處北海處南海交情何異于日前尚曰隣封無忘舊好

常州府請中道立住天寧寺

乾毒發一花五葉之春流芳震旦天寧為四縣諸山之冠鎮重毘陵必須得前輩老成乃可為後學師表竊有請也聞斯行之某人有蘊皆空無道不立山林下工夫鎮密湖海間聲價崢嶸無準翁祖派傳來得寧翁虎丘之親授穹窿山珠寶招出陞景山狃座以盛行連年橫野渡之

舟此日擎誓江之楫平地把法幢扶起獨園隨坐具展開白槌雷鳴緇侶雲集金斗城鳴抱關之折鐘鼓相聞鉄門限待問話之人衣冠聿至佇俟三祝同寅一誠

普菴堂修齋安奉德藏主靈位代蟄作

藁林鐘鼓道本貴于同修祠宇香燈義不忘于前輩敢謂東山小宗之從子仰于西方大覺之慈悲惻愍具陳慈悲諦聽切念故師伯藏主德公早遵父訓過匡廬蓮社之門繼得師承入靈



隱竹泉之室主名山一大藏教典涉危途十餘  
載兵戈常時若緘口無言凡事皆灰心不作雖  
病業難逃于俗舍乃寂滅預知于去期法已茶  
毘礼宜蒲供安奉覺靈于舊隱宣設科教于今  
辰伏願成就菩薩圓融般若六十五年娑婆世  
界夢幻俱空百千萬億清淨法身光明普照

延福菴衆設法華道場保安疏

居安慮危愍衆生之煩惱捍災禦患賴諸佛之  
慈悲俛述輿情仰干大覺切念某人等家居長

幼咸寄幻于兩間氣候燠寒或愆和于四體共  
闡道場于延福同宣妙義于法華爐爇寶香藹  
祥雲之繚繞花生銀燭增慧日之輝光伊蒲列  
供于齋筵因果緣成于梵宇伏願佛天覆幬法  
雨霑濡五運六氣之流行無灾無害七喻三周  
之功德無量無邊凡在乎隣里鄉党之間共享  
此壽富康寧之福

延福菴修造疏

修月之斧數千世傳異事補天之石五色神立



竒功矧草創之禪院乃檀耶之福地必加修補  
愈更作興或舍舊而圖新或衷多而益寡斧彼  
鋸彼輪焉奘焉上漏下滴處任在巧工東塗西  
抹時光生髮飾孔方兄但能力阿羅漢別當助  
現身非莊嚴是名莊嚴此福德勝前福德展開  
一坐具舉頭皆延福道場更上一層樓彈指見  
華嚴境界願言金諾事悉玉成

常州天寧寺請性天之住山疏

金大地作瓦礫場空王殿巋然窳兀鉄門限為

戟戈用僧伽衣久矣源靈必得人扶起法幢特  
為我展開禪席瓶盃雲集鐘鼓雷鳴其人北山  
三鷹早歲入曇翁之室西江一吸無人當馬祖  
之鋒煮虛空煨赤脚鐺談般若聚點頭石在處  
香雲繚繞有時花雨繽紛時止時行了無罣碍  
浙左浙右靡不依皈今菟裘為將老之營而竿  
木乃蓬場之戲幸無多讓勇為此行吳山青越  
山青拄杖挑白雲飛起常州有蘇州有蒲舡載  
明月歸來



延陵精舍疏併序

昔司馬公諸君子在洛為邵堯夫先生買宅  
人到于今稱之今叔濂江徵君世居江陰  
與延陵季子墓同里清風高節寔景慕之  
迺來避地吳下欲築延陵精舍于淞江之  
上使學者有所依歸吾黨之士宜相率以  
助其費亦庶乎為堯夫買宅之意也不揣  
僭言作成幸甚

君子攸居不鄙九夷之陋英才可敬常存三樂

之心欲矜佩之從遊宜齋廬之講習非助我者  
孰能為之切見某人喬木世家飄蓬叔世書劍  
客長洲茂苑襟懷藹和氣春風五色筆之文章  
家傳久矣十字碑之賢墓鄉念存焉築精舍笠  
澤之濱揭故園延陵之扁既不忘乎素梓且樂  
育於菁莪願言為長者折枝僉曰使工師求木  
美輪美奐鼓瑟鼓琴試看荷蕢過門之徒皆為  
升堂入室之士青山在上流水在下馬公案樂  
花竹餘春先生如丘學舍如舟蘇子以葦蓋送



老亟圖燕賀永締鷗盟

呈長洲縣請修顧元公祠堂

嘗謂古昔名賢合奉燕嘗之禮世俗淫祀豈容  
混雜其間風化所關事宜改作切見晉散騎常  
侍贈侍中驃騎將軍開府儀同三司顧元公相  
門華裔文武全才當時與陸機陸雲並稱三俊  
王導慕江南之望張華號南京之奇平六州之  
大亂成一代之奇功其他勲業具載晉史祭典  
曰有功德于民則祀之若元公之賢理宜廟食

今墓在長洲縣二十九都皇天蕩南舊有祠堂  
為鄉里奉嘗之地近被一等無知小民將本處  
廢廟中土地神像移入本祠使夫婦列坐玉石  
混淆亂惑觀聽于理未應如蒙官為致祭撤去  
續添神像禁斲樵收整葺祠宇非惟尊先賢辨  
淫以明禮法且能正人心勵風俗有補風化祀  
為此合行具呈

崑山州學講堂上梁文

設庠序學校之教于國中  
人倫為重聞金石絲



行之音于堂上聖道彌尊賴有人心上經綸見  
此屋眼前宏兀恭惟某知州相公理明聖學職  
守神州念斯文重係綱常知厥職寔兼師帥如  
文翁化蜀多除弟子之更繇似常衮治閩親與  
諸生相揖讓願瞻鶚泮乃構鱣堂看接武布武  
于上下之間欲求仁得仁于講論之際見聖人  
洋洋如在賢太守赫々厥聲視鄭之不廢鄉校  
而過之比魯公能修泮宮而成矣齋廬俱備堂  
廡亦新駟虞之德諸侯之風是皆本先王之教

宗廟之美百官之富喜共窺夫子之門爰舉修  
梁敢陳善頌先

梁之東日出扶桑麗太空五色喜看祥瑞現  
八荒都在照臨中

梁之西湖上青山玉筍齊千里風塵銅馬去  
四郊春雨錦鳩啼

梁之南負郭人家瓮繭蚕共愛甘棠周召伯  
重歌岐麥漢張堪

梁之北江水涵、歸海國人心亦自水朝宗



聲教依然流九域

梁之上萬象森羅天蕩、日暹氛祲已全銷  
天下太平今可望

梁之下州里絃歌摠風雅三吳德化服淮夷  
多士文章繼班馬

伏願上梁之後一人有慶萬邦咸寧舞干羽格  
苗民之頑大禹班師而勿用修文德來遠人之  
服顯史近費以何憂化日舒長士風益盛

募朋友置十七史疏

農有菑畬可盡耕鋤之力儒無簡冊曷資講習  
之功借于人或謂為癡閱于市目亦可笑切見  
其人螢窓苦學陋巷甘貧十七史歷代之書擬  
求善本數千載古人之事又欲周知區、未遂  
其心咄、不離于口割鷲股奈何無肉刮龜毛  
安得成瓊雖君子存固窮之心在朋友有通財  
之義多助寡助大書特書便令載米家之舡管  
取挿鄴侯之架知之者好之者樂之者相與講  
明歲之餘日之餘時之餘儘教披玩其為感佩



吳可弭忘當時以中統王鈔題助者趙師呂蕭昭  
官用中王君壽道士鄧混然各五貫一貫  
外蕭子璋金君玉各廿五貫僧瑒玉林廿貫  
命甥女婿周明舉詣集慶路千託士友陳宮  
心買紙儒學內印置共作四百貫在鳴齊藏貯  
裝演作料二真等費計二百貫在鳴齊藏貯  
諸史時生元五午春因避兵寄  
家塾是書尹瑒舉家其子吾婿也  
藏金壇縣尹瑒舉家其子吾婿也

勸募刊思賢錄疏代張希尹作

某伏觀故宋道鄉先生鄒忠公常郡名賢程門  
傳道其一言一行皆可為天下法若龜山楊公  
了齋陳公南軒張公晦菴朱文公丞相李忠定

公諸賢咸有贊述宋季及元郡守教官暨諸名  
士嘗為表著祠墓之作散諸四方者不一龜巢  
老人謝某裛輯成編名思賢錄然非鑄梓以傳  
則忠公與諸賢之文辭將遂湮沒寧不惜哉某  
比以楮版百片助之其鐫刻之資尚有望于好  
事君子書成之日度置學宮庶得以貽永久也  
洪武十一年八月中秋日江陰張端

刊龜巢摘藁代王尚綱作

嘗觀石鼓之書閱二千餘年剝落未盡學者猶



龜巢藁卷之十三終  
可得而傳焉近代版刻亦類此今吳中宗禮黃  
氏欲以龜巢謝先生之詩鏤版而傳之適以事  
阻因循十年敢用告諸君子與巢相知請為協  
力以玉其成夫巢翁之詩多以忠孝節義形于  
詠歌苟得刻木以廣其傳于世教豈小補哉翁

龜巢藁卷之十三終






龜巢藁卷之十四

序

送黃仲賢同知吳江州序

國家以民為本故州縣守令之職必慎擇焉以  
其近民故也苟知近民之理則必如醫之近人  
察其脉而知病否農之近田視其苗而知美惡  
母之近子求其意而知欲惡苟非其人則何異  
以巫為醫以工為農以達人為子之母乎至正  
己巳秋太尉丞相知黃公仲賢之能啓奉正命





命同知吳江州事其職可謂近民矣或曰君前  
為江西省照磨為南臺掾所至蔚有能聲未嘗  
近乎民也矧今位州長之下僚佐之上凡所處  
決非已得專其為政也不亦難乎予曰位不同  
而理同苟吾之理明如鏡照物持此以居同僚  
之間無偏執無詭隨一州之事交相可否舉直  
錯枉惟理是從必能使斯民無嘆息愁恨于田  
里者矣夫如是可謂醫之知病否者也農之識  
其苗之美惡者也母之能求其子之意而知欲

惡者也近民之理如斯而已君之行其友某請  
予以理之一言叙而送之予則毘陵謝應芳也

贈卜者陸仲明詩序

卜筮之說予嘗著辨惑編論之詳矣今吾友徐  
君伯印謂中吳陸仲明氏善卜往以疑事決  
之其應如響故率諸善文辭者贈言且徵予為  
之序夫枚卜功臣雖唐虞之聖猶用之若三代  
則塗山之卜飛熊之占百谷之筮皆驗以興國  
特不知當時掌著龜者何如其人也春秋時或



龜身書卷之十四  
者謂筮長龜短而龜獨重于世家國大事未嘗  
不謀之善卜者誠能紹天之明以七十二筮洞  
明吉凶其人豈易得哉但世之假龜策以售妖  
誕之說者垂簾君肆所在有之君子不能無憾  
焉夫以伯印之明智而稱仲明若此則仲明之  
精于卜也可信矣雖然昔君平於問卜之士語  
臣以忠語子以孝其諸善道莫不隨其人詔之  
于世教殊有補焉諸君既賦詩以贈譽予不佞  
復以是規之仲明其留意焉

婁曲書堂詩集序

人情孰不愛其子乎惟其愛之以德使之能自  
樹立斯君子之愛矣崑山殷君叙父有見于斯  
視羸金不如一經乃買書築室于婁江之上命  
其子奎日與師友講學寢處食息于其間而奎  
也服膺父訓篤專厥修而經歲累月足不跡庭  
戶外學與日積聲聞遠近若叅政郵陽周公亦  
過而嘉之扁其室曰婁曲書堂既而鉄崖楊先  
生及諸名士皆有賦咏而予亦嘗題其壁焉今



君叙又欲因詩以賈其子之餘勇而益進之乃  
裒集諸詩時令諷誦且俾予序所以集詩之意  
吁若君叙之愛其子者可謂君子矣奎字孝章  
亦可謂孝于其親而名不虛得矣予嘗三復是  
編顧其詩類警策不特頌殷氏堂構之美而已  
使凡為人父為人子者得而觀之莫不有所感  
發興起而為風教之助云

杏林春詩卷序

予嘗讀列仙傳至董奉杏林之事嘗掩卷而嘆

曰嗟乎奉必有道之士而隱于醫者也觀其用  
藥活人而不責人之報以杏易粟且復賑夫飢  
者非有道而能若是乎傳者蓋欲特著其事註  
為神仙以高之殊不知君子之所取者在此而  
不在彼也吳子中行去奉千載景慕之將繼其  
美乃大書杏林春三字于齋君之室示不忘也  
所謂杏林者蓋根于胸中方寸之地而春則發  
乎秉彝之天流芳後人傳之不朽非蔚然佳樹  
而已吁中行之學人固知能世其家而其心則



子猶恐人或未之知也今觀四方士大夫遺之  
詩文咸嘉其存心之仁擬諸董仙無間者可謂  
有諸中形諸外矣予于是益加起敬三嘆之餘  
用題卷首

送琇上人序

予聞浮屠氏之學其宗有三曰教曰禪曰律教  
以明法理禪以悟本心律則操且式而已三家  
說行互相優劣果孰得而孰失哉吾意其宗于  
教者猶儒而窮經要得其本矣彼禪與頓悟律

謹細行雖各有義然循其常而求之始乎粗而  
卒于精始乎求其言而終有得于意言之表者  
則于教誠有取焉玉林師有見于茲也自少走  
吳楚間求其深于浮圖之書者藏焉又旁求從  
吾儒之書而讀之故能歲時享其祖禰而且仁  
其族也予故與之交且臚焉今玉林以斷雲法  
師主澄江迎福之席得華嚴之傳往貳之以尸  
其悅眾之職吁醍醐甘露悅乎口者也秘密之  
藏要妙之理悅乎心者也師往以其詩究竟衍



說廣示其衆來學之歛焉者孰不歡喜而信慕  
我而况有得于吾儒之旨耶于是衆餞以詩予  
則為之序云

送慈晉卿序

秦漢以來官不封建為郡縣者往以文承之  
數視為傳舍治效蒼莨如也况巡檢或以省檄  
之過郊授者截日代去其傳舍尤非郡縣之比  
惟慈晉卿則不然君來犇牛即諗諸衆曰吾居  
此誠不知能幾何時然食君之祿雖一日必事

其事爾吏必謹其案牘爾巡兵必嚴警邏否則  
必汝責弗恕于是各殫其力而君之用情尤倍  
之居民謐寧盜賊屏息四境之內晏如也既而  
郡府以材翰聞復以渠堰等事委之夫犇牛當  
驛路之衝凡朝廷使命之出東南方物之貢與  
夫省憲百司往來絡繹罔不役巡兵護送之稍  
緩則怒罵鞭扑皂隸不能堪而君處之泰然每  
以身代巡兵之役退無怨言閱四年如一日蓋  
其立志之確而忘其勞且辱也今鄉人德之郡



府嘉之儒紳君子咸賦詩以華其行吁世之傳舍其官者聞慈君之風可以少變矣

送秦彥明序

士不可以窮達論也窮而耕莘達而阿衡窮而釣渭達而鷹揚窮而版築達而霖雨所謂窮達者時也向使諸賢者不遇于時則終為莘野之農渭濱之漁傅岩之賤夫耳吁今人猶古人也惟其藏器于身待時而用不躁不競斯為可貴世之狐趨狗媚利祿以榮其身者君子恥之淮

海秦彥明儒先之子也家庭之訓聞此熟矣觀其所負之器如干將莫邪用為補履之錐豈其利哉然而為貧而仕與浮沉未嘗有毫髮躁競意征商之暇每與僕痛飲劇談商畧今古語及先民耕釣版築之事必奮髯抵几激昂盡醉而後已今其行無以為餞請以疇昔所常共談者書以贈之以堅其待時之志

送趙縣尹之安仁序

予聞古鄱陽之地土沃民富物產饒衍故以饒



名州考之今則銀錫絲絮魚稻之屬誠夥其民誠殷名不虛得矣郡屬州縣六安仁其一也土壤民物視他邑為最或謂其民習奢靡蕩禮法不才者居多土沃故也為此邑者厥惟艱哉是不然凡民之情有恒產者而後有恒心庶且富而後可教否則汲、救死不暇教將焉施然則安仁之民其可教者奚其難但近時州縣吏視其地之瘠肥民之豐嗇以為幸不幸者其意有不在乎治之難易也今趙君天祺為安仁令吾

知能教其民而不以為難也必矣何以言之往者君大父為賢守令著稱于時君卓然有祖風烈製錦斯邑牛刀發矟豈不恢、乎有餘地哉斯民也將見被絃歌之化成禮讓之風熙、乎耕稼之為樂也寂、乎雞犬之相安也婢、乎不知帝力于我為何有也麻中之蓬亦何待矯而直哉君之行可慶者如此而其民又豈不大可慶乎

贈刊字張生序



古者毫楮未興書以刀筆故六經徃口傳耳受不能無誤然識者正焉其失猶未遠也毫楮既作師道乃脩轉相傳寫譌謬滋多至近代板刻之誤而人不敢遽易者况俗徒規利至有節去其詞使章斷句裂以誤學者然板本既行聖經賢傳乃得家傳而人誦之固亦有功名教矣金沙張敬之善鏤書者也家本業儒故能矯二者之弊且以篆隸定字書原委偏傍點畫毫髮無舛士大夫咸以是稱之方今天下文明正

制度考文之日館閣諸書校讎有人勅之琬琰以幸來世將有取若之藝者若之名由是亦彰矣敬之其勉哉

送崔仲德序

予往有京口之行識崔君仲德于諸葛用中席上溫其容抑其儀其言論粹然一出于正心竊敬之意其人非天質之美必師友淵源之懿也既而詢之士大夫乃知君姚文獻公之門人自蚤歲薦學尚友于古文献公特器重之及



壯侍親宦遊臺閣多薦辟不就今也為貧而仕  
監稅呂城子嘗壺觴度寺得以聆文獻公緒餘  
之論窺君抱負汪洋無涯既而部使者論君之  
才以郡邑危難事命之盤根錯節迎刃而解識  
者躓之或曰君往年唾視軒冕而今何屑如  
是耶子曰不然仕止久速時也安知徐駟于後  
者不疾過于前哉苦心志勞筋骨空乏其身又  
安知非天之所以玉其成乎予聞文獻公宗孟  
氏之學君于此聞之熟矣尚冀尊所聞行所知

以厲其所守功名爵祿特餘事耳請以此為臨  
別贈

送小湖徐巡檢序

常為浙右大藩府統州縣四巡檢司又五倍之  
獨小河瀕楊子江風颿浪舶輻輳岸下販私鹽  
以漁厚利者徃々與君民通甚者禦人江海之  
上日薰月炙惡習滋蔓數年以來號稱難治淮  
安徐君達善適官于茲君患之視政之日即申  
明憲章以嚴警邏吏不敢肆卒不敢怠未幾民



有臨前轍者追止摘伏罔或遺漏境內肅然道  
東西行者爭稱譽之由是郡知其能乃攝奔牛  
黃土之警君一以公勤蒞之民皆謐寧閱五載  
如一日今代去彼鄉人之賴以安者設祖帳青  
門外皆依依然不忍云別予既嘉君之有德于  
民亦喜其民之不忘德也吁今天下之盜豈止  
是哉蠹蝥之衆窳兵于遐陬豺虎之徒賊民于  
當路斯民尤苦之以君之才使之佩虎符擁貔  
貅則蠹蝥可掃也使之戡鷹冠持玉節則豺虎

可擒也蠹蝥掃而豺虎擒斯不負其才矣

贈醫士顧彥文序

顧氏為吳中望族舊矣近代家益濠者多業儒  
至我彥文生而岐嶷方非角即慨然思所以濟  
人且曰士而未達義以及物惟醫其庶幾乎予  
是挾古今醫藥之書往從舅氏尊先生學焉探  
蹟索隱垂十年業成而歸悵予欲展其素志  
凡以疾告之者必詳審製善藥手足視貧富無  
間然者故徃、藥有竒效特稱良醫彥之方謙



謙不自滿不責報于人然人既德之而亦未嘗  
無報也吁古之善醫國者其操心蓋如耳禹視  
人之病溺也殫力以疏導之法拯之稷視人之  
病飢也盡誠以稼穡之方救之伊尹以一德療  
傷桀之厲周公以四事解中紂之毒調陰陽弭  
災青保養生息卒能躋羣黎于仁壽之域以成  
十全之功漢唐諸公功雖不逮然于人所疾苦  
隨用救藥罔不殫乃心力今觀彥文用心之勤  
如此必有見于此予一日友人安元卿以其有

未報之德相與載酒濠上因以前言質之彥文  
笑而不答余復告之曰昔丙吉于孝宣微時有  
大恩其始未之知也他日將封侯丙吉病甚上  
憂其不起識者謂吉有陰德必享其樂後果如  
其言然則有盛德者不報于人必報于天此又  
吾彥文之所當知者酒既終元卿請書此為贈

送楊善章序

至正辛丑春予舟次吳門友人楊善章過予曰  
先大父安撫公葬餘杭考妣祔之杭人以丘壟



之廣竹樹之盛名其地曰楊墳是也前年寇兵  
入境喋血百餘里古今故陵遭禍樊崇者不可  
勝計我先塋雖赭其地殯宮幸無恙焉然而寇  
退之後榛棘蔽野鳥獸之害人出沒其間春秋  
霜露之思悵望飲泣痛吾親弗及夏畦馬醫之  
鬼一抔之土又安知終無綠林之患乎朝斯夕  
斯情勿能已今將往以浮屠氏荼毘之法舉之  
函骨而歸葬之吳之西山庶幾歲時省掃以寓  
追遠之意于理其可乎哉予曰此理之變也禮

曰古不修墓况改葬乎不得已而改者固有之  
矣舉而燔者未之有也雖然當此喪亂之際而  
三綱幾絕父子或不相顧今善章一念之孝不  
忘乎親將冒險涉遠負其親已寒之骨去危就  
安斯可取焉君子固不當以常理責之也予既  
答善章之問因筆諸簡牘以餞其行

送彭主簿調吳縣序

昔人謂州縣徒勞者誕矣夫州縣為民父母君  
是官必有子愛之心盡撫字之寔以勤以勞斯



稱厥職于戴星出入者致一邑之治運麗朝暮  
者成八州之功否則淪胥尸素有不免君子伐  
檀之譏若我長洲簿彭公其可謂能勤勞者歟  
長洲隸大藩加次師旅飛芻輓粟事如蝟毛公  
以明敏之才剴繁治劇如庖丁解牛得其肯綮  
又有餘地然一念之愛切乎為斯民保障服  
勞盡瘁不怠不息未幾府令出郊視水以董事  
農事公所至訪民利病見諸施行集流離而為  
土著飭游惰而躬稼穡抑強扶弱抉剔奸蠹民

用大快或告之曰公今職有所專餘若可置公  
大不然言一邑之政皆簿所當為吾敢憚其勤  
乎尤務以廉讓律身以清苦自厲雖按行之勞  
酒肉不御日三飯脫粟而已吏卒從行操如束  
濕然割已俸食之使畏而愛于民無毫髮擾至  
若尊賢下士溫乎其容秩乎其儀動遵矩矱  
言必忠信有古人之遺風焉由是廟堂嘉其能  
改調吳縣蓋欲用利器于蟠根錯節展其效耳  
今士大夫大為邑人抒去思之情詩以贈之吾友



陶君德潤知之深走書以序引見屬凡所稱道  
皆予曩聞于人者吁賢勞無前加以無倦其  
治效當不止長洲吳縣而已將繼美長沙公八  
州之大吾言斯足徵矣

贈醫士吳中行序

僕老吳下常怪其俗之尚鬼而多惑嗜利而陋  
輕義欲得卓越之士不為習俗所移者相與語  
道益寥耳一日友人趙君執中書來曰去年  
春彘舉家病疫垂罄之兒蒲伏薪水適錢塘世

醫吳中行來閱余故交過門視疾謂二親已不  
可療彘則藥而愈矣時族姻比閭方煽乎妖巫  
之妄疫鬼之害跡不及門獨中行暨里人陳希  
玄日一二至扶持而藥之饘粥以飲之彘得不  
死未幾吾親果相繼而歿中行又力為之襄事  
閱數年月彘念喪以報厥德姑償藥資中行拒  
而不受今里中士大夫皆賦詩以美中行請為  
之序焉僕閱書起敬恨未識其人耳既而識之  
且聆語言知學問之博識趣之高不特醫業而



精又嘗得劍術之妙達官貴人多用薦辟然龍  
麟不苟合不屑就卷而懷之泊如也惟讀書窮  
理愈進愈力假醫藥以寓吾心之仁而濟物焉  
若中行者可謂不淪胥于尚鬼之俗而惑者也  
亦可謂能舍利而取義者也亦可謂卓越不俗  
而造道者也斯人也昔吾願見而不可得今既  
得之可不樂道其善以勵其俗哉吁麟角鳳觜  
也不多見孰謂世無麟鳳與識麟鳳者知其待  
時而出不久將有日僕等又當刮目以俟

### 送梅知州序

予嘗觀古之為政者惟能以廉律身則心清而  
理明身正而道行故周官以六廉計羣吏之治  
自漢而下史稱廉吏者其政皆卓矧予西溪  
梅公生質英敏加以學問之力廉介絕人初倅  
崑山聲聞于時遂陞同知州事在州六年門無  
私謁較諸楊伯起却故人之遺羊興祖辭府丞  
之餉范史雲之鹿甌馮元叔之齊馬無以異也  
當其蒞事之日時與同僚相可否同僚曰公廉



而能取可否非私也當從之無戾焉御胥吏防  
其奸欺窘如束濕胥吏曰公廉而正所窘束非  
苛也當謹之無違焉至辨獄訟均租庸用刑罰  
以齊其民則曰公廉而明刑罰非暴也當服  
之無犯焉是故佐是州之久道日益行政日益  
修品秩加而名日益著焉耳今知吳江寔為州  
長而位乎同僚之上其御吏其治民又非前日  
佐貳比惟仍以一廉處之則所謂心清而理明  
身正而道行可必矣吁庖丁解牛又有餘地蓋

得其肯綮之要也若夫以廉律身豈非為政之  
要乎雖然克終之戒君子慎之某辱公為布衣  
交于其行敢以君子所慎者告之為臨別贈

送費知州秩滿詩集序

東平費侯為崑山之五年二月初吉侯得代時  
毘陵謝某適寓是州聞州人頌之曰公昔下車  
時方擾攘民用蕩析老弱餓孳餘或行伍勞來  
之乃復土著以耕以桑以生產而租賦然猶懼  
不能安其業也賴公之明為能識民情而燭吏



欺使民得盡其欲惡吏不敢並緣而為奸媮  
之民間有訟于庭者侯必先誨之諄々焉如父  
兄之于子弟良師友之于弟子陷于誣則為之  
直其枉而不避困于役則為之節其力而不窮  
至其有罪施以刑罰亦未嘗無哀矜之意焉是  
州地方二百里其民咸得安土而粒食者侯之  
惠也又曰學校久廢侯振厲之尊育賢才文教  
蔚興黌宇輪奐視昔有加而閭閻委巷絃誦偕  
作使之駸々乎為禮義之俗者侯之功也予聞

而嘉之既而道海虞遠無錫過長洲茂苑周遊  
乎淞江太湖之上士大夫凡與談崑山費侯咸  
稱譽如州人之言其能詩之士各賦詩以贈之  
予則即其所聞以序編首

書畫舫燕集序

古之人凡樂其高尚者必寓意詩酒花竹山水  
之間與之遊者益亦樂其樂焉若我玉山隱君  
其亦可謂高尚者乎君生長世家一旦盡去其  
少年豪華之習結草堂玉山中蒔花種竹日與



山僧羽人布衣韋帶之士以遊以居達官貴人未嘗一見其面徵車之來則踰垣閉門甚于段泄不知者或訛以迂怪君聞之自若也至正庚子秋愚隱師携棋上人過之語道相契日坐至夜分乃已一旦君置酒書畫舫主賓凡八人其七人皆善隱獨愚隱師性不嗜酒亦欣然為勸酬嗛嗛各盡其歡既醉以對酒當歌人生幾何兩語闌韻賦詩時秋高雨晴芙蓉金菊之花照映池島悅人心目而咏歌有不能已者故分韻

之外復有倡和之什焉夫愚隱一至留數日非惟主人留客之勤而客亦眷乎山水花竹之間而忘其去則所謂樂其樂也諸詩寫燕集之娛園池之勝脩矣予復引而申之以識歲月

梅隱山房詩集序

昔人有言天下無真樂隨所遇而得者乃真樂也今吾以珥上人觀之其信然乎往上人遊諸方叅菩提達摩西來之意名山勝境長年忘歸不知者意其江湖之樂耳既而歸錫谷影不出



出山涉獵羣典適興賦詩怡然自得又若移其  
樂于山林文史兵至正卯癸春愚隱師主禪月  
道場召為記室上人以佛法淑同袍之士以詞  
章接縉紳士大夫人皆樂其道之行焉閱數月  
謝事當路者或薦舉之孰不曰以珥之才之美  
宜其繼美黃龍益弘斯道殊不知上人之來特  
以答愚隱師相知而已餘非其志也于是飄然  
別去渡吳江過崑山東瀕于海願荒江寂寞之  
濱僧廬幽閒梅花環繞境與心會乃寓餅錫題

其所居之室曰梅隱山房蒲團木榻晏如也定  
起之時曳履梅下或欣然猶迎葉視拈花而喜  
而人不知也吁東吳巨剎樓閣相望鐘鼓之聲  
相聞苟從當路之薦置身蕭爽孰不為之樂哉  
今若此其樂蓋自得之有難以語之人者歟諸  
君懷上人者為之賦梅隱詩一卷俾不肖題其  
簡首予不敏始以平昔所知者道其梗槩云

送理上人歸天台養親序

予避地吳下聞宗元師之名者數年及與之遊



則知名不虛得方以見晚為恨師乃念親老于  
家言歸覲省且欲築室于先人之墓祠佛養親  
以酌罔極予聞而嘉之因請諸縉紳歌詩以贈  
其行或曰子違掖者又嘗著書辨老佛之惑矣  
彼浮屠者既與之遊又從而譽之何哉子曰不  
然予交浮屠亦各有所取焉往在京口以清苦  
交了翁即在金陵以文詞交訢公後于杭交古  
昂銘公以其端謹而誠慤也今于吳交愚隱智  
公悅堂顏公一以其有濟人之仁一以其有事

親之孝也其他或學或行或趣識高遠未嘗無  
所取焉今宗元有了翁之清又心乎顏公之心  
可不敬乎吁當此兵戈之秋道路梗澁頃步千  
里有能披荆榛冒矢石梯山航海勇往而不顧  
者皆功名之士貨利之人求其如宗元之行益  
少矣夫宗元于蘇湖諸大叢林所至安隱且有  
虛主席以待之者師皆辭焉誠使結廬以守松  
楸之地持鉢以盡菽水之歡可謂釋門之曾門  
矣彼織蒲如陳睦州者寧得專美于昔乎諸君



子然予言既贈之詩予乃述所以致敬宗元之意并予篇首

為徑山顏長老送丁州判序

予聞古之任人者為官擇人未嘗為人擇官故量材授任不遷更易必使久于其職而得以考其績焉今丁君克明為崑山州判官洗心奉公孜孜厥職凡州長發號施令必相與可否然不負牟刺惟是之從至如出郊勞農河防繕修警邏之役靡不殫其力焉秩甫滿公府復命判嘉

定州事可謂委任之專有古者為官擇人之遺意也以君之才游任厥職是猶駕輕車就熟路不遺餘力凡昔之所以澤此民者其必澤彼民矣等而上之佐郡國貳憲省將無適而不可大器晚成其可量哉某以久處鄉邦故知公為詳于其行書此為別并為嘉定州人之賀云

送陳允貞序

士君子負有用之才必得善識者擇而取之然後能適其用耳譬之木檀之可以為車楛之可



以為矢桐之可以為琴瑟杞柳之可以為栝棗  
便楠豫章之可以為明堂棟柱材雖良能自致  
其用乎至正乙巳王命浙江分省叅政周公開  
望亭河為固國計公知允貞為能幹濟使董其  
役允貞方以吳江州吏目秩滿而歸承命之重  
義不敢辭于是殫志盡力宣勞王事名畚鍤數  
十萬人為之計工程限期日不疾不徐民用子  
來兩月之間事功乃集河長四十里北接漕湖  
南通漕渠又東注于震澤吳人視之猶金湯然

則若允貞者可謂有可用之才矣又得善識者  
擇而取之斯適其用矣今允貞赴鹽場幕官吾  
知其才足以有為也鹽法之弊多于牛毛各部  
細民蓋有望于良有司也久矣惟允貞盡其才  
之用焉

為智長老送蘇縣尹序

至正丙午春予方過上海卓錫于寂寞之濱適  
縣令蘇君彥祥秩滿而去士大夫祖帳都門外  
田夫野老遮道請留或膝行而前脫君之靴先



後數四不啻攀轅而卧轍也予嘗揖父老而問之曰蘇君何以得若等之心而此哉父老曰我賢令廉明公正材幹絕人三年之間凡可以康濟吾民者知無不為且精于法律小大之事處決如流吏畏民服租賦非不重也賴除去宿弊而無橫歛之毒徭役非不夥也以差次民力而無不均之苦至若謹庠序明教化置祀樂之器以嚴祭祀增社學之設以廣文教凡祠廟之在祀典者皆修舉廢墜鹿牲之碑所在正立街衢

橋梁舉邑完好又曰縣瀕巨海江流交接風濤洪肆險惡萬狀禦人者往、出沒其中過者病之令乃相地之利由縣治西南開大港接新涇口延袤幾四十里墟邑相望雞犬之聲相聞昔之畏境今之康莊風帆雨檝晝夜不休縣之人不忘所自因以蘇港名之予聞而嘆曰令賢乎哉此蓋千萬世之遺澤也秦之白渠常之孟瀆杭之蘇堤蓋此類耳予復何言特以前所聞父老之語序而送之以抒邑人去思之意云



送鄧宜之還鄉序

昔二疏為東宮師傅告老而歸當時祖帳之設黃金之贈太史氏悉書之或曰以二公之賢尊為師傅區區贈送奚足美哉是不然此蓋美其還鄉之樂非以為師傅之榮也夫鄉里人之所難忘也若班定遠馬伏波皆絕世之雄立功異域名聞天下猶且願生入玉門關及追述少游平生之語况餘人乎蓋孤正首丘魂魄之思沛皆出乎本然之天也今宜之鄧君假館張侯羣

弟子服勤盡禮講貫之暇主賓燕洽閱寒暑十有二十載如一朝夕然鄉土之念常縈于懷束書言還館人留弗能止其父子昆弟乃翕然餽又相率諸友人贈詩且屬予為之序焉其與君鄉人也親戚也知君之心者也因謂之曰君之行有班馬之所無者方諸二疏雖榮名贈送之不同而鄉里之樂則一耳第慚余滯留徒知君之樂而莫能與之樂其樂也君歸凡故人之有見問者幸為我謝之



多稼亭燕集詩序

洪武十年春上巳前之一日郡守番禺張侯置酒多稼亭聚僚佐洎縫掖之士十有三人相與訪前修遺跡尚文而挹其美焉環視四郊烟鋤而耕乃喜而言曰嘉我良民始不負牧守卻農之意歟旁睨覺舍矜佩雲集又曰嘉我諸生其不負國家修文之教歟至若涵浦環于前三山屏于後雲霞竹樹千態萬狀儼然為天開畫圖快人心目侯于是舉酒屬客臨流賦詩益其興

之所適情之所寓有不管蘭亭禊事之娛而已沂雩風詠殆庶幾焉吾儕亦得以樂其樂也坐客詩凡若干篇侯以龜巢老生謝某為客之右因命為之序云

代董知縣送同僚尹主簿序

洪武四年冬余備員為武進令與縣丞陳德廣相繼而至時山東尹公明善為簿數月同寅之初嘗相謂曰吾三人之為是邑也其猶同舟共濟乎余嘗聞操舟之術舵者主之然必以篙者



善美集卷之一  
贈醫士張恒齋序  
者然後江海可濟也有其具蔑其人其能濟乎  
雖有其人而不膠力以事其事亦未有能濟者  
也今明善蒞事以為之甚勤可謂善操舟者矣  
自是同志協力康濟邑民事無不理兩暮之餘  
寔無愧于操舟之喻也六年冬明善以銓考增  
秩余與丞及其代官張奉先祖帳而別明善復  
舉前說以勵吾人余曰是言也豈特是邑所宜  
則之凡為雒州劇郡以及方伯藩府皆當以是

為心則無適而不可也古之善相天下者若傳  
說之賢其主猶以作揖命之况餘人乎明善之  
行吾請以前所言者筆諸縑素為臨別贈縣丞  
江陰人名某主簿澤州人名某余則鰲溪董某  
贈醫士張恒齋序

夫良醫之用藥如良將之用兵知彼知己百戰  
百勝非偶然也且人之有疾必係于五臟六府  
殊不易知也苟曰飲上池之水而能然乎了然  
于心目之間非吾之所知也必也目其色耳其



音語焉而推其詳脉焉而究其蘊如是而後可  
謂知彼矣彼疾既知又當所用之藥必中厥疾  
如戰必克乃所謂醫之良猶將之良也恒齋張  
公世居儀真以醫名家今提領常州惠民藥局  
事郡人往往負危疾詣公：可否之其曰可者  
皆如期而愈猶龜卜燭照而數計之也蓋公自  
蚤歲究心于儒者之學以明物理軒岐以下數  
千載醫藥之書莫不探蹟索隱觸處洞然未嘗  
出詭秘一言以自神其術也近吾友丁以道之

子構疾而危羣醫縮首公診而藥之其病如春  
冰而釋其人如枯莢而生以道德之且言曰郡  
人蒙是恩者衆矣安得太史氏為作佳傳焜煌  
簡策耶吁余嘗以恒齋之學論之將來必醫及  
國家濟斯民于泰和之域秉史筆者當大書特  
書傳之無窮也吳惠無聞乎

送陳尚言歸會稽序

會稽陳尚言以其從兄為常州府幕長衙父命  
來視之常之士友因得時與之遊而東郭謝某



龜身書卷之十四  
獨深有敬焉者尚言方妙年自持如老成人凡  
相見時往往論古今忠孝事世俗之談未嘗一  
出諸口也洪武六年八月之吉言別于余前兩  
月方盛暑余嘗見束裝其兄固留之至是宜其  
掛秋風之帆矣或謂尚言之欲亟其歸者厭吾  
邦之陋而樂其故國山川之勝也余請詰之子  
之歸將窮探禹穴搜竒索隱而求神秘之文乎  
將幽尋雲門與山僧林叟相期遊適乎將蘭亭  
觸咏鏡湖第宅踵昔人之高躅乎夫以數日所

知尚言者觀之吾知其不為是也必矣子之歸  
朝耕夜讀搢之乎為養親計將使紫岩山中復  
見董召南以孝義稱孝感之誠天降厥家世有  
韓退之又當雄詞大篇以播其遺芬矣尚言聆  
余言笑而不答後五日某命兒子木筆之聊藉  
手為臨別贈某延陵人時年七十有八自號龜  
巢老人云

贈寫生玉泉子序

玉泉子本常郡山亭侯之裔六世祖居金壇地



因入姓是為蔣庄月鑿翁其父也王泉以胸涵  
水壺目炯岩電得乃翁寫照之傳甲寅春我郡  
侯孫公請為純顏因過余為傳老醜坐客有言  
寫照自顧愷之始者余曰不然昔庖羲氏畫卦  
而人文肇開曰書曰畫蓋推輪于此矣余嘗觀  
六書如天之日月星辰人之耳目口鼻物之山  
水花木魚鳥其文類皆象形然則象形而畫其  
義一也黃帝堯舜垂衣裳而山龍華虫之屬施  
諸五采作繪一語登載典冊繪畫之事著矣殷

高宗審象求賢而得傳說吾意照寫之原本此  
欵至炎漢兩君圖功臣于麟閣雲臺之上與青  
史鉄券並著勲業自是而畫之名世者滔々也  
若晉之愷之乃其一耳然今人寫真以形似玉  
泉則併其神氣意趣得之見于毫素非泚々作  
繪者可同日語况平昔于所見之人但曾半面  
雖即世之後亦能想像而頽之至有使其子孫  
下拜號呼宛然如見其親此又得乃翁不傳之  
妙而能人之所難能者也吁使玉泉生于有商



必能為君貌夢中之賢人矣當今郡公開國圖  
象凌烟徵車胡為其未至耶月鑒翁年垂九袞  
博物稽古玉泉請以子辨客之語質之而翁苟  
以為然亦必以輪扁不能喻其子者然予論玉  
泉者矣

送祖心上人省親序

學佛氏而不忘師父之恩知君命之重而弗敢  
渝是為良浮圖吾當與之遊贈以言而嘉之是  
亦與人為善也蘭陵銘上人本四明官族蚤失

恃元末時乃翁為江西省幕僚隨繼母侍翁居  
官遭時擾攘江右失守省署移福建乃翁以王  
事赴北俾其子往錢塘鞠于從父繼而世變從  
父家毀于兵歲且落飢流離蘇常間時貴遊子  
弟多失身上人獨能涉歷艱險不農工不丐隸  
不服賈負販而趨利慕大雄氏空寂之教可超  
脫物累遂祝髮從浮圖師東谷升公而學焉禪  
林矩矱蹈履惟謹其父子不相知者十有一年  
然一念之孝根于其心嘗禮佛默禱得一日之



養以盡烏烏之情志願足矣洪武甲寅春父來金陵知翁無恙且有弟在膝下以奉朝夕上人喜不勝于是告其師亟往覲省以余昔嘗以君親之道語之請別于余且言曰銘之行雖為吾親誠不敢畔吾師而負國朝度僧之命而返吾初服也織蒲之養或庶幾焉余曰然如上人者處困之日不失其身居泰之時不易其心誠可謂良浮圖矣撫其弟安其親使人稱為禪林之子騫吾無間然矣彼人面而獍心者聞上人之

風能無愧乎能無警乎是歲四月之吉謝某序

贈錢隱居序

二月之吉余方據槁梧坐澹泊齋友人嚴子敬過余而言曰去年冬某嘗患背疽狀如覆盆視疾者皆寒心焉隣有隱君子錢氏志道甫者獨曰無傷也藥可愈也既而用藥一如其言某嘗奉幣以償藥之資志道乃固辭弗受敢請贊一辭以著其美亦以示不忘也余聞之仰而嘆曰夫疽發于背者危疾也古之人智謀如范增



才勇如姜牙皆為所害志道能療斯疾豈易哉  
余還鄉五年聞鄉人之譽志道者藉藉今吾以  
子敬之言益信且志道蚤讀書好結客竒方妙  
術故多得之雖常以藥活而不以醫名家其可  
謂隱德弗耀者歟不謀利不計功亦可謂好義  
者歟釀美酒以娛客蓄善藥以與人吾知志道  
之心即蘇長公之心也世之鄙吝如斛斯者其  
妻以百錢市藥猶以為恨況與人乎聞志道之  
風薄俗可敦矣吁昔人為一卒引疽尚登簡冊

如志道之賢安知無太史氏為作佳傳耶

送太古禪師住持祥符序

釋門先覺之士以能荷大椎法者為象為龍理  
固然矣求其七德五文之偕和鳴而翔集乎至  
而羣從惟鳳為然茲又不可以象龍驟論也今  
吾以太古徽公觀之其僧中之鳳也歟公早歲  
入雙徑寂照師之室韞德抱道蔚乎其文猶鳳  
毛也既而主常之文明蘇之秀峰踞狃座說法  
微密妙音聞者悅懌是猶鳳鳴朝陽也去此數



年而陵谷變改故鄉來歸不啻如鳳翔赤霄覽  
德輝而下視津里如丹穴飲太湖如醴泉以靈  
山古法幢之顛仆徃扶植之瓦礫之地將為瑤  
圃灌莽之井將為琅玕使七十二峰之境皆為  
岐陽而把茅挿竹皆阿閣也彼門翕然而從者  
四衆之外衣冠紛集復有宗雷陶謝輩從遠公  
為外方遊故叢林旦評緇素輿論咸謂公為僧  
中之鳳無間然者慎勿諉枳棘非 所棲而姑  
為素下之宿也公之行郡邑士大夫咸稱羨而

送之龜巢老人乃為之歌曰鳳兮鳳兮一飛羣  
隨覽德之輝載鳴瓊枝唯其時兮

送郡守孫侯秩滿序

人恒言郡縣之職愛民為先殊不知善為郡縣  
者必先能馭其吏而後愛民之政得行為若我  
常州府孫侯其可謂善為郡者欤侯濟南人奉  
朝命由起居注出守以舊聞小吏多蠹政下車  
之初即汰之擇之量材用之又從而戒飭之閭  
閻六曹操如束濕公勤廉謹身為率先民有不理



於邑赴愬廷下侯之聽之惟一二僚屬與聞焉  
吏無敢庭立睥睨者至于抱案牘署決端一焉  
惟恐或毫髮悞舞文之弊蓋絕無之故善政得  
以行善教得以施一郡四邑之民咸被其澤視  
古良二千石無愧焉耳今也以秩滿赴京人皆  
謂侯能愛民治有成績余曰侯能馭吏乃深得  
為治之要故特為敘述將使為郡縣者聞之取  
以為法太史氏采錄為法于後人非徒為我侯  
頌美而已

送金希賢上京序

太學為賢士之閤尚矣洪武七年冬朝命下府  
州縣學以諸生勝冠者赴國學歷練於佩之士  
星聚雲集猗歟盛哉常之武進縣金生希賢由  
縣學赴命請別于余且徵贈言余曰幼學壯行  
古今一致上之人將使之仕乃行其學也士  
君子欲其仕學俱優卒有成效惟勤者能之尼  
山大聖忘寢廢食顏閔不能曾日三省若是者  
皆學之勤乎周公相國待旦而起陶士行在州



而運甓巫馬期為邑而戴星是仕之勤也吁聖  
賢猶爾况學者乎蓋士之學與仕也猶農夫之  
治田也彼農之勤者其耕也深其耨也熟其樹  
藝也必以時既藝矣乃耘乃耨乃蘆乃堯早則  
為之灌溉澇則為之決塞沾手塗足搢：乎斯  
須不能休故其苗之興也勃然其稼茂：然其  
寔則粟：然也及其獲也視惰農之收則倍蓰  
什伯之不同為士而勤其功名爵祿如豐收之  
農可必也生往拜國子先生暨諸公鉅卿請以

是質之苟然吾言生其勉乎哉

送葉以恭赴京序

士不以窮達論也耕莘窮也達而阿衡版築窮  
也達而霖雨漁釣窮也達而鷹揚之三賢者苟  
不達其時則泰然終其身道之行不行非所計  
也番禺葉以恭以卓犖之才為張渚枞陰所官  
凡九年日與買：焉負販逐利者較什一之征  
此道行之日乎然以恭公乃心勤乃事曠：乎  
九年如一日其道未嘗不行也蓋以恭以前人



詩書之澤滲漉肌骨眎貪墨媚嫉者不啻如赫  
腐之鴟慕瓊之螳耳班資崇庠非所論也余老  
滿濱聞以恭才名久矣今赴調京師適荆溪故  
人許克敬過余談以恭之賢且與相論古今窮  
達士俾余筆之持以贈別亦曰堅以恭之志云

送陳長史秩滿序

古人之以言贈行者尚矣然其言或規戒焉或  
勸勉焉不頌德不美才器不揄揚聲名眎後世  
立言有不同耳若老聃于孔子之行曰無多言

無多事如斯而已夫聖人豈無可頌美者乎蓋  
稱頌之辭無益于行有道之士所不為也余嘗  
於學軒陳公暇日商畧古今清議及此相與嘆  
息今公為常州府經歷得代如京師士大夫為  
詩為文以頌其五年贊畫之美者衆矣余請以  
古人一事忠告而期望焉昔趙忠獻以半部論  
語決大政卒成相業人至于今稱之吁時有古  
今道無古今君今之世行古之道是亦古人也  
况公之家學青瑣一經淵源有自誠能慎終如



初仕學俱進則何施而不可何往而不達哉幸  
毋謂老生常談而忽之吾將見世之稱忠獻者  
為公之稱矣

送劉文可序

洪武九年冬吾友沈子英書來曰文可劉公南  
雄佳士也為唐勘司掾屬凡若干月所閱案牘  
疵類畢舉雖毫髮無遺焉今也書滿而榮歸也  
以其吏事之精心目之明雅敬重之求一言為  
臨別贈余曰傳不云乎胸中正則眸子瞭焉吾

雖未識文可視子英之所稱道文可之心可知  
矣吾嘗以鏡觀之百鍊之銅瑩若秋水其所照  
者物無遁形一日蒙以塵垢光乃茫昧塵垢愈  
積茫昧愈甚而至于物無所見矣詩曰靡不  
有初鮮克有終故君子慎之夫以文可之心無  
私欲之蔽猶鏡之不塵垢也案牘之謬誰能隱  
乎雖然百鍊之銅能照人之面而已不能照人  
之肝胆能燭目前之物而已不能燭天下古今  
萬事之理奚足以擬文可方寸之鏡乎文可持



此鏡以涉臺閣慎終如始光輝日新將來聖天子取人為鑑則必置諸左右以輔昭明之治吾與子英輩又當相率以賀之并自賀其言之不誣也是歲十有二月。日毘陵龜巢老人謝書。

送孫太守奔喪歸濟南序代魏同知作

洪武丙辰閏九月既望濟南孫侯。毘陵守之五年聞母夫人即世撤甘棠之說動風木之悲既而涕雪具訃告月上聞將哀經而歸邦人

愛公不啻如召父杜聞公解印綬即相率林立戟門外翕然而言曰閭閻之氓賴賢侯守宣皇上德化政無煩苛使得力耕稼供賦稅以植其業以畜其妻子非吾民所能為也教學校之教賴修舉廢墜使得明教化育人才以展其用非多士能自致也又曰賢守以廉律身馭吏如束濕秉法如懸衡一洗貪墨舞文之弊至筦鑰之細犴狴之煩租庸商征之屬咸得其肯綮而游刃焉郡統四邑若網在綱。無不舉目亦隨



之奈何斯言殆欲卧施轍而留也時余忝佐貳  
聆州人之言若此然論公之才之美又豈苞屨  
臺笠者所能盡哉公嘗言斲机之訓吾親猶孟  
母也止酒之戒猶陶母也曰清曰謹為時著稱  
又豈非崔母之淑玄緯子吁非母之賢不能淑  
子之身非子之孝不能如母之志移孝為忠必  
不負 聖天子承宣之寄他日大用豈易量哉  
今觀士大夫贈言凡若干篇余以州人之言頗  
詳且寔因撫之以叙編首云是月 日同知常

州府事 郡 書

續毘陵志序

昔人謂九州之誌言九州所有土地所生風氣  
乃宣也郡志之作本諸此乎毘陵為古名郡其  
山川土田風俗名物之屬登載舊志尚班、可  
攷然由元初而至于今百有餘年曾無紀述之  
者誠曠典也洪武十年春中憲大夫張度蒞政  
之初以 朝廷命天下郡邑纂修志書于是會  
聚耆宿之士稽古訂今博采見聞撰次成帙凡



一十卷中間無類疏混不能無之至若前代闕  
文則不能妄為之說然時有異同事有沿革因  
是編而求之亦可以概見矣是年歲在丁巳夏  
五之吉郡人謝應芳序

贈儒醫徐士方序

予方據槁梧玩庭草生意里人萬仲珣過予曰  
比鎡遘寒疾謁二醫皆危之于是邀徐卿士方  
脈之乃談笑間授藥剋期而愈願鎡茂以報厥  
德焉先生為之贈言示弗忘也予曰嘻仲珣何

相見之晚耶士方由早歲嗜學涉獵經史若六  
氣七情之病乎人五藥十全之係乎醫者已博  
通既而以父祖所傳軒岐之書金匱石函諸家  
之方論旁參曲究以會其極且嘗賦遠遊得四  
方賢師友淵源之懿故其遇疾也如庖丁解牛  
得其肯綮恢恢乎又有餘地是豈膚淺蒙昧者  
可同日語哉惟其厚重簡默猶連城之璧混乎  
砥砢微卞和固莫能辨也老子曰大辯若訥大  
巧若拙士方其近之雖然吾知士方之才不局



於是而已必也為時而出康濟斯民卓然為醫  
國之士斯不負所學也責沈之文吾尚當為仲  
珍為之洪武十年歲次丁巳六月。日謝。撰  
併書

贈刊字闕士淵詩序

曰稽古文字由竹簡以來世之欲傳久而不朽  
者其惟勒諸金石乎然苟非專其藝而精之敬  
其事而謹之則所勒有無足傳者矣今觀荆溪  
闕士淵之勒石也一點一畫敬謹之至怡若默

契程伯子作字甚敬之意字書八法秋毫無遺  
是以吾郡守番禺張公特賞識之中書史舍人  
靖可盧舍人公武亦皆稱羨無間然吁士淵之  
敬謹如此豈局于一藝之微而已哉昔人有言  
能敬必有德使士淵遇知曰季其必薦之如缺  
耨也抑予又有說焉昔者安民山知敬司馬公  
能從容一言于勒碑之頃登載史冊流芳無窮  
其傳世又豈在鈇筆珉之外乎予嘗嘉士淵之  
能贈以長句今郡中諸士大夫之作者文相掄



揚詩若干首且俾予為之叙焉

送王主簿克禮還江陰序

人有恒言曰州縣為民父母蓋州縣之職為最近民撫之字之宜以父母之心為心愛其民如愛子也然所謂愛者豈其姑息而已哉使其服役于公則如服勤于親授之事而責其成功不棘不艱不虐不苛如是者皆父母愛子之心即君子愷悌之心也古稱召父杜母者其心蓋如是耳以今觀之江陰縣主簿王公克禮其庶幾

乎洪武戊辰春奉令役邑人數千陶于常州府東簿董之與武進無錫之民夾運渠而陶之其眉薪芻手埏埴朝夕說薄之賢者矧不絕口隣邑之人亦甚稱譽予因往視之其絕律非不嚴也程督非不謹也鞭笞捶撻非不施設也唯其慈威並行寬猛相濟過之小者宥之情可閔者恤之力不逮者濟之豈弟之心常藹然于紀律程督鞭笞之間故蚩蚩之氓感其德忘其勞不自覺其聲之出乎喙也予于是悅而賢之與



之語曰夫縣之簿丞佐其令為一邑之父母也  
郡之佐貳佐其守為一郡之父母也公卿大夫  
臺閣守監百執事是皆輔佐天子為億兆之父  
母也今也簿將歷階而升由令曰守曰公卿輔  
佐百執事咸有日矣苟不以民遠而忘宦成而  
怠則與人之誦太史之筆當並傳于時豈名父  
杜母所能專美彼虐其子而廩焚井溺者抑亦  
薰其善而良焉斯民之幸也簿嘗然子言請佩  
服今其行故書以贈之

送周叔文序

古之生子者設弧矢以射四方欲其有四方志  
也然其親欲子為之者豈不能盡然哉但立志  
不凡君子貴之近代曹武穆試週之日左取干  
戈右持俎豆天生淑質志在文武其後出入將  
相為一代名臣非偶然而致也今觀會稽戚先  
生為叔文贈言謂叔文早甚聰慧且好學尤喜  
讀尚書每開卷則竟日終夕寢食俱廢不啻口  
芻豢而耳籥韶也夫書道政事叔文喜之其志



可知然筮仕以來屢涉險阻特事親以孝行聞  
或疑其聲之不焯也是大不然夫爵有崇卑  
職有大小能盡厥職斯為足稱姑以目前言之  
河汜三載洗手奉公所職恢恢乎如庖丁解牛  
又有餘地使其親不以尸素憂豆區之樂于鍾  
鼎使叔文為京兆則平反之政日娛其親又何  
患無焯之聲乎吁丈夫之志有非或人之所  
知也先輩嘗說善觀花者見根撥而知花品之  
上下予於叔文敢竊比之

贈滄洲生詩序

延陵隱君子薛仲弘氏以英妙之年能洒脫純  
綺氣習絕跡京洛塵土讀種樹書結忘形交與  
臺笠扉屨者伍所居三山湖東南寂寞之濱流  
水一灣漚沙半席每讀杜少陵吾道付滄洲之  
句欣然若有所得故自號曰滄洲生弘之曰  
蓬萊十洲學仙者誇以示人且去弱水三萬之  
隔其荒唐繆悠而不足信也明矣唐有瀛洲命  
十八學士居之其地位清絕尊崇顯榮固不易



得然一旦北晨汚蟻之辱有不能免者是亦非  
所願也眷茲滄洲有四時天與之樂焉春水觀  
魚荷風清暑扣月艇而歌披雲裳而釣是皆樂  
之得乎天同乎人亘古今而不窮者尚何覬覦  
哉龜巢老人聞其言而嘉之與之交而遺之詩  
曰樂彼滄洲宅爾素侯其水其丘以釣以游洲  
之西東三山芙蓉惟北維南魚莊鶴林風清月  
明我揚其舲滄浪有歌或濯其纓不鐘不鼓不  
鼎不俎優哉游哉尚友千古

送適知縣父還鄉序

世俗所謂慈父者以其有姑息之愛無相夷之  
惡而已自秦人慈子者利借鋤德色習以成俗  
恬不為怪于茲有年矣當此之時有能卓然教  
其子而不淪于俗習者其父之賢為何如哉濬  
川適公以其子為武進令不遠四千里而來愛  
之若欲置諸膝教之則提其耳然不三月而亟  
去子欲留養而不可得余以大耄之年獲幸而  
于鄉飲席間從而勸留之公曰吾兒以一介之



微蒙 朝廷錄用長于茲邑若釋孺以負烏獲  
之任也必先謹乃身公乃心殫乃力規行矩步  
以稱厥職如此則上不負 聖天子拔擢之重  
思下不辜斯世斯民之望榮其身以慰其親吾  
雖衣敝緼袍猶狐貉也啜菽飲水猶八珍也吾  
既語吾兒吾兒能佩服吾言則吾歸吾廬何異  
朝夕侍側以享其祿養之娛乎吁聆公之言覘  
公之志蓋樂乎歸而不可留也于是酌之酒而  
賀之曰令有美政民必頌之余將採歌謠之詞

筆諸簡牘附黃耳平安之信以報公也

送趙縣丞奔母喪序

洪武庚申秋 朝命以昌邑所舉趙賢良為武  
進丞在邑多善政明年夏五奔母喪而歸士民  
攀恻有不忍別者丞慟哭而謂之曰比吾父來  
視予諄々然以律身居官之法命之且云母氏  
之訓戒尤多丞之父歸將以安吾母也烏知未  
能以豆區之餘為甘旨一日之奉而吾遽至于  
此言未既嗚咽頓踣民亦涕泣而不能留某于



是知其母夫人之賢不減崔玄暉之母也然玄暉遵母訓而清謹為世所稱使賢母之名流芳百世非孝而能之乎今丞之孝于母也豈止被哀麻居倚廬不酒肉琴瑟三年而已哉必也居則養生喪死以事其親出則移孝為忠以事其君曰清曰謹終始一致因俾崔侍郎專美于前則其母之死猶無死也而可以為孝矣雖然父天之尊巍然在上慎勿哀毀踰禮以貽親憂此之不可不知也

贈黃有文序

昔聖人垂衣裳以治天下至五色作服則尊卑貴賤之秩章矣後世于五采之外加之以金此又極其盛而文之然禮法之制惟在上者得全于服御之屬近代以室王老君之尊儼諸王者乃亦得之餘則有禁是故以飾金為藝亦鮮而易弛焉常郡黃有文早孤受業厥祖丁時之艱藝用弗售有文能不弛其業而益精之時既平大江南北數百里凡釋老氏之家交相薦用



殆無虛日洪武壬戌春郡城圓通院住山釋壽  
公作梵宇規矩置法藏命有文賸施五采糜金  
而飾之有文若深諳毒乾之教莊嚴相好咸適  
其宜皆至若轉藏之神皆金為甲冑威武侈力  
如風轉蓬俛俯之間光明焜煌儼然為金色界  
使觀者興起其轉善為惡之意吾嘗聞瞿曇有  
言畫沙童子戲以成佛若然則有文之功亦豈  
少哉由是釋門老緇及方外能文之士多贈言  
以嘉其能壽公乃屬余序其事如此余于是竊

有感焉六藝之教禮樂為先今儒門子弟什廢  
八九其大者不知金聲玉振為聖學之始終條  
理其次不能以金匱石室之書發為文章黼黻  
治道甚者根繆易傳笑四方現有文能世其  
業寧無愧乎使有文之為藝以彼易此必大有  
可觀者矣惜哉

贈醫士高彥述序

洪武壬戌夏友人詹伯遠書來曰先輩葛氏方  
山翁以善治傷寒獨步江表高公明德為外甥



而受其業青出于藍故當時人謂有祕傳焉今  
其子彥述業復如之比年以來人之抱危疾以  
賴全活者給、也如吾家累亦屢病屢藥效若  
響應厥德有未易忘者丐先生為之著述因俾  
越人專美于昔子曰嘻方山翁子早歲親炙多  
聆語言每云素問一經言簡 與張長沙論傷  
寒傳變摠若干萬言其要在經之難病一篇六  
百四十九字而已人能明是經之理則終身用  
之有不能盡者以是觀之則家庭授受豈外是

乎夫彥述之可敬者能象賢以承家學志不自  
滿外無藻飾不誇張以炫其竒妙不圭角以長  
其聲價嘿、乎不易其操謙、乎不矜其能遇  
病則以理燭之如法以治之如由基善射發皆  
中的觀者或驚異而神之耳吾知其父子所得  
於葛氏者大經大法如此而已無所異聞也竊  
嘗以儒者之學譬之論語之書孰不誦讀趙忠  
獻以是書半部相其君以救天下當是時遘五  
季之厲羣黎凋瘵賴以蘇息何嘗于二十篇之



外別有所傳授乎他日太史氏采予言而筆之  
庶以見彥述之學源遠流清且一洗俗論秘傳  
之陋垂芳簡冊追配古人亦何慊乎哉

贈崑山醫士王彥德詩序

世傳秦越之醫獨步當代在諸國則隨其俗人  
之所重者醫之或小兒或老人婦女變更以售  
其術蓋其心出乎聲利之外而人不察也予嘗  
以事少之一日至崑山友人徐彥智謂予曰醫  
師王先生彥德專科為小兒醫其學有過人者

△兩兒患痘瘡甚危觀者束手邀彥德藥之乃  
指日而愈酬之幣固辭且曰凡故舊皆不為市  
利交况契愛如彥智乎由是邑之士人咸賦詩  
以頌其美焉巢翁為之序焉人恒言醫之難莫  
難于小兒蓋稚穉之幼年利害有不明言語不  
通疾則易為顛躓猶草木之前易摧折也吾知  
彥德方寸之天不蔽于欲一以理之明推治衆  
疾而疾無不治者擴而充之非所難也特專科  
以世其家耳雖然昔者淇有王豹而人善謳高



唐有綿駒而俗善歌今崑邑之有彥德博學如此尚論如此風聲氣習動蕩一方久之則蘭鮑俱化餘波之及薰我晉鄙老夫修野史又當牽聯得書以茲書為張本

松菴圖詩序

洪武甲子春以鄒忠公遺文見邑宰河南彭公伯常因觀四柏賦宰謂予曰子知劉司諫之愛松亦如忠公愛柏乎司諫本東原世家今居光州光山縣從祖之故第山有美松心甚愛之

號曰松菴比遇知聖天子擢官諫垣嘗以謬謬多裨治道天子嘉之聲溢中外然乃以松菴自號也予由是繪山間之松間之菴求能詩者咏之以寓夫激昂之意敢請子為之序焉辭不獲雖未識司諫之面以其愛松之心推之可以知其入矣夫松之為物荒其直猶人之挺拔也鬱其盛猶人之懋德也貫四時歷冰雪猶丈夫之貞節雅操也凜乎趙清猷之鉄面堅乎宋廣平之鉄心殆無過焉卓哉若人



深相契合不以山林臺閣之殊而異其素愛之心也昔之人或喜聽其松風或欲巢于雲松或哦之中庭之中或撫之東籬之東是皆愛之于心而所以為愛者不同吾知司諫之愛在歲寒後彫佩孔訓于厥躬吁山花澗草紛然望秋而先零者寧不有愧于十八公乎今毘陵士友詩凡若干篇皆想像光山而賦之一旦欽命承恩命賜歸菟裘蒼髯白髮相與歲寒又當別為咏歌持去為松菴壽

贈義士池德澄序

昔元曆未終人方酣富貴汲子進取德澄先大父秋蟾先生慕老氏之學脫屣家事飄然為外遊德澄篤于親撰杖履從之足跡遍南土名山勝景多逢異人往得藥術方技以授其孫既而陵谷變遷先生亦從此逝矣德澄今家居東郭混淆闐闐然而喜玄談尚高致緯有祖風頻年復遠遊以適其志趣所聞所見益以廣矣夫以藥術之妙觀之信乎有異人之傳矣同里



劉文忠負伯牛之疾者屢醫弗痊幾瀕于危一  
旦蒙德澄療之指日而愈酬之幣不納文忠德  
之需予言以紀其美予曰嘻神農氏嘗百草為  
醫藥以濟天下後世蓋以天地生物之心為心  
也近代以來或假是以邀厚利否則喞然怒望  
望然去跡其困苦而天閱者弗恤也可勝嘆哉  
德澄矯薄俗仗義如此予故以義士名之農皇  
大聖人在天之靈必陰臨以成厥德以博施其  
義于人、之報之有不止如黃雀白龜而已也

龜巢老人謝、撰時洪武十有七年歲在甲子  
秋日

送唐用彰序

周公相成周作禮制大司徒以三物教人即其  
賢者能者賓興之取士之法莫以加矣近代以  
來科目雖多亦彷彿成周之意而已但士之為  
學于聖人心學之旨有味焉故或賢或否如魚  
目之混驥珠者有也姑以一二言之漢之董仲  
舒公孫丞相同出于賢良方正者而弘有曲學



阿世之謬唐之韓吏部愈柳刺史宗元同出于博學宏詞也而宗元有薰附權要之辱至宋三百年文盛之日凡居台輔必用碩儒如司馬溫公光王荆公安石張公商英等皆進士而丞相也若王張之屬其學無不精敏絕人豈有不知聖人之心學者乎蓋徒知之不能行之則與不知無以異矣洪武甲子秋邑人唐用彰以府學弟子中選鄉闈明年乙丑春二月赴春官大比需言于予喜其孝弟稱于家謙德著于旦評

才華蔚茂而學益修其大用于明時也必矣請以聖人心術之要曰慎獨曰思無邪曰精一執中三復而申告惟用彰真知力行兩輪並進則先輩賢者之勲庸事業或我亦可為賀不惟上之有以行致君澤民之心而下有以遂顯親揚名之願亦可見不以老生常談忽之也

二十四孝讚序

人生兩間以天降之稟為秉彝之性故能參于三才有感斯應為萬物之最靈者也夫孝為乃



性中之一事然立身之本莫大于斯故尼山大  
聖人與高弟、子反覆問答著為大經奈何聖  
代彌遠風俗寢衰秦漢以來耨鋤德色箕箒評  
語者涵、也甚者至于人其形貌其心可撫膺  
切齒流涕而痛哭者也今觀郡人王達善所讚  
二十四孝哀為一編其間言孝感之事什有八  
九且以孝經冠于編首蓋取孝通神明一語推  
而廣之欲使人欣羨而勉于企及于名教豈小  
補哉或謂重華聖孝千古一人豈宜與泛、者

類誦是固然矣吁達善之意蓋欲攬太陽與月  
星並照容光焜、無幽不明老夫擬非其倫辭  
不達意宜君子無求備焉

贈王仲文序

洪武乙巳秋橫山大林菴主真公性存過予曰  
重構菴廬作觀世音菩薩伽山一會上則五  
雲縹緲佛現全身凡菩薩之衣冠纓絡靈岩寶  
地種、相好咸用金飾工人王仲文且能運巧  
思膠力以成其美令其行丐先生一言譽之予



曰嘗聞瞿曇師有云以畫為佛以沙為塔皆能成道此蓋以因果立說開方便門使衆生由是而入大乘之道自漢以來其法寢盛塔廟像設若繪者繡者鍍金玉石者泥塑木雕者斲而出焉今性存能以佛之心為心引人為善莊嚴梵相豈徒美觀蓋欲具瞻者起恭敬心好樂心篤信力行登無上道非因果而已宜乎同袍之士及曹隨向化之人風行草偃如此其盛也性存然子言筆之為仲文臨別贈

十四卷終





龜巢藁卷之十五

記

瑞竹軒記

予辟地甫里與涇山壽上人為方外交一日過  
予曰今年春吾祖如山翁燕居之所挿竹為籬  
籬屏閱數日竹皆蘇活或者以瑞稱之故名其  
軒曰瑞竹敢請子為吾翁記之既而復延至竹  
所相與撫玩曰是竹也前為屏時屈其所天至  
是乃盡釋其縛屈者信抑者揚拘者縱葉發乎





蒼幹勁節之間生意藹然有不得可而闕者愚  
乃退而思之夫竹非蒲葦等易生之物可不根  
而生者今若此果何祥耶嘗聞往者寇萊公插  
竹而生世謂公忠義所感如山之竹亦必有所  
感而致然乎予來吳中聞翁有微德之事二焉  
屬歲飢饉里有窮乏則周之俗多獻畋忍物暴  
殄恒買而放之斯二者固尋常有力之家能為  
之豈其一念之誠仁發于中默契于天而獨有  
此休徵歟抑別有陰德而人不知歟如是則萊

公之竹不能專羨于昔矣雖然物之瑞未若人  
之瑞也嗣法之徒森如竹立有能虚心以受道  
秉節以植德清風孤標為上根器則其為瑞又  
豈此君可同日語吁人為物靈氣化尤速。即  
拭目以俟

龜巢記

至正丙申予辟地滬上依舊識里翁劉氏家築  
室一區棲婦子差可容膝既而以龜巢題之客  
或過予曰龜亦何嘗有巢哉予曰子不聞乎干



歲之龜巢于蓮葉蓋其以葉為巢初不費經營  
之力也願予此室寔類之儼地里翁地不論直  
假力隣伍力不受傭鳩工材則有御邑諸友人  
相之故其室不勞而成今也閉門縮首帖然如  
藏六之龜蟄乎其間此龜巢之所以名也比數  
日來春和景明氛埃寢息四境之內桴鼓不驚  
田夫野老相與招致涉素亭之園過桃李之蹊  
瓦盃濁醪歌舞酬酢逍遙徜徉又得如曳尾泥  
塗者此雖巢外之樂亦因巢而得也但不能嘔

吸導引如龜永年苟于此偷生亂離免禍鋒鏑  
全要領以終其天年志願足矣若夫明休咎斷  
吉凶決大疑于國家浮洛出書為太平文明之  
瑞則同類之中自有備四靈相斯世者區、巢  
居之樂與坎井醜瓮同乎一天不知大小之笑  
為何如客曰有是哉子之適意也而今而後吾  
亦欲悅子之居以適其適可乎予曰可客喜而  
去予因次對客之語是為記

龜巢後記



龜巢傳卷之十五  
是歲八月之初天兵自西州來者火四郊而食  
其人吾之龜巢與先世舊宅俱燼矣予乃船妻  
子間行而東過橫山竄無錫暮月之間屢瀕于  
危當是時踰伏蓬庑屏息若支林者然猶數  
引頸回顧以慰其故土明年仲秋至婁江東近  
于海潮風沙雨漂搖栖首久之遂舍之收人間  
借屋而寓閱四年凡五徙聞隣邑無噍類于是  
同室之人幸若再生雖貧窶不以為苦且復以  
為樂也至吾之所樂則又以窮居無事得專心

讀古聖賢書以廣其志仰天不愧俯地不作廓  
如也然視此大凶吾生若浮與夫龜浮蓮葉者  
何異故所至以龜巢名室雖偏仄心有餘裕蓋  
不以棟宇為巢而以天地為巢也峻宇雕牆莫  
知其光華門圭竇莫知其陋但知此巢自開闢  
以來歷數千載不壞吾與萬物同居其間正不  
藩籬町畦以自局也以是而觀區區舊巢與墮  
甑奚惜雖然物之巢居者衆矣未若擬龜之巢  
先後罔異龜則假其靈耳若曰以靈自燹亦其



身書卷之十五  
用于世者然也世不吾用吾生自全吁用不用  
全不全係造物者處之如何非龜所能為也惟  
兩間之巢人不能壞此吾心可恃而安者吾心  
既安何往不樂第恐不知者謂無巢而有名疑  
為誕故重託毛穎氏告之

雲半間記

歲庚子月閏五西山師構小閣于天慧莊而居  
之題曰雲半間蓋取諸詩中語也予時客天慧  
與師落成徘徊其上溪山如畫人皆喜之愛之

而師之所樂不在是也是屋僅一間高不倍尋  
廣不踰丈無樽櫨桀桀之華自常人觀之并幹  
麗譙奚啻霄壤師獨處之裕如蓋其前後左右  
牖戶虛爽蒲團木榻薰爐禪几之外無長物焉  
師于六時坐如泥塑諸弟子瓜花之供日一二  
至談空說有或從侍立客至或信宿皆不  
能常與師共之惟英、之雲悠、而來朝于斯  
夕窮歲月于斯一榻之外皆雲悠居言半間者  
亦謙辭耳夫雲之為物本來無心而吾師心無



身書卷之十五  
五  
所往是亦無心人也以無心之人遇無心之物  
故不情而親不契而合久之則雲忘其雲、即  
我也我忘為我、即雲也吾視吾室吾不知其  
與天地相間孰為大而孰為小也莊周云天下  
莫大于秋毫之末而太山為小其言殆庶幾乎  
雖然諸相皆妄吾師固知之久矣然而猶有此  
室者抑亦云素下一宿之意乎予嘗以斯言質  
之師曰然遂為記

歸耕軒記 耘

吾友徐君伯樞以兵後還無錫故里築室膠山  
署曰歸耘徵予文記之予嘗質之曰而翁大中  
公為時名卿今逝矣州大夫廉君之才能也其  
家方薦之省府將上聞以官之而暇耘其田乎  
伯樞笑而不答予退而思之君名父之子自早  
歲淑諸師友蓄畬經訓垂二十年今以先世負  
郭之田莽為荆棘固不可不耕且耘也然亦莫  
忍舉此而廢彼耶必也帶經犁鋤斯可矣古之  
人若耕莘者樂堯舜之道耕南陽者有梁父之



身書卷之十五  
六  
嗟故一旦以三聘三顧之而起非惟澤溉生民  
功施社稷焜耀當世而伊訓諸篇出師兩表至  
今與日月爭光是豈專于農者能之乎雖然芸  
田之事亦有治道存焉敢請與伯樞論之五穀  
猶良民也稂莠之屬猶凶頑也草生而不芸則  
穀不穀矣芸之早則用力寡而功多小緩則小  
害大緩則大害既害而芸或百倍其力而不能  
盡去雖去之而穀已罹其害矣吁草害于穀治  
田者過也凶頑之害良民治人者可逃其責乎

惟沮溺荷蓑之流潔身亂倫者不足以語此伯  
樞宜留意焉樞聞乃起而謝曰是吾志也請書  
之用誌于壁庶他日知所警云

東郭草堂記

至正乙巳春友人徐君仲剛書來曰瑗性迂拙  
分甘退藏擇無錫東郭荒僻之地作草堂居之  
讀書灌園蝸休蟻適自謂有可樂者子知我能  
為我記之乎予唯仲剛卓犖之士也譬之椶枏  
豫章不巨室棟柱則山林而已比嘗佐令慈溪



方欲抉吏弊更竒政以仁其民一旦以當路掣肘棄若敝屣愔然來歸客吳下數年不入城府其抱負為何如哉茲草堂居寬闊之野前有鵝津可釣可游鴻山宛山屏列左右東膠西堠紫翠相接又皆憲戶間天然畫圖也仲剛入則與書中聖賢相對出則與里中農圃為伍親友時至忘形爾汝腰不為督郵而折膝不為汾陽而屈適興賦詩往、有太白豪放亦謂有可樂者其以是歟雖然昔諸葛孔明居南陽亦蕭然草

廬而已及乎以三顧而出八陣有圖出師有表而勲業卓、如是靜學信不誣矣吁荒僻之居又安知非天假為學之地乎愚請以規仲剛併記斯堂之歲月云

野人居記

余聞之易其地則齊楚異音同其居則蘭鮑俱化大哉居乎故君子必慎其擇也予友吳中行今乃去朝市遠城郭挈家淞江之濱桑麻之野蕭然一室名野人居是果吳擇而取哉昔中行



以劍術遊諸侯借箸之籌幕中之辨嘗見用于  
當世豪傑矣未幾以時之不利投箸來歸回視  
淮陰狗烹之嘆華亭鶴淚之悲銅山餓死之辱  
金烏煎臍之禍未嘗不愴然于懷其言曰窮居  
之安不愈于負且乘乎蔬食之樂不優于覆公  
餼乎由是縮首閉門百念灰冷獨研精古聖賢  
醫藥之書以事其親以濟夫人暇日則携杖履  
往來溪山間與岩穴吟嘯者游耕蓁釣笠友亦  
無間情真而不遷幅語朴而無貝錦滄洲濯足

或坐終日茅簷曝背或談千古桃花流水之外  
杳不知其孰為秦而孰為晉也但知潭泉飲掬  
可以永親之年江鮮膾鱸可以羨親之饌瓜疇  
芋區芝田藥圃皆其地所有而名都大邑之所  
無也若中行亦可謂善擇其居矣予與中行有  
通家之好一日携兒子林過之用是為乃翁壽  
中行嘉予言請以為誌因命林執筆以書其居  
之壁云

雪洲記



趙君執中蘇人也家笠澤之陰與天隨子故里相望澱湖直其東陳湖橫其南其墟落乃一洲渚耳君性喜雪凡歲寒雪作之日天地六合炯如水壺三江五湖如瑤匣盃而山林皆瑤草琪林也然陽精掩耀湯泉欲冰歌黃竹而悲者在在有之時君獨傲兀吟嘯于滄洲之上或終日竟夕而忘歸焉蓋一時清氣與虛室之白洞然無間故自謂平生慶快無踰此者乃即其所居之處所樂之事自號為雪洲也予嘗于夏日過

之堦庭之間竹有蒼雪明窓淨几寂無纖塵而大篇短章又皆與冰柱雪車同一光潔且曰柳雪之春蘆雪之秋亦猶見似人而喜予于是知雪洲之樂蓋無時而不自得也或曰以君之才宜其悅名王遊兔園而樂其遇出奇謀平蔡州而樂其功窮居野處何足快哉吁昔子程子論顏子之樂非樂簞瓢陋巷也君之雪洲亦類是歟但區、言豈耄不能揄揚姑述其槩併以解或人之嘲云



竹梧書房記

洪武辛亥予去家十有八年而歸搢紳故交多無唯類獨友人秦公宜仲主貴池縣簿告老于家予首訪之與客偕往公所居環堵之外皆焦墟灌莽乃題其室曰竹梧書房客因訝而問焉予曰嘻我知之矣公之先君子以多資弘第宅儲書數千卷自蚤歲教公為舉子業公研精伏生所傳之書旁通百家文譽日著時子山陳先生未甦天下與公為忘形交嘗與予過之其塔

庭之間巨竹數百雙梧玉立綠陰蒼雪清氣襲人而公之丰神潇洒殆若與竹梧俱化子山嘉之故有是扁夫高垣大宅今瓦礫也碧梧翠竹今枳棘也垂葢挿架之帙不為灰劫則市井之醬豢矣惟腹笥之書幸而無恙故嘗為郡博士以教其邦人又推其緒餘佐治岩邑以嘉惠其黎首今老矣尚能為鳴待問之鐘以接遠方來用之士為文章則駸、乎周誥殷盤而不聲牙也扁乃舊名蓋不忘父兄師友淵源之懿也客



既釋然公亦頷首出縑素請筆前語以告後之  
不吾知者併以示諸子若孫庶箕裘其業云是  
冬月建子日幾望余則龜巢老謝也

映雪齋記

毘陵何士信起家業儒儲書數百帙研精誦讀  
晝夜不息榜其室曰映雪蓋慕孫康氏之苦學  
焉夫以士信之家居市廛足資用然膏繼晷乃  
所優為齋居豈虛名哉其心必曰我自短檠猶  
雪之明我室非几猶雪之瑩我讀我書夜氣以

澄微言妙理披雲覩星顧我靈臺皦々乎不雪  
而白不冰而清唾視羸金珍惜分陰曾不知九  
遠塵土之蓬勃四時寒燠之變更然則映雪二  
字又何異湯盤九字之銘歟彼灞橋詩人梁園  
賦客有不可與同日語者惟篤志之士如游如  
楊立雪于當代程夫子之門者聞之必與其進  
矣士信謁余文請以是勵之

蘿屋記

毘陵郡城之西南距渦湖二十有餘里湖水支



流北抵城而匪其地有高原平林風篁烟樹景物潇洒友人詹伯遠居之茨宇一區率糴補葺扁曰蘿屋名固不虛蓋亦以昭其儉耳然庭戶闐如日必洒掃木榻棊几室無纖塵平居則蕭然孤立以孔孟之書教孫共讀異端邪說絕口不談彼流俗相煽而眩惑者弗接勝友時至樽俎款洽或相與論端人貞士氣義風節終日竟夕疊、不厭余嘗過而問曰子豈掃除一室之小丈夫乎伯遠笑而不答予曰噫我知之矣伯

遠通古今明物理視昔人之銅山金塢皆禍基也峻宇雕牆非安宅矣蓋其所喜者素樞甕牖之美而所樂者簞瓢陋巷之天儼然為草廬布衣而耕南陽之田者其出處豈易與人言哉雖使得志其不為高堂九仞也必矣善觀人者慎毋以蘿屋之儉而陋諸洪武十有二年歲在己未四月之吉謝、記

菊軒記

古者達觀之士寓物適意未嘗肆意于物也初



若莊周觀魚支遁觀馬阮孚自蠶之履嵇康柳  
下之鍛與夫愛竹愛松愛諸花卉者大率皆適  
意而已近世流俗以淵明愛菊亦悅而愛之所  
植或百數十株高及尋仞花大如盃假以花師  
接養之工移易種類使坤黃正色亦多變而失  
真其嬌紅韻白紫茜紺碧之屬愈出愈奇且復  
以西子玉環等尤物之名之是則誇多鬪靡  
肆意以極玩好之娛視淵明何啻霄壤夫東籬  
之菊猶西山之薇薄言采之可以樂飢若乃賦

離騷而淪落英者其庶幾乎韓圃晚香樂則樂  
矣然其趣有不可同日語者吁流俗之謬如前  
所云豈不大可笑乎吾友王壽翁以菊軒徵予  
文予恐其玩好之意淪于汚俗兩年不為措一  
辭今乃不然翁春秋七十有三凡早歲華靡之  
皆已絕去軒墀藝菊僅一二本其言曰吾所以  
愛此者嘉其于草木變衰之秋霜辦露葉澹然  
幽芬挺特立久而不墜殆與晚年矍鑠者有  
明契焉故朝斯夕斯逍遙徜徉或開軒燕坐或



置酒速客終日相對不厭不倦雖高風雅致不敢妄擬于陶其適意之樂亦無官之韓魏公也咄彼庸儒朋淫可憎安得疾惡如諸伯厚者相與勵剛風搏沆瀣周流八極為茲花一洗污蟻之辱過翁齋軒呼酒高酌咏柴桑之詩歌離騷之章盡醉以適翁之適而吾亦得適其適也矢心陳詞用誌軒壁為後會張本云

斗室記

自標枝巢穴之世遠宮室之制日新月盛世祿

之家第有甲乙致習俗之侈而堂高數仞墻屋錦繡者比矣若夫屈身矮屋之士往往以力所不足不能有為其志未嘗不歎然也惟吾可積則不然可積以吳越錢氏之裔贅延安唐侯之家往來雲間築室采邑風山屏其前泓水襟帶其左右屋裁三楹高不過尋丈以婦家封侯之貴采地之富雖連雲別墅咄嗟可成今若此亦可謂不淫于富貴者歟吾將以其細行觀之屢歲過鄉里視故舊親戚抑予謙予執子



弟禮不異乎童非之日無一豪放矜肆之態以加于人故咸謂有先君子好禮之遺風然則斗室之儉本乎天性非矯飾一時以要譽而為之也昔衛公子荆善居室完曰苟完美曰苟美故孔子稱之若可積之儉而約于衛荆其庶幾乎吾用是以稱可積而延安家法之足稱亦可見矣是為記

思齋記

膠東賈文學鈞慶典啟毘陵郡以燕處之室榜

思齋徵予文記之且曰。思者非謂能三思而行亦非敢以九思之訓待旦之意示警如書紳也思吾親于疇昔喪亂之秋相繼即世母蕞昌邑父聖萊縣幾致蕪沒幸而茅寇殄滅歸室祖塋大明開天拔擢寒畯代耕有祿而養弗及親矣風木之憾十有餘年去鄉土幾千餘里霜露降濡悲感交集念歆洒飯松丘使吾親不為若教氏之鬼栖息素梓以終餘年此朝夕耿于懷也予曰嘻遊子悲故鄉信矣况思親乎然



君子之思其親者豈止是哉烏雖返哺豺獾報  
本特一事耳必也出言舉足動合矩度不忘其  
親詩禮之訓聽于無聲思無邪以正其心儼若  
思以敬其遺體由是而推其緒餘以淑諸人以  
施諸行事忠君報國流芳汗青以顯榮其親夫  
然後息負荷之肩解組綬之縛訪親戚省墳墓  
某水某丘凡吾親平生所釣游處吾得釣而游  
焉鷓鴣冠鳩杖抱子弄孫以安享太平田野之樂  
則今日之所思者豈不熊魚兼得乎區區孝言

筆諸齋壁庶或紓其懷抱云

白雲亭記

東漢趙邠卿壽藏之作吾意其涉艱危將以得  
全歸為喜故耳故至唐司空表聖乃預為壙槨  
時與客觴咏其中又作休亭以寓超外物然  
之意史稱曠達不誣矣今吾友唐公均舉由元  
末致仕佚老于家洪武革命蒙天憇遺以弓裘  
無嗣業者命其兄之子允明為後家事鉅細悉  
付託之即在家為有髮僧叅釋門諸老以學其



學春秋八十有九號曰白雲翁距舍南百餘步  
廼為佳城旁結茅龕晝夜禪寐允明則日候起  
居奉甘軟如事所生且能承順其志築亭于前  
復鑿池以藝蓮芡之屬幽花秀竹與塚上之木  
參錯相映每邀致親之所愛盍簪于亭薰爐茗  
盜殺校樽俎。負米四方往。望白雲思親有  
如昔人之言者雖歸侍傍雲常在目請先生為  
我記之時生客有辨之者曰吾聞藥山禪師以  
雪之在天為西來祖意今雲翁禪眼之明必有

悟乎禪悟之語非允明名亭之意亦非儒紳先  
生所知也予曰不然夫英。之雲一也其所觀  
感各有不同雲翁蓋視身如雲浮太空藐焉斯  
須猶瞿曇氏電露之喻也若夫允明望親舍之  
雲而懸。者是則以梁公之心為心家居以壘  
雲自怡庸詎知非華陽真逸之心乎吁仁見為  
仁智見為智予所知者此理而已禪則吾不知  
也客笑而不言予曰如何翁曰唯允明亦曰唯  
唯是為記



養正齋記

往余客東吳十有餘年聞儒林旦評以琴川高  
彥和氏稱為儒士聲甚藉余雖未相識而相  
慕焉洪武平酉秋友人楊純夫尤稱異之且言  
彥和以養正名齋蓋取諸蒙卦之辭猥徵予言  
屢辭弗獲予曰大哉易也豈敢以管窺之見以  
贅疣乎請以古之善養正者為彥和誦之如孟  
母三遷使其子去丘墓市廛為不遊之地習禮  
容俎豆于嬉戲之間如室于蘭久而俱化厥後

以寡欲養心以直養氣傳正學而接跡子思關  
異端而並功于禹是母是子非善養者能如是  
乎衛武公行年九十有五抑戒之作既自箴警  
且求卿大夫官師之屬交相教戒瞽矇裨讚朝  
夕弗違言行之純罔有圭玷亦豈非善養者乎  
是故一為亞聖一為睿聖易之所謂聖功者不  
誣矣吁人生天地間而所受之中本無頗僻惟  
情竇既開率于物欲日浸月漬或正或否遂乃  
有君子小人之分苟得其養則如木悅繩其正



若自然矣今彥和之為端士也蒙養之功不言可知繼自今以往學與日積道隨年長佩服乎七篇之書涵養乎大雅之章毋曲學毋枉道毋有獲而詭偽慎終如始益進益修如此則希孟而孟希武而武何止如旦評而已哉區區言耄而瞽幸純夫為我謝之

重建雲居菴記

洪武十有六年春雲居菴主僧德傳過予曰宋咸淳間四世祖諱行興號祖庭來自天目山駐

錫爵林露生說法風動一方緇素與檀施全集遂結菴以處之名曰雲居由宋而元祖年九十有二終于至正乙酉其嗣法子弟曰慧滿繼之四年而歿曰道印以甲乙傳及尤宋菴燬于兵慧滿避兵他適不知所之而德傳念祖師過化之地義不忍捨去大明更化初賴吾佛之道與時偕行于是剪荆榛畚尾礫復經始營之距爵林百餘里步得里人湯達卿故基以廣其居今苟完矣請先生之筆以誌之前此予嘗過橫山



之陰翳足于菴觀夫所築之室凡二十餘楹堂  
有佛像設供具鐘鼓列焉僧有室經案禪榻香  
燈備焉餘如齋厨井湑之屬固有不能備其地近  
山而爽塏遠城郭而幽閒晨嵐夕霏空翠洒窓  
戶間無囂塵市聲渾人耳目傳公日掩關趺坐  
泊如也吁是雖叢爾一區如抱茅蓋頭然視佛  
之所謂素下一宿者亦已多矣彼名山巨刹膏  
腴以萬計尸素之士或不能及若傳公者服勤  
如此肯構如此繩祖武又如此豈非浮圖子孫

之象賢者欤予故聽其所謂併以目見之實三  
嘆而書之是歲夏六月之望同郡龜巢老人謝  
某撰

歸耕記

予老廢筆硯授之子以拙辭躬稼又弗克服  
勤方諄勗之以周公無逸之訓潞城曹德聲  
書來曰震往者避兵東吳顛沛萬狀還鄉以來  
田舍粗葺筆歸耕二字揭諸隅座示不忘也惟  
巢翁姻婭而相知敢請識其顛末以垂警其後



人予曰嘻前元時德聲曾大父為晉陵閭石大  
父起家登仕版歷官至東平路同知歿後數年  
而德聲失怙丁時多艱家用蕩析幾有能相顧  
者藐焉依母氏笠澤之濱狼烟淪眼天石塞路  
窮途之困甚于蒺藜杳不知先業失墜為何如  
也大明更化初竭蹶而趨偕女家弟之家還故  
里荷蓑笠操耒耜薙荆棘之區犁之剗瓦礫之  
場屋之載構載覆料理而恢拓之烝嘗之奉滫  
澠之供征徭賦稅之所需罔有不給且能割膏

腴以寧二兄之歸斷雁復得以成行游魚不失  
其同隊東阡西陌雞鳴狗吠素梓敬共是皆如  
其素願也然則患難之餘歸耕有如此者豈易  
得哉若曰其歸也非衣錦之榮休官之適其耕  
也非能以克舜之樂于畎畝蓋以前賢論之衆  
人可同日語乎如德聲者先世之業失而復得  
骨肉之親散而復聚况時和歲豐率土寧謐凡  
我同類皆得耕田鑿井歛然為太平之民其樂  
雖異于古人未為無所樂也吁以其艱難勤苦



十有餘年而後得此後之人固有攸知寧無怠  
荒乎此記之所以作也願予言耄請復以語吾  
兒者語之夫周公聖人也無逸一書為世龜鑑  
苟知之則當尊其所聞俛焉孜孜以繼以述以  
續承其先緒詩曰子孫勿替引之吾于此  
亦云

書屋記

洪武壬戌秋崑山故文辛斌甫過龜巢為其友  
蔣生秉彛請書屋記且曰生自齠齡時嗜學雖

祈寒大暑屹不少廢年十五父命學吏事閱  
數月不憚而歸既而令服賈走淮浙南北數千  
里亦常以簡策自隨少暇輒誦讀之竟不屑罔  
市利以肥其家遂令力穡為仰事俯育計秉彛  
乃從親之令蒙笠緇撮以事其事三餘之日愈  
進厥功老夫以未嘗面其人目其居難乎架空  
鑿虛而為之文也明年夏五子舟過婁江斌甫  
與生郊迓而過之所謂書屋者初無垂籤萬軸  
也亦非連雲大宅也四書六經外諸古圖史與



陶弘毛穎列乎其間與之語粲然有文意吾常  
林鋤經董君南之朝耕夜讀亦如是而已矣楊  
子曰晞驥之馮亦驥之乘使生所造愈深進愈  
力則所就未易量也然則生能承順其親且不  
早屈其志謂非能子可乎所居在莫山城西九  
里橋之南其江山景物無闕于書屋者不書特  
以其心跡之寔書之用為記時洪武十六年五  
月二十八日

逸菴記

夫人莫不欲四體之逸也惟君子則逸其心故  
嘗操而存寡慾以養之秉彝之天一真無偽之  
感而通之動罔不吉周書曰作德心逸日休君  
子取之故能逸其心也今河南彭公伯常為武  
進令自號逸菴夫所謂逸者心逸之謂歟常人  
言之州縣之職其勞甚矣顧茲巨邑事如絲棼  
雖戴星出入猶恐不逮何能逸乎予曰不然公  
以夙學老成之才為之征科撫字息威並行雀  
角鼠牙曲直能辨如庖丁解牛如其肯綮牛雖



多而迭及不頓也矧夫至公之心炯如秦鏡且  
不以塵土蔽媼妍所照隨物應之是則吾心之  
逸益自若也雖在官舍視為逸菴不亦可乎一  
旦朝家以七十之年優容里居則吾心之逸與  
肢體之逸熊魚兼得矣雖然古之逸民若夷惠  
之儔高風峻節為世師表吁吾知逸菴之逸必  
如是而後已焉

持敬齋記

前輩以齋居之名著稱者多矣其最著者曰誠

齋簡齋容齋又有以先正箴銘而傳者曰敬齋  
求放心齋是也其後一變曰疏曰酸曰松雪者  
紛々然人爭效之齋之義遠矣今贛之聶伯夔  
氏以持敬名齋需言于愚、固辭不獲乃言曰  
聖人筆六經以照萬世敬之一字層見疊出先  
儒詳之矣愚復何言竊觀所謂持者意在執持  
而用之言人之持物猶吾之持敬也持物以手  
持敬以心苟不致謹則亦莫之能用也譬之射  
者必謹于持弓矢而後不失于中御者必謹于



持轡而後不失其馳又如執玉捧盃必洞屬  
屬然如弗勝如將失之然後能勝而弗失也伯  
夔向遊成均持此敬以進德脩業故學優而仕  
宰高平持此敬以治其民而民有去思焉迺來  
為諸侯幕賓翼手以參贊承宣為務謹三尺  
御羣吏以盜四邑是皆持此敬以展其用歷茲  
以往百司皆然有官守則持此以共其職有言  
責則持此以盡其忠我冠冕鳴佩玉寫臺鳳閣  
筵羽鶴鷺無非持此心之敬而用之其用有不

能盡者敬乎敬乎亦豈非一言而可以終身行  
之者乎夫如是則上不負天子下不負所學齊  
名著稱亦卓然如昔人矣雖然宦成而怠世固  
有之惟君子慎終如始有不為其怠者衛武公  
春秋九十有五官為周司徒方且再三以敬慎  
為詩日夜警戒故卒能為睿聖武公愚不敏敢  
請獻此詩為持敬慎終之助洪武十七年歲在  
甲子三月二十六日

恬澹齋記為高彥述作



真身齋考之十五  
昔有與彥述同姓字君素者以頤軒涪翁賦詩  
其畧曰辱莫辱多欲樂莫樂無求旨哉斯言真  
可為恬澹齋座右銘也蓋多欲則不能恬靜必  
辱其身無求則澹泊自足樂于其心由是知孔  
顏之樂非樂于蔬水曲肱簞瓢陋巷而蔗境之  
佳可漸入而得矣夫彥述先君子以醫名家獨  
步鄉國流風遺俗今豈無之十餘年來乃能與  
時浮沉不競不躁不貪不墨舊家習氣掃除淨  
盡故齋居之室題曰恬澹蓋取諸內經養生之

要旁叅莊老而有得焉至如諸子百家之書亦  
多涉獵然文藻不露不求人知城居如子真谷  
口賣藥君平賣卜簾常晝垂門或早開衣布素  
若紈綺茹粗糲若膏粱由其氣質之清資以學  
力故恬淡有過人者每謂人曰人生固不能無  
欲也多欲莫為彼銅山鑄錢郿塢積金一姬傾  
斛珠萬馬如錦繡凡如此類孰不賈禍當時遺  
臭後世乎言之必撫掌大笑傾倒而後已吁黃  
太史九原可作二高當有抑揚老夫贅言亦庶



乎獎勸之助云

芸室記

予耄無能為也久矣嶄然骨立百念灰冷獨嗜學好友之心猶未能忘前元故交淪沒殆盡每見後生少年能讀書通古今識道理且不為異端邪說所惑則愛之重之同郡為忘年友者凡數人其一伯禮也洪武戊辰秋伯禮書來曰居鄉城環堵一室有古聖賢經傳及古醫書若干卷日用涉獵間以芸香辟蠹度諸室中顏

曰芸室望先生有以警之書再至義不容辭矧予數相往來知其室無節稅之華無丹碧之飾無屏翳帷幄為觀美之資宴安之具闌中有山林清致木榻棊几圖籍左右熏爐短檠陶弘毛穎之屬晝夜為伍孜孜厥修嘗謂人曰吾為醫家方技可以寓吾心之仁以濟夫人故先之非以儒為迂而後之也吁伯禮言此其知道乎然九流百家莫大于儒之道莫大于仁伯禮知醫藥之方或未知仁之方傳曰已立一人已達



達人仁之方也尼山大聖蓋得夫唐虞三代之傳之萬世以康濟斯民非金匱石室之方可同年而語者請以是筆諸芸室蓋諸身施諸人則吾心之仁不可勝用醫儒之道所謂並行而不相背者信矣是為記

重建清微觀記

夫師教之恩報同君親蓋化之重者見于經昭昭也然道德五千言此非巫先尚師道之不降則道德亦不能有傳矣今清微觀主周鍊師石

泉勤而行之是能默契禮經而獨超乎其類也洪武己巳春石泉書來謂予曰。追懷先師歸復故業丐先生為文識之予嘉其能而不却也抑嘗過丹陽聞諸鄉老之言其報師之恩藹然可見初邑人諸葛德齋隱居學道佩天師符命叛此觀為修鍊之所既而羽化寔為開山之鼻祖也弟子裴靜山等仕特以甲乙傳元末觀燬弟亦飄散或存或亡洪武改元其徒朱竹軒言還結茅而居未幾而終時石泉住丹徒紫府觀



聞師訃即謝事而歸葬之志在復業掄揚道法  
風動一方向化者咸樂施以相之諸葛氏母子  
其尤也于是剪荆榛畚瓦礫鳩工度材辛勤十  
有餘年作三清殿前闢山門旁翼兩廡祖祠經  
室丹房齋厨之屬凡若干楹穹林竹樹蔚然屏  
蔽輪奐之光焜煌乎蒙城故區度亭遺跡長塘  
之煙水湖光北固之雲霞山色亦皆映帶為清  
微勝槩矣吁凡為人後者有能繼述如此豈不  
為賢子孫乎近世逢掖之士學必有師禮宜報

効未嘗彷彿如此者也予因記其事之顛末深  
用感慨併書此為世之勸云

栖雲軒記

雲之為物聚散不常其聚也由膚寸之微至于  
彌六合而天下其散也則斯須無踪人莫能測  
况能與之栖遲乎惟英、而白悠、而閑者方  
外之士相羊似之每寓言而高尚之意云耳常  
郡玄妙觀莊、以寧栖雲有軒意蓋如此夫以  
寧師老聃其學以清淨為宗青山白雲澹然幽



棲固其宜也。然聃在周室，柱史有年青牛出關，然後著書五千言以明其道，亦未嘗絕人物斯世而為高尚焉。後之善學者如陶貞白于齊梁之間，挂冠都門，恰雲句曲，若將終身焉。及乎以大任寄之，固辭而不可得，遂乃坐山中如廟堂之上，茹茯苓如鍾鼎之食。人至于今稱之不失為華陽真逸也。矧吾以寧有琴而能作松風之詩，聲有詩可以賦怡雲之情，是則陶之所樂，皆為吾有。山林朝市，或處或出，何往非栖雲之地。

哉！吁！由周而來，寥々二千餘年，所謂隱居以求其志，行義以達其道者，竟無其人，是可嘆也。若夫華山之陳一枕白雲，三徵不起，此又不可同日語矣。以寧徵予文，特書此以識歲月，併以備悅善之擇云。

聽雪軒記

夫雪聲之微，若有若無，聽之者必方寸之間，一無所擾，而耳之聽不為物奪。然後可得而聞也。同郡馬用和居市廛，以陶倚為伍，絲竹車馬之



暄晝夜不息聽雪有軒豈虛語乎洪武初予嘗  
忝為東家丘知其為馮氏之良別來十餘年說  
者謂用和讀書養親習與志長超然出羣遇歲  
晚同雲集霰而霏之雪繼之用和侍親庭幃  
言此為豐年之瑞以怡其親奉壽觴如金帳羊  
羔舞斑衣如仙人鶴氅以春虫撲窓之聲為金  
石之鳴舉家之人同得以樂其樂也既退獨處  
軒居萬籟俱寂乃想像撒盞飛絮聽于無聲不  
啻若鈞天廣樂九奏而有遺音所樂有未易語

諸人者其心必曰蘇子卿十九年收毳沙漠李  
元直夜半擊鵝襲蔡梁園之賦客揮毫灞橋之  
詩人覓句皆安知雪之有聲如此其樂哉用和  
需予文請以是相知之言誌諸軒壁異日以黃  
金鑄我為鍾期吾亦無愧焉爾

瓜田記

農皇古神聖以人道急于養生是故作耒耜教  
之粒食又為之醫藥以濟其天閏而本草之書  
出焉既而軒岐問答靈樞素問與本草並行為



醫家之大經大法也崑山邵濟民氏家傳是書  
深究厥旨為醫巨擘迨元末年業墮于兵慕古  
之同姓種瓜東陵于是即所居泓許糞于瓜田  
戴笠而鋤抱甕而灌綿、啐、之醜如周雅所  
稱以之養親可以充一味之甘以之留客可以  
侑一茶之款其蒂為苦口良藥可與參苓薑桂  
並用以活人濟民嘉之因以瓜田自號朝于斯  
夕于斯寓幽興于斯非矜乎東陵華胄也方今  
盛時遇瓜田而納履者無之或為古之人有白

兔御史殆若戲言無足患者其樂為何如哉予  
嘗避地東吳濟民以交乃不以三百廿里為遠  
九十六歲為耄致書求文再四益勤予辭不獲  
遂以昔所見而知者筆之是為記

習靜軒記

洪武丙寅冬前知武進縣太原舒公之孫文允  
書來曰、家居僻小軒讀書強名習靜用唐人  
詩中語也予先生為余識之書凡四至不容以  
言耄辭乃謂之曰人生而靜天賦之性感物而



動情之歆也。性至微，故學者必有以養之。然後不為物欲所汨，習靜之意必有見于此歟。夫以文允之英姿壯年，學優而仕，動而有為，取青紫如拾地芥。今乃韜聲光，歛踪跡，負米養親之外，足不入城府，影不出戶庭，目不眩邪色，耳不污鄭聲，膏梁綺繡不適乎口，體罄室隘，卷門可羅雀。澹然而資于外者如此，廓乎虛襟，寂乎靈臺，幽探乎經史之奧，涵泳義理之腴，出入乎諸子百家而無他岐之惑焉。其恬然養乎中者，又如

此可謂得習靜之方矣。昔濂溪翁主靜之學，程伯子以親炙而得之，其平居終日坐如泥塑，及其動與物接，則一團和氣，穆如春風。視世之以槁木死灰為靜者，迥不侔矣。愚聞周程之學，蓋默契夫大學定靜之旨，以相傳使文允以周程為法而學焉，則習與性成，二賢同歸，豈特如摩詰之語而已哉。予不佞，故卒以是告之時，洪武二十年四月之吉，同郡龜巢老人撰。



龜巢彙卷之十五

廿四

龜巢彙卷之十五終

國家圖書館, NATIONAL CENTRAL LIBRARY, TAIWAN, R.O.C.






龜巢藁卷之十六

啓

訟伯父墳地上縣宰啓

掩骼埋胔古今之制其仁如天過家上塚者子孫之情伊誰無地願丘壟之失所寔風化之有傷瀝血寸丹陳情尺素切念痛懷伯父曩歷兵戈死雖正狐首之丘時未集鴻飛之澤啓手啓足幸能四體之全歸若釜若堂詎信百年之難保蓋自陵谷變遷之後以致家門推敗之餘





失此故坐屬諸姻黨誰其主之展我甥兮此一  
錯在乎當時故陸沉至于今日渭陽之舅既無  
見念之秦龜陰之田那復肯還于魯然豈料人  
面獸心之輩乃謀為兇蔡燕麥之場雷厲風飛  
宰木頓室于斤斧日侵月削佳城亦壞于犁鋤  
殆將見暴骨之寒又何異鞭屍之慘三尺之法  
不畏匹夫之勇莫當向來不平之鳴屢致逢彼  
之怒鬪狠不顧輕性命于鴻毛匍匐而歸飽尊  
拳于雞肋是可忍孰不可忍如之何未如之何

徒憎蒿里之悲每動窮途之哭既無面于江東  
父老復何顏于地下祖宗日月不照之盆弗堪  
長覆天水違行之訟可憚終凶賴典章有禁地  
之條其情理寔滔天之罪仰惟公道俯察愚衷  
恭惟。官讀萬卷書為百里宰冰其清玉其白  
絃之直稱之平寬猛適中剛柔相濟數月有撫  
字征科之績四郊無叫囂隳突之憂休。焉其  
有容曷。乎不可尚聲蜚臺閣恩迓絲綸如。  
者受屢為民閉門歛跡亦久被卓魯之化烏敢



虞芮之爭但悲夫九原之人欲掩以一坏之土  
願施善政垂戒惡人使知見舅如母之親勿為  
敗俗亂常之事復此牛眠之地仍為馬鬣之封  
想去家舊鶴重歸看樹土慈烏畢集凡春秋拜  
埽之日皆存此感激之時上窮碧落下黃泉為  
雪幽冥之恥生當隕首死結草弗判斷之恩痛  
切之私敷宣罔既

上于尚書啓

公名傳字受道號止齋延祐乙卯科進士

不封萬戶侯願識韓荆州常切慕謫仙之志手

把一封書上有皇甫字輒敢扣昌黎之門問胡  
為今日之來曰專為古人之事與其進也適我  
願兮嘗謂傳道不絕者先民之功沒世不忘者  
後人之義若道鄉鄒忠公之墓近在城陰有了  
翁陳先生之銘流傳天下孰謂此一丘之土盡  
廢于八世之孫鄉鄰忍于瓜分翁仲隨以蕪沒  
故諸生為之太息于當路鳴其不平賴二侯以  
公道主盟不半載而佳城復舊築思亭而薦蘋  
藻立華表以楹松楸苟非紀載之詳尚慮耕鋤



之患立公羊一片石大書名世之言如季子十  
字昭示尊賢之意雖不咎于既往庶有補于將  
來求之與之完矣美矣恭惟。官老成前輩文  
章鉅公三千字樂禮縱橫在早歲修名揭日九  
萬里扶搖直上至晚年。氣凌雲典文衡則慎  
于稱停秉史筆則嚴于褒貶霞雲一壑將歸老  
于長洲茂苑之間霖雨八荒將拜命于安車蒲  
輪之名斯言非佞與望所期。曩客新安聞公  
舊政復紫陽之闕里大振儒風勒黃絹之好辭

有光吾道諒弗忘乎素志必重念于斯文惟大  
賢無不容則小子庶有造于以紀前言往行于  
以發潛德幽光當令梓里之間永若桐鄉之愛  
鏘如韶鈞蔚如虎豹雄文照耀于九京明則禮  
樂幽則鬼神妙理昭彰于千古存正有感敷叙  
莫殫

贊見余用中先生求作辨惑編序啓

狂簡斐成章辨諸家之邪說品題作佳士必當  
代之儒宗夫辨香敬為南豐蓋學者仰如北斗



與其進也適我願兮嘗謂璞玉雖奇非和氏則  
山中之石琴材固美無中即則爨下之灰太玄  
經有覆醬之訛公羊傳有賣餅之辱古猶如此  
今豈不然欲立言圖不朽之傳必取正于有道  
之士嗟今陋俗舍正路而弗由集古遺言迴狂  
瀾于既倒可奈一齊而衆楚猶如皆醉而獨醒  
驚人之鳥一鳴怪雪之大羣吠願君斷堊為我  
折粟或袞襃一字之榮則價倍千金之重馮豐  
露寄寥廓久矣馳情拱雲漢分天章豈辭揮手

網維吾道黼黻斯文茲蓋伏遇。官文章鉅公  
典型前輩詞場較藝視五色之日不迷鄉國興  
賢使三代之風復振躬行古道歷踐華途每為  
政邑郡之間常蜚英臺閣之上歸從彭澤舊家  
北固江山教若河汾隱居南徐城市戶外之屨  
常滿門前之轍何多雖云遂菟裘之營必復有  
蒲輪之名如。者俯慚後進仰慕先知尊其所  
聞行其所知愧未造高明正大之域博我以文  
約我以禮誓弗忘仰鑽瞻忍之誠景慕有餘編



揣摩罔既 贊見李晉仲提舉求 啓

思忠公傳道之賢為哀遺事辨邪說誣民之枉  
乃集前言持布鼓于雷門分天章于雲漢恭惟  
官儒林麟角學海龍門鍾山草堂之英靈雪  
竹霜松之標致懶折腰于彭澤早賦歸來聊濯  
足于滄浪亦云自取曠手不可尚已休手  
其有容焉然吾道賴以綱維而儒林視為儀表  
尚持藻鑒以主文衡名動京師相府之薦章交

上官居翰苑蒲輪之名命將臨先生自此升學  
者仰如斗吳中晚進白下漫遊自憐如明月  
暗投誰復念陽春寡和汲有登龍之願拳  
慕倚馬之文方往依劉以圖御李欲因劉克輔  
見公乃于劉  
處偶得 識面 低頭拜東野適因邂逅之間辦香為南  
豐得展殷勤之敬敢持兩帙謹用三薰長年生  
井庶觀天此日詣程門立雪倘賜五行之覽必  
蒙一字之褒登山采玉入海求珠捆載乃酬其  
素志製芟為衣紉蘭為佩激昂正賴其清風



贊見楊廉夫提舉求序思賢錄啓

兩袖春風作洛下書生之咏  
 滄船明月過關西  
 夫子之門問胡為今日之來  
 曰端為古人之事  
 竊有請也能無從乎伏念  
 生延陵季子之邦  
 頗知禮讓復道鄉鄰公之墓  
 當効馳驅樂民俗  
 之還淳喜士風之近古  
 思賢有錄味道無厭  
 紀前言往行之二三  
 發潛德幽光之萬一  
 自藏燕石誰售  
 雞林恐公羊遺賣餅之訊  
 使太玄有覆醬之辱  
 願借春秋之筆特為月旦之評  
 得一序

以冠塵編若干金而加弊帚庶傳不朽  
 有補將來非惟先哲之有光真乃後學之多幸  
 茲蒼伏遇官乾坤清氣風雲壯懷走馬看長安  
 花早歲似唐人得意割雞為百里宰居官如言子  
 愛人以文章政事之俱優宜天下國家之大用尚  
 淹筦庫未展經綸人皆知大器晚成我乃獲景  
 星快覩題鸚鵡賦已多年傳麗遺音到鳳凰  
 池將不日遂平生高志倚須瓜代入觀楓宸如  
 者敢不長遡下風永懷高誼聞所聞見所見



真如到神仙十二樓之間步亦步趨亦趨或可  
在弟子三千人之列其諸欣慕罔既敷宣

贊見張用中教授啓

黃魯直謂蘇東坡因述依松之志彌正平過孔  
北海乃蒙薦鶚之辭益同氣以相求必當仁而  
不讓敢持尺牘特造文函恭惟官海內儒宗  
江西詩派往歲為馬尚書賓客當時有虞學士  
品題謂鵬程萬里橫飛期鳳池十年可到道出  
羲皇才過屈宋何鄭公猶在于廣文上規姚姒

下逮莊騷若韓子獨尋于墜緒先覺後已立  
立人四方之學者來歸一鼓而斯文作氣博求  
地利開玄武湖以廣澤物之功善育人才置治  
事齋而兼水利之意聲蜚臺閣思迓絲綸如  
者生長吳中拙遲白下願窮居而獨善恐後世  
以無聞著辨編惑關近世之異端邪說作思賢  
錄發前修之潛德幽光欲煩斲郢人之斤輒敢  
弄班門之斧平居抱膝仰太山北斗之高此日  
承顏覩鳳皇景星之快天其或者道之行欤得



華袞一字之褒增敝帚千金之價品題作佳士  
何慚奏白雪遺音吹噓上清冥或可借春風餘  
力

答陳天倪謝薦師啓

見賢而舉者古先之制惡敢言功易子而教者  
夙昔之心幸逢知己豈意與互鄉之進亦勞賦  
小山之招思斯勤斯至矣盡矣恭惟容齋先生  
玄、衆妙休、有容身雖領袖宗門學則淵源  
吾道小樓明月勝元龍百尺之豪高枕白雲待

丹鳳九重之詔有前人風烈為後學範模如  
者與緇黃交能青白眼獨喜子墨名儒行非他  
人虎質羊皮通家隨三十年責善難一二計茲  
荷愛烏之及特厯遺鯉之書曲憐覓梨棗之兒  
特命入芝蘭之室從明復受春秋之業看希夷  
畫太極之圖熊魚何幸乎兼得犬馬當知其所  
報道院迎仙書堂隱相增爽氣于西山隣家乞  
火小窓分燈藟餘光于東壁銘心有感筆舌莫  
殫



謝監察御史

公舉茂異啓

天朝重耳目之官寔居清要風憲擢山林之士  
非市私恩蓋竹頭木屑可有之時而茅拔茹連  
乃必然之理敢因竒遇庸布謝言竊念。家本  
吳中客茲江左以芟荷為衣秋蘭為佩訪鍾山  
之英草堂之靈作山川司馬壯遊負湖海亢龍  
豪氣自憐骸骸誰問飄零瞻烏蒼柏之間歌鳳  
古臺之下幸逢驄馬蒙試雕蟲叩大小從容之  
鳴以盡其聲收輪囷離竒之材而為之器使李

白立堦前地如毛遂脫囊中雖得之若驚觀者  
如堵茲蓋伏遇。官身居臺閣腹中詩書凜  
乎動搖山岳之威倦。乎樂育菁莪之意植公  
門之桃李蓄相籠之復苓昔中州草木知名今  
南國衣冠俱化三省十道俱聞鉄面之威一日  
九遷將拜玉音之名風塵一掃霖雨八荒如。  
者敢不恒念品題益加修省行日用常行之道  
讀生平未讀之書雖蒲柳之質望秋先零而薑  
桂之性到老愈辣揣。焉出門下誓不忘一瓣



之香耿、者在胸中當自愛千金之帚

代羽士上廉訪僉事啓

上士無爭奉先師之明訓監主自盜奈公論之  
難容故鳴鼓而攻之若同室而鬪者竊念、李  
老君弟子住焦真人道場小、山林設住持之  
主席區、金帛有文代之成規比因樽節年多  
致有羨餘日積被前職鼠偷狗竊使空山鶴怨  
猿驚當市攫金衆所共見匹夫懷璧罪寔難逃  
已嘗赴愬于有司且復陳詞于教所始則強項

不屈終乃搖尾乞憐遂以當仁不讓之心聽其  
用和為貴之說乃償薄產以補止金未幾背插  
血之盟又復為紛臂之奪用朝三暮四之術專  
務貪婪逞人、一已百之能肆為欺罔楚弓得失  
秦鏡咨度勞六轡之驅馳廉法廉辨廉善廉能  
按百官之能否明月靡遺罅隙清風一掃塵埃  
瞻茲寂寞之濱亦在照臨之下豺狼斂跡草木  
知春激濁揚清既憲綱之振肅舉直錯枉宜公  
道之昭彰或移北山之文或賜南山之判戒無



厭溪壑之欲征悖入府庫之財庶有補于將來  
更無煩于訟牒思之弗措辨之弗措願亟持全  
璧之歸得之若驚失之若驚當永守青瑣之物

謝崑山梅州判舉鄉善啓

儒雅闡大猷漢室之興復見品題作佳士荆州  
之識為榮矧蒙下采于菲葑豈作不言之桃李  
寸丹有感尺素具陳。官佐理神州賢勞王事  
虛心待物明于滄海之珠美德含輝粹若崑岡  
之玉有賢守與承流宣化在察察則同寅協恭

切。斯民憐。吾道冰霜並潔風月平分南山  
之判不移北闕之心長憲二千石不如蓬掖下  
士尤勤九萬里直上扶搖前程甚遠吾言非佞  
輿望所期。久客東吳遠避兵燹功名蹭蹬昔  
為竹上之結身世飄零今作無枝之鶴偶尔宿  
贊公土室儼然遠梅仙市門聽高山流以水知  
音驚明月夜光以投暗說項不輒薦稱有書駕  
言采泮水之芹何異繼廩人之粟驥千里未甘  
伏櫪鳥一鳴或可驚人翱翔道義之林涵泳詩



書之澤鄉之善士國之善士尚期自下以升高  
知惟春秋罪惟春秋勿謂有名而無寔

賀陶教授啓

鄭廣文才過屈宋坐一壇而司業相憐胡安定  
教授蘇湖置二齋而太學為法升高自下振古  
如茲恭惟卜官胸襟貯萬卷書文章揮五色筆  
頻年花縣絃歌之化大行今日薇垣贊畫之才  
方展王公大人以青眼相傾縉紳先生以白眉  
見稱茲泛綠以依紅將腰金而曳紫一節既全

其清白百憂當念乎羣黎願為龍伯高勿效杜  
季良恪守祖傳之家法近舍皇甫湜遠取白居易  
易當求用世之人才跋予望之自此升矣。遠  
逝兵燹久客勾吳秋菊寒泉祠甫里見尊賢之  
義長洲茂苑頌鄉校勒輿人之言已知和白雪  
之詞但未覩景星之象由村落以來城府見軍  
民多困飢寒敢用條陳以效芹獻于以開難發  
之口于以推不忍之心區區非釣夫虛名懇  
必求其寔效蒼生顛厓受辛苦羣仙天上清



高大庇廣厦俱歡顏願比屋眼前突兀

代謝沈太守啓

一輪明月清輝今照蘇州萬里長風素志乃如  
宗慤念先人遺澤挈孤子于長途知幸自天感  
息無地恭惟。官乾坤清氣風雲壯懷既不忘  
向日之誠且深識隨時之義往年烏府冠莪鹿  
角之威此日黃堂庭蔑鼠牙之訟退食則斑衣  
以娛父母傳家則黃卷以授兒孫鞭不施蒲庄  
先種柳豈第咸稱名杜勲名必到蕭曹三江五

湖之風謠政聲藹。四海八荒之霖雨輿望懸  
懸遺愛甘棠流芳汗竹如。者依仰公庇勉讀  
父書既已承薦鵠之章當不負愛烏之及備參  
苓于藥籠作桃李于公門庶竭駕材以圖豹變  
父為大夫子為士賴提攜發軔之初車如流水  
馬如龍願追逐後塵之末其為報効罔既敷陳

上沈太守啓

太叔為鄭大夫始收寬而終猛不疑詔暴公子  
先言威而後息惟大海不擇細流故他山可以



攻玉請以田夫野老之語陳于大人君子之前  
切以。近寓吳江。經荒浦聞近日有鼠竊狗  
偷之輩各都如蜂屯蟻聚之多始則穿窬終為  
強禦忽。乎神出鬼沒累。然晝伏夜行星月  
光中窺商賈他鄉之客烟波深處伺妻孥逃難  
之人或如斫顏嚴之頭或如斮孤兒之臂橫屍  
洲渚流血泥沙遺臭衝天銜哀入地掩鼻而過  
者多矣垂泣而道者誰歎鄉鄰惧而不言州縣  
置之不問致令滋蔓轉肆兇頑目之所覩者如

此其多耳之未聞者尤為不少新鬼煩冤舊鬼  
哭痛恨難忘他生未卜此生休衷情誰訴惟當  
路發神明之政為斯民雪冥漠之冤三尺法申  
明紀律五色棒埽除羣醜寬猛相濟不勞用符  
澤之兵恩威並行何待。繡衣之斧一雷既振  
百蟄俱驚恭惟。官俊傑識時精忠貫日清冰  
出萬壑此往年烏府威聲明月照蘇州乃今日  
虎丘嘉話甘棠樹聽名伯之頌老萊衣照蘇堂  
上之親愛民若拙于征科下士能勤于吐握五



花馬金章紫綬方被殊恩六柳庄綠水青山未  
容高興政須治最以候登庸如者幸獲承顏  
甚慚饒舌聞而來見而去仰山斗之彌高道以  
政齊以刑看民風之丕變

上梅知州陸同知啓

菑莠不除必有于傷嘉穀盜賊不息寧無害于  
良民目前事可為寒心林下人敢云饒舌俯慚  
卑陋上竇高明切以為容松陵艤舟荒浦聞  
近日有鼠竊狗偷之輩在各鄉如蜂屯蟻聚之

多或穿墉以踰垣或發匱以眩筐或率去春耕  
之犢或移人夜泊之舟或劫行商囊橐為之席  
捲或因逃難妻孥與之偕亡或如斫嚴顏之頭  
或若斲孤兒之臂慘、星月見遭毒手渺、烟  
波逸去凶身濺血孤蒲伏屍洲渚漂流于五都  
十都之境臭腐于六月七月之時里正不敢言  
恐煩檢覆鄉隣寂無語惧有干連致使跳梁轉  
加延蔓天陰地濕但聞冤鬼之聲水遠山遙渾  
是愁人之景惡貫既滿禁網難逃今有司獲盜



竊之徒宜因事寃凶強之黨幸毋姑息亟賜施行轟雷霆于掩耳之先照日月于覆盆之下追三窟鬼須旁求曲徑之踪殺兩頭蛇方能免後人之患餘罪戾之輕者加徒役而遠焉庶令涇渭殊流不致薰蕕同器蓋治非常之盜必加以非常之刑雪痛怨于黃泉聽歌謠于綠野恭惟官同心同德無黨無偏閭閻蒙撫字之恩案牘絕煩苛之弊訟庭如水印厘生塵明月清風暫尔居淞江太湖之上高牙大纛翩然到蘭臺

鳳閣之間人皆仰之自此升矣如者言雖借越事寃昭彰祗緣以兔死狐悲未免較鶴長鳧短溺猶已溺望明公擴仁愛之心刑期無刑寃惡党為仁良之俗幽明有感贊美吳殫

代上江浙丞相求蔭叙啓

上書伏光範門韓愈以布衣自進斗酒酌新豐市馬周于逆旅誰知仰止三台素非一日惟吐哺握髮以下士敢披肝瀝胆以陳情切念生毘陵錫谷之墟客吳郡長洲之許早年勤苦頗



讀父書連歲孤寒且罹兵燹寡妻孥于荆棘揮  
涕泗于蓼莪學弓為箕學治為裘尚賴傳家之  
業在無父何怙無母何恃孰憐遊子之歸遲望  
西日之長安歎南風之不競鬱居此遑何  
之芟為衣蓉為裳第慚沒世而無聞有負先人  
之遺澤欲求蔭叙願借恩光雖云無麟角鳳嘴  
之竒亦庶幾竹頭木屑之用持衡留藻鑑天書  
適降于九重隨水上龍門巨浪可乘于三汲鯤  
鯢變化鵝鷺翱翔茲益伏遇官簡在帝心股

肱王室保江浙數州之地障東南半壁之天以  
和靜鎮國家量同文靖有忠勳塞天地爵比汾  
陽公門之桃李欣榮藥籠之參苓並蓄五風十  
雨頻年見陰陽調燮之功寸地尺天指日復疆  
里廣輪之舊恩加袞寫銘鼎彝如者幸獲在  
瞻依宜蒙拔擢大木為宗細木為桷良工得國  
用之宜南山有臺北山有萊君子致太平之樂  
永言報効盡力馳驅

賀上海石縣尹啓



即官應列宿方照臨滄海之秋鴻毛遇順風乃  
奮起青雲之日敬陳賀語兼進忠言嘗觀時有  
盛衰道今古無為國者必以人民為本有司者  
必以父母為心擾攘雖值于難時撫字合由乎  
古道簡編所載矩矱具存曰既庶既富而教之  
曰足食足兵而信矣曰孝弟可盡堯舜之道曰  
忠信可捷秦楚之兵唯教化能結其心斯奮發  
以盡其力小而一邑大則九州是道為農桑學  
校之原其事乃錢穀兵刑之屬苟一日而必

斯三年而有成倘不鄙常談老生洵可謂知言  
君子。官心存愷悌氣稟高明先世稱萬石君  
其道義傳家之久今官為百里宰蓋居功名發  
軼之初以胸中所蘊之詩書為目下可行之政  
事征科不廢撫字尤勤春風藹田野如春民無  
愁歎明月照閭門似水吏絕喧囂釜魚之聲譽  
已聞堂鱸之禎祥必應行書上考佇見高遷。、  
幸屬故知喜聞新政被容燕皆能賀履豈窮猿  
反不投林東入海西去秦擬欲依棲于贊老昔



無襦今五袴願同歌詠于吳儂

諸士友陳言陸同知誣枉事啓

排難解紛竊慕古人之高義舉直錯枉宜蒙當道之公心芻蕘有言葑菲可采切見吳江州同知陸公卜職居佐貳政出循良三載守官一廉如水自許以赤心報國人皆知洗手奉公豈意權豪乃加排陷以兵戍干有司之政以文移行無妄之災昇一夫病死身屍勒其子巧生詞訟聚衆擁停屍之地環若重圍當官逼忤作之人

傷皆証驗強梁若此毒害顯然越官職以橫行違憲章而不顧各州縣聞之而胆喪諸士民觀此以寒心赫然恣逞其兇威甚矣有傷于治體是可忍也尚何言哉仰惟上相之賢明俯察本官之冤枉照覆盆之日月即見昭彰遏平地之風波毋令陷溺如○等與本官初無私愛且隔隣封聞一州有賴其主張知百姓多蒙其恩惠昔頌德于三江五湖之上今稱冤于萬口一辭之間其言至公而無私所願抑強而扶弱直為



壯曲為老當明曲直之情危而持顛而扶庶免  
顛危之辱宜加采擇特賜施行

上量田徐孟二公啓

立國以經界為先當盡革其中之弊生民以稼  
穡為本方能供在上之需惟任用之得人乃公  
勤而稱職欲陳梗槩敢効芹誠嘗謂朝廷革命  
之初才俊為時而出凡所以體國經野皆可以  
忠君愛民况皇家付尺度之公要農畝定租庸  
之法甲是乙非者固當分辨鶴長鳧短者尤宜

折衷為前代除毒歛之蛇免後人為涸轍之鮒  
此當務之為急其任非輕但至公而無私所行  
必達。官同心同德無黨無偏志如百鍊之鋼  
不為撓指事若重調之瑟能用改絃雖寸田尺  
宅皆入版圖而賸水殘山猶蒙紀錄田野既揚  
其聲譽銓衡必錄其勤勞同升諸公一臺二妙  
。生本常郡寓此吳鄉如去邠而居岐敢因徐  
而見孟願求荒圃學為老農春雨一犁駕烏犍  
而東作青雲萬里看黃鵠之雙飛



上王知府啓

玉門關兩鬢秋霜歸晚景金牛臺一輪明月來  
喜把清輝人皆作未暮之春我欲快爭先之觀  
騎竹失隨于童子杖藜敢謁于宵人既獲披雲  
亦言獻曝嘗謂農桑者民生之本學校者風化  
之原其在有司亶為急務睠此常郡即古延陵  
二十年兵革以來數百里人烟歛絕犁鉏不作  
絃誦無聞大田皆變為荆榛泮宮亦燬為瓦礫  
今天下全歸于大統而郡中方集其遺氓如谷

寒而雜律重嗟若絃斷而麟膠再續民何以勸  
惟恤民則民乃力農學何以興惟重士則士皆  
志學嚴一鼓而作氣必三年而有成田野闢而  
賦稅增教化行而習俗美上以副聖天子明詔  
之意下以著賢邦侯善治之功斯文黼黻乎皇  
猷舉世甄陶于清化渤海郡勸農龔遂復見于  
今成都府興學文翁因專于昔苟二端之並舉  
則百廢之具興幸無謂老生常談真可與古人  
同傳官三槐世胄五馬恩榮金莖露之澄清



玉壺冰之潔白有民人有社稷雅稱弘才為保障為絲繭會能兼美能夙學于胸次務前急于目前報主赤心待士青眼吐握行周公之禮謙德彌光循良希漢吏之賢芳名不朽如。幸然歸魯得此依劉三十年辛勤有廬歆訓城南之子千萬間突兀廣廈願蒙庇天下之賢頌禱有餘敷宣罔既

謝孫大雅惠詩文啓

寄杜甫題草堂舉世頌高公之句送李愿歸盤

谷至今傳韓子之文故詞章誠有可嘉則名譽皆為不朽感承傑作敬叙謝言。生長延陵本同鄉土喬居吳郡俱避風塵既聲迹之相聞且音問之不絕千萬人之前常承說項十五年之內惟欠識荆嘗結巢為蓮葉之龜來詩甚美至還家若華表之鶴得序尤佳願予生非李杜之儔視所作乃高韓之比陽春寡和明月暗投巾箱謹于珍藏集几時乎圭復想丰采于氛埃之外見肺肝于文字之間投批報瑄茲抒情于尺



素如霞倚玉別請教于文函。官以申浦之澄  
清鍾于姿稟以君山之蒼古發于文章馳驅莊  
騷出入佛老鳴教鐸東吳者久投朝簪北海之  
濱枕流漱石而有祖風弄月吟風而忘世慮山  
中曆日看黃楊厄閏之年天上春風待紅杏倚  
雲之日如。者素慚孤陋雅愛交遊味六經如  
嗜膏梁親三益便成膠漆江東暮雲之酒願與  
論文山陰雪夜之舟尚期乘興雷門持鼓郢匠  
揮斤

謝張雲門作詩序啓

魯直獻東坡二詩蓋欲見瞻依之志士安叙左  
冲三賦方能無非議之詞蓋當世鴻儒乃後學  
之龜鑑寸丹方感尺素具陳伏念。田野草莽  
山林樗櫟不揣鉛刀之鈍常持鉄硯之堅船上  
竹竿往歲之功名可笑龜巢蓮葉近年之身世  
如浮八九家寂寞江村三千丈蕭騷白髮出言  
爛熟作字迂踈寤疑辨惑以成編懷古思賢而  
有錄頽然詩癖忘乃途窮時抱膝為梁父吟或



掩鼻作洛生詠對明月清風而思玄度蘊高山  
流水以待鍾期持鼓雷門探珠驪嶺得警策片  
言而為幸豈春容大篇之敢望珠璧暗投瑯瑤  
非報不識面而知肺腑可謂神交如寫容而見  
精神珍藏手筆披雲未遂仰斗弥高恭惟。官  
四海儒宗一門科第為時而出不勝烏鳥之情  
謝病而歸非為鱸魚之美以東山吳之山水為  
西漢之文章托古意于焦桐播遺芳于藁桂風  
月襟懷江湖雅氣本磊落之奇才泉石膏肓烟

霞痼疾享優游之清福道則高矣人皆仰之如  
者敢不佩服斯文勉旃尔力幣甚千金之帚  
榮哉一字之褒廢繩墨不為拙工灼見用春秋  
之筆經品題便作佳士惟恐孤月旦之評瞻望  
依、臨書草、

擬與金壇縣告索尹氏寄書啓

賣金買書自是平生之志刻舟求劍難忘春忘  
之情雖吳霜已白其頭顱惟秦鏡能明其肝胆  
敬持尺素用寫寸丹念、避地曩年泛湖連日



移舟至尹干橋下依乃姻家藏書如孔氏壁中  
扁諸與室物其多矣人皆見之三十年賤迹飄  
蓬數百卷常懷汗竹豈知瓜葛乃燻薰猶以諸  
史之青編易兩率之黃犢餘存簡牘悉入巾箱  
屢云還合浦之珠竟不返連城之璧朝經暮史  
欲重對于聖賢甲是乙非合辨明于官府是可  
忍孰不可忍求之與抑與之與惟當道之至公  
庶斯文之不墜聽其言也適我願兮官承恩  
九重出宰百里乃冰其清乃玉其白如絃之直

如鏡之明以識時俊傑之才了積年繁劇之事  
戴星出入雙鳧暫止于金沙搏風扶搖孤鳳必  
巢于阿閣。遠來鄰邑如倚大山鶴溪水天影  
涵秋比琴堂之清澈米家船虹光貫日載書簾  
以還歸

假謝常州府官啓

曾參以同姓殺人其母嘗投杼而走黔易非在  
家遘疾厥子乃驚心而歸奈何事出于鄰封甚  
至弊生于本邑幸大府能為辨析今微言合用



數陳切念。乙老窮居苦守株于橫峴丁男遠  
出因負米于荆溪疊。乎縣帖拘追累。乎里  
人被執始自三月三修禊之日皂隸登門遂令  
八十八老耄之年倉皇赴縣換名字如雲翻而  
覆動文移則雷厲風飛陷歆成網罹交設南  
阮貧北阮富姓雖同而產業不同東家立西家  
愚人有異而鄉閭亦異故奔訴甘棠之下蒙戒  
懲刻木之徒號咷徹乎二天枉屈為之一雪伏  
遇。官等同宣聖化並著仁聲名父杜母之慈

祥春濡秋露磬弟梅兄之清白月映水壺閭閻  
響擊壤之歌城郭寢擊析之聲行書上考佇俟  
高遷如。者父子知恩鄉隣感德覆蕉藏鹿本  
無夢于前時緣木求魚免受災于後日報當啣  
結力効馳驅

上周縣尹請祭願將軍啓

孔北海表鄭公鄉人皆起敬文潞公題明道墓  
學者知歸蓋追敬于儒先寔有裨于風化敢持  
尺牘用徹琴堂。老不趨時心猶好古覽中吳



之勝槩訪前代之名賢笠澤西頭皇蕩天烟波  
相接葑門東畔願將軍丘壘猶存藁祠倚馬鬣  
之封荒蕪沒龜趺之石每經斯地常念斯人生  
為吳相之孫死有元公之謚華亭二陸初齊名  
得三俊之稱白羽一麾獨仗義平六州之亂晉  
史脩書其勲業吳儂尚保其祠堂但每歲之烝  
嘗欠有司之籩豆不揣効豐干饒舌敢云煩陶  
令折腰蘋蘩失薦于鬼神素梓愈加其恭敬此  
非違道以干譽幸不以人而廢言恭惟一官以

董賈之才為卓魯之政乃冰其清乃玉其白如  
絃之直如鏡之明見義勇為當仁不讓有民人  
有社稷國家委任之隆教禮樂教詩書流化承  
宣之急行書上考竚見高遷一飄泊長洲蕭條  
短褐投老二天之下知名兩月之間其言至公  
而無私其事似緩而寔急生芻一束其人如玉  
望喬仙雙鴛之鳧寒鴉數點流水孤村弔華表  
十年之鶴

于陳敬初先生作懷古錄序啓



懷賢千古聊綴緝夫前言借重一辭庶流傳于  
後世竊有請也能無從乎嗟我楚狂久客吳中  
過鳳凰嶺顧彥先之墓有感而傷傾鸚鵡盃李  
太白之詩長歌而擊節甚矣疾薰猶同噐忍乎  
隨桃李不言豆籩既請于有司丹青乃新其遺  
廟屏除妖塚祭掃佳城縉紳皆為之歌咏樵牧  
則嚴于禁約載嘔藜跖用寫蒲編于以發潛德  
之光予以紀廢興之事過雷門持布鼓敢曳長  
裾扶雲分天章煩揮健筆。官居玉堂之署人

慕登瀛紬石室之書自當名世為士林冠冕演  
王國經綸目短曹劉汗流籍湜大鵬九萬里扶  
搖直上之秋黃河三千年會見重清之日前程  
遠大吾道光榮。不揣迂踈尚希題品書八篇  
因窮而著初不效于古人賦三都得叙而傳誠  
有望于今日

代上饒叅政啓

叔向知駿義因聞堂下之言毛遂脫平原乃脫  
囊中之穎既古人有如此者豈今日獨不然乎



切。幼讀父書從遊都邑聞所見聞先  
生長者之鈞陶步亦步趨亦趨習王公大人之  
規矩辭親日下奉檄浙東干戈擾攘者閱五六  
年鞍馬馳驅者知幾千里及區、益升斗之祿  
又紛、服州縣之勞栖枳棘于慈溪望蓬萊于  
滄海既失怙恃遂用來歸兄弟飄零狀若喪家  
之狗功名蹭蹬誰憐失水之魚然此膝不屈于  
常人而其志敢忘于斯世家徒四壁壯氣橫秋  
但知讀書以聖賢為師未嘗出門與流俗為伍

高山流水賴有知音明月夜光忍令投暗鷲鷲  
之書既作鯢鯨之化何疑惟大匠無可棄之材  
宜小子有相依之志復苓藥籠桃李公門恭惟  
、官俊傑識時耿介拔俗隴雲可悅已常似山  
中宰相之閑仁風載揚今復慰天下蒼生之望  
胸次烟玉壺冰露文章垂薤金琳琅借箸而籌  
入則告嘉謀于公府累茵而坐出則恭大政于  
薇垣已立、人先覺、後行吾道于干戈之際  
救斯民于塗炭之中幾千仞廬山眾人所仰五



百年名世非公而誰如。者慕蘭許年依劉。今日襍綫之才雖短。葑菲之采不遺。朝取一人。暮取一人。莫非荷提斯之力。待以國士。報以國士。當不忘感激之恩。輕瀆崇嚴。重加悚息。

上張太尉啓

蘇轍上韓太尉書。所願覩賢人光耀。馬周寓常中。即館。即能以時務條陳。不揣下愚。敢希前輩。敬以惜軍愛民之事。陳于王公大人之前。聞斯行之時。則可矣。嘗謂有民有社。須當畫策以治。

安足食。足兵。乃可運籌而征討。准今酌古。發政施仁。苟欲展心上之經綸。必先察有司之利病。勿求近效。宜作遠圖。開荒田。則為富國之原。設屯田。則為守邊之計。除民瘼。則免誅求之苦。積軍儲。則無匱乏之憂。廣鹽榷之法。則遠近流通。恤軍士之家。則存亾感激。凡茲六事。盡在一時。日月雖明。固難照覆盆之地。風雨不動。願蒙庇廣廈之天。布以新條。革除舊弊。惟其愛民如子。必不以人廢言。詢我芻蕘。教人稼穡。易其田薄。



其稅民力方紓居有倉行有糧兵威自振幸無  
吝一舉手一投足之力更勿辭三握髮三吐哺  
之勤庶士夫得進其忠言而軍民免令其失所  
恭惟太尉相君英雄蓋世度量容舟以崧高維  
岳之英靈為海納百川之襟度興利除害更張  
漢瑟之絃章故鼎新重作禹書之貢西鄙之烟  
塵去遠東吳之風俗還淳見諸生如見大賓保  
斯民若保赤子天上天下咸知向日之忱江北  
江南共仰福星之照名垂竹帛勲在鼎彝 十

載風塵一蓬烟兩辟地居泓江之滸憂天如杞  
國之人功名雖負于素志窮困尚憐于黔首或  
有一得何忍三緘知我春秋罪我春秋欲救顛  
崖之辛苦待以國士報以國士終當範我之馳  
驅俯竭葵傾仰希藻鑑

賀蔡教授到任啓

建學立師本三代之良法化民成俗即二南之  
遺風夫以世衰而道微其必人存而政舉喜聆  
木鐸敢進芻言瞻崑山舞丹崖之鳳石沛然



婁水接蒼海之鯨波以山川如是之奇况人物  
由來之盛紛々顯官比々高門豪如列龍洲而  
寓焉賢若李樂菴以居此適值近年之兵革遂  
忘舊日之衣冠城郭是而人民非禮義廢而政  
教失幸鄉校之不毀今學宮之苟完有司奔走  
于豆籩多士趨蹌于礼樂但龍蛇之混雜有鳧  
鶴之短長中也養不中才也養不才政賴鈞陶  
之力仁者謂之仁知者謂之知豈無區別之心  
惟自今秦鏡之明更不致齊等之濫大矣小楠

匠氏固無棄才貴玉賤礫識者自能定價嚴一  
鼓以作氣必三年而有成恭惟。官心醉六經  
眼空四海杏花壇上重來鼓焦尾之琴荷蕢門  
前誠聽擊有心之磬胸次烟玉壺冰露文章垂  
金薤琳琅彙嘗居淮海維揚人共仰太山北斗  
能不失前賢規矩真可為後學範模首着闢干  
且莫厭一官之冷菁莪長育當挽回吾道之春  
立登要津入居翰苑如。者蹉跎仕路流落他  
鄉不能看長安之花乃亦采泮池之藻聞所聞



見所見星鳳見覩而快哉步亦步趨亦趨蘭鮪  
久居而化矣

為王叔才通吳伯善啓

魯連為解紛而出斯為天下之奇陳平能宰社  
而均終作朝中之相苟有為于今日亦何異于  
古人今一見之竊有請也恭惟。官河山清氣  
丘壑間情雖爵祿不入其心惟孝友是亦為政  
車乘下澤稱鄉里之善人樓卧上床本湖海之  
豪氣律呂鳴朝陽之鳳階庭舞荀氏之龍惟其

博古通今所以出類拔萃有文舉座上之客而  
開樽常論聞駿明堂下之言而執手相知近者  
悅遠者來親踈無間剛不吐柔不茹好惡惟公  
藏器待時在邦必達。許年慕蘭此日識荆深  
知有長者之風輒敢訴不平之事曩令。子勉  
作鹽商同客嘉禾王吉父與成交易親書片楮  
孔方兄俱付檢收不料墮其計中收此置諸度  
外屢約屢爽轉富轉貧但知堆滿屋之金不肯  
返埤城之璧况視予之流落尤縱意而欺凌獸



心忍負于朋儕狡窟乃居于仁里望公秦鏡照  
我覆盆能扶顛以持危必舉直而錯枉風行草  
偃水到渠成是猶解戰國之紛何異宰鄉人之  
社道之礼樂示之好惡豚魚必感而相孚失之  
東隅收之桑榆犬馬當知其有報心有所憤書  
不盡言

為王叔才訴神文

亘古亘今人世有難明之事誰曲誰直鬼神能  
灼見其情雖聰明正直之有司必禍福吉凶之

有報請陳始末用徹幽明切念。至正十有五  
年作樵李異鄉之客統鈔三百餘錠買吳江同  
姓之藍託在契交信從期約立文憑之一紙比  
重諾之千金豈其反面無情從此掉頭不顧彼  
已跨腰錢之鶴我乃求緣木之魚日徃月來馴  
致遷延之久雲翻雨覆不勝變詐之多故連年  
空打白厓至今日竟成烏有交情既絕礼貌全  
無本來似鮑叔相知每去如魯侯不遇彼因積  
富致齧物之如山我則固窮避兵戈而失路不



念流離之苦轉加欺罔之心日月不照于覆盆  
風雨自安于廣廈昔伊過我待為席上之珍今  
我求伊視若眼中之刺是可忍孰不可忍如之  
何未如之何既告于隣里鄉黨之間當質諸上  
下神祇之右吾言若謬甘受天誅彼語如誣當  
受遭陰譴願洋洋之如在降濯之厥靈有感  
必通如響斯應舉直錯枉必須天理昭彰福善  
禍淫庶使人心畏服

上周郎中陳言五事啓

李白識韓荆州雖萬戶之封非其所願駿明見  
鄭叔向惟一言之善得以相人今區、慕足下  
之賢敢切、論目前之事上以禪國家之清化  
下以慰郡縣之蒼生遠視欲明迹言可察茲益  
伏遇、官乾坤清氣風雲壯懷向坐黃堂著鞭  
蒲之善政今遷畫省冠蓮幕之諸賓有撥亂反  
正之才盡扶顛持危之力心不忘乎向日義不  
失于隨時英聲蜚九重之天遺愛溢三吳之地  
和氣挽回于寒谷恩光照及于覆盆見多士如



見大賓保斯民若保赤子能興利以除害不吐  
剛而茹柔史編當紀其循良鈞軸政須其贊畫  
門墻羅列好多陪桃李之春鼎鼐調和有大有  
益梅之日更勤吐握以廣咨詢如○者甫里索  
居太山高仰折桂之功名蹭蹬衡門之心迹栖  
遲雖讀書以聖賢為師但出門則農圃為伍東  
隣西舍痛遭毒歛之蛇南枝北風多作無依之  
鵲太息愁怨之聲常聞于田里叫囂隳突之吏  
每見于御鄰况軍儲不積則時有借糶之憂而

官俸太輕則必有侵漁之患此皆係百姓之休  
戚疇能出一言以發揚惟大人肯念乎羣黎故  
小子敢輸其忠赤非甚高難行之事非荒唐謬  
悠之談是曰是非曰非尚從公論聞所聞見所  
見奚敢飾詞宜改絃而更張勿刊印而弗予他  
有剝床而請者別當借箸以籌之溺猶已溺飢  
猶已飢斯謂愛民之術仁見為仁知見為知初  
無私己之謀饒舌云、優容幸、謹奉啓併以  
所言五事開具詣省幕以聞伏惟台慈鑒念



一開荒田

夫民之有田猶魚之有水也魚無水則枯而死民無田則飢而斃原民之情豈不欲治田以養其生哉今長洲縣崑山州等處水涸園田積荒歲久無錫常熟等殘破地面荆棘連天其各處流移之民餬口四方而無卓錫之地是皆欲業耕以養生者也但所慮者犁鋤絲舉即有征科廬舍未完便當差役是以寧受艱辛且逃租賦寧甘窮餓不還鄉土每歲

雖蒙官司招諭復業及委官勸農不為不至而民之所慮如此遂成虛名况各處低田園岸以壞非一時可以修築積水甚深非一時可以車戽必須隔年料理以俟春耕田家作苦筆舌難盡如蒙呈達省府行下各州縣踏勘荒田數目叅酌至元年間燕叅政開荒舊例聽令諸人請佃每年不過若干初年官不徵糧私無租課應干雜役俱得優免次年公私半徵三年成熟然後全徵如此則人皆為



養生之謀而不憚工力之費一二年間官糧  
數增國家享無窮之利矣開此荒田官民兩  
便

一除民瘼

為政以恤民為先若夫民瘼未除而謂能恤  
之者謬矣然今之民瘼未易枚舉姑以前月  
切近者言之如崑山州等處去年旱澇相兼  
高田則禾苗枯槁低田則積水淤漫各都里  
正及佃戶細民經官告狀俱有堪信顯不期

驗灾官吏不行詣田踏視寔免征止坐各  
州縣衙門及諸寺觀逼令鄉胥里正一槩伏  
熟繼後部糧官吏驗數納征其細民棄業逃  
亾十去八九但將各處里正緝扒打責限  
陪比破家蕩產終不能足幸蒙上司體察將  
里正人等發下所屬州縣乃得跡放立案擬  
于糧內帶征若今歲秋糧之時果于里正名  
下追征其里正百孔千瘡奚暇再剝其肉以  
補于茲必着落原佃之人一同部內上下交



征決致失所况連年兵革擾攘差科繁重里  
正人等俱各消乏誠不能以一歲之所收辦  
兩年之租賦縱使捶楚之下求而得之甚非  
國家愛民之意亦非諸大臣恤民之政也如  
蒙言諸省府移文郡邑收寬免征庶使里正  
之家免于破蕩力田之衆不致逋逃非惟今  
歲秋糧易于辦集而亦免下歲荒廢其田矣  
除此民瘼斯民幸甚

一抑豪強

貧富不等借貸有之舊制民間私債月息三  
分年月雖多不過一本一利而已誠良法也  
近年以來其官豪富強之家乘人之急取利  
過倍少有逋欠凌虐百端或于借貸之時勒  
令併利作本虛立文約明取三分寔收過倍  
之數或有還欠利息倒換文憑利上生利或  
寬收窄放更易斗斛或左右邀求減尅分例  
其舉逋還債之人阨于窮苦吞聲忍氣噤不  
敢語良為可閔上年幸而官府知之出榜禁



約但久弊不能頓除如蒙申明舊制定立罪名嚴加禁治庶使推豪嗜利之徒畏懼憲刑毋蹈前非抑強扶弱公道幸甚

一積軍儲

為國之要足食足兵然兵固不可無食而用也但頻年水滂歲無全收如無錫常熟等處殘破之餘田地拋荒租糧減數今國家軍儲之用常恐不敷况凡有賞勞俱用米粟動以數百千石為無益之費至于青黃不接軍人

有缺食之憂百姓有借糧之患竊嘗觀之有司採辦米如珠璣濫賞贏餘粟如塵土此理曉然人所共見今後宜從省府移文稟知太尉遇有功賞按公斟酌或加以多爵之榮或犒之金銀等物樽節米糧以備飢荒如此則倉廩之積日增月羨漕運可供軍儲可給而民無和糴預借之患矣多積軍儲公私便益一增俸祿

張官置吏本以治民黜陟幽明欲其稱職然



必須俸祿足以養廉然後考其臧否而黜陟之庶可使之無憾矣今府州司縣之職最為繁難大小官吏之俸類皆鮮少仰事俯育寧免索心洗手奉公誠不易得其間以貪污黜罷者固不足惜而清貧廉介祿不償勞者上之人當軫念之如蒙建言本省告之太尉以官吏俸給之數酌古準今量加增益如此則居官者可以絕墨貪之心而百姓無侵漁之患矣傳曰忠信重祿所以勸士俸祿之增公

道幸甚

賀僕知府到任啓

騎竹羣童爭先遠近杖藜一老敢常談或可進比乎芻蕘庶無棄于管蒯嘗謂州縣作民父母詩書為世範模必須酌古準今乃能承流宣化蟠根錯節毋令挫利器之鋒流水高山正欲奏朱絃之曲夫御吏治民之要惟正已格物為先吏或好欺民多疾苦但鄉無叫囂藎突之吏則田無太息愁恨之民照日月于覆盆轟雷建于



蟄戶寬猛相濟恩威並行省刑剔致于無刑聽  
訟當期于無訟魯中年之雅化官主司徒黃頴  
川之循良薦為丞相苟有為于今日亦何異于  
古人恭惟。官屢世簪纓一門科第金甌琳琅  
之文采玉壺冰露之襟懷花縣相傳諒仁聲于  
荒服蒲鞭不用布德澤于疲氓下車經一月之  
間比屋皆二天之喜皞、乎不可尚恢、乎其  
有餘鷓鴣之巢一枝本非素志鳳凰之翔千里  
方進修程跂予望之自此升矣。素嘗仰斗近

獲披雲過蒙禮貌謙、喜聽政聲籍、菀寒有  
賴獻曝何慚三十年黃河一清坐待太平之日  
九萬里搏風直上佇看大用之秋有猷有為善  
頌善禱



龜巢彙卷之十六

六

龜巢彙卷之十六終

國家圖書館, NATIONAL CENTRAL LIBRARY, TAIWAN, R.O.C





龜巢彙卷之十七

啓

蕭答張納聘啓

松堅晚節梅占春魁恭惟○官起居有常動靜  
多福○幸扳華閣獲締孚盟敬憑一紙之書用  
効七襄之報祗詞申燕且嚴鱗甲更奠順平之  
序加調甘旨之羞予日望之自此升矣。出使  
展埋輪之志閱閱殊高封侯由給餉之功源流  
已遠幸二姓之合好占八世之莫京令任精習





讀書拾芥之功名必取孫女粗勤織紉采蘋之法度能循荷葑菲之不遺俾葭莩之有倚茲承奠雁喜近乘龍第慚奩具之蕭條莫稱洞房之張設幣帛筐篚之厚意拜而受之男女家室之大倫永為好也

答請期啓

合歡尋月老之盟將偕鴛偶涓吉訂星翁之曆乃遣魚書既承黃絹之好辭敢謂綠窻之難嫁曰迎鷹于桃李春風之日尚許從容欲奠雁于

松栢歲寒之時何勞鄭重蓋篤婚姻之好惟崇道義之文迨其吉迨其今敬聞命矣宜其家宜其室適我願兮

賀關信卿生日壽八十三月初一日生

生申令辰二月後初文三月比彭高壽十分中纔是一分子孫克肖而俱賢歲月方來而未艾敬將薄禮仰祝修齡非能非羅夢必形于西伯如岡如阜壽將比于南山申賀率然丙融幸甚

張回鄒定姻三幅啓



綠野春明畫堂日永。官百靈交相多福駢臻。  
遙望隣封近通姻譜。仰辱問名之禮敬酌交  
好之書心馳燕居首陳魚素敢異對乳燕青春  
之景而加調紫駝翠釜之珍愛助一枕勤倦三  
祝。昔南軒以道鄉可愛曾為跋甘泉之銘今  
東泊與時干相聞且喜接隣封之境惟先世斯  
文舊契宜後人此日新姻令嗣筆艷春葩力勤  
儒業任女燈明夜績志在女紅幸有良媒乃成  
佳偶採下體葑菲之外將厚意筐篚之間受言

藏之永為好也投我以桃報之以李正三春虎  
李之時丈夫有室女子有家乃百歲室家之願  
有懷依倚無任欣榮

陳彥謙府史滿歸惠錢舜舉畫遣札答賀  
發軔修程十載試蕭曹刀筆還家遠惠一綫遣  
願陸丹青愧予龍鍾失此燕賀想萊子斑衣之  
樂勝買臣畫錦之榮不腆送芹切希笈絜挿菜  
莫遍兄弟子胥樂兮投木桃報瓊瑤我無是也

娶婦拜祖先致語



伏以有夫婦而後有父子大矣人倫故齋戒以告鬼神重乎婚禮幸及時以成家室敢即刻以覲祖宗參酌時宜兼從古制既不忘于報本乃可得而合歡濯、厥靈降藍橋之仙鶴宅洋、如在坐花燭之瑤筵伏願先世垂恩新人蒙福有是父有是子一門天爵之榮宜其室宜其家百世雲孫之盛

合卷致語

竊以禮言合卷自古有之俗曰交盃其來尚矣

于結髮百年之始合開顏一飲之歡孔雀屏中選當年竟成伉儷鴛鴦盃同傾此日豈不歡娛伏願孝順庭幃諧和琴瑟新妝不俗朝、畫張敬之眉敬對如賓日、舉盃光之案詩曰花燭春輝照洞房藍橋仙偶飲瑤漿開花結子三千歲人與蟠桃壽揔長

拜舅姑致語

伏以男女居室之願喜得及時父母舅姑之尊先當行礼敬居敬以行簡乃酌古而準今試看



花燭輝煌何異桃源會聚拜舅姑而及舅姑之  
宗族拜親戚以分親戚之尊卑各致殷勤咸加  
恭敬伏願夫、婦、同心和順于六親子、孫  
孫一氣流傳于百世

趙與蕭聘啓

嘉會合禮尋月老之姻盟內事用柔訂星翁之  
日曆納幣于小春良月之吉御輪于大寒信宿  
之先是用成行必蒙允諾歲月日時無易迨其  
吉兮男女居室大倫永為好也寸芹修敬一粢

為榮

趙與蕭聘啓

蘭陵之蕭衣冠素盛石橋之趙門戶今寒月老  
書其姓名雲孫知為僥倖令孫女鍾禮郝法乃  
天生真淑之姿。男周誥殷盤方日誦聖賢之  
訓彙中牽絲之選時為佩鞶之童數年粗喜其  
長成六禮豈容于缺畧男女之際婚姻之始父  
母之命區、幣帛之將媒灼之言永、室家之  
好



蕭答陶納幣啓

十月小春一年好景恭惟。官起居惟適福祿  
是宜。舊日相知新婚可喜辱子雲之華札効  
星女之報章躬問晏居首陳鱗幅其必對畫閣  
紅爐之景而加調紫駝翠釜之羞善保儒珍早  
登仕版。讀五柳先生之傳何慕清高八葉宰  
相之家俯愧寥落夙昔友一鄉之善婚姻占八  
世之昌令嗣誦讀詩書克修儒業孫女治絲執  
絮方習女工既叶鳳占將成鳶偶辱錦繡之贈

如此之瑤瑤之報奈何受言藏之永為好也兄  
弟子猶子愛芝蘭玉樹之芳父母心為心喜松  
栢女蘿之施

王答鮮于定婚啓

菊存晚節梅近小春恭惟。官森衛百靈起居  
多祿。因親雖結好惟新來書案四六之文  
復狀致再三之敬寅恭上問未竟下忱其必順  
風霜氣候之清而加養玉屑丰神之秀佇看鸚  
薦即奮鵬程 宋相以福星族望殊高晉人以



岩電見稱風流何在詎圖僥倖乃締婚姻令嗣  
能讀父書功名必取孫女勉遵姆教工巧何能  
既赤繩繫足之有緣當舉案齊眉之永好一誠  
相體六禮何繁笑折黃花答今日殷勤之贈寄  
言紅葉他待他年伉儷之諧

張與巢求贅親啓

交情至舊真如鮑叔相知姻事從權欲效秦人  
出贅茲益天作之合亦云時措之宜欲以幣交  
未蒙金諾先此行成于月老便須消吉于星翁

所恃久要毋嫌欲速就爾居就爾宿送劉郎暫  
入天台從如雨從如雲看韓姑終歸蹶里獻芹  
可愧鑿茹為榮

王與巢定婚啓

楓錦裁紅荷衣換綠恭惟官考槃阿澗詒福  
岡陵密邇鄭鄉喜諧齊偶爰發鹿皮之幣敢  
脩魚腹之書上詞履祥初嚴蒙吉對去燕來鴻  
之景進烹龍魚鳳之羞前迓恩榮下無煩禱  
洗耳流水千古高風挂類西山一時佳致雲孫



幸甚月老書之令侄女養在深閨兼隆德容之  
美小孫男出就外傳粗知禮義之方亦云如鳳  
求凰詎謂食魚必鯉問名伊始合好維新男女  
居室大倫願言諧老幣帛筐篚將意幸與包荒  
薄侑寸芹別陳尺楮

王與符定婚啓

風露雙清水天兼淨恭惟。官于時處。降福  
穰。雖馮花封忝居享黨敢奉尺書之敬仰  
干文席之尊既諏首昂有嚴簡書當挂子餘香

之秋得棟蓼之樂請藉月令善保天和。樂施  
恩多尚書令遺風可仰太平榮在文中子正學  
誰過攀闕闕之高乃合婚姻之好令侄女閨室  
毓秀粹然四德兼全侄孫燈火相習勉尔一經  
粗曉所幸中東床坦腹之選豈非藉赤繩繫足  
之緣問名通魚腹書將意遣鹿皮鞋薄乎云爾  
歸斯受之夫婦有室父母心信前言之不謬婚  
娶論財夷虜道知道誼之不然相輝

請期啓



婚姻無六禮之繁寔欽高誼唯諾若干金之重  
足見真情行成既託于冰言消吉乃稽于星曆  
擬三月中旬之始合百年佳偶之歡想周南梅  
標有詩看陳村杏花堪畫得及時也適我願兮  
承顏當合盃之期敢云燕喜將意表折梅之敬  
尚冀包荒欣忭有餘敷陳罔既

王聘巢啓

男女擇德聖賢之訓昭然婚姻以時父母之心  
同爾願言合好庶免愆期令女四德兼全天生

淑質小孫一丁粗識日習遺經念厥祖之暮年  
宜此孫之早娶幸蒙金諾恩賜玉成敢將奠雁  
之儀就訂迎高之約後觴九日星在戶星在天  
御輪三周從如雲從如雨

請巢氏父母送高二首

男室女家喜畢大倫之事山椒野蕪可無小酌  
之歡敢望高車肯過衡宇相邀愧泥濘勿辭送  
仙子乘鷹高誼薄雲天所願得嘉賓式燕 許  
年聞林下之風喜成姻婭後夜聽鐙前之雨願



叙團圓仰屈魚軒寵臨蝸居之子宜家宜室必  
加敬戒之辭騎從如雲如雨將見爛盈之美

請符氏父母送馮二首

居室大倫喜佳期之在適婚姻良會宜此夕之  
為歡掃羅雀門迎衛馮從烹葵邀上客甚有愧  
于荒涼隨柳過前川必不辭于光賁 嫁織女  
于河西依稀渡鵲降姮娥于月下縹緲乘馮豉  
予望之竊有請也燕爾如兄如弟適當姻札之  
初象服如山如河快覩母儀之盛

蕭聘張啓

張良為功臣與蕭何同稱人傑張禹有愛女嫁  
蕭咸而得 既兩家先世如斯宜百世姻聯  
于此令愛毓閨房之秀能采蘋蘩小任當門戶  
之勞頗知稼穡僥倖中牽絲妙選因循欠納幣  
常儀欲調羹以奉慈幃奈乏人以主中饋禮慚  
遲慢事幸速成雖無雙璧之將已拜百金之諾  
今日聘明日娶即迎馮從之歸五世昌八世京  
永叶鳳占之吉



侄娶請親翁啓

吾弟惟一息幸畢婚姻女子願有家必蒙往送  
望公車騎光我堦庭挹丹桂之香風玩清秋之  
明月花燭洞房之喜相與欣々竹林步兵之遺  
不妨衮々

張答鄒請上客啓

兩小無嫌蒙養喜成夫婦一尊重與太平宜會  
婚姻伏辱寵招本當趨赴藉手之荆釵之飾何  
顏覩花燭之輝男有室女有家且遂齊眉之願

膏我車秣我馬別圖會面之期

童婚三載喜合盃之有期王母肆筵辱貽書之  
見名唯慚蓮鬢合拜蘭姿奈老態之龍鍾久無  
心于燕樂梨花夜月對繡佛以長齋花燭春風  
想金屏而多喜

代王孟學答張希良賀乃父置妾劄子

一婢赤脚家君每謂包羞雙魚素 乃蒙

言賀適逢早出難擬暮歸借開三印之封景見  
八珍之貺本無稟命合用繳回奈雨淋滂沱之



未休恐星使往來之多累弗辭躡等遂用拜嘉  
今日目前甚愧瑯瑤之匪報他時膝下當言珠  
璧之暗投

賀置壽器劄子

鼎新壽器比銀鏤之黃腸珍重安居喜玉板之  
無汗惟賢達預謀身後宜歡娛益享目前是用  
送芹敢希笈粢賦詩自輓君應有陶令佳章荷  
鍾相隨誰不慕劉伶高見

王文甫嘗卧疾諸親友探問醫禱礼意甚

勤疾愈欲置酒叙謝未遑也至是設盛  
席招之凡十有七人各書以請

請蕭岩桂

歌偈仄行念隣民之久別作真率會慕前輩之  
遺風擬茲廿一日清晨舉我二三年缺典踏雪  
沽酒敲冰煮茶思向來采薪之憂難得此盞簪  
之喜白髮三千丈相看若圖畫之奇金釵十二  
行但愧欠笙歌之盛

請蕭舜卿



曩歲負薪之憂屢厪存問今日折梅之信敢有  
相期卜大寒一日之先作小酌三盃之款願陪  
談笑併扶持奴白飯馬青芻聊盡少陵之意膾  
金薤美玉糝真如坡老之詩謝

請吳雲從

讀床頭易屢蒙存問冰廬稱飲中仙每羨隱居  
雪壑斗酒將謀于小席尺書預奉以邀待冀  
英四葉之新如蟠桃一花之會志於道據於德  
勿云冠佩之殊和其光同其塵聊共壺觴之樂

請趙師呂

往年問疾屢荷殷勤晚景安居寧忘感激開小  
閣會數人之客至大寒先一日之期沽酒謝玉  
川先生下榻待南州高士折梅逢驛使寄信報  
幽谷之春看竹到家貧母吝踏前村之雪

請姜紫霞

向來問病曾勞得相過老去投閑願聆玄  
高論將杜酒一盃之舉待堯奠四莢之新亟掃  
蝸居祇迎鶴駕陶陸同社幸無麴蘖之嫌孔李



通家況在葭莩之末

請張伯啓

曩辱問平安之竹念我顛危迺來對索笑之梅  
思君契濶速客先大寒一日呼兒辦小酌三杯  
敢用生邀幸無他却頗嘗見此客不談塵風生  
願安所得酒乎隣酤踏雪

請陳嘉會

往日負膏肓之疾多荷扶持連年懷肺腑之親  
無由會集當此嘉平之月適為閒暇之時敢謀

廿一日泥飯之歡何異三千年河清之會竊願  
有請惠然肯來摘我園中蔬盤 初無異品為  
此席上客襟懷皆喜相知

請月仲承

昔擁衾聞鬪螿之聲曾勞下問今對酒如長鯨  
之吸願與高談擬大寒一日之先望清早羣賢  
之集螿浮仍螿聊索笑于梅花騎氣如虹必增  
輝蓬華

請蕭定卿



故舊不棄曩勞問疾于吾廬潦倒餘生合罄謝  
言于姻黨在嘉平後旬而先一日擬延留上客  
以共三盃酌言酬之竊有請也有客過茅宇翼  
然空谷之音携酒遊芝山乘此刻溪之興

請陳君惠

人生幾何汨、塵勞之事歲聿云莫區、假飲  
之謀待堯階換四莢之莫望慶亭來五花之馬  
爐煨芋栗瓮瀉茅柴一簞食一豆羹聊奉笑談  
之樂三握髮三吐哺豈辭迎肅之勞

請翁深甫

疾病相扶持常懷往事故舊則不棄可無謝言  
敢于後甲三日之期聊為知己一杯之飲願竊  
有請賁然來思瞻彼牛臺却騎攬瑤之轡過茲  
蝸舍長鯨吸藥玉之缸金

請姜用佐

有患有身曾荷扶持之賜相親相近豈忘感佩  
之情欲謝殷勤久成稽緩廿一日專邀大施三  
五杯聊奉清談地壚煨酒煖如湯仍浮膾味金



城土酥淨如練試簇春盤

請周華甫

卧病三載之先曾勞請禱話舊片時之款屢欲  
邀迎奈何日出事生至如此江空歲晚先大寒  
之一日集佳客之數人對月歌竹枝當盡留連  
之意搏拳握松子願陪少俊之歡

請陳君傑

饋藥感康子之意懷不盡忘置醴敬穆生之賢  
願竊有請大寒之前一日小席之飲片時誦陋

室銘望高軒過灰香芋栗菲然盤釘之微人立  
梅花忘却緼袍之冷

請張從傑

有患有身往歲幾成枯朽是父是子當時多荷  
扶持奈相逢傾蓋為難遂久失舉杯稱謝先大  
寒之一夕請小酌之三盃田家拊缶之歌鳴、  
共發故人綈袍之意慙、相看

請陳仲祥

曩歲負薪之憂疊承書問今日折梅之信專用



邀迎先一日于大寒會諸賓于小席煩君騎從  
過我蝸居觥籌衆賓之歡聊復爾耳綈袍故人  
之意何日忘之

請陳伯將

老無能為每有索居之嘆歲聿云莫可無良會  
之歡先大寒一日之期辦小酌三盃之款願竊  
有請惠然肯來注玉傾銀笈田家之老瓦搖金  
織翠邀才子之高軒

賀符君彥遇

恩劄子

平地風波偶罹人禍覆盆日月喜獲天恩惟正  
直荷天之休使橫逆如水之釋。有懷燕賀無  
奈龍鍾將敢芹曝之儀少助竹林之宴叫囂東  
西隳突南北笈前時悍吏之來觥籌文錯起坐  
喧譁想今日醉翁之樂

王與金定烟三幅啓

起居

四月惟夏南風之薰恭唯。官  
多福。素聞華胄新締尊盟敢于六禮之初輒  
上一箋之敬。寅恭事上申敬如前所異順清



和之時而加調甘旨之饌行膺之檢即上蒲輪  
。猗侯珥貂之孫猶能世顯葉令飛鳧之駕豈  
乏家傳媒灼殷勤婚姻繾綣令孫天生淑質兼  
全四德之稱小孫日誦陳編方盡三餘之力得  
佳偶之諧若此為大父之樂何如禮宜問名幣  
以將意玉郎嬌客勿戲嘲東坡之詩金縷繡襦  
想富若樂天之語

新親賀冬至劄子

鳳鳴占八世之昌婚姻締好犧畫見一陽之後

時序更新循乃常儀賀茲佳節恭惟。官道隨  
陽長德與年高烟。然若清水英標拔俗温  
乎如愛日秋氣接人方沾賜帛之恩將見安車  
之召。傾心仰斗轉眼書雲寄殷勤聊折梅花  
諧佐儂將尋瓜葛日迎修晷喜添紅線之工月  
闋來春擬講青廬之禮

新親賀七夕劄子

瓜果庭前望鵲橋之仙偶芙蓉江上尋鴛侶之  
嘉盟因景物以興懷具礼文而修好恭惟。官



黃山毓秀綠野居間立志清高欲追蹤于巢父  
無心机巧豈邀福于天孫其初延露浥之餘必  
遠名天書之至。謀身甚拙曠腹無書卜兒曹  
鸞鏡之圓看子蛛絲之喜獻芹可愧笑繁為  
榮華屋神仙想穿鍼于良夜洞房花燭宜合昏  
于明年

月老檢書久定婚姻之約天孫分巧豈無兒女  
之情敢循彝儀以賀佳節恭惟。官令名揭日  
壯氣橫秋縹緲十二樓正宜阮亭之錦拍塞

五千卷又兼晒隆腹之書舉頭暗銀漢祥光拭  
目進青雲高步。俛慚蹇拙仰慕清高以瓜果  
之時羞問梧桐之秋信薄乎云爾歸斯受之當  
此時占喜蛛絲擬來歲往迎鳶從机杼織作母  
勞嗟草堂之詩黼黻文章但願遂柳州之禱

新親賀端午劄子

訂月下書幸締朱陳之好賀天中節合循荆楚  
之風景物來前禮文敢後恭惟。官身其蕭爽  
居則清高月旦有評比南州之高士日長無事



卧北窓之清風九節蒲聊用引年三年艾殊堪  
濟世獨醒咸羨多福曷來一舉目葵榴馳情瓜  
葛雖所獻非雪羅風葛或可留付霧閣雲窓星  
起居雷同問訊角黍達昌歎遙知盡華燭之  
歡鬼絲階女蘿續當有佳期之約

納采道日劄子

伐柯以斧言當納采之時差穀有書喜得用柔  
之日雖居敬以簡亦酌古而準今待季更六英  
之奠效野老獻一片之禮伏祈無責必賜色菘

鶯語丁寧報金谷東風之信寫妝次第看玉臺  
明鏡之圓 行春

問名道日劄子

月老檢書幸自天而作合星翁視曆敢擇日以  
尋盟後中秋八日之期結佳偶百年之好窈有  
請也能無從乎獻芹效聊野人題葉試看流水  
男女之際婚姻之始礼合盡于殷勤父母之命  
媒妁之言願早諧于伉儷

袁與陸三幅啓



綠野春明畫堂晝永恭惟。官考槃在澗增福  
如川。春在舊交喜成新好敬致鹿皮之幣敢  
陳魚腹之書。躬問燕居首陳魚素尚冀對朱  
雀烏衣之景更加調紫駝翠釜之珍引養引恬  
善頌善禱。累世傳象山之學共仰高風無人  
問牛渚之舟有漸明月鳳占既叶篤偶期諧令  
愛毓秀閨房生乃全于四德小兒服勤門戶學  
則悞于三餘荷葑菲之不遺俾絲蘿之為好薄  
言納采厚望色荒春水桃花江上遣長須 鯉

秋風桂子月中迎仙女乘鳶

鄉與陸聘啓

甫里世居門望偉鬱林之右道鄉家學師傳本  
伊洛之源藉冰語以聯姻寔雲初其多幸丁寧  
鶯語催促鳶敕令愛夙奉母儀禮已嫻于內則  
愚男勉承父訓書頗讀于中庸願惟在飄泊之  
餘願早遂團圓之樂六禮之文雖簡雙親之意  
寔殷厯奠色荒毋嫌欲速迨今迨吉當歌梅標  
之詩宜室宜家喜對桃花之景送芹可愧笈案



為榮

新親賀冬至劄子

八世莫京幸陰陽鳳占之吉七日來復喜陽生  
犧畫之初婚姻方重于交歡節序合先于稱賀  
禮雖效芹羹之獻物乃如葭灰之輕餘皆削去  
繁文昔已感承嘉命既書雲物便約星期香閣  
日長看刺綉新添之綫梅欄春早遣過門親迎  
之車

朱答李取男帖贅姻劄子

揆辰珠滴檐花翠搖門柳恭惟○官考槃其  
在阿在澗介福則如岡如陵○依仁居鄭公之  
鄉枌榆甚近贅子效秦人之俗瓜葛維新荷不  
鄙西家之愚乃獲中東床之選首蒙厚礼爰締  
嘉盟月下老既辱來前春帖子謹當納上題詩  
桐葉足知流水之多情寄語桃花將續仙源之  
盛事○伏望翠蓬新眷戩穀日增倘有委令星  
母各放曉

社舉聘章



用黨庠術序之良規學開鄉社求蒙養聖功之  
成效職在師儒賴琴堂為擇範模使編戶得從  
規矩文風聿盛化雨俱霑恭惟官學有淵源  
眼空淮海一斑窺見早遊風紀之詞千仞翱翔  
遠避烟塵之境適張公為江海之客知伯牙有  
山水之音將欲修鶚薦之書先請坐臯比之席  
姑鳴教鐸以俟徵車願雲龍以相隨觀星鳳  
而為快敬將聘幣亟往招旌設絳帳于張林采  
青衿于鄭校與潔與進勿謂五御難與之言于

勤于思即若國子先生之誨

代朱弘道請張子安昆仲啓

別多會少居常諷咏于停雲時和歲豐欲聚笑  
談于終日邀上客一盃之款在中秋三日之先  
舉匏樽丹桂花前候蘭棹白蘋洲畔難兄難弟  
必能與吾弟偕行明月明年更約似今年同賞  
臨書率爾望賜惠然

親家賀冬至劄子

新婚交締占八世之莫京寒暑荐更喜一陽之



來復佳期在邇候問宜先恭惟。官韞玉儒林  
濯纓芳浦高標絕俗烟若清水和氣接人温如  
愛日益鍾以湖山之秀而得夫詩礼之傳棠棣  
聯輝才華益著書雲紀事生評魯史之詳賦雪  
成名行赴梁園之台。弟兄舊愛兒女新歡春  
言尋合好之盟微礼作踐更之慶念因親致親  
者以矣視居簡行簡而恕之葭灰飛緹室之時  
且酌佳節花燭盟洞房之夕姑待初春謹此申  
聞伏希丙在

新婿整容致語

昔年占鳳皆云家世之昌今日乘龍果見門闈  
之喜繼桃源之盛事留花燭之良宵魚水文歡  
燕雀相賀。人胸藏錦繡口吐珠璣種玉有緣  
聘婦投其雙璧羸金既富傳家兼以一經將畫  
他張敞之眉先整我潘安之貌秋水為神玉為  
骨人謂無雙芙蓉如面柳如眉天生一對敢陳  
蕪語用讚華姻詩曰一隻新偶錦鴛鴦百歲和  
諧翠鳳凰最喜天姿如傳粉不須湯餅試何郎



伏願結髮惟新齊眉永好夫、婦、常調琴瑟  
之音子、孫、克紹箕裘之業

新婦整容致語

天孫配鵲橋之仙相依銀漢秦女得鳳簫之偶  
並樂瑤臺蓋居室人之大倫而婚姻世之重禮  
既諧鳳卜宜趣寫臺、人珠箔銀屏綉襦金縷  
梅花點額作壽陽宮樣之奇桃葉宜人有周南  
國風之美眼橫秋水眉斂春山香閣移步、金  
蓮合卷出纖、玉笋不施脂粉本來如月裡姮

娥若論清真尤勝似人間西子欣逢好合敢頌  
與言詩曰媒灼殷勤不負人花燭 照洞房春  
紅綠隔幔牽情合羅帶同心結好新伏願夫倡  
婦隨天長地久五男二女享盛福于高堂四德  
三從著香名于彤管

新親遣使請上客致語

兩姓為婚永結朱陳之好千里命駕當如稽呂  
之交持來雙鯉之書請送乘鸞之女柳筵盛設  
花燭邀迎、官喬木世家耆英人物美矣育閨



中秀愛之如掌上珍綉褥金屏李監宅門闌之  
喜瑤簪珠履孟嘗君賓客之多既當年擇對東  
床宜此日送行南浦金勒馬嘶芳草樓船燕簇  
飛花明月隨人滿路春風從如雲從如雨之子  
于歸星在天星在戶嘉賓式燕

請期劄子

曩中雀屏孫謀以為幸事今觀鳳曆親迎而有  
良辰越流觴三日之期請合卷百年之好燈花  
有約梅標及時投以李投以桃用請期之常禮

宜其家宜其室締諧老之佳盟專此申聞諒惟  
丙在

請男上客

五日季春兩家合好烹葵邀上客因舊親以結  
新親杖藜立芳洲望早酌而娛晚酌

請女上客

袂褰三日婚姻百年織女渡銀河鵲橋催諧星  
偶王母會瑤池燕衍早駕雲車

李回徐再婚聘啓



因親致親之好從古流傳舊婿新婿之詩正宜  
重詠魚腹聿來其書尺鳶膠將用以續絃令佳  
醫緩齊名以聰明旁通儒術小女姊娒同氣乃  
殷勤粗習女工齊眉之案雖新坦腹之床不易  
自天作合如月仍圓琴瑟鐘鼓之樂故多幣帛  
筐篚之將何勝前日受今日受不妨聘禮之  
舊雨來今雨來重見迺輸之喜回芹菲薄副楮  
條之

答請期劄子

婚姻憑月老之言幸成佳偶聘娶考星翁之曆  
喜有良辰催花而正此連綿五朵雲遽然飛墮  
敬聞命矣迨其吉兮男女居室大倫古今所重  
歲月日時無易

答納幣三幅啓

花朝餘景桃雨方晴恭惟。官天相間居日膺  
盛福。借板華閱幸締享盟輒回魚尺之書專  
問燕居之敬。祇詞燕申已嚴魚甲尚冀對芳  
菲之景而加調甘旨之羞善保安閑式副頌禱



。一舍相望皆住鶴溪之許二姓合好永諧魚  
水之歡載笈載言迨今迨吉。人案頭燈火殷  
勤黃卷之間而。女針黹衣裳寂寞綠窓之下  
荷不遺于葑菲斯可擬于松蘿納幣今朝結褵  
有日桃花灼。喜婚姻如此其宜瓜瓞綿。看  
嗣續將來之盛回儀菲薄副刻條之

納幣啓 張知府子聘盧推官女

文武才之並稱夙欽華胄齊魯論之兼誦甚愧  
微宗知心本出于同鄉愛子乃求其佳偶鄰封

伊邇姻好維新令愛四德俱全自是閨房之秀  
長男一經粗習尚須燈火之工雀屏幸中于前  
時雁幣宜陳于此日星翁涓吉月老行成承筐  
之意既將合卷之期可待鉄瓮城山花夾道似  
入桃源金斗門官柳長街將迎高從寸芹菲甚  
副楮條之

賀娶弟婦劄子

令弟號河東之鳳生有奇材仙娥乘月之寫下  
來為佳偶禮成合卷喜溢連枝想洞房花燭以



歡娛送野老芹羹而慶賀墳麈交作一家藹和  
氣之春琴瑟和鳴百歲永齊眉之好薄言申控  
厚望丙融

兄督厥家重乃友于之義弟宜其室合茲宴尔  
之歡鳳卜有靈鴛原多喜人胸襟量濶洪如  
萬頃之波手足情親常共對床之雨稱二難于  
月旦行六禮于婚姻忝在尊親敬將芹獻想  
鴻雁之行有喜受燕雀之賀無嫌翠舞珠歌花  
燭夜惟諧伉儷金昆王季桃源洞盛集神仙倪

述蕪詞仰希藻鑒

納婿請上客

得賢婿美如玉潤樂與同居慕親翁文有金穀  
願陪清話高軒寵過陋室增輝

請親眷送婿

女挿荆釵幸致東床之婿客來茅宇毋嫌南阮  
之貧傾蓋有期執盃專候

又

得婿如桃源之樂琴瑟和鳴邀賓共花燭之光



樽卮小酌式相好矣請無却之  
瑣之姻納婿欲團團親之長來賓誠為光  
飾再三申敬千萬寵臨叙

祖為孫娶請親家狀

抱孫至有室之年寔為僥倖送女見宜家之好  
共樂園圍花燭將迎慈裾寵賁

祖母娶孫婦請親家母狀

孫娶而倚門龍鍾亦笑女行而結悅焉從將臨  
願覩蘭姿請移蓮步

萬答蔣問名三幅啓

天將嚴肅月乃嘉平恭惟官台侯動止多福  
文蒙舊愛姻締新盟承書案駢麗之文荅簡  
致殷勤之意。前陳侯問上徹覽觀尚加調紫  
駝翠釜之珍以安處畫閣紅爐之樂蒲輪有召  
梓里增榮。山隨蔣姓大宗久著于圖經庄用  
萬名先世亦稱于鄉國荷天相平居而文契宜  
冰人相語以聯姻令孫誦詩讀書承祖風之淳  
謹小女治絲執紼遵姆訓之工勤吉悅鳳占喜



成寫偶擇德之初心既遂問名之異禮何多受  
言藏之永為好也竹開三徑相望如倚玉之榮  
梅贈一枝聊仰作報瑀之敬

請新親家翁狀

愛女甚于男人皆羨安昌之比見我有此客否  
孰云文之榮請式宴以文歡望御寫而光賁

請新親家母狀

降月之姮娥佳期在邇宴瑤池之王母良會府  
維新立候蓬門望移蓮步

謝免糧表

兩浙奉蠲租之詔恩意天寬羣黎懷結草之心  
歡聲雷動瞻斯民而得此寔亘古而無之欽惟  
○○○德合乾坤明同日月生知安行之聖  
巍：成功以博施濟眾之心洋：育物干戈既  
戢禮樂聿新普天率土慶以來歸甘露卿雲  
其呈瑞臣。等叨居劇幸遇明時遙瞻丹闕  
之光仰效華封之祝一曰壽二曰富龜疇之景  
福無疆千斯倉萬斯箱農晦之豐年多慶由



中宮箋

德配一人聖政有內庭之助恩霑兩浙公租免  
編戶之征臣庶均歡古今希遇欽惟。○。○。  
禱衣合則垂懿範于宮闈彤管紀功示母儀于  
邦國厚同坤載壽與天齊臣出守微邦恩蒙大  
幸家給人足喜閱睢麟趾之化行時和歲豐侯  
龍馬龜圖之瑞出

東宮箋

主器參萬幾之政日用三朝綸音蠲兩浙之租

恩沾庶姓欽惟。○。○。震長居儲離明協照  
星辰河岳煌々氣象之新車服旌旗奕々威儀  
之盛夷夏咸悅春秋鼎來臣等藩守至微輿告  
上謝農餘粟女餘布樂謳歌朝覲之歸書同文  
行同倫統侯甸要荒之服

聖節賀表

皇天錫羨篤生聖哲之姿化日舒長馴致雍熙  
之治春秋鼎盛夷夏咸歡欽惟。○。○。德配  
二儀量包六合立綱陳紀同天下之車書偃武



修文舞階前之干羽蠲租賦以紓為民者之力  
增俸祿以養為官者之廉庶績其凝彝倫攸叙  
臣等叨居郡守阻列朝班黎獻為帝臣粵有唐  
萬邦之眾壽富多男子敢效華封人三祝之誠

千秋節賀表

誕彌厥月先重陽五日之期時又惟天繼洪祚  
萬年之眾永隆邦邦本大愜輿情欽惟。。  
。以孝以仁惟明惟允鶴駕雞鳴而問安龍行  
虎步于太平乾坤篤祐丕承寶緒益衍瑤圖臣

等微若草茅誠同葵藿望神樞之電繞壽祝儲  
宮願化國之日長恩霑寰宇

冬至表

龍飛御九日之師尊居丹扆犧畫驗一陽之復  
律應黃鍾愛日舒長普天蒙慶欽惟。。  
乾坤合德日月同明度越古今同武功而平四  
海制作禮樂敷文德以教兆民當亞歲之令辰  
納應時之洪福臣等恭居小邑阻賀大廷干羽  
兩階想天顏之有喜衣裳萬國仰雲日之餘情



中宮箋

陽生歲瑄天時妙幹于玄机惟藹椒闈日晷新  
添于紅線掖庭和樂寰宇清寧欽惟。○○○  
壽與天齊德同坤厚萬乘至尊之賓敬雅重禕  
衣六宮內則之教修尚勤玄統再逢令節孟介  
繁禧臣等微若草茅誠同葵藿履長今日宮中  
奏式燕之娛習美成風天下賴闕睢之化

東宮箋

七日來復陽生緹室之灰八表依歸位鎮東宮

之以欣逢令旦茂輯嘉禧欽惟。○○○天生  
聰明日新成德能仰承于聖訓用參贊其皇猷  
眎金鏡以納忠義崇風紀奉玉卮而上壽恩重  
天倫邦本益隆輿情允愜臣等叨居下邑賀語  
前陳夙興視膳而問安更有書雲之喜賢佐保  
躬而傳道尚論愛日之誠

正旦表

普天率土幅員歸一統之初獻歲發春正朔屆  
三朝之始時調玉燭喜溢瑤墀欽惟。○○○



聖德乾剛神功震赫蕩。乎如天之大人所難  
名昭。乎如日之升物無不照履始和之吉月  
嚮洪福之萬年臣等忝收邑民阻趨廷賀鳳曆  
頒春于天下化及華夷獻樽置酒于殿南前樂  
聞忠謹

中宮箋

四時成歲落蓬泰道之春亨萬物資生寔仰坤  
儀之盛春回寰宇歡諧掖庭欽惟。位  
正禕衣功盛玄統風教天下闕睢正始之音朝

夕宮中卷耳求賢之志履端有喜介福宜多臣  
領邑羈縻望闕稱賀紫宸配德新年布澤如春  
彤管流芳億壽與天同載

東宮箋

正月之吉始和輿情共悅維天之命不已嗣服  
益隆春藹青宮祚延蒼籙欽惟。長為  
主器允應貞符親傳精一之心淵源聖學叅決  
萬幾之政黼黻皇猷迎新茂對于良辰端本繼  
承其大業臣等叨居縣邑阻賀宮庭鳳曆頒春




大地之羣生有喜龍樓問寢齊天之洪福俱增

龜巢彙卷之十七終



國家圖書館, NATIONAL CENTRAL LIBRARY, TAIWAN, R.O.C.






龜巢藁卷之十八

題跋 說 雜體

題陳松居所書昌黎詩後

僕早歲誦符讀書城南詩嘉韓公教子如此其切意其子必樂有賢父之教而成學及以他書考之符也果能登長慶進士第斯亦可謂不負其親矣然而為集賢校理乃有誤改金銀之繆改金根車噫是豈以擢第之後遂弗究于學歟今觀松居先生筆韓公之詩以示其子先





心即韓公之心也為之子者得不以公之心為  
心乎仲野今學優而仕方且以學軒署燕居之  
所懃焉懇焉佩服父訓為學不厭夫如是  
視韓公之子有間矣昔人有言顏何人哉希之  
則是况希韓乎僕雖老尚刮目以俟時洪武五  
年二月初吉毘陵謝書

題太乙真人圖

按韓子蒼之詩曰太乙真人蓮葉舟又曰龍眠  
畫手老入神此蓋題李伯時畫也所謂真人者

姓名氏代考之列仙傳等書無之不知其果何  
如人然以蓮為舟偃然高卧風神蕭洒非有幻  
化之術能真蛻骨而仙者疇能若是乎是圖摹  
之妙較之龍眠筆法人無間然其必善學而得  
其神乎神仙有無姑置勿論夫君子玩物以適  
情耳當此金草擾攘之餘人皆埋頭塵坌欲超  
然物外之遊而不可得覽是圖者當心融神會  
與博望之槎琴高之鯉金仙氏之浮杯踏蘆者  
同適其適不止論形似而已宗礼求予言俾題



其卷云：

書歷代蒙求後

世俗以千字文為啓蒙之書尚矣然使之識字而已餘何益乎是書亦四言為句便為習讀自義農以來世代盛衰曆數脩短絜然可見授蒙童令熟記而知之豈云小補哉觀者其毋忽焉

年月日龜巢老人題數千載

題子昂竹石

昔文敏公初赴京師過毘陵止宋人東臯先生

家人多求公翰墨後仕于朝往來雪上時先生數從之遊因得公書西凡數幅內竹石一紙公題小詩絕類此卷吁公初以書名于時其西與詩皆本絕妙今此卷備焉有區、未易贅述者持以子家藏舊物皆亡于兵眎今又隔一宇宙捧玩再三不勝慨惜

題敬親樓詩卷後

丹徒陳彥芳既葬其親于別墅構樓以奉先祀扁曰敬親示不忘也夫死者魂氣歸于天形魄



歸于地故廟以安神墓以藏體廟必于家者神  
依于人也今彥芳奉祀別第其有徵于古欤抑  
其心有得于敬親之寔而非矯焉以假其文者  
欤夫目之所視而思從之登斯樓也丘壟在望  
松楸蔚乎其前知吾親之藏于茲也與其族之  
人時而至焉固將羨墻而見之抑是宰也吾親  
之所種樹今則拱焉吾親之所燕遊其遺跡在  
焉彥芳即是以思其親其有不起敬者乎詩曰  
維桑與梓必恭敬止延陵季子曰骨肉歸復于

土魂氣則無不之也彥芳之心其有徵于是欤  
因書以歸之

觀奕圖

世謂觀碁者恒高于當局之士予曰不然顧其  
人智有優劣亦係乎用心之至與未至今觀是  
圖寫對奕者二人其風度閑雅皆若聊尔于奕  
坐而旁觀者一人則注目碁局凝然若精思入  
神或一着可以決勝負而未易語人者熟視其  
狀殆猶陳平患諸呂燕居深念不見陸生入坐



時也吁世之當國者旁求參佐與之策安危計  
成敗亦有用心如觀奕者乎撫卷三嘆因題其  
末庶覽者或有感焉

楊貴妃齒痛圖

玉環瓠犀以荔子而痛、未甚也三郎為環而  
而痛、則甚矣使移是痛以痛天下羣黎之痛  
惡有天寶之亂蜀山之狩乎今觀唐肆所圖不  
痛環之痛而痛三郎之痛抑亦為當時羣黎之  
痛也噫

題山谷香嚴偈圖墨跡

宋高宗學廢于五季至本朝蔡襄等方入格律  
蘇黃米薛各有旨趣然則山谷之書為一代名  
筆豈易得哉

題廩氏家譜

允為譜牒者往、追稱先世勲業之盛世代遠  
邈變革不常茫然絜然有未易考者或乃致遙  
遙華胄之誦君子恥之今觀崑山廩氏子才家  
譜則不然世祖至金紫光祿公為高祖之考然



後旁及羣從至于人所不知之地天其報之如此家譜之作蓋欲後人念祖修德象其賢行其澤非直為觀美也詩曰子孫勿替引之亦予亦誦此為他山之助云

跋許氏臺萊集

予嘗以天之福善禍淫驗諸古今其理未嘗不焯也若曹彬曹翰皆宋重臣以彬之賢屢世榮顯翰肆貪暴子孫飢寒當時史官特並書之以示勸懲豈不信然今觀宜興簿許侯克敬所

示臺萊集譜其族自南唐金紫公居番迄今垂五百年其間擢巍科登膺仕者代不乏人非尋常世祿之家所能及也其從兄德夫為金紫公十六世孫以舊編所紀畧于名爵詳于行義乃重著而脩錄之諸先生之潛德幽光燦然在目然以愚觀之必又有多蓄陰德默契于天者雖子孫有所不知閭里有所不聞國史郡乘有所不能傳載大其相之裕乃後昆所以綿延盛大至于如此不然何世代屢世易而許氏之澤愈



久而愈不泯耶詩曰無念爾祖聿修厥德又曰  
子、孫、勿替引之愚請為克敬誦之以為祝  
規併筆于卷末而歸之時洪武七年夏五之吉  
毘陵謝

跋族葬圖

河南保定趙先生所著族葬圖其說乎本周官  
叅諸衆論尊卑昭穆燦然有倫使觀之者心生  
孝弟亦猶觀老泉氏族譜也如是葬其親以去  
其風水之惑于名教豈小補哉先生諱炳字季

明其經學德望為中州儒宗至元大德間七聘  
方起官至翰林承旨學士平居多著述若四書  
選注等書皆有功斯文愚恐東南之人有未知  
程伯淳者故粗述于圖說之後錢版而傳之詳  
見元史

跋蘇魏公百韵詩後

古蘇魏公百韵詩叙平生出處行事之大節謙  
言為家訓也然字、句、皆足為世模楷豈特  
一家之訓而已哉若考亭朱夫子西山真文公



諸大賢咸有贊述區、後學尚何言欤嘗忝與  
公之裔孫景瞻父遊蒙出是詩警教嘗謂、曰  
名教有餘樂異端戒多紊只此二句有終身行  
之不盡者蓋其服膺祖訓力踐正學卓然不為  
異端邪說之所惑故有是言時、輩知所向慕  
者亦幸賴私淑而加勉焉嗚呼瞻父既歿世亦  
隨變瞻父之子若孫家燬于兵獨珍藏是書出  
入戎馬間三十年與身俱存且能奉庭訓不淫  
老佛亦可謂不負魏公垂訓之意也、重獲覽

觀儼對瞻父晤言敬書此以寓感愴

跋脫時敬叅政手書

字書心畫也能觀其親之心畫而知其志焉斯  
可謂能子矣今觀郵高同守畏吾氏伯堅于兵  
革之餘得乃翁脫公大叅所書錦畫堂記如獲  
重寶愛之敬之不啻若其親之在目其殆著存  
不忘者歟愚嘗論歐陽子之為此記也蓋知韓  
魏公之志在于德被生民功施社稷故以此二  
語為一篇之要大叅筆其文得非志魏公之所



志乎使伯堅灼見其親之志曰德曰功當知勉  
其所以繼之者是則愛敬之心又推之于書字  
翰墨之外能子之道必如是而後盡耳昔者辛  
亥秋公來毘陵適予復忠公墓田築祠立碑公  
為之大喜嘗以祭弔之文示予而往焉時所書  
端謹鄭重視此篇筆意瀟洒神氣飄逸有不同  
者此足見其字學之妙不滯于一偏也於乎落  
月滿屋梁猶疑見顏色況心畫乎想像高風不  
勝起慕敬書此以告伯堅併抒所懷云

書安撫陳公跋先君小像自贊後

昔者狄節使却梁公畫像世固稱之若先代遺  
容遺言如安撫公父子者其後人當瞻視如生  
存敬恭如侍側勉焉企及之雖時有污隆命有  
通塞有不克奮力以續先緒然所以是非  
不避權勢赴人急難如救頭然是皆起懦疾之  
藥石也慎毋以狄公藉口而藐視厥祖如途人  
然詩曰無念爾祖聿修厥德軒冕云乎哉閭閻  
云乎哉今安撫七世孫茂吾婿也出示石刻祖



像併覽贊跋起敬起慕因題其後如此云

跋張氏家譜圖

右番禺張氏家譜圖知常州府事中憲公度做  
毆蘇族譜為之由七世而下瓜瓞延蔓尊卑疏  
戚瞭然在目中憲需予言予于是竊有感焉書  
首九族詩重同姓吾夫子嘗刪定二經垂訓萬  
世其敦本之意至深切矣若夫大小宗之法益  
推廣之後世宗法寢壞世教日衰然天理民彝  
未嘗泯絕東平九世之張江州百口之陳亦代

有之若文正公則能以祖宗之心為心瞻族有  
田疏遠畢給真可謂不負詩書敦本之意今觀  
中憲公追念厥祖留情譜系憐、如此他日恭  
大政得厚祿如文正可為之時以是心為之吾  
知文正公不能專美于昔矣揚子雲曰顏何人  
哉希之則是愚于是亦云

跋呂仲珪孝思卷

夫為人子首或不幸于養生送死之道有未盡  
焉處理之變當從權以事其事豈徒抱終天之



感而已哉今觀崑山呂仲珪氏早歲以父命出  
贅不能奉甘旨後其親旅殯白下去家五百餘  
里又不能春秋省掃以寓哀思服闋數年痛盡  
如昨與人言輒流涕蓋仲珪以孝有不及情不  
能忘如之何而可惟所謂權宜用釋氏荼毘之  
法函骨而歸葬之故土宰有楸梧祠有蘋藻庶  
蒿悽愴常若見之則其親之死猶不死若夫繼  
志述事或出或處樹其業以慰其親則諸士大  
夫頌羨孝思之言斯足徵矣

跋凌克禮父子孝感詩文後

昔聖人以子騫父母昆弟之言而稱其孝蓋人  
之善事親者必先目之口之于同室之人而後  
一鄉一國熟聞而著稱極而至于流芳天下後  
世矣前數年客有過毘陵者說潤卿父子之孝  
吃、不離于口予來婁江婁之人咸譽之既而  
盧兗州子長嬰以趙徵士用晦所贈孝感序併  
諸士大夫歌詩凡若干篇皆本乎其父母昆弟  
之言予然後知潤卿二子長克仁次克禮能整



家輸粟以贖父罪去之日奮不顧數千里危難  
爭先而往行昔趙札兄弟遇暴將腐食之其兄  
孝曰吾體肥可代吾弟若克礼事雖不同其亦  
趙氏之心也欬然或者謂是亦常人所能為予  
故原其心而論之如此豈易得哉今而後凌氏  
五世而居重闈色養曰父曰孝其所以盡其孝  
道者固不止于是也洪武十六年夏五龜巢老  
人謝、跋

跋陳寺丞思愛菴疏

右故寺丞陳公以思愛菴奉先疏請果上人主  
之駢洒精切字畫端勁其為人可知寥寥二百  
餘年為果法嗣者不知凡幾代是菴易名圓通  
蓋亦有年公之疏文幸而無恙今性中師弟子  
知敬重之求士大夫題識予于是竊有感焉宋  
之文憲礼樂盛于漢唐然當時世家如文潞之  
有家廟者絕少以請寺觀為香火院者滔、豈  
礼樂不明流于習俗以致然乎今性中知其文  
當知其心知其心則知所以敬其先世者在是



乎菴仍舊名庶存初意則名正言順而奉先之事終于有成寺丞公之死猶無死也豈徒重其文而已哉

跋岳氏族譜

岳氏為常之望族舊矣予蚤歲過唐門見其第宅相甲乙者數家且聞竹山蔣先生言宋乾德間岳王弟經畧使之孫自九江居由宋而元子姓蕃衍文物之盛拔萃同里比以陵谷變遷奕葉憔悴東之懼譜謀散失嗣而緝之猶老蘇公

譜其族也泉之言曰觀吾譜者孝弟之心當油然而生吾知東之亦以是有望于族人焉或謂昔者狄武襄不後梁公君子躋之是大不然非其後而附之者非也為其後而自外之者尤非也故人苟能以東之心為心由孝弟以行吾仁則民吾同胞四海兄弟無往而非仁矣然則族譜之作豈小補哉時洪武十九年六月既望龜巢老人謝敬跋來泉

跋經訓啓蒙



右經學啓蒙北溪陳先生之所作也先生經學得考亭夫子之傳卓然為一代師表病世之訓蒙者所教靡襍茂養正之功故采摭經傳以三字四句為句緝成韻語以便習讀其書言孝之大原學之旨要使幼學者誠能熟讀而蘊之于心養其德性既長而施諸事業則舉而措之耳嘗避兵東吳得此書三十餘載郡人徐孟容孟曾等見而寶之謂明珠暗投良可惜也用是刊版以廣其傳於乎先生著經訓以教羣蒙蓋

以聖賢之心為心視龐襍之書蘭鮑不同俱化之效久當見之凡為父師者可以慎其擇乎程子曰習與性成聖賢同歸吾于此亦云洪武己巳九月重陽日毘陵老諸生謝一拜手敬跋

### 張孝子傳

張孝子小字阿伴常之無錫人也為兒時父母以歲飢去鄉土流離四方後徙居晉陵之東洲未幾父卒元亦早世家益貧母查氏偃偻不能任婦事中歲復多病常在床席伴傭力黃氏仰



給之黃氏工染色伴因學焉久而遂精其業主  
愛之歲益其值伴身完衣其奉養之具則隨值  
而豐時得一美味必歸遺母、或分飼之則給  
云已食母盡之則喜當暑月每夕則炳蒿艾以  
去室中之蚊拂枕席以安母寢隆冬雨雪爐不  
絕薪夜必煨母于懷如此者二十餘年服勤于  
親殫力于傭未嘗一日廢其事怠其志也母壽  
六十五以天年終伴痛哭九絕先數歲預營葬  
具及歛之日即昇棺歸無錫合葬父茔今墓木

已拱春秋携酒肉省墓必邀至隣里飲食之奉  
拳焉為保全立壟之計平居遇飲食適口猶常  
動風木之悲或哽咽飲泣撤而後已且以親在  
之日仰食黃氏深德之効力愈謹或者常欲倍  
其值募伴不從於乎斯亦可謂義焉耳今鄉人  
特嘉其孝稱為孝子云贊曰以魯騫之賢人親  
笑聖門得學問之力其孝宜矣若伴之微生長  
陋俗目汚凶德耳習評語乃卓然返哺跪乳梟  
獍之羣使遊聖門而學焉安知非曾與騫之徒



欵區、受傭于人又能以力報効久而弗忘吁  
世之朝爵祿而暮叛亡者其人能無愧乎

錢孝女傳

錢孝女者吳郡田家之女也父母喜其婉性順  
納婚與居洪武初兵火歲餘徙家常之三山湖  
服勤婦工兼力農畝捐、共養其親父卒母老  
而病踰兩期腹中有瘕癥號呼痛楚女甚憂苦  
每中夜祀佛顛天拜跪懇禱一夕潛以刃割股  
給其母為他肉熟而進之連年之疾即刻而愈

既而隣里以其母無號痛殺故詢之知其然衆  
皆驚嘆女孃母呂氏為吾隣嘗詰之言其平昔  
細行多不可及久而益勤至不惜其肢體斯亦  
可謂篤孝也欵論曰昔人之孝同于錢氏昌  
黎伯固常非之其言蓋本諸經以毀傷為未善  
也然閭閻匹婦之愚禮教不知一念之誠根于  
方寸通乎神明而孝感昭著如此豈易得哉彼  
薄俗之不顧養者聞錢氏之風亦寧不泚頰  
背愆其心而知悔悟也欵



諸葛郎婦黃氏傳

黃氏名真靜丹陽縣呂城諸葛用中之妻也父  
家晉陵以其女生有淑姿善女工父母鍾愛擇  
配數年間用中為兒時過驛亭適南臺監察御  
史普公見之以其能屬對擣大字甚佳呼為竒  
童聰慧之轂洋溢四境故黃氏之父以女許嫁  
之既嫁而翁知其能遂托付家事使其子得專  
儒業翁歿其夫婦皆能以翁之心為心服勤如  
初賓敬之禮弗渝肥家之功益著養子作而愛

不姑息凡鄉里為父為母之賢者咸儀之元末  
兵興夫婦挈家竄吳下蒿簪卉服藜藿食飲艱  
苦十有餘年夫病而止哀痛幾絕吐肝胆告之  
柩前曰未止人真靜三年服除當星冠羽衣若  
女道士以終其身有否者天殛之由是教其  
子以承宗嗣無忝厥祖洪武改元于鴻雁安集  
之初歸葬其夫命其子復舊業什有二三餘皆  
棄置蓋亦知止足之義而無殆辱也數年之後  
又能博其餘力助羽流重構清微觀以祠先世



身佩符籙日誦老氏書貞節愈固今春秋七十  
有二鄉人嘗欲聞諸官以旌其門婦曰夫死不  
嫁吾分內事耳卒不許於乎婦有節義禮教所  
嘉况能繼述以昌其業以裕其嗣續豈尋常  
節者所能及哉予常往來常鎮間聞諸邑人質  
諸鄉校無間然者故撮其要而書時洪武二十  
二年三月之吉

長白山居圖說

客有過予者而憲然香相與覽高沙李侯山居

圖客謂予曰世謂畫為無聲信矣往者李德裕  
以軒冕之貴疏平泉之遊賦詩憶之是圖之作  
亦其詩之意歟予曰不然平原花石以力致之  
窮奢極靡益溺于玩物者也夫長白山天然勝  
槩為梁鄒冠冕甘泉巨谷嘉木幽卉蔚有清氣  
昔范文正公讀書其間藿茹糜食與山俱清卒  
為一代名臣今侯鍾茲山之英人品卓絕學亦  
如之至于擢高科參大政出處繼范公故武山  
中猿鶴豈云忘情但時方歌歷中外若安石為



蒼生而起矣暇復顧東山乎是圖也侯益默寓  
家居讀書之意以示其子孫抑亦示不忘桑梓  
之敬焉耳平泉之書豈其比哉客唯而起俾予  
以所答之語筆之圖左俟侯見而質諸

月泉說

學老氏之學宗乎無為而能無不為者惟其心  
之清明洞徹不泥于物所謂圓机之士為能然  
耳吾友闕伯真殆庶幾乎漢天師四十二代孫  
張公大真人嘗以符籙授伯真矣伯真宗其道

行之于家黃冠鶴氅蕭然出塵然而陰陽醫藥  
巫卜之術又旁通至于桑海交易溷跡塵土亦  
未嘗忘其學離其道也真人嘉其能乃大書月  
泉二字為伯真號吁名者寔之賓也月泉之稱  
豈苟焉而已哉共推千載心秋月照寒水昔吾  
朱夫子有是言也今真人直指其心而喻之所  
以警伯真者至深切矣夫是心也誠能皎然如  
月之明湛然如泉之清無幽不燭有感斯應雖  
以膠、擾、之物紛乎吾前而吾之至清至明



者蓋自若也然則圓机之士不幾乎和光同塵  
升老氏之堂而入其室乎伯真勉乎哉

無知生說

夫人與萬物同生兩間而其所以不同者心知  
之靈耳彼巢而知風穴而知雨鳴而司晨吠而  
警盜知恩而返哺知飢而避去若此者亦未嘗  
蠢然而已人而無知可以不如物乎吾友趙君  
執中生而聰明又嘗用力于格致之學行年三  
十號無知生故聞者不能無疑焉或謂執中以

時俗尚智術飾巧詐狡獪萬狀深疾之將欲塗  
其聰塞其明矯俗之弊以返乎不知不識之天  
寧為蚩之民而不知也予曰不然若是則因  
噓而廢食矣吾意執中讀孔氏書尚友千古觀  
聖門高弟賢如顏子聞一知十方且有若無寔  
若虛終身如愚人然况學者乎故雖多識前言  
往行而自視歔然猶無所知也然則名為無知  
寔欲求知其所見之大為何如哉予嘗扣之執  
中執中笑而不答故筆此解或人之疑併勵吾



執中亦以自勵云

子京字說

父命子名而朋友字之禮也吾友張君伯祥之子名畿予固知其愛子之心期以遠大字曰子京且為之說曰京畿人海也五城十二樓金門玉堂冠冕佩服館閣之文物羽林之劍杖瑠璃大盈之府庫凡如此類皆天下所無有寔為魚龍變化之地也故有志之士雖在窮髮必勇其行乘風雲叫閭闔瞻日月之光被雨露之恩然

後為無負也今子京年方強壯一日千里弗忘命名取字之意不然則齷齪與蓬藿同腐徒美其名何足尚哉

存耕說為孫允昭州判作

客有遇存耕叟于龜巢者商畧今古劇談久之客謂予曰叟方膺仕而暇耕乎不耒耜歛歛耕可得乎予曰不然善觀人者于其心不于其迹夫以其迹論之叟固嘗主一邑之簿矣嘗為一州之倅矣然方寸之地了無荆榛耕之以禮



耨之以義存而遺之子孫故于昔人之言取以自號以示無窮之意耳吁以其遺較諸德公益亦大同而小異欤且天生斯人亦莫不有耕耨之具焉但往、荒穢弗治暴棄而自失苟存之則其後之人以耕以耨以收其成功乃必然之理何泥其迹為哉客語塞叟起而謝曰詩云他人有心予忖度之巢翁之謂也請以對客之語貽諸後人自曰存耕說云龜巢翁者毘陵謝芳氏也

景中字說

尼山聖人筆六經以詔萬世中之一言間見特出既而子思子著書以授孟子寥寥、五千百年知者益鮮至伊洛諸賢發明蘊奧昭如日星後之人敢畫蛇而添足乎然所謂景者景慕以冀及之學者之志也中則人所受于兩間與生俱生無物不具學之道必先知無不明而後行無不當窈嘗以射譬之物理之中猶射之的凡射必先知其的之所在謹乃方矢正已而射之斯



可言中矣不知其的而射者妄也妄而或中乃偶然耳吾無取焉惟時中君子從容中道無適不然是妙于射者也詩曰高山仰止景行止如此則思過半矣景中勉乎哉不然執中如子莫中庸如胡公不免為天下後世之誦此又不可不知也

德宏字說

東村趙先生為前代遺賢令其四世孫名廣安稟之淑善讀書兼明古今法律以勲業自期不

狹隘以自局故朋友以德宏字之請其說于予予曰人生天地間渺如一粟謂其能與天地參者正以執德之宏心同宇宙萬物皆備于我萬化皆出于茲所謂小無內而大無外也勲名事業益亦隨其廣狹大小而成焉若夫方寸之粟彼疆我界藩籬荆棘雖有所得蓄縮如蝸不免貽笑于大方耳然名者寔之賓也名浮于寔者君子恥之夫以子為東林有道之孫貽謀未遠其立志果不小乎報德果不虛乎昔孔門諸弟



如曾點漆雕開能見大意聖人與之悅之使學者誠能有二子之見以弘厥德則宇宙吾心也吾心宇宙也曾何人哉漆何人哉希之則是慎勿謂老生常談而忽諸

### 寶山字說

予聞浮屠氏之所寶者三曰佛曰法曰僧如金銀珠玉之屬為世所貴雖以七寶名之較諸佛法不啻霄壤故瞿曇氏在祇園說法有曰人以七寶厚施而求福者莫如般若一言持之于已

教之于人得福為多由此觀之金玉之寶積丘山何足貴哉今趙居士拱貞有志學佛在家出家浮屠師以寶山字之其意若欲使之歌艷而得之是亦意其為善也不然郿塢積金賈然臍之禍銅山鼓鑄致餓死之辱凡如此類識者恥之况欲使之歌艷乎楚書曰楚國無以為寶惟善以為寶如是而言則語意明白開示以導其進庶可謂善誘人矣居士徵予言予無可言者請以楚書之語、之於浮屠之言或可補其闕



云

學古字說

先友丁德齋往嘗以家譜示予曰五世祖為寶祐相國多藏古聖賢書厥後以陵谷變改家用淪落書亦飄散元初大父乃徙居鄉城以慈幼齋醫藥如成都賣卜者焉他書無復有也今德齋胤子數喜讀軒岐靈素之外嗜六經諸史不啻膾炙故老夫以學古字之謂曰古之學以三綱五常為重綱常不舉則無以立身不立則

道不行于妻子况餘人乎然道有大小事有緩急必先其大者急者後其小者緩者毋泥焉古之人巢居穴處無宮室也茹毛飲血未稼穡也凡如此類苟一切是古非今舍此取彼不幾乎迂踈放誕而行怪者乎吁居今之世反古之道災必及身子思子垂訓後人為世藥石此尤不可不知也學古宜慎諸

聽其自然說為黃仲器作

老夫黃仲器以聽其自然四字揭諸齋居一日



載酒過龜巢需予文予以不知其言出何書意  
何在莫敢妄為之說仲器曰吾意天為自然餘  
無所知也予以是臆度而告之曰物本乎天而  
天宰之者理也夫所謂自然者陰陽之消長日  
月星辰之運行江河之所以流山岳之所以峙以  
草木鳥獸昆虫之所以動植變化至如人夫者  
如三綱五常富貴貧賤死生壽夭之類小者如  
四肢百骸飲食衣服宮室車馬之屬皆本乎自  
然之天昧者乃欲以人勝天而不聽之若季如

孫氏以魯大夫僭天子禮樂富于周公秦皇漢  
武欲長生不死者未嘗不自禍其身也孟子曰  
順天者存逆天者亡斯言盡之矣仲器作而謝  
故書之以警諸紳示諸人亦庶乎有所警云

無名異

江湖之濱有物焉其大如菽圓如楸黃而黝外  
強而中乾似沙非沙也礫非礫也累乎沙礫  
之中不知者直以為沙不然聚者得之以和銅  
漆之漬易燥以易益堅否則工雖良弗能使之



燥也况堅子故善髹者率用之以其有奇用而無名故以無名異目之邑有雷氏者髹救世矣其亦老于髹矣每役大夫士家則以是詢之卒未有得其名者一日語予而悲之予止之曰是奚足悲哉夫君子負有用之材沒世而名不稱者涵涵也况微物乎噫世之用人者其亦有如雷之悲者乎

蛇蚓

五月望余艤舟城西見牧豎數輩飲牛而過河

俄有走而號者曰蛇將嚙人豎皆失色已而聚觀果伏草中咂舌掉尾吐毒氣勃可畏羣豎欲殺之擲礫如雨蛇度不能脫乃游于河猶昂首騰踴作嚙人狀旁觀有不勝憤者持短挺涉水擊之應手而斃眾皆摧譟而快予既歸明日過白鶴溪上時暴雨潦水盈溢而蚯蚓縱橫于途之人殆不能容足先予行者三人老一壯二皆擇地而蹈不蹂踐以殘其生吾如之回視吾蒼頭亦然予因是竊有感焉夫蚓內無筋



骨外無鱗甲苟欲殺之斯須可累百千今若此  
視城西之蛇不佯矣噫蛇欲害人而人害之蚓  
則無害而人亦弗為之害非有厚薄也人而  
蛇者可不悟哉

盟鷗文為熊元脩作

鷗社叟老于元末屢聘不起遂屏迹五湖三泖  
之間魚鳥為伍睨京洛萬人海中鳳有池鶴有  
軒鷹揚而鳥集紛：五鳩之屬蓬羽鷺鷥為時  
羽衣是皆出類離羣弗與吾友而吾亦弗為之

友也惟鷗也素服涓潔野性閒雅且常與叟相  
親風葦月雲濤烟浪凡可以適吾適者莫之  
與之共之一日舉玄真之天隨子乞靈為鷗子  
社主盟而矢之曰鷗乎鷗乎爾忘机吾亦如之  
恒游居于斯又曰鷗自蚌持鵬自溟徙斯盟或  
渝者如白水時龜巢老人亦奉觴飲吳淞之淥  
而與盟焉乃丹書其辭

### 招隱論

夫連城之璧蘊于荆山明月之珠藏于滄海苟



非識者有以取之則希世之珍不能自衒而自  
鬻也隱逸之士蓋類此耳嘗觀古之隱者如莊  
周所稱善卷許由樊仲父之流土苴天下雖唐  
虞聖人之事皆為污耳此蓋荒唐謬悠之談無  
足深信請以商周以來經史所載拔其尤而論  
之伊尹耕有莘之野以成湯所知致聘再三遂  
為阿衡不然則終于犁鋤之氓矣傳說隱于商  
岩以高宗所慕圖像旁求乃得為良弼不然則  
終于版築之夫矣周之太公海濱而處坐茅而

茅而論漁非文王載以後車則無鷹揚之功武  
成之日矣漢之四皓如芝商山其不赴高祖之  
招而從諸君之遊者蓋為矣劉氏基本而出其  
大功為何如哉若夫淮南王八公之徒大山小  
山之什其文藻才華不為不盛然未聞為朝廷  
得人使之康濟斯民故君子無所取焉至如光  
武中興之業海內之士雲集響應而嚴光倘儻  
獨能以節高之或授官而不拜或廷伏而不謁  
卒歸江湖欣然與魚鳥為伍惟其清風峻節砥



柱頹波誠有裨于世教也三國六朝而下求其  
如南陽布衣鞠躬盡瘁以報其主三顧之勤者  
固少然徵舉遺逸代不乏人但燕石或偽為荆  
玉魚目或誤為隋珠不免有純盜虛穀之誦者  
矣今郡縣之職歲舉人才是亦古招隱之遺意  
也惟能知其人而取諸岩穴之間度其才而薦  
之朝廷之上鉅細精粗各適其用此誠輔聖天  
子恢弘治道之良法也詩曰濟濟多士文王以  
寧夫士也為時而出其必有以古人之所寧文

王者以寧今日之天下國家毋徒視終南為捷  
徑云

東野吳語

許慶一者崑山縣石浦人也贅同邑許家墩繆  
氏既而父歿母食貧往繆氏依焉慶一妻不孝  
于姑天歷三年六月十三日將晡其姑以飢訴  
隣人許本空適安亭陸省積澳魯道在坐且與  
繆姻戚遂同往勸說之本空以其釜中所餘飯  
飼之婦奪而覆戶外曰寧以犬食本空等方怒



罵厥婦。毀姑不輟。且指天誓。所毀不安時。片雲起西北。俄頃烟霧四塞。晝暝如夜。霹靂震地。里中大駭。獨其家無聞焉。本室等但見有白氣如練。緣灶突下垂。三人則恍然。若有推出之者。跌仆在地。大雨傾注平地。水溢湧踰半尺。屋椽婦震死。然隣居相接。畧不延燎。嬪死至夜。復甦。遠近驚異。嬪姪數月。或者謂天不忍其腹中之子。故耳。由是嬪方知懼養其姑。以壽終。今嬪年六十有七。當時所震者。生女四十一歲矣。洪武

壬子冬。毘陵謝。過許墩。許均善家。聞其詳如此。嗚呼。孰謂天為茫。耶。屈東海之嬪。而早乾悲齊堂之女。而振風炎霜降。獄受惑退。舍其響。應若此者。已多矣。豈特斯嬪乎。然天即理也。人不順理。是為逆天。順天者存。逆天者亡。蓋曠乎其不誣也。雷震之事。予特欲使昧于理者。知有所警。故筆之。

癘鬼辨

往予過無錫。適州人出郭。遇神。赤髮青面。吻出



兩牙狀極詭異旗旄鼓吹衛扞而昇之予嘗訝而問焉人曰此唐張巡也且言公死時自謂當為厲鬼故世稱公為疫厲之神而崇奉焉嗟夫是何邪說者附會如此耶按唐史公守睢陽如一木支大厦之踣兵盡力竭死不忘君故發憤曰生不能報陛下死當為厲鬼以擊賊此蓋忠義激烈之辭豈謂為厲鬼以害天下後世之人哉所謂厲鬼乃泛言剛厲之鬼若韓文駭厲鬼之厲相似非疫厲之厲也誣枉前賢罔惑後人

邪說之害一至于此可不辨哉第恨老無能為不能為州人毀除淫祠一洗習俗之陋區區謬言用告來者

### 重建縣學事寔

皇明革命政教一新設學校置師弟子員以教以養以求其寔效非疇昔文具比故官于縣郡者常以是切也洪武五年武進縣知縣臨川董縣丞江陰陳公以縣學弊隘會議易之既而乃草俸構講堂三間其楹軒如堂之數翼以兩



齋：各三楹。教官等齋廬庖湍之屬又十餘楹。由是師生有講堂居息之地矣。明年春視夫子廟棟撓柱折，懼將壓焉，曰：殿曰廡，曰戟門，及靈星門皆撤而新之。聖賢肖像重為修飾，而邑人具瞻之敬益崇矣。又明年規射圃于學之傍，為門三間，闢門道南向，深若干步，而外戶閤人守之。凡廟學計若干楹，其崇廣皆比昔有加，地皆甃麗，繚以周垣，樹之嘉木，輪奐之美，丹碧之輝煥如也。竊惟前元時武進縣初無學宮，所

設教諭附郡學廩稍至。年有司初始記者，謂病地弗弘，益苟焉而已。今吾令與丞皆儒而官，故能以興學為己任。前主簿登萊尹公及今簿澤州張公相繼翼贊，以底于成，民非不役也。而役之以時，故民忘其勞，且有樂助其才力者。皆賢長貳，祇順朝家教學之意，而邑人化之，又能心長貳之心也。育才之盛，當自茲始，真可為斯文賀。

辨訛



夫江南淫祠在唐為狄梁公盡毀唐哀祀廢繼以五季之亂妄意邀福謫非其鬼泛然以大號加封齋雜祀典祠廟滋多里巷間土地有祠蓋肇于此然以民情推之必以農穀之功本乎土地歲時祀享亦近乎報本之意迨夫廟貌之設無可為像遂以鄉之有爵齒者當之既久而世代變革承訛踵謬至有可笑可怪而不可解者姑以前目言之郡城西南三十里曰梅村廟稱三姑其初必曰一姓三狐之官後乃訛為三姑

也按周禮三狐之貴等于三公即後世所謂少師少傅少保是也村巫祝之流無知妄作以狐為姑又城之北東有稱十姨者必拾遺之誤雨淋者必羽林也夫以十姨為一嬪人以雨淋而不室處是則可笑也已至若三狐乃儼然塑少艾三人冶容美飾眾巫具瞻且復變九里塘為九女以附會其無根之談蠱惑人心傷敗風俗有不容不辨者改而正諸宜自茲始吁甚矣人之好怪也昔蘇長公之詩曰舟中賈客莫謾



狂小姑前年嫁彭郎蓋江州有大孤小孤之山  
澎浪之磯其俗亦訛孤為姑訛澎浪為彭郎公  
戲而訛之意甚明白有足以破其惑矣如者  
雖究明其灼見其非無狄公在位之權又無蘇  
子名世之詩請與鄉之士君子追原俗情遵依  
法律撤去繆像題其主曰土地三孤之神如此  
則可以正訛傳息邪說合今朝之令典釋舊俗  
之羣疑且不失其初報本之意若夫掃滌淫祠  
行之四方有不在我者不喋也芻蕘有詢尚

俟他日

釋異

古禮人之初喪所以待三日而後小斂者蓋冀  
其或再生也今吾子死終日而甦無足異者但  
沐浴衣裳神色不亂命諸生筆遺囑二千餘言  
言有倫序視其字之誤者索筆為塗改之比常  
人之死固有異焉至若啓殯之日經盛暑兩月  
不臭不腐面色如生則其異甚矣宜乎言君子  
墓誌不書此蓋遵聖人不語怪之遺意雖然吾



嘗觀晉書盜發尚書令卞公壺之墓壺屍僵且握拳透爪宋劉忠顯公鞫靖康中使金不屈而死之燕然愍其忠菽諸西周凡八十日金退方歛葬顏色如生史皆不誣矣又如元鳥生契履武生稷說者謂神人之生異于常人麒麟蛟龍異于大羊魚鱉夫死生一理也有生者之異于常則死而異者何足怪哉區區區區以言者非諛子也非好辨也公天下之理而論之也前輩有曰千人萬人中一人兩人知殆謂此耶噫

### 請除淫祠文

先王祭法載諸禮經曰法施于民曰以勞定國曰以死勤事曰捍災禦患者則祭之非此之屬皆淫祠也是故狄梁公盡毀淫祠程子言除淫祠而後民為善蓋淫祠不除則愚民無知將謂福可誣求而得罪可妄祈而免所以為忠者肆而為善者鮮矣欽惟聖朝更化之初詔誥多方淫祠有禁草諸神大號之借稱斲嬗人燒香于祠廟釋道菴院不許擅立况淫祠乎此國家洗



陋俗之新條息邪說之要道普天率土罔敢不  
遵切見本府西城門外有不得姓土男子突然  
于大驛路旁創立神廟稱為金家煽惑羣氓燒  
香不絕若不早為禁止將來為患可勝言哉如  
蒙有司覈寔當地里甲人等果有寔跡諭拆毀  
庶免無知之民悞遭刑憲如此則梁公忠國之  
心程子愛民之意一舉而兼得矣區區老言因  
國家正大之氣感而應之如豐山之鐘霜降而  
發敬也僭越之咎必蒙矜恕賜之施行公論幸

甚風俗幸甚

甕天辭

洪武甲子秋冬之交多雨而早寒兒輩為予作  
小閣東廡、周圍紙屏上蒙葦席方廣裁七尺  
有咫圭竇出入垂之以簾亦織筠而楮之與屏  
一色如壘壁然瓦盆紫火旁置小榻老夫得飲  
食坐卧乎其中既安且煖熙然而春外雖增冰  
積雪鼓之烈風天地六合為一凌陰此室以衛  
護縝密寒氣無罅隙可能入也但一己之樂因



能及人猶醢雞之天局為一甕中耳故名之曰  
熙：甕天客或笑之曰樂則樂矣何誇歎彼富  
貴之家雕甍繡闥熾鳳炭之爐重獸錦之首煖  
玉為盃酌以醇酎肉臺盤交進于前肉屏風擁  
于其後溫柔之鄉其樂如此子之甕天能彷彿  
其萬一乎予曰不然彼樂于人吾樂于天樂于  
人者肆其欲樂于天者安其分區：老夫年將  
九十目識一丁之外餘無德能爵祿資財皆喪  
以致之今若此不惟鄉閭陋者鮮能周之古

之君子若使虜持節嚙瓊沙漠佐主中興者渡  
兵溇沱抗疏而謫官潮陽擒賊而夜入蔡州是  
皆冒冰雪涉危途急于報國而不暇顧其身也  
又若羊角哀之往于楚左伯桃之死于樹樓煩  
墮指之卒赫連蒸土之眾其為凍苦可勝言哉  
今予之樂竊比于醢雞甕中之天非誇也自以  
為足也言未竟客掩口而去

猫捕雀圖評

物之性有微近人性之義者猫捕鼠犬吠盜獬



豕觸邪是也猫舍鼠而捕雀失其性矣失其性  
斯不義矣夫雀耗倉廩耳比鼠之害什有其一  
今畫工畫啖雀之猫銛牙利爪吻流饑涎踞坐  
而猛若虎虺是張其可畏也嗚呼張網已矣埋  
輪之語世莫得聞故良工用史法訣意以警夫  
綉衣豸冠之屬微而著隱而顯觀者宜默識焉

讀易齋

秦燔六經藐大易為卜筮書不為煇燼夫豈一  
經之幸而已哉寔千萬億載斯世斯民之幸也

是書出羲文周孔四大聖人之手天也地也人  
也萬事萬物之理也洪纖高下包括無遺學者  
當薰沐稽首北面而讀之口誦其文心維其義  
見聖人于羹墻之間燭妙理于形器之外全體  
大用或庶幾焉所謂卜筮之理固在其中特不  
專于此耳先正程朱二先生所次並舉而兼得  
之奈何近代以來去聖遼邈邪說害正假禍福  
託妖幻以誣著蔡之靈又有宗九師而異其傳  
吞三畫以神其術自謂探賾索隱者滔也至



若目之以遺 而消世慮凡如此類不幾于  
侮聖言乎吾友辛彬甫自早歲讀易如悅芻豢  
猶恐不及而或失之故以讀易名齋需予言者  
數月予惟大易之義天高海深豈管窺蠡測者  
敢贅疣乎惟尊之敬之對越前聖如神明父母  
口誦心維假以歲月將見源頭活水之來涵泳  
乎先天後天也洪武十七年十月既望毘陵龜  
巢謝

獬犬文

東家翁以防盜畜獬犬數十平居多嚙人翁或  
之其一怒口吐舌安尾疾行而不顧嚙同類  
則其狀亦如翁坐視若無見焉人曰獬犬也宜  
謹避之里有膂力者忿曰我人也誅蛟搏虎吾  
力能為何避此為適獬突如其前遂怒踢之躡  
而不死厥足脛微有所傷不數日叫號而啞人  
為眾所殺嗚呼犬之獬者固病也翁坐視縱羣  
惡為害無算不仁甚矣然世之人形獸心害同  
類而無厭者滔也豈特獬犬哉



學書

字書之學訓蒙者率以上大人二十五字先之  
以為點畫簡而易習也然所謂三千七十殆若  
指孔門弟子而言是則第四字乃聖人名諱理  
合迴避豈宜手之口之以賣萬世帝王之師乎  
其末兩語之乖刺尤甚故不揣狂瞽嘗易之  
數與方名曰一二三四五六七八九十百千萬  
億兆曰東西南北上下左右前後以字畫較之  
亦簡易也待其手熟即兼以壹貳叁肆伍陸柒

捌玖拾伯阡萬字教之以備公私計算之用區  
區管見于茲有年敢用質諸先覺訂其是非倘  
不以人廢言或可為他山之石云

書耕習軒後

往子識崑山陳侯上抗慨論前代事高宴曲塘  
既而陵谷屢改各天一方未得與阿戎談也洪  
武庚午冬學子張文中以陳侯之胤子孟剛耕  
習軒記見示其文乃汝陽袁先生所作其辭有  
曰夫耕婦饁帶經鉏犁以漢魏間倪常比之吁



昔陳侯以富貴雄一州令其胤一旦舍絃綺而  
臺笠緇撮委膏梁而羹藜飯糗熊胆之丸不勞  
于其親牛角之歌不效于前人蓋立志之高能  
為人之所難能者如此袁之言信不誣矣尚奚  
用畫蛇而添足乎雖然靡不有初鮮克有終此  
古人苦口良藥也孟剛需予言敢用此為芹曝  
獻

龜巢藁卷之十八終





龜巢藁卷之十九

行狀

故伯母行狀

從母姓鄧氏諱。常州武進縣曹坊里人也。年十九我從父諱文正娶為妻。動遵禮法。事舅姑甚謹。如晚歲失明。每飲食必相之。徹而後返。平居雖甚寒暑。服勤婦工。每夜分而後寢。至正乙亥。天兵南下。以常州未平。駐師京口。遊騎往來。居民多避地。他徙吾謝氏居城西烈塘。以世業。





弗忍去置東西閭門募丁壯守之騎不能入然  
人情恟懼母自以少艾恐遭俘掠嘗語娣姒等  
曰設不幸為北兵所虜將若之何眾皆曰苟無  
所逃唯聽命耳母獨毅然曰吾寧自死義不受  
辱是年五月八日騎者二十餘輩攻里門甚急  
眾不能禦遂奔潰騎者火其廬虜收母及隣婦  
數人遭係累而去行臨漕渠母乃潛脫其帛投  
簪珥于道旁投水而斃時南岸菑翳中有窺伏  
者見之已而來告求其屍果得嗚呼吾收母不

屈而死者于今七十年矣應芳為兒時先君子  
嘗語之令諸父六人俱無嗣不肖苟不白其事  
是泯其潛德謹錄先子遺言狀其行如左惟當  
世立言君子賜之紀述則收母死且不朽謹狀

### 王佛子行狀

王佛子諱彬字文甫常州武進人往遭亂譜系  
喪弗究其先所自考收龍當至元乙亥天兵南  
下家因殲焉常既內屬繼室張氏養子質數年  
而生君、紮白端好父珍之六歲即延師教于



家君性敏慧善記誦明年生痘疹疾時已授孟子書恐為同業所先數號泣白其母曰兒疾旦暮且愈以兒強記之資寧惧弗及乎殆不能釋用是致青一目稍長事親孝與兄質無間者未冠經營家事率有條理公私內外咸便之居無何貨用益饒父母終每遇時祀則追思飲泣曰向吾封殖計裕親也今亾矣多蓄奚為願傾貲之半以施老佛祈助冥福再涉南涉祀補陀山君子憫其以報親為心而弗恤云及兄沒喪

葬亦如礼至是與兄同居者七十年矣平生慕馬少遊之為人好閱古書中孝友陰相事然性剛直人有過面折不少貸每旦起立卑幼庭下授鉅細事大安歸勤儉信讓子孫少有不及必加誚責待其兄之子若孫殊覺寬假常勵之曰我非爾宥也苟怠吾事行且罪及兄子輩愈趨事以勤食指幾數百總服同爨歲時頒賚及嫁娶品式至于服食纖嗇皆均而無私家庭之內肅如也晚築遐觀樓以延賓客多致時流名輩



相與婆婆嬉遊諸子姓因得磨礮浸潤亦蘊藉  
可愛佛子方少時有里人夜為盜為家隸所獲  
將殺之君力救免且戒隸勿言後數年其人臨  
終時自語其子使毋忘焉聞者或以是詰之終  
于不言同母二妹一嫁邑人張氏生二子至正  
間其父子俱為仇家誣陷抵獄吏鍛文垂成如  
律乃惻然為援之遂脫其死餘親故藉其力以  
排患難者亦多類此故鄉邑倚之若長堤鉅防  
之于湍流狂瀾云若隣里貧而病者每助醫藥

之費且常買棺置別墅有不能斂者則與之或  
時乘馬出入遇負戴者雖少者亦引避田間見  
耆老必下馬相勞苦以為常故鄉人號為王佛  
子浙西以田賦為重州縣吏以其家租入之  
命為正首徭役殆無虛日然按文應需之外課  
戒子孫毋以毫髮橫擾細民人賴以安仰之幾  
如父母橋梁溝洫不待官府督責而預自辦集  
公私兼濟其利亦以自悅也至閒暇時委家事  
諸子侄携一二朋舊問丹陽道過句容臨白下



陟鍾山冶亭之杪徘徊倚訪六朝遺跡挹壺  
閣清氣或入吳抵錢塘覽湖山勝槩悠然忘歸  
此又其高致而人少能知者至正十二年十月  
紅巾據常州時佛子方卧疾于家賊衆至至盡  
掠其所有意恐有為里人禦奪發倉廩誘之皆  
不至賊縱火乃為撲滅已而賊誅君疾適愈起  
名里人嘉勞之明年春正月卒于家年七十二  
子廷玉等以其年二月葬君于直甯之新阡送  
者千餘人多哭之慟皆曰善人止矣妻丹徒周

氏生子男三人長庭芝早卒次庭玉次庭槐女  
二人長適丹陽周氏次適吳門金氏妾周氏生  
子庭梧孫男曰敏曰政曰孜俱尚幼餘有室餘  
尚幼兄子庭桂次庭椿其子尤夥予與佛子同  
里聞且辱招致教其子孫者十餘年故知君為  
詳謹狀其行實以俟當代立言君子撰序次第  
期示不泯

故處士存心先生陳公行狀

曾祖諱文表宋兼州司戶餘缺祖諱寔龔宋從



政郎行國子錄餘缺考諱聖淵字容軒宋承節  
郎提刑提舉司奔牛酒庫提幹陞提刑司簽募  
兵馬鈐轄朝奉郎常州通判賜緋銀魚袋帶行  
都督府檄宜文字先生諱師可字伯大自號存  
心老人通判公之第三子也宋末父母居官常  
州武進縣奔牛鎮宋亡而元遂為武進人母  
氏先生：至元十五年戊寅不數歲能通孝經  
論孟大義父常問之應對如流然天姿醇朴不  
尚文藻既長當路者多薦辟之皆不就孝養二

親于喪事葬祭罔不如礼其弟振可父命為同  
邑張把總後蒙可贄盧庄金氏後振可頗豪俠  
先生數勸止之然其好賓客接後進飲食教誨  
送往迎來亦不減乎其弟也居平生蒲石軒觀  
盆池小魚洋洋自得曰魚之樂猶吾之樂也或  
小飲微醉歌安樂窩先生之詩擊節嘆賞晚年  
家居為童子師無賢愚貴賤但內拜則進而教  
之束脯之礼不計其孰有而孰無也元末草竊  
蜂起鄉里有不可得而居者繫家依無錫膠山



安氏食指數百恬不為憂蓋人多知先生為有德之士供具不絕既而鼠飛旁午乃轉徙蘇州城西及妻康氏相繼以病歿先生享年八十有一妻年若干宰木幾拱遇世變環城數十里河隍變遷而大明開天矣先生初娶陶氏生子曰以仁先卒繼室康氏子男四人長曰一。次。娶。氏孫男三人長曰融娶丹陽陳氏餘俱尚幼洪武己巳葬二親衣冠于唐原祖塋之側嗚呼先生死始終兩遭兵燹不以艱危虧事親之

禮不以困厄失守身之節存心之號不誣也。自早歲從遊且忝姻戚知先生為甚詳故狀其梗槩如右

管伯齡妻壙志

張氏諱。蘇州鉄瓶人也性聰明女紅多不學而能其精巧有過人者父母鍾愛擇配遠邑得處士為儒族名家子厚貲裝而嫁之事舅姑能盡婦道凡祭祀賓客在中饋所當為者為之靡不中節鄉里則之男女婚嫁之禮亦然生子男



二人長曰嗣娶同邑宋氏次曰繼娶陳氏從軍  
州女三人長妙真適方氏次淑真以真所適  
皆里居嚴氏孫男三人長顯娶周氏次仰克皆  
幼孫女一人適史氏曾孫女二人長復奴早亡  
次孝奴在幼自處士沒丁時多難憂患在牀褥  
者幾年。年月日病卒享年若干。年月日封  
寔與處士同穴毘陵謝。嘗寓居為隣故知其  
槩如此云

義士吳先生墓誌銘

先生諱轍字中衡其先會稽人祖。元浙江省  
醫學提舉居官杭城因家焉考。妣。氏。年  
月日生先生性聰敏過人初家塾之師授以孝  
經論孟即暗誦如流成童通醫書內經與旨餘  
如脉訣活人等書多疵焉至如吹洞簫鼓瑟琴  
舞劍術皆不學而能其志若有不屑于醫者元  
末多故南臺。官買里古思公知其才召為幕  
賓方欲薦力而大用之古思公以他事被譏落  
陷阱公懼禍波及變姓名挈家海上久之乃賣



藥以養其親長洲故文趙執中舉家病疫隣里  
無相過者獨幼兒應門先生過其家呼厥子入  
視皆以藥飲之數日而愈後執中父母妻子跪  
拜奉幣而酹之先生固辭曰朋友患難不相救  
乎進士。縣丞俞。患軟脚疾先生憐其貧往  
視之曰可療但藥餌三兩月而愈俞言無累藥  
之資先生曰君有此則吾豈為不速之客乎後  
如期而安報禮亦毫髮不受或問俞之交非趙  
氏比何同然耶先生有可用之才使得存為世

用不亦可乎凡貧居有一才一藝求醫而可醫  
者皆然故吳人翕然以義士稱之吳江富人  
有沈姓者遣幣招致及門其主人方事巫禱先生  
乃飄然而歸翌日沈氏復重幣固請先生終不  
赴而返前幣焉或訊其桀敖弗辨也平居能孝  
奉二親。沒則廬墓終制化行于家妻。氏事  
舅姑亦盡婦道先生于大明洪武。年甲子。  
日終于家享年若干葬崑山縣石浦考堂之側  
先妻。氏生子曰集後趙氏無子皆先卒其子



以余父執知其親為詳請誌其墓故述其梗概如右銘曰時不利志不遂假方技兮行吾義全是親悅是親骨雖朽兮名弗湮於乎蒼天德哉若人

管伯齡墓誌

先生諱壽昌字伯齡蘇州崑山縣人也祖諱宋開寶中以詞賦領鄉薦考諱遭宋革命遺逸而終生處士于元之皇慶四年甲子月日氣質清秀不數歲能暗誦小學四書大義既

長為學道書院訓導諸生悅服文譽蔚然越二年以病請告踰百日而歸自是年愈長而學愈進善屬文尤工于詩泗橋杜玉泉氏招先生以教諸子時玉泉亦以詩鳴花朝月夕更唱迭和其詩如元白而不俗郊島而不寒不度也館穀凡二十餘年玉泉歿而教授于家學徒愈盛如歌後鄭五輩及緇衣黃冠能詩者咸與之遊有通儒之遺風焉大明二年月日卒年七十有六葬處娶張氏生子男二人長曰嗣鈕經養



親次曰繼從軍。州女三人孫男若干於乎先生抱俊逸之才負高尚之節齊名尚志超然晏居有詩文二十餘卷曰尚志齋集藏于家詞藻之名榮于軒冕誌其墓者毘陵故交謝也。

墓誌銘

龜巢老人姓謝氏應芳其名子蘭字早從其親聞譜系世居開封多顯貴六世之祖武進尉東西謝庄族滋熾大父別業烈塘湮生男七人一進士遭宋革命家乃燬烟滅埃飛三百指舊家

奕世盡蕉萃賴有雙親陪而起四男一女同遺體男皆吾兄女吾姊伯兄早歿孤藐爾二仲及馮竟無嗣我生迂疎昧生理妻任井臼畜三子木也左右奉蒞水曰林曰森伯為禰七孫惟塏冠而儻坦坦成童餘幼穉商周興亾陵谷異舉家幸獲全生齒干戈十年浮海避強名龜巢等遊戲還鄉無復舊閭里築室橫山墓山趾春秋虛度八十二著書數篇而已矣府公遺石誌丘窆聊爾云：叙終始 大明洪武十年歲次丁



已七月十一日病中口授友人江陰張端

吳處士妻墓誌銘

逸菴處士之妻姓曹氏諱崑山人享年若干後處士若干年卒吳俗尚佛氏死者火之其子轍卓然能矯俗之弊以礼葬石浦之原與處士同域時。年。月日也毘陵謝子蘭與處士有家通之好處士嘗語蘭曰我妻性柔慧蚤歲在父母家精女工事親以孝謹聞既嫁而主饋奉嘗靡不適舅姑意願予性嗜酒喜狎賓客語滑

稽賓退每相規焉及教轍與女皆有矩度教轍婦亦如之然平居言笑雖連屋之人亦未嘗聞也轍負氣節以剛直多與物忤母常戒飭之不致肆微如臧獲御之亦盡恩義凡如此類其姻戚比閭之所稱道無間然者今轍以蘭知其母之為詳也乞為銘蘭于是紀述舊聞使後之為女為婦為母者儀之則其死猶無死也銘曰淑德之全德容靜媚玉溫潤而衆然其生也天永其年其死也人稱其賢又奚恤彤管之無傳乎



駭孫墓磚銘

龜巢謝老第六孫字駭孫生三歲而能言父口授周南閔睢等篇立能成誦余愛之意他日可業儒以繼先世甫五歲以痘疹死洪武十一年三月十有三日也翌日葬潞城之原余乃哭而銘之曰茁而折穀

張處士墓誌銘

處士諱功懋字寔甫蘇州崑山人也先世多顯宦譜牒見存考諱應宸不樂仕進居鄉里為鄉

之善人母曹氏生君之日世方中微君早歲即幹蠶有所樹立既孤養母氏極甘輒之奉鄉人稱之母歿而家益肥中歲畢姻嫁事即以家政授二子而子又能豐其殖焉君乃構佛廬于先人墓左以奉祀事仍與僧居之故四方浮屠師多與之遊平居月齋十數日弁服蔬茹泊如也旦則持佛書諷誦畢乃戟手向天殷謝其意若曰吾之所以得此者皆天也不敢忘也施僧之餘視貧乏或周之然奉身寡約始終一致自號



守齋益以此耳吁其亦可謂有恒者歟妻沈氏生子男四人長曰天麟娶邑人金氏再娶姚氏次天麟娶朱氏次天佐出贅同邑夏氏先卒次天祐贅嘉禾王氏而歸女四人曰妙善妙靜妙清妙智皆有家而妙清早世孫男曰畿娶倪氏曰綱未冠孫女曰真曰善曰因曰寧皆得配曰瑤英曰玉英尚幼處士春秋六十有九洪武元年五月十二日終于家明年五月二十七日瘞祔考塋其子天麟乞銘于毘陵謝而久客

吳下具知處士銘曰始稟其樞卒蕃其枝惟根于天者弗移曰德之恒予是以銘之嗚呼其止于斯兮

方寸鉄銘

天地為鑪陰陽為炭鑄方寸鉄非柳下鍛剛不可屈堅不可磨侯堅侯剛利用寔多同歆以之割食月蟲環以執政剛過于崇惟善用者為衡之權稱物平施錙銖勿偏嗟爾有此藏之于密以桑氏硯改而為筆搗辭琬琰百鍊其工剔去



魚魯斯文有功彼寸鉄弓人孰無之欲偉其器  
繫鈴與錘寧小為錘母大為錯凡百君子非由  
外鑠

永思軒銘

人之生天地中父之恩與天同生而養送厥終  
盡以禮猶哀恫矧遠離遭鞠凶一失怙無由從  
德罔極思何窮生之初本倥侗玉而錯金而礪  
器之成皆父功哺不烏乳不糴忝物靈漸灑寧  
念爾親修爾功以爾孝移為忠其親顯名亦榮

苟不然思奚庸霜雨露愴厥粟執邊豆感必通  
爾永思如水東于羨墻見儀容庶象賢寄高風

方竹杖銘併序

予性喜方偶得一方竹為杖甚愛之因念古  
之崇節義尚廉隅者類焉刻銘其端持自  
自警

猗欵竹君易圓為方虚心固節悉如其常其方  
伊何如玉界尺不砥而平不繩而直曰予老矣  
賴人扶持義以方外庶克似之



竹素齋銘為鄧宜之作

天人交敷義畫馬圖大明九丘科斗六經於昭  
日星漆書汗青姬公宣尼斯文緝熙為世範儀  
百家之多繼聖惟軻如江如河竹兮素兮文斯  
寓兮開牖戶兮尔于其中樸斲磨礱德業攸崇  
苟習其辭舍已弗治舍已弗治雖多奚為予言  
若茲亶弗尔欺亦以自規

願學齋銘

漂陽曾明府塾字子嘉前家居之日以願學

名齋今居官扁仍其舊其友常州府同知  
楊侯徵予文辭不獲命乃為之銘曰

終始典學德修罔覺旨哉斯言為世矩矱欽惟  
素王聖本生知學而不厭惟日孜孜好學如顏  
聖為之亞天若假年不日而化三千七十步趨  
後先曰願學者子華之賢卓尔君子志華之志  
揭茲攸居書紳何異學以明之仕以行之仕學  
俱優兩輪並馳厥德之修與日俱積豈惟日積  
乾、夕惕願學若茲勲業鼎来不負所學尚慎



旃哉

愛日堂銘 為無錫趙德弘作

先民有言孝有不及人之事親所以為急矧伊  
大母春秋七十彌亦耆年為儀里邑晨昏定省  
扶持出入甘輒而饋輕煖而襲養非徒愛敬事  
必給慈訓並成蘭薰蕙裒慎言與行如玉之執  
曜靈西馳恨莫能繫分陰寸晷斯湏必持厥德  
既修業亦樹之愛日若茲眾善斯集毋卑我言  
陞階拾級

白賁軒銘

天地之文我象我儀惟文之極淡焉是宜賁之  
上九白賁無咎苟為不然咎將吾有聖人立言  
妙理冲漠能近取譬亦孔之昭如衣美錦其文  
煌、惟其尚綱闇然而章以賁而白不賁之賁  
君子以之咎弗我致嘉尔釋氏修乃白業殊途  
同歸意明允愜灼

永思堂銘

崑山呂昭克明起家業儒信道篤而事親孝



以父母生前奉佛志堅固有不可移者常  
承順而悅之及其歿依釋荼毘法瘞骨于  
墓從治命也至居喪則多用古禮哀麻哭  
踊不酒不肉以終三年之志視世俗舍禮  
法而溺于異端者不同也既而近佳城擇  
地構堂龕木主朝暮香燈歲時烝嘗追遠  
之心懇切惟恐後人有弗逮者堂名  
永思蓋取諸古經永言孝思之意洪武癸  
亥夏五月克明徵予文故為之銘曰

人之有生曰父曰母劬勞之恩天高地厚方具  
慶時綠衣青春志弗克養徒羨八珍一朝云亾  
無復定省雖欲愛日捕風繫影嘉尔孝子事死  
如生葬從治命祭盡其情日居月諸時則邁矣  
繼承或懈怠矣經言永思揭諸斯堂非曰  
能之示不敢忘委水滔、不舍晝夜悠、我思  
與水文瀉滔、流水無古無今我思悠、與水  
俱深春秋霜露溪毛洞酌有感斯應來享來格  
無形而形無敬而敬羨墻見之是為思誠烏烏



之忱豺獺之意雖子若孫有引勿替

存耕銘

人有寸田產仁與義君子存之罔俾蕪穢詩書  
耒耜耕以學力種德樹業如黍如稷我苗茂  
我稼既同仁熟之後其用不窮彼自棄者厥田  
弗治耕也鹵莽獲亦如之舍己芸人斯尤可愴  
勗哉存耕惟日孜孜示工或虧不其餒而

錫景儀先生畫像贊

山澤之癯頽然而長面有詩紋鬚眉雪霜幅巾

藜杖逍遙相羊不可貌者其力行之力其心孔  
藏其音琅、德哉若人俾也可忘

張伯仁畫像讚

隨俗衣冠容物襟度坦然真率頽然魁梧屢涉  
危途不失矩步嘗即其天之所賦徵諸人之所  
慕其可謂吾韜俊之光而寔能達時務者歟抑  
可謂浪星鳳之迹而人歆快觀者歟

月泉道人小像贊

炯、乎精神蕭、乎衣巾涉陵谷之變而久于



風塵忍泥塗之辱而全其天真玩世渡落隨時  
屈伸噫是所謂涅不緇磨不磷托迹為方外之  
隱淪者耶

曹節婦贊併序

按家傳婦吳姓歸曹氏二家皆江陰望族生  
子曰有實方幼婦秉節十有五年娶居宇  
孤慈而有教遇世變乃携子避兵子被執  
即赴水死既而子得脫欲收葬母屍日夜  
號哭求諸水濱久之終不能得遂以母所

遺服飾之物厝諸棺合葬父塋哀毀骨立  
鄉人悲之君子謂有實之篤于親非其親  
教之有素而能然乎夫以子之早孤母不  
失教不賢而能之乎然婦之所以能死節  
者又豈非世族文獻之澤有以致之乎故  
為之贊曰

楚臯之蘭生有餘芬瑜而不瑕藍田之珍倚欵  
爾娶比德蘭玉為女為婦儀爾族屬蘭摧玉湛  
于江之陰跂彼共姜心乎其心



拙逸箴

嗟世之人知誰為賢膠、擾、靡日不然不作  
聰明不事机巧爾逸若茲庶近乎道身弗行險  
意無外馳爾逸若茲孰云非宜作偽而拙其拙  
可羞好遊而逸其逸可憂拙逸之言本乎周子  
吾其申之以寃厥旨巧凶拙吉巧勞拙逸旨哉  
斯言宜而弗失

師箴

堯舜湯文為君而師洙泗設教斯文在茲寥

漢儒章句云爾濂洛諸公麟角鳳觜師道之大  
寔難其人曰可為者温故知新若童子師為亦  
勿易養正之功寔係于是師乎師乎宜日三省  
吾為子箴亦以自警

坦率齋箴

嗟今之人以文滅質允矣君子欲矯其失徑情  
直行是為坦率本之于身作德心逸推之于人  
言踐其寔不修邊幅不任智術不奴其顏不婢  
其膝其腹無劍口亦無蜜終始弗貳表裡惟一



坦率若茲亦孔之吉彼異端者蕩無紀律居不  
衣冠馬牛其匹坦率若茲乃罔足述吾亦率尔  
言為尔弼謂予不信有如皦日

拙齋箴

唯古聖者經綸大經至巧若拙無為而成唐虞  
之民其俗皞皞不識不知非無六鑿三代以降  
智巧百出或括或摠或愚或得俛失去古日遠巧日  
益多卓尔君子拙如之何言拒其朴不事華藻  
不鼠之黠不兔之狡彼蛛為羅巧于謀食我飲


如蟬清風兩腋鳩拙于巢蚕巧于繭巧拙若斯  
可以無忝作偽而拙其拙可羞誠拙而逸其心  
休、戒之敬之真偽兩途十目所視毋失所趨



龜巢集卷之十九

龜巢集卷之十九終

國家圖書館, NATIONAL CENTRAL LIBRARY, TAIWAN, R.O.C.





龜巢藁卷之二十

祭文

祭姚吉甫文

嗚呼物之不齊誰其主之齒去角存從古如茲  
如公之生壽富且寧不泯其胤百福具并奈何  
狂飈蘭摧桂折乃館二甥以繼其絕苟非達觀  
拂鬱奚堪公能釋然優游燕酣凡我親朋時相  
往來有客必醉春風滿懷數日之間數往問疾  
留連眷顧其情益密卜云其凶醫獲微功方疑



著龜遽而爾終嗚呼蒼天知乎不知伯道無兒  
千古之悲誰可慰者女能奉母歲時烝嘗亦猶  
有後凡我親戚忍言長違奠此杯筆涕泗沾衣

代王文甫祭兄文

嗟：我兄少歷崎嶇相我先子經營厥家自失  
所怙顛危誰扶繫我與兄左枝右梧我室苟完  
兄力其痛嗚呼哀哉兄於斯世閱七十年天賦  
其醇朴而不鏘故此家事我其勉旃尺布斗粟  
曾無間言所可喜者兄其息肩幸有二雛能奉

周旋日飲無何睥：其天意此安佚壽或可延  
奈何既衰屢疾屢痊絕粒信宿晞露溘然嗚呼  
哀哉誰無兄弟我獨孤苦願二雛者視予猶父  
我嘗勗之以績先緒天心以辭酸淚如雨

代祭子文

嗚呼天降禍于我家何其酷耶我生勞：髮已  
垂白奠汝冢子仰事俯育以績先緒汝年既長  
頗涉世故與汝諸弟左枝右梧我經爾緯我作  
爾述知稼穡之艱難未嘗敢慢而敢逸也維汝



多病常貽我憂去歲仲冬幾致弗救厥疾既愈  
我心則喜然未嘗假以詞色寔慮汝因疾之餘  
弛而弗張馴致怠荒故也正月之吉我適錢塘  
別方兩旬訃音忽至將信將疑屢泣屢止意汝  
暴疾氣或絕而復蘇聲或喑而再語匍匐來歸  
汝簀已易汝棺已斂無從見汝之面矣可不痛  
哉可不痛哉嗚呼彼蒼者天我罪何居人或釋  
之子淵之天顏路何辜信乎脩短之有數耶天  
道之茫、耶不然何乃使汝不得其壽也嗚呼

汝子汝女嫡庶五人女嫁其一子皆未婚汝何  
忍置之不顧耶食指之衆賦役之重又何忍老  
父無息肩之日耶死而有知汝必念我于冥  
之中而我之所以念汝者將何時而已耶嗚呼  
痛哉我築之室汝弗與居汝蓄之器用以發汝  
令卜日祔葬汝祖塋之側撰此飲食與之永訣  
汝妻汝孥哀慟欲絕

代王氏祭叔父文

嗚呼痛哉我叔父春秋七十有二年始于承家



中於克家終於成家其幼瘁艱苦非諸幼所能  
盡知也但見完美之室風雨不動衡從其晦阡  
陌相連男有室而女有家水乘舟而陸乘馬非  
叔父積累之功何以得此哉至如目能識丁皆  
叔父延師之力也行不犯義皆叔父提耳之訓  
也一家之間總服同愛以叔父之恩無偏情無  
私嗚之威嚴不可犯故能齊其不齊以致其  
齊耳嗚呼痛哉庭訓之言萬千今不能盡  
述矣如南塾篝燈東軒奉茗嘗屢進。等於前

而語之曰我兄弟自生至死未嘗有闕墻之日  
也老我夫婦自少至老無牝晨之患也隣不爭  
畔帑無私蓄許人以諾不食其言鈎距不知掎  
克不能汝等亦能如是乎凡此數事反復告戒  
知幾朝夕今其已矣斯言不可得而聞矣而  
等為之子為之侄為之孫者可不追念貽謀而  
踐其成法乎否則為叔父之辱親朋之訛鄉里  
之笑天地間之罪人也嗚呼痛哉去年先人皆  
謂叔父夔鑠其壽未艾也孰意數月之頃視則



龍身書卷之二  
四  
眊焉聽則贖焉筋力索焉方病而紅冠入室病  
愈而租吏打門百憂感心二豎成而等猶  
以醫藥可恃而不惧也詎意遽至是耶嗚呼痛  
哉教育之恩固不能報其萬一但速葬以遵治  
命如此永別之悲五內加割泣血一酬惟以告  
哀嗚呼痛哉尚饗

代周華甫祭伯文

昔我先人早棄諸孤所恃兩伯其一復殂歸然  
獨存山澤之癯憐我兄弟教之友于雖異厥居

有無相須撫之愛之與子不殊奉承周旋匪朝  
伊晡階庭之間言笑怡懌小過弗責曲禮弗拘  
叱咤之聲罔及僕夫鄉稱善人久矣不誣年踰  
八秩健飯為娛詎意一疾竟若摧枯由茲而往  
誨言則無疑難誰質顛危誰扶寧不使我哀號  
痛呼伯兮伯兮死不復蘇薄陳簠簋清酒一壺  
收淚永訣靈其鑒諸

代祭吳間：真人文

玄元之學世遠言湮不有先覺孰貽人後伊昔



上卿道契世皇手持玄珠光明四方吾師繼之  
山鳴谷應弘道累朝維清徂寧帝錫之爵羽節  
霓旌邀乎高風崆峒廣成出入西垣在帝左右  
黼黻皇猷厥功亦懋名日益重德日益尊世則  
賴之以棟玄門豈不懷歸怡雲舊隴勇退弗獲  
祇承天寵間、之情聖皇所知大書

所思奎畫煥然寶詠無數瓊館逍遙  
以永朝夕胡厰斯世遽遊鬱羅哀聞九重傷如  
之何我諸葛翁嗣法之孫如牛馬走忝為後昆

砥鼎而僊

為亮西山祭光祖庭文

生必有死斯理焯々况我釋氏以滅為樂獨于  
交情寔不能無若我與君忘之可乎昔在光孝  
親如葭莩承于異處患難相扶故山丘墟避地  
東吳未幾言還如蛙如夔銅馬西來猛于猘踰  
再涉大江九人與俱披榛門道體無完膚既脫  
虎口猶虞畏途我二人者始終持扶白茆宵征



狐嘒鬼哭。積沙遇舊。迺衣迺鋪。萍聚雲散。連年  
海隅。每一握手。猶論毒痛。惟暮之秋。以予起甓  
爰繼我師。踞天惠室。與君相依。鐘鼓朝夕。平居  
論道。風飛電激。方期進修。各殫其力。君遽云亾  
必樂於寂。我失良友。是用悽惻。溪毛之薦。諒維  
來格。

祭沈仁齋文

天道何茫。耶顏氏之永仁。不永其年。柳跖之  
暴壽。何以延。豈有生之初。氣稟其偏。乎抑。蜉蝣

朝暮。蟪蛄春秋。一皆聽其自然。乎如君之生。洵  
美且都。鄉閭共稱吉人之徒。蚤歲失怙。藐焉而  
孤。俯事俛育。綽乎有餘。若騏驥之夙駕。且能範  
乎馳驅。每遊四方。以廣其居。

如其

有知。忍此別離。我婦我子。其慟亦宜。天命奈何。  
彭殤不齊。傷哉永訣。漬綿以詞。

為葛子寧祭父文

嗚呼。天子人孰無父。獨不假我之父。年遽止。是  
耶在。昔家居。仰事俯育。以大父遺業之重。隻力



負荷常惧弗克所樂者惟琴惟書是吟詠而已  
餘無所嗜好也嗚呼之聲弗及大馬姻族間里  
咸薰其良善人之稱無間然者數年以來遭時  
艱棘流離異鄉食指百餘賴父全活亦豈易為  
然耶嗚呼痛哉時之避難者妻孥啼號或委溝  
壑我父則旁求治生之術使母與等無凍餒  
之憂也時之人居無室廬或冒風雨我父則納  
交仗義之士使母與等得居處之安也至若  
族有孤寒之胤家有臧獲之眾亦莫不愛之如

骨肉庶搢紳之士多與莫逆葭莩之親相與依  
倚但不肖孤不能幹盡負義方之訓為多然我  
父之慈訓未嘗不勤也今也一疾遽尔大故  
頽々等為孤為嫠者真若喪家之狗失水之魚  
矣嗚呼蒼天其無知乎如其有知視孤嫠之悲  
若此而不為之嫠遺乎然而悲則悲矣猶有可  
慰乎冥々中者我母以栢舟自誓將星冠羽服  
以終其身雖愚不肖既於父有風木之憾幸  
母之存寧不服勤奉養以慰我父乎矢心陳詞



惟以告哀惟吾父念之願以父之靈陰相厥後

代祭表嫂文

維靈之生錢橋望族嬪我表兄閨門睦賴有  
內助以生以育暨肥其家且養以福吾兄強仕  
湘南宦遊嫂居於家政克脩男齒而嬉女幼  
而柔以母可恃父弗為憂頃因喪亂家毀于兵  
吳往越還千恨百驚寓茲吳門待時之清念我  
胤子可敬而成以女許嫁親相仍儼古未陳  
卜世莫京雖居異鄉客舍朕其嫂嘗有言兒女

鍾情必娶必嫁此心乃寧適予親喪連服經緯  
子未可醮礼文亦虧惟嫂之言艱難共知戮力  
同心教子擇師眷我婦子朝斯夕斯一味之珍  
食必共之方期將來嫁娶有時安知一疾遽尔  
而萎聞者愕然慘怛歔歔况我骨肉胡寧不悲  
最可悲者兒號女啼而今而後裝何依死而  
無知棄之嗚咽尚饗

代祭弟婦文

嗟我兄弟遭時艱危兵燼其廬星散其人使汝



妯娌等不能同家而處共爨而食於今凡六十  
年矣然吾弟賴汝之力以中以締以絲以象以  
鞠其子女常得以慰我心焉鄉也吾弟與而避  
地浙左我夫婦念汝婉妾之姿跋涉山川漂每  
搖風雨多有可憂者焉幸而言還得同居長洲  
茂苑間者數月我乃就食于無錫矣又使汝妯  
娌乍聚而散百里之間相望相憶而不能數相  
見也近方喜汝子暫贅而歸其妻將有拜姑之  
日矣又喜汝女擇配得人亦將有館甥之時矣

蒲謂時將小康仍居故鄉少長咸萃構一晦之  
宮犁二頃之田歲時酒飯于先人之墓則我妻  
與汝復得相率以事蘋蘩矣數日之前方聞安  
信片紙之上忽來訃音使舉家相顧失色始而  
疑焉終而信焉莫不為擗踊而長號也嗚呼痛  
哉天胡不仁奪吾弟之內助者耶地胡不仁奪  
吾侄之所恃者耶苟曰非天也非地也以汝之  
徽柔淑慎乃何為天闕如此哉自今以往雖不  
知故鄉之願能遂與否其或遂焉亦不得與汝



雞犬弗及寓哀茲鵲無任

代祭趙師呂文

公之生也七十有六年時有盛衰事有得失境有順逆物有欣戚公其處之操履如一其少也以簪纓之裔而無爵祿之念其壯也以陶倚之富而無奢靡之習及其年之老成尤儉素而篤寔為鄉里之善人不闕智而用力橫逆之來唾面弗拭蓋明夫吾存齒忘之理而得乎全身遠

害之術每論平生禍福靡常為膠之絃三絃而三續鳳穴之雛或存而或亡銀杯羽化付之渺茫知有命之在天忘鳧鶴之短長惟箕維表授子及孫間居別第程公之門清風茗椀沉水鑪薰日怡情于畫書絕無心于世紛視不義之富貴如太空之浮雲獨念先世欲勵後昆託祠事于老佛之廬屬喪具于葭葦之親視死如歸餘何足云或謂公之可憾者燕子樓化為劫灰科斗壁飄為風塵殊不知公之達觀藐如墮甌未



嘗悲天而尤人也。今也人遭亂離，多須鋒鏑，橫屍四野，烏鳶之食，公乃得全體之歸，掩佳城之室，迴視前日之死于非命者，安能企其萬一乎。等親、尊、道義交結，涉江以送其喪，雪涕以臨其穴，一觴之酬，千古永別。公知不知我語無極，安知信宿之先方歸，覲省一別之後，遽疾而殂。嗚呼哀哉！倚門之母，其望懸；垂髫兩兒，其泣漣；鵠原永嘆，寫鏡莫圓。德哉若人，何辜于天如！等葭莩之親情，猶骨肉既不及，匍匐

而往救，徒號呼而頓足，旅襯未歸，橫山埋玉，願彭殤之不齊，信斯理之難燭。清絲以詞，酸淚盈掬。

代張希良祭王文甫文

公之一生磊落，操心至公，俯仰無怍，出辭必信，不事鑄鑿。人或狙詐言，諄聽藐家庭之間，一呼百作，奔走服勤，罔敢乖錯。及交親朋，春風笑譔，恩誼有餘。礼文則畧，患難相救，扶顛濟弱，鄉里庶庶，恩尤不薄。或飢而哺，或病而藥，或輔



其仁或糾其愚周恤貧窶不輕唯諾頻年時危  
所在跼蹐鄉人愛之歛衽如昨施德有報理亦  
昭灼我曹多幸松蘿附托凡諸甥館必席賓幕  
從容語言款洽杯酌別不忍去期必如約今公  
已矣失我矩矱枉者誰矯情者誰覺寐者誰範  
觚者誰削誰指其迷誰斷其壘靜言思之相視  
錯愕掩袂拭涕薦此河酌

為周縣尹祭願元公文

盛德之士使人後千載而興起者其信然乎猗

欽元公才兼文武其文也世稱三俊為當代之  
儒宗其武也羽扇一麾走六州之豺虎醉非嗜  
酒免禍驕主醒非沽名赤心自許抗疏補衮職  
之闕擇賢進邦國之輔史不一書勲業昭著世  
徒知思尊而歸者之為高而不知採蔗南山之  
言先入手其肺腑故公之役特為公鼓琴而悲  
慟哭而去也瞻茲長洲寔公鄉土素梓之宮墓  
有祠宇何物地靈混此室處斥而去之陳我簠  
簋悵烟塵之滿眼懷清風之白羽惟公有神以



福黎庶

為周尹立碑祭亢公文

昔典午氏碑表有禁勒石公墳勲業昭甚事傳  
信史石上何時走尹茲邑永言懷思載葺祠宇  
邁豆具陳祀神有詩刻諸堅珉峴首之碑令人  
墮淚吳人于公亦復何異惟公有靈陰隲吳人  
克武克文無愧先民

代姜周佐祭姨夫王仲德文

君之老姑為我叔母而我女兄獲奉箕帚我弟

於姨復得其偶如古朱陳婚姻世守先人嘗言  
君性醇厚人或顛危君力能救我親雖亾斯語  
不朽如不肖者公亦弗陋有過必規有善必誘  
眷我弟兄無一或否公年半百閒居靜守閨門  
之內肅若賓友忘情軒冕適意杯酒獨祭今年  
避寇奔走挈家於母虎兕傍吼千驚百憂窘束  
如杻一女鍾愛疾莫能救羣盜稍息歸卧南牖  
襁褓之珠復碎于手公之痛心如割如剖痛猶  
未定厥疾新遘嗟哉若人天胡不祐今公之沒



命也誰咎凡我私親倚仗何有尤憐女兒孤燈  
白首撫膺長號淚濕雙袖

為王孟學祭母文

蚤歲失怙惟母焉依母其視之猶掌中珠未寒  
而衣未飢而飡左提右挈顧之復之夙夜檢束  
惟恐不能自立以保其身以承其家以承大父  
母及諸父之訓誨之言不一而足每于舅姑  
之側視其色有不豫然者退則惴惴檢其不及  
既自檢束又詢之二雛曰爾於大父母之志或

有違乎事或有怠乎抑不能謹飭以貽其憂乎  
母之欣戚係乎兒之有過無過未嘗一日忘乎  
懷也仰事俯育娶居而憂勤者十年男室女家  
志願方畢然于祭祀賓客之奉身先中饋亦未  
嘗一日之或懈也嗚呼痛哉兒以母之康強而  
年未艾烏烏之情方圖萬一詎知一疾而不庸  
起耶臨絕之言謂死無憾特以弗克終養舅姑  
為慊是則吾母之孝于舅姑者為何如哉宜乎  
舅姑之痛不翅如父母嗚呼風木之悲兒將奈



何惟當追念母訓兄、弟、各勉成立律身成家竭力以奉承諸父以養大父母之志尺布斗粟昆弟共之不敢有毫髮欺隱若有所否者是忘其親忘其親則不孝之罪上通乎天雖吾母之慈有不可得而宥者惟母有神尚克相之庶踐其言以慰母靈

為陳彥直祭外姑文

嗟我外姑德不可滅孤燈十年柏舟高節為婦而孝為姑而慈林下之風鄉稱姆儀如諤與謙

材俱碌、婿于名門蒹葭倚玉每詣甥館升堂起居必詢女家諸兄何如或墮優逸勉之克勤防微杜漸忠言屢聞或坐孱弱戒之自立扶顛持危惟恐不及比嬰微疴時在床席我來候問仍飲而食眷顧之間無異于常及女來歸語猶琅、一日之間遽成永別卑尊咸疏故皆痛切曰婿與女感恩如前豈不哀思泣涕漣、幸有賢嗣篤親如母夔姪相憐義當久永死而有知知子之悲一觴敬酬靈之格思



代吳伯亨祭外舅張守齋文

嗚呼惟我婦翁鄉之善士不鄙庸愚妻以其子  
既妻其子思義兼至念我先君夙昔交契今也  
孤裝遭家珍瘁勗女內助庶弗顛躓每詣甥館  
言提其耳翁經州閭必過敝止綜理厥家以綱  
以紀親之愛之視子無二別無幾何聞疾以瘖  
女舟歸寧夜渡淝水訃音歛來驚使躡地匍匐  
及門翁已長逝我服雖總我哭不俛矧為女者  
其痛曷已繁此一觴進饌靈几永言哀思翁其

鑒諸

代金子俊祭錢仲居文

嗟：仲居其止於斯福善禍淫天胡  
善人君亦如之非義弗取非善弗為曰儉曰勤  
俛焉攷：業日益廣家日益肥十數年間遭時  
艱危賦歛之虵毒人骨肌君安其親茹荼如飴  
弟則友愛室家其宜是皆深淳親：之推眷我  
姻戚肝胆相知温：其容抑：其儀莫可忘者  
顛危扶持僉曰若翁澤流未涯厚培其根必茂



其枝詎意一疾遽尔而萎福福之柄誰其倒持  
於乎蒼天天闊若茲。等念乃疇昔胡寧不悲  
矧如雙親遺孤與娶其痛之鉅庸曷已時我春  
不相我淚沾衣言采溪毛薦此一卮嗟、仲居  
庶或格之

代張伯仁等祭父文

於乎痛哉樹欲靜而風不停子欲養而親不存  
哀、諸孤所以痛裂乎其內也仰惟父天覆我  
兒女男室女家志願俱畢且復為之樹產業立

根本使各得符其餘澤焉第所恨者我父之生  
過於勤勞六十九年日用斲、未嘗得一餉之  
優游也矧逢艱時子或受圍于城者親雖野處  
心常危之或行役于遠者親雖家居心寔隨之  
餘在侍旁親若可樂然憂患則為之料理征徭  
則為之區策亦未嘗忘於懷也至如鶴長鳧短  
物不能齊又豈能不拂我親之意哉今也兒無  
所瞻女亦何怙菽水之歡不復可得是雖五內  
之裂亦徒然耳、等與弟等但龜勉寒事以我



親素嗜佛學視身為幻敬以茶毘之法奉之遵  
治命也輜車在門翌日永訣非焉一奠吐此哀  
衷

祭先墓文

於乎陵谷之變知係乎時惟情所鍾不能不悲  
昔我先塋松大十圍今皆宿莽荒烟盡迷不思  
者佳城或隳或幸而存塚眠狐狸曰不肖孤  
避兵海涯九死一生如鳥無枝十有六年豈不  
懷歸回首鄉關道阻且危丹陽之東吳門之西

方數百里野無黔黎我兄我姨塚亦靡遺我父  
與母夢或見之既寤而嘆涕泗交頤今我冢子  
携厥妻兒歸耕舊田丘壘是依餘口猶十未能  
同歸何不能生理未治旅食異鄉破研日隨  
尚賴遺澤歸或有期載溝載獲烝嘗于茲或樹  
松楸如前盛時嗟我祖禰知乎不知拜伏墓下  
拭淚陳詞

代張伯仁祭黃景先文

近年耆英晨星霜木婁人視公崑山片玉公之



為人生有器局遭時迭遭如玉韞匱措紳之文  
罔不刮目公之處家仰事俯育陸賈之橐兒女  
均蓄彼徑此緯同一机軸公之居鄉春風穆  
凡與之遊惟善是勗烈高風遐迩咸服于我  
姻黨眷義尤篤念無後人墜緒誰續以孫贅居  
我女蒙福哀我親喪觸暑匍匐弔之唁之沃酬  
之辱比予之謝留連款曲別方兩旬書往而後  
豈意公亾疾不徑宿予聞訃音哀淚盈掬奈役  
于官如薪濕束送不執紼罪奚可贖公或我知

於我碌、束芻之奠鑒此心曲

祭大雲講主文

師之高年七十有九以涅槃而論之復傷之何  
有人之所以哀我師者我知之矣一大藏教淹  
貫胸中如魯靈光天台之宗今也砥柱摧折墮  
波洶、同袍之士其誰適從三周七喻化尊羣  
迷隨所住處桃李成蹊今也野狐長嗥彌天  
藜信從之衆疇將依歸吾黨固嘗有月旦之評  
曰善與人交僧中之晏嬰也度不可量方外之



黃生也其愛客則孔融而衣緇其滑稽則方朔  
而釋名也觀其詩則見其心之平淡而無牛鬼  
蛇神之怪觀其畫則知其興之清逸而出乎山  
礬水仙之外若是者豈非大雄氏所謂無罣碍  
者乎抑亦所謂得游戲三昧者乎是則吾黨平  
昔之所敬愛而今日之所以為誅也彼千駟萬  
鍾而死者欲使吾黨贊一詞而不可得而况為  
之沃醕乎言采絲蕤淞江之曲懷哉若人薦此  
寒渌



祭柴處士文

近年耆英晨星落、刻刑為方誰其矩矱惟公  
渾厚不凋不鏤如玉在璞如珠在淵寄跡隴晦  
絕意圭組為龐德公不入城府以善為樂襟抱  
生春為馮少遊鄉稱善人高堂眉案如賓如友  
梁鴻孟光無此白首幹蠱有子三鳳翩、源深  
流衍理固宜然昔我先君深敬於公所以敬者  
古人之風先君云凶公來慟哭弔死問生重禮  
之辱由茲而來陵谷變遷干戈所至流血成川





公之居安其福孔厚年過七十亶為希有子聞  
訃音義合匍匐吏呼石壕去不可得言采溪蘋  
薦此一觴公其鑒之我泗沾裳

代柴子祭父文

父生三子女亦如之長養婚嫁恩義維均以恭  
出贄愛念尤篤定省雖踈音問不絕每歸侍旁  
奉親飲食分甘食之親同稗獮豈惟食之誨言  
諄惟惧孱弱弗克樹立撫恤諸孫欣色康  
兒所喜者親在健飲兵戈擾攘十五六年幸無

險波以及我親微病月餘靡神弗宗恭役于官  
如隳膠漆間嘗請告歸侍湯藥父曰亟去公家  
事數兒能了官父心乃安別方數日聞病小愈  
豈其淹忽永訣終天風木之悲尚何忍言嗚呼  
哀哉我親之死人皆哀之姻戚之哀思親義也  
鄉鄰朋舊哀善人也我兄我姊我妻我孥其痛  
如荼五內崩裂罔極之恩奈弗克報所不敢忘  
各慎其身黽勉成之無忝所生尚賴遺澤垂裕  
後人



祭蕭處士文

蘭陵望族竹帛著稱高年過于伏生儉德同于晏嬰自罹喪亂多遘遭迍萬死一生脫性命于虎口三吳百粵寄身跡於狼烟覩姑蘇之麋鹿重遊念北山之猿鶴相望言歸故里欲正首邱顧親故鮮有子遺喜父子獨能無恙安居未幾怪事忽生叫閤救無辜之孫霜飛六月奉命復愆遺之老風動四方益埋劍之氣冲于斗牛故覆盆之光照于日月遂尔貽謀之念灼然陰隲

之符骨肉聚于目前滄瀨供于膝下得正斃而全四體應含笑而赴九原蹇予劣材荷公知己自青年而蒙館穀至白首無異金蘭又如王趙之交亦有陳雷之義今皆已矣可不痛哉老淚淋漓持束芻以效孺子儀容彷彿撫絲相而呼彥光即此微忱伏惟尚饗

代祭錢鼎卿文

吳越世家焜煌史冊公為雲初蔓延遺澤昔在妙年青雲氣格弗屑於時丘園自適風流文采



聲亦藉。晚罹兵燹稍涉艱危三江五湖浮家  
泛宅歸帆無恙佳兒連璧迺理難乃榛棘  
菟裘鶴渚谿流環碧公其優游素願斯獲邀朋  
呼看花岸情賓朋往來冠蓋絡繹滑瀨之供酒  
子盡厥職自春徂冬頗須藥石厥足踣跚心夷  
仍憚所憚者子服勤無斁宜其泰然瞑目中也  
願惟。等攸居咫尺匪親伊故心皆莫送今也  
云亾如失肘腋緬懷德容傷心如刺鄉飲之歡  
無復共席薄言采藻薦此寔宥惟公鑒之有如

平昔

又代兩甥及甥婿作

昔人有言見舅如母此蓋由親。而推之乃常  
情之所有如我舅翁其親愛於甥及甥女之夫  
者尤恩深而義厚厥恩維何煦濡撫摩眇弱孱  
而為扶植者支一木于幾傾之厦屹砥柱于頽  
波厥義維何切磋刮削念昏愚而為躡之者鑿  
渾沌之七竅投阿膠于濁河然則翁之為舅氏  
而愛其甥者視餘人為何如嗚呼痛哉軟脚之



疾醫云無傷謂翁健飯全愈可望如。等朝夕承奉于理固當奈公私之服役磨旋蟻之奔忙故不得服役于左右搯几而執床又安知一夕甘寢而遂止耶嗚呼痛哉聞訃而疑蒲伏救之救不可得徒哭而悲念生平之恩義雖欲報而無期一酌永訣涕泗沾衣

武進縣學起講堂祝文

維洪武五年四月二十日丁酉常州府武進縣承務郎知縣董。從仕郎縣丞陳。將士郎主

簿尹。謹以釋菜之奠敢昭告于大成至聖文宣王曰夫學以明倫尚矣凡為學宮必先乎講習之地使學者登降揖讓咸有儀度朝斯夕斯以明人倫之道斯堂之所以並其成也而。等共勉厥職以副朝家興學之意尚惟神聖於斯文有以相之

縣學諸生祭陶兄文

天道何茫。耶跽暴而壽顏仁而天蘭摧折桂  
樗樛合抱是皆必有其說蹇余昧而莫之曉耳



吾友陶兄如玉在璞鍾厥受于雙親求良工而  
雕琢既賣金以買書復徙居而近學惟吾兄心  
父母之心故能收厥修類如麟之角也吾党  
碌辱交連年竊隣燭之餘光亦效顰而旃勉  
方期吾兄馳騁乎詩書之林游泳乎道義之淵  
又安知車方駕而覆轍弓始張而斷弦也耶嗟  
我彼蒼誰薄誰厚賦命不齊吾將誰咎惟沒世  
而有稱斯可謂不朽彼區區與草木同腐者雖  
龜鶴之年而亦何足取哉嗟友兄其止于斯

其心孔哀其友亦悲一慟永訣清綿以詞

武進縣學移先聖祝文

廟貌之設人所具瞻所以尊聖賢寓祇敬也棟  
宇朽腐懼將壓焉不敬不尊責何可逃今將一  
殿兩廡撤而新之汛掃黜堂昇置神像聖靈洋  
洋無適不存具瞻之敬益自若也工儻事集神  
其相之

祭胡秀才文

公之父兄為我友朋公之子孫吾與師生公嘗



以父執遇我謙：手奉承翼：手將迎席必置  
醴途不並行我步我趨視為規繩然吾亦愛之  
重之與之語言未嘗不肝胆相傾也嗚呼人孰  
無死有未死之前為子孫者或不能如親之志  
親沒之後或墜其基業是皆不能無憾于幽明  
也惟公不然孝友之行父兄素稱曰子曰孫起  
廢兩具別第新築良田歲登可以供祭盛奉輸  
征恤孤執鄉里稱少游之善犁鋤帶常林之經  
死而有知豈不含笑于九原乎嗚呼昔我與公

俱避甲兵公亡我存無復合併每想見之于墻  
見之於羹今也以一勺之行潦表四世之交情  
睇彼吳東遊魂杳冥我將假巫陽之詞以招之  
曰太湖之陰風濤震驚魂兮來歸：我毘陵父  
兄之坵隴相望子孫之箕裘適成念此土桐鄉  
之愛念老夫束芻之誠魂兮來歸天風冷：

祭朱黃二友文

嗚呼兩駒並駕弓同一覆兩輪並進弓成覆轍  
秋氣肅以戕物羗蘭摧而桂折鳧鶴斷而可悲



身何短長之足說嗚呼天子

祭徑山長老顏悅堂文

福慧俱足惟佛稱首能具而微世亦希有如吾  
悅翁是希有者德尊一代聲溢寰社早被殊渥  
著金如黎所在說法四眾皈依晚坐南屏雷鳴  
鐘鼓雨華西湖魚龍起舞丞相授經化伏羣魔  
凌霄絕頂砥柱頽波慧以知幾福以歸休崑岡  
之陽為師菟裘師方退藏陵谷變改兀如嬾融  
得大自在我昔避兵識師東林忘形儒墨結交

以心時有旦評師稱孝禪吾其敬之僧中子騫  
九流百家問無不知吾其愛之僧中子期師之  
于予亦敬且愛片言可親如拾珠貝我歸故鄉  
師贍其別歲時音問往來不絕前年孟冬文室  
信宿白雪陽春賡和舊曲寂滅樂矣師固云然  
故我思故交中心悃，掬茗陽羨斟泉錫山詞  
以抒情塔鈴吾言

夫祭妻文

嗚呼誰無夫婦琴瑟相友惟汝與我憂患白首



身書卷之二十一  
粵自世變家燬于兵扶老携幼喋血文征具區  
之山龍馬留跡紙觸肉離幾中鋒鏑載歸故邑  
遭歲薦飢裙無完布釵遺折耆而于舅姑菽水  
朝夕生事死葬與我慘力烽烟滿眼人皆岷岷  
賴而內助非義不為我檐耒耜而躬井臼長育  
二雖庶亦肯構所居三徙非效孟母全身遠害  
以避豺虎內外服勤乃成此室昇疾來居庶安  
且吉而飲而食而言琅、辭絕而逝悲風滿室  
六十四年不失婦道雖逢百罹卒獲壽考嗟我

父子痛心如割骨肉恩愛祭此契濶歲時烝嘗  
誰為薦羞我暑誰膏我寒誰表風雨孤燈室與  
誰處齊眉之案誰為重舉宅兆斯卜祔而姑璋  
一酌永訣我淚其滂

兩祖祝文

維洪武九年歲在丙辰七月初四日不孝曾孫  
等敢昭告于、官之靈伏念、兒子木不幸  
逢豸冠之怒無辜屯鳳陽之田骨肉生離肝腸  
痛割以卑悃陳詞于烏府蒙大臣請命于丹墀



欽承釋放之恩幸獲來歸之喜雖風憲紀綱公道之力卓然行之非天地祖宗陰隲之靈何以得此天無以報祖何可忘謹以蔬菓酒饌之儀用陳菲薦謹告

考妣祝文

伏念。兒子木屯田臨濠如落陷阱而。原其罪狀撥諸刑書為父者有可救之理于是扶憊觸熱赴臺陳訴幸而臺官垂憐轉而上聞玉音俞允放歸養親此恩固不敢忘也然。思之苟

非早歲蒙父母教訓之力則暗于義理昧於法律視其子可援而不能奮身以為之則為父之道有所未盡今也賴親訓于昔年脫子難于今日恩其可忘乎况乎上之人所以矜恤所以釋放使得仰事俛育而骨肉完聚者非天與祖宗有以相之不能也嗚呼天無以報矣豺獮之敬聊表於親至如父子受辱有玷先世其出于不幸而非係乎不義而致者惟天惟祖宗尚或宥之



外舅姑祝文

伏念。兒子木比遭禍而屯田今蒙恩而歸里親戚骨肉重獲團聚其為外祖父母者死而有知其必哀憐眷顧而陰相之也推情揆理義不能忘

三兄祝文

惟吾長兄有幹蠱之才而不得其壽由是而家久失節門祚陵替幽冥之中不能無憾也必矣然而幸存一息以嗣烝嘗如木識丁兄必愛之

不啻若已子耳頃罹奇禍屯種濠梁豈不為之悲愍哉今蒙國恩歸奉菽水又豈不為之陰祐乎生而孝友死必不殊區一哀思詞莫能既惟吾三兄深嗜佛學早絕佞儂誓不與同室而生同穴而死也早育二子長令出贅幼為沙門兄則超然自謂在家出家矣避兵之日緇流與俱者不知其所終此固兄之素願也然而一佩服儒訓雅愛人倫念同氣不宜泯絕命子林以奉烝嘗今以木屯田而歸如獲再生如脫鼎鑊



吾兄以佛之心為心亦必為之慈悲也  
惟吾四兄未壯而克家將娶而即世父母悲悼  
終身不忘諒吾兄于父母之子若孫亦不忘也  
如木者幸脫屯種故歸耕故壠以養其親以畜  
其妻子兄之喜為何如哉兄無後命吾子森嗣  
之以承祭祀尚期垂裕使得與木等昂峙而峙  
立也

姊及姊夫祭文

嗚呼賢姊之生愛弟深至視弟之子也子無異

木之屯田姊必憂恚今令還家必喜而慰閱予  
暮年遭時不利父子污辱有玷先世所自釋者  
中心無愧微姊復生孰語于是嗟而子孫俱死  
疫癘歲時禱嘗賴女承繼我今摧頽百事俱廢  
念姊之心獨爾弗替姊夫善人義同昆季庶幾  
來格鑒此微意

代祭母舅文

昔人有言見舅如母今吾不見舅氏者閱四五  
年又何異別吾親之久乎瞻彼陽山追懷亂離



脫萬死于虎口幸重逢于盛世然而陵谷變遷  
各天一方舅甥之情惟天其知遭險人之排陷  
若參商而東西方鴻飛于魚網奮病翮而來歸  
聞舅疾而往問涉雨露之塗泥承訃音于中道  
乃蒲伏而星馳顛崖之苦疾藜之悲皆不能與  
舅氏細數而陳之釋此憾者將何時耶言采溪  
嶺薦此洞酌哀歌渭陽涕淚交路知予知不知  
神在冥漠

代任仲文祭妻祖文

翁於女孫親愛所鍾愛及其夫情亦與同既玉  
其成加以磨礱添雖不才感恩之隆服勤左右  
通勉厥躬歡然菽水庭幃春融金澤之濱瓢湖  
之東居凡三徙天風轉蓬今年夏秋巨浸如渚  
賦歛之蛇毒于射工避地蘭陵請謀吾翁去危  
就安翁樂其從瞻彼橫山滄海駐蓬將營菟裘  
一畝之宮月有旬日往來憧憧豈其微疾藥石  
罔功我方抱持猶漣之供語音未絕瞑目而終  
嗟我夫婦遭罹禍凶倚若泰山頽倚空賴有



大母同此哀恫棺以黃楊衣衾重、忍茲永訣  
涕泗沾胸三寵而醜以寫愚衷

祭朱仲起文

生於吳東歿于西州七十四年陶朱之疇其生  
也有一廛而弗處樂浮家以優游有二子而離  
居各專力于箕裘其歿也繼室厚衣衾之具過  
百倍于黔婁女孫得藁砧之良襄大事而能周  
視世之生不聊生死不得其死者迥乎其不侔  
又何憾首邱之正與否耶、等或忝微姻會晤

無幾或傾蓋于東洲之濱或結隣于橫山之趾  
聞苦聲而蒲伏徒往救而弗起兔死狐悲矧吾  
人耳一觴敬酌用歌蒿里

代楊彥澤祭妻祖文

昔在童丱聞翁厚德邑之名門視為矜式遭時  
變故挈家中吳人多覆轍翁行坦途陶朱之裝  
罔有遺失食指百餘乃保終吉陵谷既遷言歸  
故邱橋梓相須聿成菟裘非德之積曷云能爾  
陰隲自天灼見斯理如、不才誤蒙采菲以孫



妻之撫愛莫比每至甥館誨言諄々俯育之德  
盎然如春及翁卧疴或輟或作往來問安眷顧  
如昨七十八年如旦而莫視諸天闕寔有餘祐  
所可悲者永別終天女孫歸寧誰其眷憐于  
羨墻思亦罔極薦此溪蘋凍淚沾臆

祭鄒忠公墓文

公遊程門游揚北肩慎獨之學首得其傳孝于  
事親如曾如騫移孝為忠厥德兼全補袞之闕  
蒲伏涕漣數惇六罪羣邪凜然奈何城狐威福

得專推落陷阱炎風瘴烟忤物固爾精誠動天  
遐陬峻嶺感應有泉處困而亨斯文究研既釋  
論孟復解韋編義文姬孔羨墻見焉蔽日雲開  
暫脫迤邐再寵再辱愈磨愈聖明月之珠靈光  
九淵鳳穴有雛赤霄翩々暴白先志誣蟻悉蠲  
德薰晉鄙垂四百年顯忠有祠奉嘗有田由宋  
而元有司豆籩度守是邦追慕昔賢詢 遺黎  
知公故遷增土鬣封起碑之顛樵牧有禁溪山  
連延何以奠之秋菊寒泉仰止高風服膺拳々



尚饗

代曹子壽祭陳氏親母文

惟靈生衣冠之茂族作佳配于潁川相夫子以  
無違寔四德之兼全出鳳雛于丹穴采翮之  
翩、熊丸之教有法掌珠之愛弗偏予是以有  
東床之選蓋亦慕北堂之賢方鳳占之叶吉結  
朱陳之姻媿何飄風之不情折萱花于歎然茂  
享醴黷乎其失色朝露若為之涕連念九泉之  
永訣酒三寵于柩前靈洋洋、其如在鑒此意之

勤拳

代陳煥章祭母文

嗚呼三子早孤皇、疇依賴有慈親思斯勤斯  
非徒養之而又有以教之視我三子掌珠之惜  
遭時艱危基業蕩析萬死一生幸逃鋒鏑徒茲  
漏濱苟焉休息其不瀟于吾親之心者一子一  
孫介胄而歿居侍旁者但供其菽水習史業者  
常離于朝夕每勞乎倚門之望鮮能遂板輿之  
適所幸時康方安厥居孰謂微疾遽然云俎方



巫醫之並用竟永棄其諸孤嗚呼痛哉而今而後雖日用三牲之養而我親無復為之娛矣一杯之土無復定于吳矣感徒傷于風水愧返哺之慈烏奉觴永訣肝腸若割

代祭陳母文

生長勾吳秀鍾林屋有林下風四德之淑隨世爰遷家此溪曲鄉稱姆儀徽音馥郁熊兆教子峙若昂足伯為督家仲則戎服季也刀筆搢紳刮目甘軟之供如食厚祿斑衣諸子森如立竹

春藹慈闈家用雍睦壽踰稀年綬有餘福季歸自公撫棺慟哭烏烏之情悲乃風水里不卷歌弔者接躅々等姆儀之敬義當蒲伏言采溪毛薦此醴醪胙饗有靈跡同芻束

又代李一泉等作

孟母以斷机教子成其子為亞聖陶母以剪髮待賓致其子有大名世之為人母者苟能有其遺風則其子亦必有可稱者矣若吾陳母其遺風伊何教子之功不鮮待賓之禮亦多昭哉彼



蒼降福洋、八十指子孫之盛七十三壽考之  
長東隣西舍受同六親簞食豆羹饗如八珍為  
一境之母儀誠四德之淑人倏尔云歿孰不酸  
辛時無張林孰德弗碑劉向不作立傳者誰我  
酹此卮我陳此辭亦庶乎薤露之悲彤管之貽  
也歎

祭萬氏子文

人與萬物一氣所鍾何乾坤之為父母有賦予  
之不同顏路之子聖師之賢胡不永其年耶柳

季之兄凶燭赫烈胡不使短折耶美牛山之木  
而厄于牛羊戕于斧斤彼樗櫟之不才乃壽而  
輪囷放集囚鳳則足麒麟若吾甥之淳朴孝敬  
而夭者皆莫曉乎混淪。等忍痛雪涕敢一問  
乎大鈞天雖不言聞必酸辛持杯酒以弔窮泉  
之幽魂亦以慰高堂之老親。乎親乎慎勿為  
卜商氏之喪明徒貽誚于聖人嗚呼彼蒼聞乎  
不聞

祭沈氏女文



維洪武十二年十一月初八日老姨公携其子以酒肉祭于姨孫女沈氏之靈曰汝之父與吾子為弟吾之孫嘗中選汝之父之雀屏今也如寶鏡之破于未照玉簪之折于未成嗚呼傷矣哉吾父子之情傷矣哉吾父子之情

又

年月日老姨婆與姑娘等以酒果家饌奠于時娘柩前嗚呼痛哉汝之生也母止于七歲之初使汝不得蒙其撫養汝之死也父没于千里

之外汝不能與之訣別未筭而善事繼母父病而不弛女紅是皆可哀可憐而可憾者嗟哉彼蒼何彭何傷骨肉之悲寓此一觴

代任仲文祭外祖文

翁于外孫恩德俱厚三孫之中濠為最幼惟其幼也特恐愚陋其愛尤深加之訓誘翁自中年無心組綬湖山秋九風月杯酒幽花秀竹蒲石清繆翁于其間婆婆白首陵谷之變干戈日久危而復安賴天之祐八十八年可謂遐壽為鄉



善人其德亦懋甥孫紛然日在左右漆則出齋  
翁為擇偶素梓連陰聲聞雞狗犁鋤畝復客  
桐江數月宿留廢禮百端辭莫能究比聞訃音  
痛心如剖匍匐而歸豈云敢後以病莫前徒抱  
哀疚瓢湖之水難洗厥咎翁其閔之庶或原宥  
雪涕陳情薦此簞豆

為曹元度祭姑夫鄒桂堂文

昔魯義姑抱姪遺子思難兩絕義重如此公篤  
於親如姑之情撫字其姪同乎所生念昆弟

稚孺而孤適逢亂離干戈九邱垂涸之鱗蒙激  
滄波無依之鵲乃栖瓊柯恩以蓄之義以淑之  
威儀言語教且勗之人皆羨慕我則衽席居吳  
吳數年如一朝夕陵谷交遷公還故鄉亦里  
居烜以餘光咄彼青蠅竟泥白壁投界遐荒混  
清尾礫咸謂貂蟬將出兜鍪天定勝人無悔無  
尤夫何不弔乃涉重坎訃音之來痛割胆膽丈  
夫馬草死不顧身唯其骨肉極切悲辛巫陽之  
招魂其來歸桂子秋風高堂總帷知恩罔酌義



義以報見公羨墻淚滿懷抱義魯之義姑我姑  
之夫書以厚俗疇茲董狐

祭徐達卿文

往昔避兵衆依於仁纍子喪家之狗躍子  
脫網之窟公之視子駒虞麒麟煖煎湯而濯足  
下懸榻而重茵館婦子於別室撫臧獲而所親  
不以俗有數米而炊者以玉其粒不以時有析  
骸而獎者以桂其薪或戚或疏恩惠俱臻長筵  
燕集礼意殷勤是故人皆以和氣氤氳喜色津

津忘憂于板蕩之秋湛樂于熙臺之春殆若古  
桃源之避秦也別公數年滄海飛塵干戈阻絕  
公沒不聞迨歸里而聞之日羈繫于世紛欲一  
酹橋玄之墓閱數歲而因循窈嘗論之世哀俗  
薄狗利忘義者十之八九公乃磊落猶獨  
宦之在羣雖然一飯之報吾志弗信抑亦有愧  
于古人瞻彼膠山如隔雨塵舉匏樽以澆墳上  
之土頌遺愛而云、酸風撼林嗚呼孔賓

為陳以貞祭王母文



昔在故里婦德著稱鍾禮郝法容儀具并暨孀  
居之一紀羗玉潔而水清今居蘭城母儀之懿  
奉檄有 盡歡甘旨奉重闈之慈訓謹捧持于  
胥吏故凡葭莩之親桑梓之供莫不受之敬之  
尊仰乎林下之風也樂善之性出乎天賦口不  
絕西佛之名如渴飲于甘露其心愈慈其法髮  
半素諸兒女之通家每升堂而拜母起居安問  
匪朝伊暮方鞠月之下旬捧壽于初度安知觴  
彼蒼災祥並臻賢孫有鶚書之薦而大母則病

入於膏盲巫藥罔功遽尔云亡正所謂賀者在  
門弔者在閭喪夷憐為盡傷矣哀經之孫擗踊  
哭泣吐令伯之哀乘人皆為之嗚咽不有彤管  
孰紀高節采溈浦之寒藻薦耶筒之香雪拭淚  
陳辭千載之別

祭崑山張伯仁文

洪武之初頌蓋如故買宅買隣日益清願于時  
蘇城樓櫓灰飛公脫陷阱欣然而歸人之所稱  
百鷲一鶚有猷有為抑強扶弱我所見者厚葬



其父故舊不遺保障鄉土數載之交視同懿親  
為公所憂里多荆棘縛虎而縱反遭其齧鵠  
夜啼與妖作孽室雖有繼卒以無嗣播遷臨濠  
日以毀棄女之嫁者遽失其良而壻承家池魚  
並殃公在異鄉寸心千里骨肉傷殘痛何可已  
一紀之別老我于家每聞奇禍為公恻嗟蒼天  
蒼天斯人何辜困厄摧折乃至此乎客來今春  
謂公蒙恩難兄難弟同歸故園予欲賀之恨臂  
不飛以詩言情不勝瞻依安知隔歲公已物故

集師書來我淚如雨追念疇昔胆膽相知天各  
一方徒云坐馳面不復晤魂其可招悲歌些辭  
酌此一瓢

青祀考妣祝文

父母生不肖八十六年矣不肖雖不能為賢人  
君子為世矜式然未嘗敢為小人之不臧也雖  
不富不貴不能顯榮其親亦未嘗飢寒失節以  
辱先也長太平之時則微樹其業遭亂離之日  
而不殲于兵夫妻諧老煖衣飽食蚤眠晏起不



憂不慮以安以娛是皆天地之大恩父母之遺澤也蒙天地父母之恩澤其可忘乎其可忘乎所願者子孫中外和睦瓜瓞蔓延荆棘不生使不肖夫婦如是安娛以盡天年不久床褥全歸天遺體尚賴天地父母之靈有以陰相之始生之日醴酒以告

冬至祀外舅姑祝文

嗚呼悲哉仁而無後斯理之變而又遭世之大遭憂也三子八孫靡有噍類所遺之業盡屬他

人願為女為婿者耄無能為竟不能為立後人以為似續以承祭祀每一思之慚色而已扼腕而已嘆息流涕而已惟此一陽薦此蘋藻蘋茲蒸匪薦以此心靈之鑒之閱其不能以宥厥辜

祭唐親家母文

德為母儀五十九年見而知者罔不稱賢昔我家子多幸自天雀屏中選以女儻焉主我中饋毫忽罔愆母教之淑豈容忘筌昔在鄉里絲蘿纏綿今居毘陵同居一廬姻婭之情益加於先



母在床褥以弗能痊曰女曰壻常侍榻前我來問安飲食流連今也云止骨肉棄捐為子壻者公務所憊羈旅金陵未能言還女以慈育月輪未圓棺弗能憑線麻涕漣垂晷末孫其哀亦然我念疇昔淚如迸泉有菲蘋蓼供陳几筵靈其如在鑒此憐

代王仲孚祭表伯母文

昔居故里家為比隣綿瓜瓞如朱如陳今茲異鄉亦復如舊通家往還情以日益厚靈以沉痾

一載之餘匪朝伊夕俟詢起居若我婦子均蒙眷顧食必分甘骨肉相處孚方馳驅信宿而歸靈乃即世幽明永違匍匐往救已不可得陳此薄奠涕淚沾臆

祭王君壽文

昔在西塾廿有餘年公之父叔坐於講壇愛我敬我如骨肉然公于此時雁行聯翩敬以父執禮意勤拳規行矩步靡不勉旃厥後一別陵谷變遷公守故邱我落梅邊萬死一生脫身戈鋌



我東來歸公喜自悲喜獲再見悲歷艱危冠玉  
之美殘為瘡癩樓臺廣居化為茅茨衣不紋縞  
緼袍為宜食忘八珍啜菽如飴樹菊軒堦杖履  
棲遲幹蠱有子蔚乎孫枝樂事以酒餘皆弗治  
佳哉蔗境為鄉白眉我嘗鼓琴渴浦之湄連城  
婁宿細論昔時負笈之孫服受我詩自茲以來  
別多會稀花朝月夕每有所思去年莫春尺書  
載馳緣有義事要公共為安知踰月遽然其妻  
偶出西關路聞葬期彼祖輓者舟欲同移眸子

眇昏行且尼之送不執紼莫莫奉卮烈塘之東  
徬徨涕淚還家數日晝夜忸怩緬維前賢絮酒  
千里嗟今之人跬步或弛朋友道喪恬不為恥  
擷此溪毛陳詞尺紙物薄情深公必鑒止

祭妻文

嗚呼悲哉靈年八十以微疾不兩日而亾人皆  
謂天錫之福子孫滿堂衣衾而歛瘞之高岡并  
餘一紀家居樂康既葬而隣里騷然紛提軍而  
驚惶使襄事之日而遇之則惡乎有數百之人



祭奠于北堂縞衣而送喪也未幾而季子森為  
人謀陷嫁禍其身我扶慙而赴救詣郡邑而具  
陳刀筆之吏欺天妄人妄移文于崑邑欲玉石  
之俱焚賴公道之不泯如屈護之得伸雪理而  
歸父子悲辛以今思之六十年之佞儂常居安  
而欣、雖世變之秋避兵海濱亦未嘗遭此不  
仁信乎我細君有可福之善蒙陰相于大鈞也  
耶卒哭之祭遂致目循死而有知必不我嗔吾  
知母之慈子必哀憐其遺述奈何死生幽明之

分兒哭之慟我亦沾巾嗚呼悲哉

祭張溝南先生文

維洪武十六年月日同罷老友謝蘭謹遣孫塏  
以清酌庶羞之奠致祭于故心友溝南先生之  
靈曰嗚呼近年耆英晨星落、公在鄉邦雞羣  
獨鶴詩三百篇精華咀嚼吐而為文光輝焯、  
粵自早歲蜚聲臺閣遭時多艱屢進屢卻歸來  
故山雲卧一壑洪武更化羣髦進趨克疑有子  
首應而須手持直筆追踪董狐如曾有參養志



而娛寶樹遽折悲風叫呼公無恙尤曰命矣夫  
中郎之女傳業于家丙申莫春郡志有作時我  
與公同秉筆削甲可乙否語皆良藥別采數載  
心交如昨愛及吾兒義尤不薄前年過我新秋  
夜涼中庭夜坐月白如霜劇談千古把酒淋浪  
興盡而去東方未明去年夏五我兒云止公為  
墓銘九原有光弔我唁我喻以大方斗城之別  
譙門夕陽自冬徂春人多讚揚優哉游哉新居  
草堂幽花秀石池島蒼蒼不徒玩物世慮俱忘

願我潦倒理宜溘先安知矍鑠乃在我前四月  
九日訃音忽傳无妄之灾網羅正纏葬不克送  
酒不漬綿每一思之淚如迸泉病目昏盲舉步  
欲顛塏持瓣香拜于靈筵鮑叔知我鑒此勤惓

姪婦祭姨母文

昔侍姨母東吳避兵我姑繾綣諸婦奉承及歸  
桑梓半舍之隔歲時候問眷焉如昔今我娣姒  
等矣姑之淚未乾而又哭姨母而永違母乎母  
乎見我姑于地下其能說諸婦之哀思乎溪嶺



霜薦此一觴阿翁張、作此祭章

代常信孚祭親家母文

曩予之家幹蠱之人賢即贅居蒙養而姻維時  
魚軒雲悅祁、繫我婦子獲瞻母儀事雖收權  
悉如所願舉室歡然親、春、去年合卷蒙醜  
蒞蘭愛子及婦思出肺肝願予東床每歸問安  
慈愛之深尚蒙垂訓所可喜者起居樂康予嘗  
詣門亦得升堂別來未幾聞有隱憂豈意成疾  
竟弗能瘳訃音忽至婦子匍匐泣血呼天救不

可得我来樞前奠此束芻區、哀忱靈其鑒之

代木森冬至祭母文

嗚呼痛哉每年冬至齊宿祀先母率諸婦供具  
酒食今也中饋或有缺失誰懇、而最之耶每  
年冬至賀客過門母語諸婦治具迎接今也礼  
意或有懈怠誰諄、而命之耶一味之甘誰分  
諸幼耶糗餌之屬誰饌之鄰里耶是則目擊序  
而追感者如此至若子孫之有室皆吾母擇配  
而為之子之婦孫之婦其婦工有未善者皆吾

通集卷之二  
七



身身書卷之二  
母教而成之平居之日甘旨表裏之奉則吾母  
弗求其備溫清定省之礼或有疾則終日終夜  
木之濠梁屯種森之滕州被劫林之客死新鄭  
吾母為之廢寢忘食晝夜憂思痛哭幾致喪明  
慈愛之情言莫能盡如此之恩又皆在劬勞罔  
極之外今子之死者固不能報其生而存者將  
以報其萬一耶母兮母兮無復見兮寫此哀  
天弗諼于遠兮  
祝止子文

洪武十六年十一月二十一日老父命汝弟森  
持思賢錄一簿置汝靈几酌之酒而祝之曰往  
歲板刻辨惑編既成汝嘗執書立吾前而言曰  
不圖今日遂二十年之願欲矣汝于此時喜容  
可掬吾知吾兒推心父腹繼而摘藁尤喜成速  
携二書新鄭之行不兩期而瞑目今老父偶逢  
于知己又為刻思賢之錄此汝之所寫者稍擗  
節其簡牘工數月而就緒吾已盲其雙目摩挲  
紙本無復能讀嗚呼誰念其為之不易寶之如



王耶誰為其喜而傳之士友道治弓乎道鄉先  
生之膏馥耶悲哉吾兒身不可贖置此書于靈  
几猶掛劍于宰木願觸屏之子若絲絃將斷而  
後續睹物思人淚沾汗竹

代東洲黃氏祭母舅文

嗚呼見舅如母念母不忘舅復厭世豈不永傷  
若吾舅甥世居邑里如鳥同林穀育棲止版圖  
之繆牽連伏辜天恩汪濊姑緩其罟脫網之  
魚賴尾發、七里八岡水溢溝澮載欣載奔過

我歷塊蒼髮鰲面泥土裳衣忘乃劬勞負疚而  
歸賀者在門退不旋踵弔者之來乃哭而慟如  
至親洎諸姻婭痛不可忍涕淚交瀉將來休  
戚無復相知俯瀝肝胆酹此一卮

祭賀彥銘文

南華有言曰上壽百歲中壽八十下壽六十一  
月之間得開口而歿者或四五日而不能及也  
况遭世之變乎如公之生垂及中壽喬木故  
家不為不茂遇陵谷之變遷若推枯而拉朽生



衣冠于塗炭脫性命于虎口元龍之豪氣雖哀  
丹穴之鳳雛方雖俄陸海之風波沉鉄船而莫  
救有竹林之小阮尚枝梧于左右五六年憂患  
之中能一笑如南華所言者亦烏有也嗚呼哀  
哉凡我親舊居同里閭困疾藜于世變之日煦  
涸轍于濡沫之餘犁鋤手荆棘之場屋廬子尾  
磔之區若夔蛇之相憐不戚施而蘧蓀吉凶慶  
弔出入起居或叙情于杯酒澆磊落而款款今  
也云止痛當何如奠椒漿于三寵隳清淚如鮫

殊悲風愁雲送乃輓車

代陳彥高祭妹文

嗟我先世錫山故鄉曰朱曰陳闕闕相當乃以  
我妹嬪朱之良為婦而賢孝於姑嫜陵谷一變  
雲萍四方念我兵餘如龜六藏聿來依稀鄰里  
分光爾居再遷半舍相望手足之情眷々相弗  
忘常念我甥來我渭陽我兒念姑安問亦常焉  
知微疾遽尔云亡朱陳六親罔不痛傷况予潦  
倒孤雁遑々憑棺飲泣奠此壺漿



祭妻兄文

大哉天之所以為天兮宰萬物而幽玄雖陵谷而變改兮恒福善而弗愆觀若人之始終兮蒙陰隲于彼蒼避我馬于勾吳兮涉畏境如康莊聚原鴿以救急兮作歸雁之同行舍故土之荒穢兮楹豐業于暨陽托家政于仲氏兮日娛客以壺觴肆優游于桑榆之景兮家有餘慶塞予早歲有室兮得名門之女弟賴昆季之眷顧兮于今四歲紀睽小阮亦僥倖兮辱妻以其弟之

子悵東西之相望兮多契濶而會少比問安而抵家兮喜棣萼之俱好孰謂別無兩月兮聞訃音而絕倒恸予室中之人兮姑與姪其同悲徒匍匐而莫救兮淚滂沱而沾衣奠椒漿而永別兮叙生平而陳詞

除服祭母文 二月十四為兒子木等作

齊哀母服也三年之喪猶卒哭而再祥禫而除其服者古之制也然劬勞重恩罔克有報孝思之心有不能隨服而除者也於是撤靈幃于斯



寢奉神主于祠堂歲時烝嘗寓不忘之意也不  
忘者何敬與愛也凡吾親之所敬者敬之所愛  
者愛之則親之死猶無死也苟忘其親則親之  
故舊或跡如途人親之子孫交惡為仇敵也以  
若所為是不孝也觀夫孝之至者通神明不孝  
者必獲戾于神也過庭之訓諄有年勉而行  
之請質諸母之靈也矢心陳詞終身戒也

遷祖考神主祝文

嘗聞祠堂之制當設四龕以祀四世之親不肖

幼年在父兄之側失記高祖考官稱高祖妣姓  
氏故曩于兵後重立神主由曾祖及禰而已虛  
設第龕于茲數載今因亡妻終喪其子木等一  
奉母主入祠敢請遷曾祖居第一龕曰祖曰禰  
從而遷之以第四龕安奉其母任氏候應芳之  
後然後改題高曾祖禰稱號也不肖違失禮制  
不能無罪惟尊靈恕之

寒食祭曾祖墓祝文

素賴先世德澤未泯瓜瓞遺蔓幸繼烝嘗時維



禁烟隨俗展墓匪云報本庶不敢忘伏惟尚饗  
祭祖禩墓祝文

墓祭非古也以應芳不肖不克歸里不能以時  
省掃常愧于心每念寒食展拜墓下豺獾之意  
庶幾萬一常與先澤垂裕後人有永弗替

墓祭母弟祝文

寒食墓祭雖狗俗禮為子孫者哀墓省掃亦庶  
幾豺獾報之意焉惟慈母賢弟魂魄有靈必蒙  
歆格

墓祭先兄祝文

父母遺體本有三兄仲兄避世不知所終伯兄  
季兄並寔于此時維寒食祭掃兼印手足之情  
庶乎不志

娶孫婦祭祖祝文

維洪武十八年歲次乙丑三月初四日乙丑孝  
曾孫應芳等以孫男墳于初五日丙寅吉辰娶  
本縣安豐南鄉呂氏為妻敢昭于告。官曰  
娶婦三月而廟見者古婚禮也近代之制以日



代月各有義焉應芳輒敢恭酌古今從宜從俗  
擬於翼日親迎婦初入門先當拜謁先世以見  
不敢忘本之意然後祇見舅姑及詣姻眷自茲  
以往庶得奉承宗祀蔓延嗣續尚賴遺澤垂裕  
弗替謹以清羞酌庶羞前期祇薦謹告

祭徐仲清文

嗚呼九流百家玉石混錯公隱于醫常之一鷄  
黃岐之書孰云不知公得其要探玄索微如古  
兵法時用出奇博議宏辨吐屑霏、斐英早年

鄉評衆推紫燕歷塊非胎可希遭時艱危挈家  
勾吳藥石之靈孚及豚魚長蛇當路報亦銜珠  
以之事親厚養為娛春風杏林名聲載途所不  
忘者首邱如孤大明開天四海一家父母之邦  
青檀故廬徵車聿至乃赴清都醫國之忠老莫  
能輸謁告而還子孫怡懌蜂房合戶哺雀羣鳥  
混迹市塵懸我藥壺衛生之仁施于州閭佳哉  
蕪境餘人所無衣冠敬共鬚眉皓如應芳忝交  
四世于此公有佳兒愛我中子同業於儒同出



而仕惟命不由一生一死公恤其孤與諸孫齒  
誘掖激昂誨言提耳老我墻東相望咫尺頻年  
喪明跬步千里時蒙問信或餽藥餌心親迹跡  
匪負知己今公榭棺事皆定矣我未能然望風  
長喟束芻授孫往奠靈几玉雪之姿羨墻宛尔  
載歌薤露商飈歎起願言快遊脫屣滓泥存順  
沒寧庶幾無愧

遷葬三兄祝文

元歷垂盡時盜之梟領珠斲臂剗無處無之嗟

我三兄荒郊廢塚雖有後人漫不省視與無人  
同薪者芻者為樵牧場而犁鉏日侵月削又者  
將為禾黍區矣應芳以同氣之迹是可忍乎今  
重製二函遷厝祖塋南東隅以祔大父母父母  
及諸父之側並封如前蔭以竹木歲時洒飯庶  
得享而脩食焉惟兄有靈安茲幽宅

諸親友祭曹子壽文

古之人有言兔死狐悲物傷其類况人為物靈  
居同里閭有瓜葛之親朋友之義者乎又况子



壽之為人善與人交而有春風和氣者乎居常  
往來杯酒為禮或有時而合歡雪襟懷之凝滯  
奈何輶釜之聲瓶罍之恥往：鮮克遂其意也  
歎歎慨音猶在耳一月之餘痿而弗起屬續  
未定而榼棺訃音裁至而發軔東方載明纒裡  
亟奄于橫山之趾凡我親朋惆悵而已其為骨  
肉至親者又何忍而至于若是耶溪毛洞酌亟  
奠靈几遂成永違顏而有泚

祭唐仲傑文

公之子吾子之門弟子也吾之孫公以小友呼  
之過愛而忘其齒也垣雖失怙如飲食數載慶  
弔吉凶且能惓：乎盡其禮也今公之沒胥靡  
也哉古人月明千里再歌此調魂兮歸只寓永  
傷于斃樽一酹乎落花流水

祭劉德祥親家文

人皆謂公有通濟之才設施之方且識見之長  
何終始之乖張吾嘗比公為江河之舟視舶而  
微非葦而抗能重載而遠適可周流于四方或



長河順流懸帆巨槳一日千里快若飛黃或大江  
水送石尤風狂釘石系纜隨波低昂或脫難於  
盤渦或經險于呂梁或候潮而逗遛或阻水而  
徬徨安知一夕怒濤春撞盲聽簸揚遂顛覆于  
蛟鯀之鄉嗚呼哀哉六十四年安危變遷以  
資稟之高明知有命之在天不尤不然處之泰  
然鄉之旦評前後可甄有可稱于後者何異乎  
青史之傳嗚呼哀哉如者昔在東閩隣比相依  
承公以鍾愛之女為吾孫阿塏之妻雖別多

而會少獲通家而往來每黃耳之有信知告老  
而有期假祖孫之同遊呼麴生以洗泥訃音忽  
至招魂來歸塏也哭婦翁于四千里之外奈此  
願之乖違兩兒扶持奠此一卮文以抒爪葛之  
情詩以寫薤露之悲公知不知我泗沾衣

生日祀先祝文

之生斯世也九十一年每念劬勞罔克有報  
也然視不明聽不聰而猶有可觀之物可聞之  
聲肢體雖頽猶能杖而行几而坐也方寸之天



龜身集卷之二十一  
不蔽于私義理昭著而能燭物是皆生我教我者之大恩也先世之恩雖不能報寔未忘乎心也况夫左右服勞飲食喪尊內外有人老幼幼頗知義方非祖考垂裕之力焉能得如是之樂也自今以往天年未盡喘息未絕皆感戴之日也家饋殺羞先用祭享亦庶乎豺獮之報本也歎

代席彥適祭徐子思文

旦必有暮死生奈何或玉闕之不入或薤露之

有歌或馬革裹于異域或魚腹葬于汨羅是皆卓犖之士去鄉井捐首邱而忘其考槃之阿也今公之沒類乎古人論公平昔良可悲辛其家居也克肖而翁持身以儉約勤苦待人以和氣春風其丘役也羈縻長安夢方尋于失鹿事乃畢于蓋棺嗚呼三子昇時乃公鯨樹哀服勤惟恐顛覆雖匍匐而莫救望鍾山而慟哭東床佳婿淚亦盈掬如既忝姻婭且居鄉曲憎乎叶力同心董征翰之萬斛觀丹旄之來歸極



感愴于心目蓉湖朱蘋薦此醜醜

武進縣學立先賢祠祭文

昔之人以鄭公之賢而名其鄉以荀淑之子而里名高陽蓋地因人勝使山川人物皆為之有光今夫三先生之產茲邑也道學之傳淵源二程發揮道妙有功遺經勅當國以滔天之罪而貝錦乃成諫至尊以正始之道而逆鱗敢櫻觀夫感應之泉醉客之語則忠義之至通乎神明若夫由大魁而演綸叅大政而憂國者位雖不

同二乎一誠輔崇寧之初政知秦蔡之非賢俄梁木之俱壞徒流芳于汗青量可以為天下之師表百世之儀型豈特為鄉里之榮哉一等叨蒙國恩社民之寄以先生祠諸學宮是亦祭于社之遺意詵諸生駿奔粢盛如將見之於墻於羨沾德薰于晉鄙何以異乎師承我將金鍾之識復靈劍之文聿興見

謝莊曾祖墓清明祝文

嘗聞先世開封渡江蕃盛東西謝莊地因人



姓三百年来陵谷變遷自高而上故隴茫然  
茲哀邱鬱如許即彼強侵為外禦侮非私非  
楸幽篁翳之弗樵弗牧周垣衛之寒食清明幸  
來省掃追遠者心妥此繁藻尚享

新河口祖墓祝文

邱墓之祭禮無不考然俗祀以清明祭掃其來  
尚矣苟于此以盡其誠亦庶乎豺獺報本之意  
幽明雖殊有感斯應所謂洋洋如在者將見諸  
羨墻見諸堂封斧封馬鬣封也。等雖不肖尚

期垂裕以衍餘澤繼述弗替尚享

先考忌日祝文

父母之恩人皆罔極惟我父之鍾愛于某也既  
生之又。能擇師而教之使日就琢磨龜勉樹立  
雖不克奮馳驅取青紫以華其身以顯其親以  
澤其後人然此身賴訓育之力不姦不邪不淪  
胥于俗陋之習於先世無甚忝辱子若孫則孺  
杜就正識之無農圃之間我則杖履所至晏  
然棲息無飢無憂是皆吾親之遺澤未泯也此



恩此德之死不忘惟茲忌辰祇陳河酌以鳴其  
感悰恭請顯妣石人氏安人同賜假享謹告

代丁學古祀先文

奉先思孝聖賢之訓甚明事死如生祖考之靈  
可格焚香代鬱鬯之灌秉燭為庭燎之光雖無  
鐘鼓鏗鏘惟是豆籩奔走志意追思于齋戒容  
儀如見之羹墻蘋蘩蒹藻之菜靈筵可薦參苓  
薑桂之物相籠親傳谷陵兩隻于當年城郭一  
塵于今日如繩祖武勉讀父書豚魚或昧于交

孚時加修省豺獺粗知于報本歲奉烝嘗伏願  
濯厥靈洋洋如在災不生禍不作正賴乎履  
屋幘幪居之安資之深何異乎門閭高大根深  
蒂地久天長

初進酒

生不封侯賜酒泉無人死作酒中仙一杯初進  
葡萄酒且喜家庭有象賢苾苾芬苾一豆羹子  
粟寸許若葵傾我宗我祖應歡喜自惜厨無輦  
釜聲



再進酒饌

銀燭生花再舉觴滿堂渾是鬱金香  
愁多莫問人間世年少多為地下郎  
不識駝峰翠釜烹羹名錦帶亦虛稱  
一杯骨董如芹獻五味調和意盡誠

三進酒饌

孤兒碌、混泥塵華胄遙、出措紳百拜  
勉循三獻禮一年祇薦四時新廟堂調鼎用  
盞梅四海蒼生笑口開我手幸無窮鬼  
振折旋三獻奉

羹盃

進饅頭

籠餅炊來玉屑香貽年喜得歲豐穰  
賢如脫粟晏平仲應笑縮葱侯侍郎

送靈致語

切以欲表孝忱勉循俗禮焚楮錢以代幣  
意在殷勤酌桂酒以送靈魂歸寥廓下情不勝感會  
之至

代祭曹子毅大使文



萬物之靈莫靈于人然人所以異于物者秉彛  
方寸之天不私而公不偽而真也惟靈身無毀  
傷不辱其親口無萋菲亦近乎仁不汲于肥  
家不戚于謀身西園鬻爵乘時取名東陵種  
瓜避時辭榮是皆過不吝改而復其天真至若  
愛女而嫁不贅婿而效秦視其弟之子猶子意  
終老以歡欣非明理而能之乎彼昧書理而不  
能然者寧不泚頰于泉下貽誚于鄉鄰一等親  
舊交接敬恭相承悵幽冥之永別感涕泗而歎

歎輓車發剗奠此束芻

子祭父文

代韓牛陳明  
遠兄弟作

哀、父母生我劬勞欲報之德昊天罔極此尼  
山聖人刪詩三百存此言為萬世之訓也凡為  
人子者親之心其忘耶况。之痛親尤可  
有甚于常人者元曆之末兵戈數年委棄桑梓  
流離異鄉其生也不能盡菽水之歡其沒也不  
能永宅兆之安陵谷之變邱壟之失仰愧俛作  
無可奈何又茲又隔一宇宙矣今也倣昔人衣



冠之塋、以木主巫陽些歌魂兮來歸于以寓  
安厝之禮于以表追遠之心非敢謂報親之萬  
一也嗚呼哀哉嗚呼痛哉

代祭姊文何子潤文

猗歎吾姊得配君子梁鴻孟光隱德可比睠我  
弟昆骨肉無異賓朋之交或臧或否坦率忤物  
豈無微類嗚呼蒼天禍福倚伏乃著戎衣徃役  
安陸折柳郡城別淚盈掬十年夢寐每念裹曲  
黃耳書歸殷勤齒數路越四千親愛益篤尚聞

矍鑠慰我髦、安知訃音遽去瞑目生還玉闕  
無復可卜嗚呼蒼天何怨何尤嗟、我孀舉案  
無由兩地共哭痛心如抽爰命巫陽招魂道周  
香雪一觥薦此巔羞魂兮魂兮來歸首邱

代祭金親家文

遭風覆舟而溺

金以運糧遼東巨船五十餘隻官吏役夫千餘回途

嗚呼平地風波陸沉者多航海而沒奈貝母可  
魚腹葬兮渺茫散精靈兮八荒巫陽啣哀兮籲  
穹蒼白雲悠兮歸故鄉大矣哉尾閭無底渤海



無邊非精衛之石可填豈彭城之居可遷魂兮  
來歸閭井依然雙親具保其妻子一弟服勤而  
力田道遙徜徉何異乎生前。等葭莩之親鄉  
曲之情援溺之手因措將迎之意宜傾言采溪  
毛薦此一觥

代呂輔之祭湯母文

惟靈春秋八十有七年林下高風鄉稱姆儀耳  
聰目明老而弗衰盡三從之道全四德之歸其  
早歲之事非詳所知請以晚年所見而知者頌

之男婚女嫁各得其時愛其男及其婦則能盡  
其慈親其女及其婿則無偏無私凡諸卑幼愛  
亦如之視姻眷如骨肉待隣里無陵夷故其病  
也人皆扶持其歿也人皆涕洟而今而後侍奉  
無期區、酌東洲之水擷橫山之薇于以見親  
親之情于以表恋之悲靈其不昧鑒此哀詞

祭重外甥女周氏文

維洪武二十四年十一月日龜巢老人謝舅翁  
携子及孫以清酌庶羞祭汝重外甥周氏娘子



告之曰人不幸遇世變而俘于兵如風雨落花  
藩溷泥塗鮮或不污汝乃釋係累以配二千石  
之子宜其家而悅于舅姑此不幸中之幸非人  
之所能圖也至如一念之孝念母孀居廿餘年  
抱歸寧之願百餘舍涉艱關之途德哉良人能  
俱之與服齊衰以終其喪脫簪珥以恤其家  
我東翁母嘗託孤亦欲報之以瑯琊凡如此類  
竹帛可書然則昔之不幸者抑亦有感于天而  
天賜之扶輿也今也一疾斯須朝露溘然鬣封

象服慈親田墓第良人之悲有未葬之親未葬  
之女汝何忍乎舍旃我意汝視斯世斯身履冰  
臨淵玉石俱焚萬、千、保遺體之全歸餘無  
憾于九泉寥、旌善亭令名誰為傳嗚呼蒼天

代曹原度祭黃仲器文

公長原內。為忘年交年雖不同身同澤臞常  
杜素麻叔牙夷吾舊雨有時而契濶今雨有時  
招呼往、來、曾不計其誰數而誰跡也夫以  
公之晚歲言之一子出贅鼓盆自娛或蒼頭而



詩卷或長鬢而酒壺或載月剡溪之舟或踏雪  
霸橋之驢尋梅看竹清逸如故人謂公為荷蓀  
荷蕢之徒嗚呼公之闔棺之日。客東吳不赴  
喪于匍匐不送葬于泥塗每一思之涕泗沾裾  
酌彼潢潦薦此束芻

謝莊墓祭祝文

開封舊家軒冕烈塘隨龍渡江奄宅茲土豈無  
佳城海水尋田敬惟高堂祖封歸燕清明祭掃  
豺獮遺意尚期垂裕有永弗替

烈塘墓祭祝文

人本乎祖猶物之天化育之思疇能盡然維曾  
大父瓜瓞蔓延幽殯 宮宅此平原左三從祖  
吾祖右偏兩伯遷祔塋壁仍連五封十靈餘皆  
茫然天荒地老陵谷變遷尚賴遺澤箕裘勉旃  
清明省掃薦此蘋蘩霜露之變永矢弗諼

橫山墓祭祝文

哀哉慈親寂寞九泉我弟與侄亦遽溘然言之  
痛心有不能忘夫親在則晨昏定省親歿則春



秋祭祀寒食之塚陳此饌蓋雖不足報其劬勞  
庶循乎世俗之禮為吾親吾及弟及其子念之

代孫垣祭邵姨夫文

嗚呼先人在時吾姨丈以肺腑之親往來之頻  
不遠三舍有如此隣至不幸歿于鄭校歸葬橫  
山而姨丈弔之祭之無異乎平昔禮意之殷勤  
也數年之間姨丈不祿吾兄則桂折秋風時垣  
又失脚危途路迷而車覆母孀居子戎服母東  
吳子西蜀迴視六親皆茫然置之而弗告今也

幸服役而過家哀詞一幅酸淚一掬吐母子之  
真情于此來之一慟哭也樽無醇醪豆無旨蓄  
聲容藹然鑒此衷曲

新河口祖坟上祭奠祝文

維洪武十六年歲次癸丑二月初九日孝孫  
敢昭告于祖考妣伯父母父母祖父母父母妣  
父母九位尊靈曰墓祭本非禮欲子孫于丙冢  
之春不忘厥祖從俗祭掃以寓孝思尚冀遺澤  
使人繼繩有永弗替謹以清酌庶羞祇後



薦歲事謹告

謝莊曾祖坟上築墻祭奠祝文

維年月日孝曾孫。以目昏不能遠來躬拜墓下謹遣玄孫。等代行敬昭告于曾祖考妣二位之靈曰人本乎祖恩極如天祖世雖遠天不可忘眷此故土殯宮猶存繚以周垣以禦樵牧清明省掃歲修祀事尚期垂裕悠遠無斁謹告

寒食祭妻墓祝文

余生與細君偕老君年七十有九吾齒長于君

者兩年以予之潦倒而君稍強健也孰謂君先棄予而逝也君骨肉之窆于此倏焉兩旬視時艱虞恨不能相從泉下以安其居惟茲寒食携子孫狗俗祭掃以寓哀思尚饗

寒食祭子墓祝文

墓藏而骨豈祭所乎然而之遺言有曰歸祔先塋子孫姻戚歲時洒麥飯于松楸之下志願足矣今茲寒食扶我携幼設祭墻間以踐而之言如而之祭志抑亦表長幼骨肉之情吾子有靈



尚飲食之

代祭胡隱君文

惟靈世居東吳笠澤之濱厥處卑濕于茲卜鄰  
同井為鄉垂五十春維素與梓寢為婚姻待人  
以恭儉以律身二子克肖稱獲維勤貽厥諸孫  
佔畢其呻老福婆婆筇杖幅巾如一等同一里  
閉往來洗一以翁年高而尊而親翁雖不飲席  
必同茵筵語相狎翁弗我嗔春風童顏喜色津  
津意其壽考錢鑑之倫何物二豎瘕我吉人我

來問安翁語諄：別不旋踵哭聲遽聞追念疇  
昔涕泗沾巾當此窀穸求芻具陳出門一慟悲  
風愁雲

張彥寔哀詞

歲丁亥之仲冬丹陽張君彥寔遘厲瘡疾不五  
而逝其友人謝應芳為哭之慟且嘆曰噫君自  
少倜儻多知謀尚氣節能仗大義平居論時事  
言若湧泉故搢紳多器之其憂人之憂樂人之  
樂亦庶幾杜季良之流歟第峭直不容人過遇



強梗欲鉏去之用是或歛怨焉后至元間邑大  
姓與令有隙且與君不相能因媒藥其短詣部  
使者想之謂君嘗為人納賄部使者初不能察  
稍加淫刑欲強服焉令恐噤不復辨君受挫辱  
屢數日終不忍加誣于令若是者非仗義能之  
乎至正初里有橫逆君疾之一日乃自殘其幼  
構大獄以陷君之季子聞者股栗君處之裕然  
詣郡邑雪理卒能脫其子之械以械之他如姻  
舊及凡與之遊者顛則扶之危則持之若是者

又不可一二數但惜乎負奇崛之氣時不見用  
終於此而已嗚呼吾彥寔之死可不為之哀乎  
然而象賢有人君又能擇其最肖似者為仲氏  
之後使先世之業並立弗墜然則彥寔之死猶  
無死也奚哀為雖然哀者人情也禮曰哭死而  
哀非為生者也子與君素相知而氣質且相類  
狐兔之悲疇克自己故為之辭以寫其哀云  
天胡為兮生梗楠構大厦兮無不堪匠石不過  
兮老雲岩天胡為兮生龍媒鹽車困兮骸骨埋



名駒汗血兮陵風埃折瑤華兮山之阿望美人  
兮不我過我心傷悲兮淚滂沱

壽上人哀詞

浮屠壽道傳蘇人也年三十櫻暴疾不終日而  
逝其親戚師友以及鄉里之人咸哀之子之哀  
則又有已私焉我聞道傳為兒童時既棄家學  
浮屠越數歲慕徑山古鼎師化風往事之為入  
室弟子未幾師命典教藏聲譽蔚然已而振錫  
遊諸方益禪門老宿聞見日益操履日益堅廣

被緇衣茹蒿芹泊如也一日念親老無他侍養  
飄然來歸朝夕奉滸瀨以答願復之思又築室  
西林閉門讀天竺書且旁通百家會其歸趣閱  
五六年成不少暇庸詎知遽至于斯耶吁夫  
以道傳之聰敏勤苦早歲入徑山之室典教藏  
已卓犖不羣使歷階而升足為叢林師表道傳  
乃退然自守而卒無聞也養親而不得終其志  
力學而未能發文辭以黼黻斯道此眾人所予  
共惜而哀者也予于道傳初無葭莩之親鄉里



之嫗喪亂之際傾蓋如舊館焉以安其居穀焉以盡其禮愛之敬之二載猶一日視親戚鄉里殆有過焉以今思之可不重為之哀乎或謂彼佛以寂滅為樂而道傳深究厥旨必樂于逝焉奚哀為予曰不然吾今哀道傳者情也其樂與否非所論也夫情動于中而辭出焉辭而哀之亦以示不忘云

大鈞賦物兮物胡不齊  
深谷蘭摧兮猶生道周  
良農服田兮祈穀有秋  
禾方秀寔兮賊以螟蟬

嗚呼哀哉伊人好脩天其渺茫兮我將誰尤

哀鶴辭

至正八年秋盜夜入我友諸葛用中之家殺其鶴于後圃已而盜被執詰之盜吐其寔當其穴墻之時鶴長鳴警之既穴而入鶴奮翮而前若將力禦焉故遇害用中于是惋惜流涕累之席坎而埋之縣文學汪君以敬為作瘞鶴銘進士王君伯恂又為之誄然則鶴之死可無憾矣然予于是重有感焉夫物性能警盜者狗也非鶴



也警盜而鳴亦已異矣禦盜而死不亦義乎人  
為物靈求其舍生取義者尤不易得况禽鳥乎  
嘗之鶴其可謂義鶴也已矣故哀之以辭其辭  
曰鶴兮鶴兮瘞彼高岡不鳥其形心人之良鶴  
之斃兮殉于義兮骨朽名存猶無死兮

龜巢藻卷之二十終

